



BIBLIOTECA NAZ.  
Vittorio Emanuele III

XXVI

B


62


NAPOLI

2  
7. 14

XXVI  
B  
62







SAM. PUFENDORFII

DISSERTATIONES  
ACADEMICÆ  
SELECTIONES,

Quibus accessit

CAROLI SCHARSCHMIDI


J. U. L.

DISQVISITIO DE  
REPUBLICA  
MONSTROSA

*Ejusque*

DEFENSIO

Contra Monzambano & Pufendorffium.



*editio nova auctior.*



FRANCOFURTI & LIPSIAE

Apud Christianum Weidmannum,

Anno 1678.



VIRO ILLUSTR  
DOMINO

ESAIÆ à PUFEN-  
DORF,

EQUITI AURATO, S. REG.  
MAJEST. SVECIAE CANCELLA-  
RIO IN DUCATIBUS BREMENSI  
ET VERDENSI.

SAMUEL PUFENDORF

S. P. D.



I ejus, quod offertur, preti-  
um solus offerentis animus,  
& quæ ad offerendum mo-  
vent, rationes absolverent,  
sperare possem, FRATRUM  
PTIME, dissertationes hæc, quas Tuo  
omini jam inscribo, non plane indi-  
um fore donum exprimendæ meæ  
Te pietati. Verû cum ipsæ argumen-  
quidem non penitus spernendæ, tra-  
ctione tamen tenues existant, deliba-  
super novitatis gratia, & plerisq; in  
nostra scripta translatis: facies pro  
a Tua in me benignitate, si earum  
taxationem soli amor permiseris.  
rum quin isthoc vel muneris vel

publicæ contestationis ex sincero animo proficiscatur, subigentib9 præterea gravissimis rationibus, dubitare nefas. Sane enim licet suavissimæ juxta & fidissimæ animorum conjunctioni significandæ nullum fraterno efficacius vocabulum judicetur; inest tamen reliquis, quæ Tibi me devinciunt, non minus, quam fraternæ necessitudini, ponderis. Tuæ enim cū primis sollicitudini debeo, quod florentib9 annis non defuit occasio exquisitiorem ingenii cultum capef-  
fedi; ex quo, quicquid dein fortunæ obtigit, pro manavit. Tuo quoq; præcipue hortatu in publicū prodire, & sæculi favorem non desperare ausus sum, quem alias nimia frontis teneritas perpetua obscuritate sepultura fuerat. Quin & quod in hoc potissimum studiorum genere operam ponerẽ, cujus usus se circa vitam civilem & gentium publica inter se com̃ercia propius expromit, Tua me autoritas, tuumq; exemplum maxime incitavit. Scilicet ut saltẽ umbratica speculatione volverem, quæ Tu in ipso rerum actu quotidie perspicis & exerces, postquam diversis nos vitæ generibus  
fata

fata admoverunt. Te quippe eadem in  
reipublicæ lucem protraxerūt, dum per  
præcipuas Europæ aulas Augustissimi  
Nostri Regis negotia expedienda dignū  
ingenio animoq; Tuo campum præbu-  
runt. In quo ita versat⁹ es, ut neq; isto-  
rum intricatæ ambages animum con-  
underēt, neq; difficultas fatigaret, neq;  
soles opprimeret. Neq; vero qua fide ac  
exteritate injunctam functionē susti-  
neris, luculentius declarari poterat,  
am judicio tanti Regis, abs quo & di-  
titas Tua insigniter aucta, & majora  
inde cōmittuntur, certissimo argu-  
to rei antea bene gestæ. Me autem,  
ut cunq; temporis non plane segni-  
xacti ratio constaret, circa eam præ-  
e partem sapientiæ juvit satagere,  
circa regendas hominis actiones,  
on vitæ humanæ civilisq; compa-  
ndolem investigandā occupatur.  
pe quæ & genio meo valde arride-  
præsentissimæ est utilitatis, & po-  
n adhuc nonnullā capiebat; post-  
que eis ingenia sua magistrorū au-  
i mancipare soleñe est, intra jeju-  
cabulorum ac quæstionum tra-  
cta.

Etationem fere obhæserunt; aliis nativa  
ejusdem dogmata suppressere, & diver-  
sa officia ab illis, quæ recta ratio sugge-  
rit, comminisci artificium & ratio status  
fuit; cæteri qui rectam institere viam,  
nondum omnem sequentiũ industriæ  
materiam præriperunt. An aliquod o-  
peræ pretium ego fecerim, penes intel-  
ligentes judicium esto Sane vel sola re-  
ctissimæ voluntatis conscientia nondũ  
permisit, ut exhausti laboris me pœni-  
teret, licet nonnulla malevolorum den-  
tem fatigare cœperint. Qui quo cando-  
re, aut eruditionis adparatu rē aggressi  
sint, non obscuro puto à me ostensum  
fuit; sic ut non temere alium mihi bel-  
lum deinceps super hisce rebus moturũ  
sperem, cui quidem ulla frontis atq; exi-  
stimationis cura habetur. Etsi revera e-  
jusmodi litigiis distineri molestum val-  
de sit. Nam præterquam quod ista non  
parum torporis ad plura molienda inji-  
ciunt, neq; ad tam inficetas criminatio-  
nes plane tacere licet; & vel vicisse inglo-  
rium est eos, qui tam fœdis armis pugna-  
cient. Præsertim cum per adversariorũ  
importunitatem vix adeo accurate ca-  
lamo



lamo imperare queamus, ut non quandoq; à modestiæ linea discedatur; & cū clamaſo homine rixantivox etiam præter intentionē attollitur. Verum hiſce miſſis ea in præſens cura me nunc maxime ſolicitat, ut munuſculum hoc Tibi, FRATRUM OPTIME, poſſim adprobare, quod cerno meritis tuis exprimendis longe inferiuſeſſe; & ſplendidior utiq; fruſtuum pars Tibi ſeponenda erat ex arbore, quæ tantam ſui incrementi partem Tibi debet. Sed quia, quantum otii futurum tempus præbiturum ſit, in obſcuro eſt, malui qualicunq; hac pietatis in Te meæ teſtificatione nunc deſungi, quam alias occaſiones, varietati caſuū humanorum obnoxias, expectare. Et uti Tuus in me amor nihil unquam præter meipſum reſpexit: ita ut & hic nihil aliud quam animum meum æſtumes rogo. Ita DEUS O. M. Te animæ dimidium meæ ad ſeros uſque annos incolumem florentemq; ſervet, & rem publice ac privatim bene gerere largiatur!

NO-

NOMINA EORUM,  
qui Respondentium partes in publica  
ventilatione harum Dissertationum  
sustinuerunt.

*De Obligatione adversus Patriam*

ANDREAS ULCKEN, Hamburgensis.

*De Rebus gestis Philippi*

GUILIELMUS JULIUS COYET, Nobilis  
Svecus.

*De Existimatione*

ERICUS TEET, Nobilis Suecus.

*De Systematibus Civitatum*

DANIEL CHRISTIERNIN, Suecus.

*De Interregnis*

GUSTAVUS HORN, L. BARO in Marien-  
burg.

*De Republica irregulari*

HERMANNUS SIBRAND, Rostochiensis.

*De Forma Reipublica Romana*

NICOLAUS BANNER, L. BARO in Gamle-  
Carleby.

*De Legibus Sumptuariis*

DANIEL LOSSIUS, Stadenfis.

*De Concordia Vera Politica cum Religione Chri-  
stiana*

CASPAR HAMMERUS, Scanus.

*De Statu Hominum Naturali*

HERMANNUS FLEMING, L. BARO in  
Liebelitz.

IN

IN NOMINE DEI TRIUNIUS.

DISSERTATIO

DE

Obligatione erga patriam.

§. I.

**P**Lerosque mortalium  
exquisitâ patrii soli dulcedine  
tangi, quæ etiam longo terrarum  
intervallo divisos sui immemores  
esse non sinat; nec minus princi-  
pem ferè locum eidem assignari

, quæ tenerâ admodum caritate prosequi  
tralatitium est. Idque non ab extrinsec-  
e provenire, hoc est indicio, quòd  
ius cum affectum sentiant positi sub curru  
propinquis Solis, aut pigris ubi nulla  
arboribus æstiva recreatur umbra; quàm  
operatæ regiones incoluntur. Quid me-  
a, Scythico quid frigore pejus? Huc tamen  
barbarus urbe fugit. Ovid. de Pont. l. i. el.  
Iobanus serm. 38.

Quin & firmissimo  
A obliga-

obligationis vinculo suam sibi sobolem adstrictam tenere patria creditur, ut suo jure maximam sibi ejusdem partem vindicare possit. Vix speciosius quid habetur exhaustis pro patria magnis laboribus atque periculis. Pro ista servanda vitam perdere lucrosum censetur, immortali gloria caduci jacturam spiritus pensante. *Fortunam* exclamat *mortem* *Cicero Phil. XIV. quæ natura debita pro patria est potissimum reddita. In pugnam descendibus*, inquit *Lucianus Encom. Patria, nulla exhortatio est vehementior, quàm quod pro patria bellum gerant. Quæ audito nemo ignavus esse amplius sustinet.* Imò cum omnia patriæ impenderimus, nondum tamen paria cum ipsius meritis nos fecisse multis persuasum est. Neque tamen ex adverso defunt, quibus amor patriæ vocatur error utilis, & fraus necessaria, sine quo vix imperium aliquod conservari posset. Sic apud *Dionys. Halicarn. l. VIII. Cn. Marcius: Patriam, dum prodest, pietate prosequimur; si noceat, deserimus, non propter locum eam amantes, sed propter commodum.* Addunt, sapientem, qui se considerat tanquam civem mundi, & nemini obnoxium, pluris debere æstimare suam libertatem, quàm ut eam velit alligare certæ telluris particulæ, velut aliquis glebæ adscriptus: & longè pretiosorem esse sapientiam, quàm ut qui eam possidet, pro grege stultorum periculo sese debeat exponere, sub hoc prætextu, quasi pro patria pugnet. Quæ erat sententia *Aristippi ap. Diogenem Laërtium l. 3. & Theodori apud Hesychium in Illustrum, p. m. 39.*

c. M. Bruto super interficiendo Cæsare deliberanti  
 atilius factum dissuadens dixit: *sapientem & cor-*  
*rum non decere malorum & insipientium causa*  
*riculum & terrorem subire, apud Plutarchum*  
*libro 10.* Hæc igitur res etiam nos movit, ut quædam  
 ita tantopere jactatam *Obligationem adversus*  
*patriam* meditari aggredieremur. Videbimus ex  
 his sicuti fontibus illa promanet; in quas ho-  
 mines res vim suam exferat; quem locum inter ca-  
 pita obligationes, quævis homo stringitur, obti-  
 neat; & quatenus aliquando abrumpi aut extin-  
 guatur. Ad hæc enim capita non incommo-  
 dentur revocari posse, quæ circa hanc rem sub  
 iunctionem vocari merentur.

2. Quamquam illis, in quæ singulari af-  
 propendimus, & quæ jucunditate aliquam  
 nobis commendant, libenter velimus obliga-  
 tionem tamen adfectum in se obligationem haut  
 producere constat. Unde quantumvis  
 cara, quantumvis cara sit patria; non tamen  
 unica aut præcipua causa, cur illi dicamur  
 patri. Nihilominus de causis istius jucundita-  
 tis attingere non abs re erit. Quas inter  
 primam habere vim videtur ipsa corporum  
 naturæ dispositio, quam plerumque ad  
 soli indolem natura format. Ipsam re-  
 torum teneritatem circumfusus aer, victus-  
 so efficacius afficiunt, & ad consuetudinem in sui  
 familiaritatem fingunt, ut sæpe corpora no-  
 strum sentiamus, quando ad alienum cælum,  
 cum victum vocamur. *Naturam, cum pri-*

mū incrementa caloris & frigoris regionibus dis-  
 stinxit, statim ad locorum patientiam animalia  
 q̄oq̄ generasse: sed & arborum atq̄ frugum pro  
 regionum conditione apte genera variata: Et  
 q̄antò Scythis sit cælum asperius q̄am Ægyptiis,  
 tantò & corpora & ingenia esse duriora; respon-  
 dent illi his de vetustate generis contendentibus,  
 apud Justin. l. 2. c. 1. De Indis Curtius l. 8. c. 9. In-  
 genia hominum sicut ubiq̄e, apud illos locorum  
 q̄oq̄e situs format. Idem l. VII. c. 3. de Parapa-  
 misadis: locorum asperitas hominum q̄oq̄e in-  
 genia duraverat. Ammianus Marcell. l. 23.  
 postquam gentes imperio Persarum subiectas de-  
 scripserat, subjungit: Per has nationes dissōnas  
 & multiplices hominum q̄oq̄e diversitates sunt,  
 ut locorum. Quæ omnia tamen cum grano salis  
 sunt accipienda. Sic Tacitus Agric. c. 11. varios es-  
 se corporum habitus incolis Britannix dicit seu  
 durante originis &: seu procurrentibus in diversa  
 terris positio cæli corporibus habitum dedit.  
 Eodem spectat illud de Mor. Germ: Quis Asia aut  
 Africa aut Italia relictâ Germaniam peteret? in-  
 formem terris, asperam cælo, tristem cultu adspe-  
 ctuq̄, nisi si patria sit. Germanorum corpora cæ-  
 li sui rigori adsceta Italici astus impatientia la-  
 besecit. Idem Hist. II. c. 93. Idem de Cimbris tra-  
 dit Florus l. 3. c. 3. Add. Agatharchides de mari ru-  
 bro c. 32. Quid mirum igitur, homines libenter &  
 jucundè in illis degere locis, quorum genio ipso-  
 rum corpora naturâ & per assuetudinem attempe-  
 rantur?

§. 3. Sed

§. 3. Sed & illud ad rem facere potest, quod  
 centi adhuc, ac nulla rerum multitudine oc-  
 upato animo jucunda quædam locorum familia-  
 rum imago sese insinuat, quæ non minori cum  
 alcedine, atque simplices illi anni inter ludicra  
 tacti, subiinde recurat. Nec vulgus solum, sed &  
 agnos viros quandoque hic affectus tenet; imo  
*Lucianus d. l.* ipsis Diis eundem tribuit. Revera  
 men ista patrii soli jucunditas, si id demas, quod  
 ibitus corporis ad diu insessi genium loci sæpe  
 temperetur, est ex adfvetudine, non à natura; ut  
 secus videatur judicare *Curtius l. V. c. 5.* ubi  
 emorat, mutilatos illos Græcos in patriam no-  
 isse reverti, eò quod plerosque vinceret consuetu-  
 naturâ potentior. *Vespasianum Sætonius c. 2.*  
 rat educatum sub paterna aſia in prædiis Co-  
 nis. Quare Princeps quoque locum incunabulo-  
 rum assidue frequentavit; manente villa, quæ ali-  
 erat olim: ne quid scilicet oculorum consuetu-  
 ni deperiret. Idem, quando de loco, ubi Ca-  
 gula natus sit, disputat c. 8. pro Antio demum  
 ncludit, usus præter publicorum fidem actorum  
 tam hoc argumento, quod *Antium omnibus sem-  
 r locis atque secessibus prælatum, non aliter  
 am natale solum dilexerit.* Ubi tamen viden-  
 , quæ contrà adfert *Lipsius*. Nec obscure eun-  
 m affectum prodit *Cicero l. 2. de legib. Seneca*  
*ist. LXVI.* Nemo patriam, quæia magna est, a-  
 at, sed quæ sua. Imò & multis in parte felici-  
 tishabitu, post mortem patrio potissimum  
 lo corpus mandare. Ita enim *Lucianus l. d. U-*

πῶς ὅτις ἄνθρωπος, senum optat in patria mori, ut ubi vitam est auspiciatus, ibidem & corpus deponat apud altricem terram, & majorum monumentum inferatur. Graue enim videtur inter peregrinandum à fato velut occupari, & post mortem in aliena terra jacere.

§. 4. Fatendum tamen est, multa pro dulcedine natalis soli adduci solere, quæ fortasse commodius ad alias causas referri poterant. Sic cui non dictus Ulysses immortalitati & matrimonio Calypsus prætulisse καὶ καπνὸν ἀποθρώσκοντα νοῆσαι ἥς γαίης; Quod Lucianus d. l. ita exprimit: ὁ τὸ πατρίδ' & καπνὸς λαμπρότερος τὸ παρ' ἄλλοις πυρός. Vid. Oppianus *halicunticon* l. i. v. 274. Idem quoque sic exclamat Odyss. i. ὥς ἔθεν γλύκιον ἥς πατρίδ', ἔδ' ἐποκλήων γίνεται. Enimvero nihil mirum erat, Ulyssē Ithacæ malle imperare & circumfisis insulis, Dulichio, Samæ & Zacyntho, ac frui Penelope sua, filioque & patre, atque opibus suis, quàm in Ogygia obscurissima insularum (vid. Procopius *histor. Goth.* l. IV. p. m. 476.) cum Calypso perpetuo vivere ἐν σπέοσι γλαφυροῖσιν. Sic apud Livium l. V. c. 54. Camillus ad Quirites Vejos migrare deserta Roma conantes: Adco nihil tenes solum patria? nec hac terra, quam matrem adpellamus? Sed in superficie tignisq̃e caritas nobis patria pendet? Eqs̃idem fatebor vobis, q̃cum abessē, q̃votiescunq̃e patria in mentem veniret, hac omnia oc-



*urrebant, colles, campiq; & Tiberis, & ad sœta  
 culis regio, & hoc cœlum, s. b. q; conatus educat. q;  
 sem; q; & vos, Q;vrites, nunc moveant potius ca-  
 tate sua, ut maneat in sede vœstra, q;am postea,  
 um reliqueritis ea, macerent desiderio. Sed præ-  
 erquam quod ista adposite ad vulgi captum dice-  
 entur, etiam citra hoc stultè fecissent Romani sede  
 ia Vejos translata. Nam & situ longè commodi-  
 re gaudet Roma Tiberi adsitæ, nec ita longè à ma-  
 reinota, quam Veji ab utroq; distincti: nec ea  
 loria Gallis erat concedenda, ut abs se interi-  
 um Romæ allatum jactare possent. In exilio au-  
 em non tam molestum est adpectu soli patrii ca-  
 ere, quam id pati ob delictum, aut per injuriam, &  
 videm ut eo frui vetitum sit. Quantopere enim  
 er interdictum desideria inflammentur notifi-  
 um est. Nec id leve est, dignitate ac bonis exui,  
 à necessitudinibus abstrahi. In Ostracismo au-  
 em vel hoc inprimis molestum erat, invitum cogi  
 atriæ commodis carere; & suspectum esse civibus  
 is, ut nisi ipso remoto, libertatem suam parum in-  
 ato positam ducerent. Circa Abrahamum equi-  
 em *Ambros. l. 1. de Offic. c. 24.* laudat, quod man-  
 ato divino amorem patrii soli vicerit. Sed hæc mi-  
 ima pars erat eorum, quibus in ea migratione ipso-  
 s adfectus perstringebatur. Gravius enim utiq;e  
 at, deserere propinquos, *uxorem imbecillam ad  
 bores, teneram ad injurias, decoram ad incenti-  
 a insolentium, deducere ad ignotos, de quibus non  
 onstabat, amicè ipsum essent accepturi, an in præ-  
 z occasionem versuri hospitis opulenti adventum.**

Denique inopiam potius hostium quærunť duces, quam deformationem natalis soli, quando *faciendo in urbes, gentes contumaces &ilesq;e morti domare* instituunt; etsi *desiderio patrii soli* id efficacix adscriptum eat *Florus l. 2. c. 6.* ubi in Sardos eo bel-landi genere Gracchus usus dicitur.

§. 5. Istum tamen adfectum natalis soli, undecunque ortum apud plurimos extingvit aut enervat ratio, ac spes utilitatis, quæ accedente post ad-ſuetudine non minorem dulcedinem conciliat illi loco, in quem fortunarum sedem tranſtulimus. Quis nescit, quod diuturna habitatio peregrinorum quoque corpora ad alieni aëris & victus patientiam sensim formet? Ex quo paulatim soboles animi quoque novum quasi habitum induit, atque ab avitæ nationis genio desciscit. Quam in rem adduci potest exemplum Gallogræcorum, de quibus est apud *Flor. l. 2. c. 11. & Liv. l. 38. c. 17.* Nam nimis oratorem agit Mithridates apud *Justin. l. 38. c. 4.* Quam innumeros lucri amor patriis sedibus extractos ad Garamantas usque & Indos mittit? De Lusitanis Insulæ S. Thomæ incolis ita *Barlaus de reb. gest. Mauriti*: *Eorum speciem & cultusq; æstus & ehe-mentia mire immutaverat, & perhibebant ipsi, & ita omnibus sibi brevis ævi esse, nec ultra semise-culum procedere, nec minus lucri cupidinem & ita potiore duci. Hinc ipsum Morbonia regnum ama-ri. Multos quoque, ut patrium solum relinquerent, fertilis ora & in majus laudata fama corru-pit. Senec. cons. ad Helv. c. 6.* Sic Gallicam gen-tem traditur famâ, dulcedine frugum, maxime-  
que

ni tunc nos a Voluptate captam Alpes trans-  
 grosque ab Etruscis ante cultos possedisse; &  
 esse in Galliam Sinum illiciendæ gentis causa  
 tem Clusinum, est ap. *Li&. l. V. c. 33.* Etsi an ea  
 ut præcipua causa fuerit, dubitare possis, si  
 as, quæ ap. *Li&. d. l.* sequuntur, & quæ ha-  
 stin. *l. 20. c. 5.* Nonnullis denique inter ex-  
 plendidas aut copiosas sedes fata pararunt,  
 natalis soli dulcedinem digerere in proclivi  
 nem fortuna dedit, Roma fit ille locus. *Ovid.*  
*Pont. el. 6.* In tales nequaquam quadrat illud  
 u. *l. d.* Qui felicissime in alia ciuitate agunt,  
 ceteris res ipsis ex voto cedat, hoc tamen sibi  
 cipue deesse arbitrantur, quod non in patria  
 at, sed peregre agant. Non enim amplius  
 uos, qui sedem fortunarum apud externos  
 t. Adde hisce *Senecam consol. ad Helviam,*  
*l. 8.*

6. Propius ad scopum nostrum facit, ut in-  
 us, an patriæ aliquid debeamus, quatenus  
 natale solum notat. An ergo fortasse inde  
 os aliqua oritur obligatio, quod nascentibus  
 ocum præbuit? Equidem Terræ in univer-  
 olitum inde petit encomium *Plinius l. 2. c.*  
 inquit, eximia propter merita cognomen  
 us materna Generationis. Sic hominum il-  
 ælum Dei, quæ nos nascentes excipit, natos  
 nelq; editos sustinet semper, nosissime com-  
 remio jam à reliqua natura abdicatos,  
 xime, ut mater operiens. Unde & ingrati

animi crimen adversus eandem à mortalibus contrahi ibidem, sed non sine amœna figura ostendit. Sic apud *Plutarchum Apoth. Lacon.* Pausanias Delius de insulæ suæ jure adversus Athenienses disputantibus, ac dicentibus; Lege apud ipsos receptum esse, ut neque pariant in insula mulieres, neque mortui sepeliantur: Et quomodo, inquit, Delus patria vestra sit, in qua neque natus est quisquam vestrum, neque erit post mortem? Apud *Sæton. August. c. 5.* legitur, cum *C. Lectorius* in deprecanda graviori pœna præter alia hoc quoq; *P. C.* allegaret, se esse possessorem, ac velut aditum soli, quod primum *D. Augustus* nascens attigisset, peteretq; donari quasi proprio suo ac petuliari Deo: decretum est, ut ea pars domus consecraretur. Sic Domitianus domum, in qua natus erat, in templum Flaviæ gentis convertit. *Id. Domit. c. 1.* Enimvero hoc aut aliis modis solum illud, quod nascentes excepit, signare ad servandam ejus rei memoriam, & oblectandæ quorundam curiositati, non absurdum fuerit. Alius pium fuit visum, ea ratione Numen pro data vita venerari. Et sane heic soli Deo grates debentur, qui eam naturæ partem in usus nostros concessit. Ipsum quidem solum, ut tale, & qui illud ante aut post incolunt, non magis nos obstrictos obligatione possunt habere, quam tabula, qua quis è naufragio enatavit. Apollini, si ad fabulas est veniendum, non insula Delos beneficium dedit, sed Neptunus, cujus tridente illa tacta sedem parturienti Latonæ præbuit. An Attici, & si qui

si qui alii *αὐτόχθονας* sese jactitarunt, solo suo peculiariter fuerint obstricti, ipsi viderint.

§. 7. Hinc consequitur, ut alia sint merita patriæ, ob quæ ipsi tantopere obligati ferimur, quam nudum illud ministerium recens natos excipiendi. Indicio inter cætera esse potest, quod, dum ap. *Tacit. Agric. c. 32.* Galgacus Britannos ad strenue pugnandum pro patria & libertate incitat, ex adverso de Romano milite dicit; *nulla plerisque patria est.* At puto nequaquam Caledonius ille credebat, eos milites fortasse in arboribus natos ad instar anserum Scoticorum; sed utique locus aliquis terrarum nascentes sustinuerat. Sic qui in mari natus est, in locum patriæ hautquidquam venerari debet navem, in qua mater eum peperit. Sic quem mater alienis in sedibus edidit, puta quod sequeretur maritum legationem aut alia negotia obeuntem, vel in expeditione versantem, is patriæ in vicem locum nativitatis colere non tenetur. Denique eos, qui extorres perpetuo vagantur, patria carere dicimus, qui tamen alicubi terrarum utique nati sunt. Sic Clitomachus Thebanus negat sibi patriam esse, everfis Thebis, apud *Joan. Tzetzen. Chiliad. VII. hist. 139.*

§. 8. Ad investigandam autem originem obligationis adversus patriam, certissimam puto viam monstrabit ipsum patriæ vocabulum. Cur enim à patre potius quam à matre ejus notationem deduxit gentium plerarumque consensus; cum tamen ille ab eo loco, in quo quis in lucem editur,

abesse queat, hæc non item? Heic rem paulo altius repetere non inconueniens fuerit. Dum igitur homo hominem generat, ei que, quantum in se est, dat ut existat, eo ipso occasionem nanciscitur peculiare præ cæteris jus in ipsum acquirendi. Sed cum ad isthunc actum non pater solum, sed & mater concurrat, & hujus quidem opera in gestatione ac partu magna cum molestia & labore sit conjuncta, ac major quoque de prole certitudo, quam illius; dubitari potest, utrius jus in prolem sit potius? Equidem si homines concipiamus in naturali libertate, & prout nullius imperio sunt subjecti, inæqualitas illa virium animi & corporis, quæ inter diversos sexus plerunque deprehenditur, nequidquam id efficere videtur, ut mari citra pactum aliquod in faminam imperium competat, aut in sobolem ex ipsa genitam. Unde utrius jus heic potius; omnino ex pacto matrimoniali dijudicandum. Quæ causa est, cur, ubi pactum non præcessit, proles matris sit, non patris, etsi de hoc fortasse sufficienti indicio constet. Sed cum omnes apud gentes communiter viri in matrimonio melioris sint conditionis; quod ipsum & sexus ratio non obscure svadet, & divina comprobatur dispositio; inde regulariter potius competit jus in prolem patri, quam matri, tam in separatis familiis, quam in civitatibus, initio plerunque per viros constitutis. Illud autem jus seu imperium in prolem pater actu acquirit, quando illam tollit, nutririque curat, & in commodum societati humanæ membrum format. Exinde in prole obligatio ad obsequium, reverentiam

tiam & gratitudinem enascitur. Sed utrum ista obligatio magis oriatur ex actu generationis, an educationis, inter omnes non convenit. Alii generationi favent; per hanc enim parentem vitam dare, bonum utiq; præstantissimum, & cæterorum omnium occasionem; ac gignendo parentes quodammodo Deum referre. Alii non impium credunt pro educatione calculum ferre, per quam demum quis hominis dignationem implere discit, & quæ magna ac diuturna cura, pari labore ac sumtu perficitur. Si salva adhuc philosophandi libertas nobis constat, non horreamus cum his sentire. Præterquam enim, quod non crediderim, parentem generando tam magnum beneficium dedisse proli, si eam in lucem editam abjiciat, aut nutritam citra cultum adolescere patiatur pecudis in morem, ut vitam agat sibi eubescendam, aliis inutilem aut molestim: neque hoc videtur sequi; vita est maximum bonum; ergo actus parentis, quo eam dat, est maxime aptus ad exitandam in prole obligationem. Hætenus enim perivasus fui, si factum aliquod meum alteri magnopere velim imputare, necessum esse, ut sciam, cui dem, & an ad ipsum meum beneficium sit perventurum. Nec illud parum ad rem facit considerasse, an intentionem habeam alterum beneficio mihi obstringendi; quanti id actum mihi constet; an id susceperim magis ut alteri prodessem, quam ut mihi utilitatem aliquam aut delectationem inde pararem: num ad suscipiendum ratione & deliberato animi proposito

posito, an vero affectuum stimulis, aut sensuum illecebris sim impulsus: an denique id, quod dedi, ullo modo alteri prodesse queat, nisi alia accesserint. Plura addere nihil attinet, ne quis ingenio paulo tristiore parum pudenter nos agere fremat. Illi pronuncient, qui propriam hæc experientiam jactare possunt. Nequidquam tamen omnia probaverim, quæ circa hanc rem *Seneca* disputat, *L. 3. de benef. C. 30. 31. &c.* gravis ceteroquin autor, & cui non temere quis nequitiae aut improbitatis crimen impeggerit. Nam illud sine dubio tolerari non potest, quod vitam hominis, cui Deus immortalem animam dedit, vocet rem, quæ cum *feris & animalibus quibusdam minimis, quibusdam etiam sædissimis communis est: item, muscarum ac vermium bonum.* Ista tamen fortasse non adeo cordatorum censuram metuant; illud quod natus sum, per se intueri quale sit: *animadvertes exiguum & incertum, & boni malique communem materiam.* Sine dubio primum ad omnia gradum; sed non ideo majorem omnibus, quia primum; nec enim ideo prima maximorum instar sunt, quia sine primis maxima esse non possunt. Item: *Ad bene & vivendum minima portio est & vivere, etsi hoc sine illo non existit.* Puta me vitam pro vita reddidisse. Sic quoque munus tuum & tibi, cum ego dederim sentienti, cum sentiens me dare, cum vitam tibi non voluptatis mea causa, aut certe per voluptatem dederim. Vis scire, quam non sit magnum beneficium, vitam sic dare? exposuisses; nempe injuria erat genuisse.

Quo



Quo quidem colligo, minimum esse beneficium, patris matrisq; concubitus, nisi accesserint alia, quae prosequerentur hoc initium muneris, & aliis officiis ratiū facerent. Idem paulo post generandi beneficium *Sulcare* vocat; paternum munus & simplex & facile, & in quo (saltem vulgus patrum) spectat omnia potius, quam eum, cui dabit.

§. 9. Ad istam porro obligationem erga parentem, ut talem, accedit alia quoque, tanquam erga caput familiæ, cuius autoritate & opera libertum contra cætera familiæ membra, tum contra alienos defenduntur. Quæ obligatio major est, si pater suam familiam seorsim gubernet, nec iam civitati alicui subjecerit; nam heic ipse instar principis etiam gerit. In tali familia separata quæritur, is non videtur peculiari aliqua obligatione adversus patriam stringi. Parentibus enim tenentur tanquam genitoribus & educatoribus; patri autem peculiariter ut principi. Cæteris, si qui ex iisdem genitoribus descendant, vinculo sanguinis jungetur, & illo præterea, quo cives ejusdem Reipublicæ qua tales invicem tenentur, aut quod huic sit analogum. Servi aut mercenarii, accepto quod ex contractu ipsis debetur, nihil præterea, quod imputent, habebunt, præter peculiaria, si qua præstiterunt, beneficia. Natali solo, ut tali, non posse aliquem obligari manifestum est. Nec qui postea eodem in loco sedes fixerint, eo nomine quid postulare queunt, quod ibi jam habitent, ibi ipse primum vagiit. Ergo nullum amplius superest objectum, in quod operari queat obligatio

tio aliqua adversus patriam. Cæterum ex tali familia ut filius discederet, inscio vel invito patre, lex reverentiæ & gratitudinis non permittebat. Verum eo defuncto licebat singulis filiorum suam sibi familiam seorsim habere, aut cuicunque placeret civitati eandem adjungere, nisi ex eodem patre orti peculiarem inter se civitatem vellent constituere, formâ regiminis in eam ex dispositione patris aut propriâ conventionem introductâ.

§. 10. Verum postquam multiplicato hominum genere adparuit, parum tutam ac copiosam agi vitam ita per singulas familias sparsis, plurimum conjunctione civitates constitui placuit. In quibus quidem patresfamilias aliquam suæ libertatis, suorumque jurium diminutionem admittere necessum habuere. Nam antea nemini subiecti summo cum imperio suos regebant; proprioque ex arbitrio se suaque defendebant, ac injurias sibi illatas persequabantur. Post autem imperium civitatis agnoscendum fuit, actionesque propriæ, ac personarum suæ familiæ innexarum, rerumque gubernatio ad certas legum regulas temperanda; defensio quoque sui rerumque suarum extra casus repentinos, nec non injuriarum persecutio ad publici judicii imperii exercenda. Quæ tamen omnia insignibus commodis ubertim pensantur. Nam cujusque defensio contra injurias exterorum aut civium longe felicius publicis viribus peragitur; in quem finem etiam si singuli quoque operas nonnunquam, & particulam bonorum tributilo loco erogare tenentur; longe tamen hoc com-

commodius est, quàm in ancipiti semper pendentem videre suam incolumitatem inter multorum utilitatem, & propriarum virium tenuitatem. Intra legum civilium cancellos actiones & jura sua includi nemo ægre debet ferre, cum hac ratione multorum dissona aliàs arbitria in harmoniam cogantur, conservando bono universorum, cui singulorum quoque felicitas est innexa. Nec indignandum, ad alterius nos respicere imperium debere, cujus ope salus nostra longè meliore est loco, quam in laxa illa libertate. Denique per civitates fortunis nostris in maxima securitas, quantà res humanas cadit, parta fuit. Accedunt commoda ex conjuncta tot hominum industria resultantia, & quod heic est non solum occasio animum exerta ac corpus rebus gerendis præparandi, sed & tempus virtutem suam non citra spem amplissimorum præmiorum ostentandi. Quanquam istæ commoda in aliis civitatibus sint uberiora, in his tenuiora; qua de causâ jus civitatis non ubique pari pretio æstimatur.

§. II. Quia autem communi gentium more jus civitatis à patre in liberos solet transmitti, nam uti pater pro se liberisque suis jus civitatis inde pendentia commoda stipulatur; ita ipso quoque nomine fidem civitati dedisse intelligitur, quam ipsi alicubi proprio nomine renouant, quando pars domus patriæ esse desinunt; unde factum est, ut Patriæ nomine vocaretur illa civitas, in qua fortunarum sedem quis habet, tantam cujus jus in ipsum à patre sit devolutum,

& cuius κτῆμα, uti *Lucianus* loquitur l. c. ipse  
 pater fuerit. Hinc etiam arbitramur *Maronem* l.  
 4. *Georg.* de apibus dixisse: *Patriam sola & certos*  
*noscere penates*; quod ipsarum soboles, non ut  
 pleraque cæterorum animantium, adulta seorsim  
 sibi victum quærat & receptaculum, sed civitatis  
 velut patriæ pars maneat, & in ejus leges protin-  
 nus instinctu naturæ sese attemperet. Ob eandem  
 rationem, cum patriæ vocabulum naturæ quidem  
 sit adjectivum, usu autem substantivum, malimus  
 subintelligere vocem civitatis, quam terra, seu  
 ut potius dicatur *patria civitas*, quam *patria ter-*  
*ra*; etsi *Homero*, aliisque Græcis Poëtis solenne  
 sit ponere πατρίδα γαῖαν. Indidem etiam  
 est, quod nescio an ulli præterquam *Cretensibus*  
 μητρίδα dicere placuerit, (nisi forte hi nudum  
 natale solum eo nomine intellexerint,) quia,  
 cum uxor in mariti familiam concedat, non con-  
 tra, liberi quoque, saltem geniti in matrimoniis  
 juxta leges civitatis solenniter contractis, pater-  
 nam civitatem sequuntur, non eam, in qua mater  
 nata fuit. Quo etiā respexit l. 3. *C. de municip.* Heic  
 tamen excipiuntur *Amazonum* liberi; item vulgo  
 quæsi, aut nati ex illegitima cohabitatione, & in  
 quos patri nulla potestas per leges civiles conce-  
 ditur, qui matris conditionem & civitatem se-  
 quuntur. Id quod jus naturæ vocat *Ulpianus* in l.  
 24. ff. *de stat. hom.* Cujus legis commodissimus  
 est sensus; quia jus civile Romanorum patri non  
 dat potestatem nisi in liberos ex legitimo matri-  
 monio

onio natos, qui ipsum sequuntur, l. 19. d. t. ideo  
 nil aliud superest, ostendente ipsa ratione, quam  
 sine legitimo matrimonio nati matrem se-  
 antur, ne sint *ὑπόλιδες*, & sine certo statu.  
 inf. etiam *Grotium in Spars. flor. ad h. l.* Sed &  
 ex peculiari statuto alicujus civitatis fieri po-  
 ut quis urbis maternæ privilegiis, etsi alio  
 in lucem editus, frui queat; si velit. Quale  
 implum extat in l. 1. §. 2. ff. *ad municip.*

. 12. Sed dum nomen patriæ ab origine sua  
 tum reverentiæ & amoris mutuetur, inde eo  
 vine etiam denotari cœpit quælibet civitas, in  
 quis sedem fortunarum fixit, sive in ea natus  
 fuerit, sive recens in eandem adscitus. Apud  
*Æn. 3.* *Ænæ Italia patria est, sedes ubi*  
*quietas ostendunt. Idem l. XI.* *Ite, ait, egre-*  
*animas, quæ sanguine nobis Hanc patriam pe-*  
*re suo decorate supremis Muneribus.* Inprimis  
 adduci debet illud *Ciceronis l. 2. de Leg.* Ego,  
 it, & *Catoni*, & omnibus municipibus duas ef-  
 fero patrias, unam naturæ, alteram civitatis:  
*Cato, cum esset Tusculi natus, in populi Rom.*  
*item susceptus est: itaq; cum ortu Tuscu-*  
*esset, civitate Romanus, habuit alteram lo-*  
*riam, alteram juris: ut Vestri Attici, prius-*  
*Theseus eosdem migrare ex agris, & in a-*  
*quod appellatur, omnes se conferre jussit, &*  
*erant iidem & Attici: sic & nos & eam*  
*am dicimus, ubi nati, & illam, qua excepti*  
*s. Sed necesse est caritate eam prestare, in*  
*Reip. nomen, & universa civitatis est; pro*  
 quâ

qua mori, & cui nos totos dedere, & in qua nostra omnia ponere, & quasi consecrare debemus. Dulcis autem non multo secus est, quæ genuit, quam illa, quæ excepit. Itaq; ego esse hanc meam patriam prorsus nunquam negabo, dum illa sit major, & hac in ea contineatur. Ubi tamen observandum, hanc distinctionem inter patriam loci & juris duplici sensu posse capi. Uno, quo Cicero h.l. usurpat, & applicari potest illis, qui nati sunt in oppido aliquo, quod subordinatum est alteri urbi, in qua sedes imperii, qualis erat Roma respectu municipiorum. Hæc enim non solum Romanæ civitatis jure gaudebant; sed & ex hisce, qui Romam migrabant, ad honores & imperia admittebantur. Imo postquam omnes, (quos personale aliquod impedimentum incapaces non reddebat,) qui in orbe Romano erant, civitate Romana fuerant donati, Roma communis omnium gentium patria fuit dicta. Vid. quæ notat Godofr. ad l. 33. ff. ad municip. Plinio quoque l. 3. c. 5. Italia cunctarum gentium in toto orbe patria facta dicitur, numine Deum electa, quæ sparsa congregaret imperia, ritusq; molliret, & tot populorum discordes ferasq; linguas sermonis commercio contraheret ad colloquia, & humanitatem homini daret. Alio autem significato patria juris dici potest, in quam quis est receptus, postquam penitus extraditionem ejus civitatis, in qua natus est, migravit. De aliis significatibus vocabuli patriæ parum sumus solliciti. Veluti quod sumitur pro testis & mœnibus urbis patriæ, apud Flor. l. 2. c. 15. & 18. Item

Item pro quavis regione seu urbe, ap. *Ma-*  
*m. Æn. 1. quæ hunc tam barbara moerem per-*  
*trahit patria?* Celebris quoque dictio omne so-  
 rum fortipatria dicitur; non quidem eo sensu,  
 ut Galli dicebant, omnia esse virorum sortium,  
 sed quod facile ipsi civitas  
*Liſium l. 5. c. 36.* sed quod facile ipsi civitas  
 onea inveniatur, & parum intersit, in natali so-  
 ra, an alibi virtuti exserendæ locum habeat. Quo  
 iam pertinet illud Socratis, qui interrogatus,  
 ias esset; mundanum respondit, ap. *Cicer. V.*  
*sc.*

§. 13. Cæterum etsi patriam, aut nativitate sor-  
 mur, aut sponte nobis adſciſcamus; obligatio  
 nen adversus utramque prope æqualis videtur.  
 uidem illa parentes quoque nostros habuit  
 strictos; sed hæc nullis majorum meritis com-  
 ndatos in bona sua admisit. Illa ut idonei  
 stentis cives esse effecit; hæc ut tales nos o-  
 nderemus campum præbuit. Nisi si hoc ad  
 a facit, quod in illa plerumque plures habea-  
 is, cognatione aut per beneficia nobis junctos,  
 etiam aliquod pondus caritati patriæ addere  
 sunt. Sanè Claudius ap. *Tac. A. XI. 24.* nobi-  
 mas familias in urbem Romanam translatas  
 morat, quæ neque adfectu, neque meritis ulli  
 antiquis concesserint. Addit de civibus non  
 pridem adſcitis: *manent eorum posteri, nec a-*  
*re in hanc patriam nobis concedunt.* Imo le-  
 itis insuper nota est extimescenda, si quis se-  
 us amet proprio electam judicio, quam sorte  
 cendi adſignatam. Equidem apud nonnullos  
 amplio-

ampliora de fide & adfectu indigenarum, quam recens adscitorum civium solent sperari. Inde *Lycurgus Orat. adversus Leocratem: Quemadmodum erga naturales parentes, & adoptivos patres non omnes aequae sunt benevolae: ad hunc modum erga regiones, quae natura ad nos non accedunt, sed post acquisita sunt, minus affecti sunt homines.* Neque improbaverim, non cuivis temere quid summam rerum spectans committi, antequam fidem suam insignibus documentis adprobaverit. Civis tamen spectati egregiam operam minoris aestimare, ideo tantum, quia alibi vagiit; idem foret, atque peregrinis mercibus pretium detrahere, quia domi nostrae non fuerunt confectae. Imo saepe deprehensum est, magis fida ministeria civitati ab exteris exhibita, quam ab indigenis; quod & eximiis meritis inter ignotos celebritas paranda, & minus privatis affectibus abripiantur illi, quam hi, quippe cum illis instar parentum, cognatorum, & affinium sit Resp. Neque metuere amplius debent ὄνειδος & ξενιτείας, quod *Luciano d.l.* dicitur, qui sedem fortunarum apud externos fixerunt; nec in tales amplius quadrat οἱ ἐπὶ λυγρῆς, κατὰ πρὸς νόθοι, ῥαδίας ποιῶνται τὰς μεταναστάσεις. Et si in universum ille peregrinorum contemptus barbarum quid redolet; & argute illos peregrinorum exagitatores quidam canibus comparavit, qui vilissimo cuique vernulae adulantur, ignotum autem quantumvis magna dignitate virum allatrant. Nam, ut recte monet



nonet Apulejus Apol. non ubi prognatus, sed uti  
 natus quisque sit spectandum; nec qua regione,  
 sed qua ratione vitam vivere inierit, consideran-  
 dum est. Quando non in omnibus gentibus varia  
 ingenia proferere? quanquam videantur qua-  
 dam stultitia vel solertia insigniores. Apud socor-  
 rissimos Scythas Anacharsis sapiens natus est: apud  
 Athenienses caros Meletides fatuus. Antistheni  
 mater barbara & Thressa objiciebatur: respondit,  
 Deorum matrem Ideam esse. Seneca de Constant.  
 sapient. Equidem solent heic occinere quidam il-  
 lid Nepotis de Alcibiade c. V. r. cujus ministeria  
 partanis exhibita suspicio peregrinitatis infama-  
 t. Sed hic nequaquam penitus Athenas abdi-  
 verat, nec Spartam sibi patriam elegerat, eam-  
 ae affectu civis amplectebatur. Sed temporari-  
 unduntaxat refugium ibi habebat, & omnibus  
 odis id agebat, ut Athenienses ipsius expulsi pœ-  
 tudo subiret, adeoque revera nil nisi occasionem  
 ptabat, cum civibus suis in gratiam quampri-  
 um redeundi. De cætero à Catilina haut quid-  
 iam suspicionem amoliebantur speciosa illa apud  
 lust. Ne exstimator P. C. sibi patritio homini,  
 ius ipsius atq; majorum plurima beneficia in  
 bem Rom. essent, perditæ Rep. opus esse; cum  
 m scr̄aret M. Tullius, inquilinus civis urbis  
 m. Nec novus erat civis Curio, qui Gallorum  
 ptus spoliis & Caesaris auro vendidit urbem. Lu-  
 n. l. IV. quem non obscure notat illud Maronis  
 Æn. Vendidit hic auro patriam dominumque  
 entem Imposuit.

§. 14. Consequens est, ut videamus, quousque obligatio adversus patriam sese extendat. Cum autem alia debeamus ex obligatione perfecta, alia ex imperfecta, puta ex lege gratitudinis, humanitatis, liberalitatis, &c. (nam & in obligatione imperfecta gradus sunt,) de illa prius dispi- ciemus. Robur civitatum inde surgit, quod singu- lorum vires conspirent ad conversationem uni- versorum. Hoc quomodo fieri debeat, illius est definire, penes quem summa rerum in civitate. Ita tamen, ut quantum fieri potest, operæ aut im- pensæ à civibus conferendæ juxta proportionem imponantur. Quantum igitur patria civem suum jure potest poscere, tantum hic etiam patriæ de- bere intelligitur. Dicitur autem patria sibi vin- dicare non solum bona nostra, sed etiam maxi- mam patrem nostri. Nostri nobilissima pars est anima. Circa hanc quaestio potest moveri; An ob insigne commodum in patriam inde redun- dans teneatur quis, aut rectè possit persuasionem circa religionem, quam pro vera habet, mutare, aut saltem dissimulare, & verbis gestivè aliam præ se ferre? præsertim si tantum agatur de tran- situ ab una secta ad alteram, quarum utraque in communi adpellatione, & principio fidei conve- nit? Has lites componere non est nostrum, sed eorum, qui sacras literas docent. De illo potius inquiramus; An quis imperio patriæ possit susci- pere actionem, quam propria conscientia malam dicat? Equidem communiter respondent, & rectè; quemlibet teneri Deo conscientiae puritatem adpro-

bare, & negligenda esse jussa quorumvis  
 num divinis cum præceptis pugnantia. Mo-  
 men heic difficultatem *Hobbes de Ci*  
 . 2. ubi inter opiniones seditiosas; & ex qui-  
 d ruinam ciuitates disponentur, primo loco  
 setur hæc; cognitionem de bono & malo per-  
 ad singulos. Regulas enim boni & mali, ju-  
 3 injusti, honesti & inhonesti esse leges ciuiles;  
 quod legislator præceperit, id pro bono; quod  
 erit, pro malo habendum. Inde iniquum esse  
 rium: Regibus non esse obtemperandum, nisi  
 præceperint. Ante imperia justum & inju-  
 non extitisse; ut quorum natura ad manda-  
 sit relatiua: actionemq; omnem sua natura  
 diaphoram; quod autem sit justa & el injusta,  
 e imperantis prouenire. Reges igitur legiti-  
 qua imperent justa facere imperando, qua  
 nt, & etando injusta. Privatos autem homines,  
 cognitionem boni & mali ad se trahunt, cupe-  
 se sicut reges; id quod salva ciuitate fieri ne-  
 ur. Enimvero isthæc valde cruda videntur.  
 um est, ante imperia civilia justum & inju-  
 non extitisse. Scilicet isti patresfamilias,  
 rum coitione initio civitates extitere, cum ad-  
 disjunctim viverent, ad brutorum instar age-  
 t, non servabant pacta cum aliis inita; suo ju-  
 quando libitum erat, aliis vitam & bona eri-  
 pant; & quæcunque faciebant, pro adiaphoris  
 ebantur. Hodie quoque Reges absoluti,  
 ndo pacta non servant, aliis sua ereptum eunt,  
 llam, si diis placet, legem violasse censentur.

B

Quos

Quos tamen communibus legibus civilibus nequaquam subjectos constat. Imo contra neque coalescere poterant civitates, neque coalitæ servari, nisi ante ipsas aliquid justum & injustum extitisset. Nam pacta intervenisse in constituendis civitatibus certum est. At quomodo homines patrum aliquem heic esse usum persuadere sibi poterant, ni antea scivissent, justum esse pacta servare, injustum ea non servare? Et si ante definitionem legum civilium non est justum pacta servare; quid obstat, quo minus pro lubitu subditi obsequium exuant, ac civitatem, cumque ea omne discrimen justitiae tollant? nam utique sola vi contineri non possunt. Unde etiam nullus unquam Rex credo tam demens fuit, ut aliquid præciperet, quod generalibus naturæ legibus est interdictum, aut vetaret, quod iisdem præceptum; puta, ut nefas esset fidem servare, ne quis alteri suum tribuat, ne honestè vivat, ut quilibet quemlibet, quantum possit, lædat, &c. At cur non tales quoque leges possent ferri, si nihil est justum & injustum ante definitionem legum civilium? Nec minus crudum est, quod *Idem* tradit *c. VI. §. 16.* civili lege esse determinandum, quid homicidium, quid adulterium, quid denique injuria adpellandum. Nimirum antequam in civitate coirent patresfamilias, ignorabant, quid esset proprium, quid alienum, quid matrimonium, aut quod suum cuique corpus ita esset proprium, ut ab altero citra sufficientem causam non deberet lædi aut destrui. Imo vel ob hanc præcipue causam civitates sunt consti-

stitutæ, ut à furtis, homicidiis, violatione tho-  
& aliis injuriis homines tutiores forent.

§. 15. Videtur tamen paradoxum hoc Hob-  
bianum in alium sensum satis commodum posse  
hî. Nam sãna illa est sine dubio seditiosa opinio,  
*missionem, boni & mali*, i. e. cognitionem ejus  
ad bonum & malum, seu utile & inutile est Reip.  
*tinere ad singulos*. Id est, singulis competere  
auctoritatem judicandi de aptitudine mediorum,  
e ad promovendum bonum publicum usurpa-  
turbet Princeps, cum hoc effectu, ut ab illo judi-  
cujusque ad obsequendum obligatio suspen-  
tur. Heic enim locum habet illud *Taciti H. I. 83*:  
*n nescire quadam non milites solum, sed & cæ-*  
*os subditos, quam scire oportet. Si ubi jube-*  
*tur, quærere singulis liceat, pereunte obsequio*  
*im imperium intercidit*. Nec ea laus militis,  
*jussa ducum interpretari quam exsequi ma-*  
*Id. H. II. 39*. Illud autem, quod dixerat, *justum*  
*injustum à definitione legum civilium depende-*  
cum hâc explicatione admitti fortasse potest,  
imperio civili dependere, quidnam in foro ci-  
pro justo & injusto valere debeat, seu ex qui-  
snam actibus alicui obligatio & jus queat ena-  
, cui auxilium suum potestas civilis accommo-  
e velit; quosnam actus in foro humano pœna  
quatur, quoniam ab ea immunes. Nam in hoc  
præcipue prudentia legislatoria consistit, ex  
abusnam obligationibus actio in foro civili sit  
cedenda; quæ solo pudore valere debeant:  
delicta quibus pœnis vindicanda, Istæ enim

genio populi, temporibus Reip. & aliis circumstantiis probè attemperanda. Neque hæc invicem repugnant, finem societatis juris naturæ dictat metiri oportet; & ex fine societatis, vel potius ex habilitate obtinendi heic & nunc finem societatis est definiendum, quænam velut adminicula extrinseca juri naturæ per imperium civile sint addenda. Omnino tamen ita se heic geret potestas civilis, ne jura naturalia subvertat, aut publicam honestatem & tranquillitatem perturbet. Unde sicut ob certas rationes leges civiles actionem ex quibusdam pactis non dare possunt; ita credo male tranquillitati publicæ consulere, si ex nullo pacto actionem in foro civili dare vellent, sed omnia mero paciscentium pudore valere juberent. Et sicut pacem intrinsecam civitatis non ita graviter lædit mos Spartanorum, (quàm recte aut utiliter introductus jam non disputo,) quod furti poena non affecerint pueros clanculum ex alieno horto poma surripientes, aut ex alieno agro unam alteramvè rapam: ita si cuilibet impune fuisset quidlibet cuilibet clam aut vi eripere, exitiali Spartam morbo laborare quivis videre poterat.

§. 16. Cum igitur detur justum, quod ab arbitrio imperii civilis non dependeat, facile adparet, admitti interdum peccatum posse, si quis jussis imperii civilis pareat; adeoque posse & debere civem talia jussa ad propriam conscientiam bene informatam exigere. Et sub hac conditione obsequium promittunt omnes probi homines, qui norunt, de suis actionibus se Deo rationem reddi-

turos ; quod nempe jussa imperantium care  
 re velint, modo cum jure naturali & divino  
 pugnent. Nec video, qua fronte Rex, cui  
 stat, quod *omne sub regno gravior regnum sit,*  
 ulare queat, ut ipsius libidinem subditi pro  
 conscientiarum norma habeant. Unde ne  
 hanc opinionem cum Hobbesio d. c. 12. §. 2.  
 editiosa agnoscere possumus : *peccare subdi-*  
*quories mandata Principum suorum, qua sibi*  
*sta & videntur esse, exsequuntur.* Hoc quidem  
 mur, si scrupulus tantū aut subdubitatio oria  
 circa æquitatem jussorum, non posse ideo sta  
 eadem detrectari. Nam jussa superiorum sem  
 comitatur præsumptio justitiæ, ubi manifeste  
 quitas non adparet ; & longe præsentius est  
 candi periculum, citra sufficientem causam  
 erioris mandatum negligere, quam non ob  
 ite scrupulo aliquo illiquido idem exequi. Sed  
 videtur casum posse dari, ut quis citra propri  
 peccatum suscipiat meram executionem a  
 s, quo mandans se ipsum crimine obstringit.  
 od tamen ut fiat, hæc requiri arbitramur, ut  
 ra duntaxat executio illi injungatur, i. e. ut  
 e tantum membra sua accommodet ; de cætero  
 tem isti actui neque occasionem neque prætex  
 ni præbeat, aut excusationem adhibeat ; ac eun  
 m exsequatur prorsus tanquam alienum, non  
 quam suum. Deinde ut ministerium illud  
 tantum potest averteretur & deprecetur. Deni  
 ue ut propter detrectatam istam executionem  
 si præsens vitæ periculum aut aliud grave ma  
 lum

lum intentetur à mandante, cui id malum repræsentandi vires sunt.

§. 17. Equidem sunt viri docti, qui circa hanc sententiam de mera exsecutione dubium moveant, eo moti argumento, quia *ordo imperandi incipit à divino imperio, cui omne humanum imperium subjungitur, & subjungendo conjungitur. Quod autem in ordine sub alio ita constituitur, ut ab eo modum, vim, decus accipiat: illud repugnare isti supremo, unde suum ordinem & vim accipit; non potest: aut si repugnat, id est, sui ordinis limites egreditur, perdit auctoritatem suam, & jus suum, quod non nisi in ordine instituto, & per eum jus est.* Verum hoc nobis semper fuit persvasissimum, nullam inesse vim obligandi, id est, conscientis intrinsecam aliquam necessitatem injiciendi, quorumvis hominum mandatis divino juri repugnantibus, & omni crimine carere, qui illis obsequi neglexerit. Alia autem videtur quæstio; an non executionem alieni peccati, dicto supra modo, potius suscipere debeam, quam vitam meam nulli usui prodigere; & annon illa exsecutio tali in casu citra proprium peccatum suscipiatur? Multa enim sunt, ad quæ nequaquam intrinsece obligamur, quæ tamen recte à nobis, urgente necessitate, suscipi possunt; adeoque ad præsentem quæstionem argumentum supra adductum non quadrat. Neque stringit nos illud *Plinii 3. ep. 9.* ubi memorat, Senatui sese adprobasse, etiam *ministerium crimen esse.* Isti enim, in quos peroraverat, rei, non fuerant meri exsecutores



es alieni facinoris, sed calumnias innocentibus  
 entarant, ut Proconsuli occasio foret in opes  
 orum invadendi. Et illi delationes exercebant  
 in tanquam actum alienum, sed tanquam suum,  
 et suo nomine reum criminis insimulabant, non  
 Proconsulis nomine & velut ab ipso iussi. Neque  
 metu mortis ad calumnias exercendas adigeban-  
 tur. Equidem dicebant, *se esse provinciales, & ad  
 suum imperium Proconsulum metu cogi*. Sed lon-  
 gius probabilius erat, ex cupidine lucri ipsos talia  
 traxisse; & ut forte minas in detrectantes adhi-  
 buisset Proconsul, non tamen credibile est, præ-  
 sentis mortis periculum ipsum intentasse, quod  
 declinandi nulla facultas foret. Illustriando effa-  
 ctum Pliniano aliqui adferunt illud *Luciani l. V. fa-  
 nus quos inquinat, aequat*. Quod tumultuans  
 Cæsaris miles jactabat, quasi nullo jure stringere  
 vellet ipsius imperium agnoscere. *Rheni mihi Cæsar  
 undis Dux erat, hic socius*. Parere ipsi teneba-  
 tur exercitus, quamdiu autoritate S. P. Q. R. bel-  
 lum gereret; sed ut ipsum in patriæ viscera vires  
 certentem sequeretur, inanis illa fascium species  
 nequidquam movere eum debebat. Sed neque  
 hoc ad nostrum casum quid facit. Denique nec  
 Doëgi exemplum *1. Samuel 22*. nos ferit. Nam  
 & ipsi expresse hoc addimus, ut quis quantum po-  
 test tale ministerium deprecetur; id quod lauda-  
 biliter fecerunt cæteri satellites Saulis. Sed Doë-  
 gus ille prompto animo ad exsequendum Regis  
 jussu, cui nulla comminatio adjuncta legitur,  
 profiliit; cum antea innocentibus viris falsum

crimen impegisset, quasi clandestina consilia cum Davide in Regem miscuissent. Nam falsa quædam ipsum detulisse ex *Psalmo 52.* satis adparet.

§. 18. De cætero non posse aliquem jussu superioris suscipere actionem tanquam suam, quæ conscientia rectæ dictamini repugnat, nemo, cui aliquis pietatis sensus est, negabit. Inde maximo se scelere obstrinxere judices illi, de quibus est *1. Reg. 22.* qui jussu Jezabelis duos testes, homines nequam, subornabant, falsi criminis Nabodum insimulaturos, ut occasio præberetur ipsum è medio tollendi. Pronunciabant enim sententiam non tanquam à Rege pro imperio dictatam, sed tanquam liquido crimine ab ipsâ justitia suggestam. Par scelus illorum testium erat. Idem judicandum de delatoribus, qui calumniis viros potentes aut opulentos onerant, ut malis Principibus occasio nascatur eosdem subvertendi. Inter quos quondam non obscurum fuit nomen Marcellus Eprius, Thrasæ delator famosus, qui in excusationem sui apud *Tacit. H. IV. c. 8.* adfert, *non magis sua oratione Thrasæ quam judicio Senatus afflictum.* Quod erat crimen communicare, non purgare. *Sævitiam Neronis per hujusmodi imagines illuisse.* Sed nimirum, ut tu potissimum eum nimium instrueres, subigebat avaritia, & libido præpostera via ad honores grassandi. Alii, qui eandem artem factitaverant, excusabant, ejusmodi operis *dignitatem aut salutem sese redemisse.* Quorum *defensiones,* quod scilicet *perdere alios, quam periclitari ipsi maluerint,*

non ideo *tolerandas* censet Montanus ap.  
*H. IV. 42.* quod omni eos crimine vacare  
 seat; sed per figuram quædam concedit, ut re-  
 lia eo gravius urgeat. Nec injuste *Senatus oc-*  
*Nerone, delatores & ministros more majo-*  
*rum puniendos flagitabat, genus hominum publi-*  
*catio repertum Tac. A. IV. 30.* Quibus de-  
 m condignam repræsentarunt poenam Titus  
 Trajanus, quorum ille ipsos in foro flagellis ac  
 tibus caesos, ac novissime traductos per Amphitheatrum  
 arenam partim subjici in sercos & venire  
 peravit, partim in asperrimas insulas avehi-  
 ton. *Tit. c. 80.* hic quassis navigiis impositos  
 pestatibus absorbendos, aut in desertos sco-  
 los impingendos attribuit *Plin. Paneg. c. 34. 35.*  
*occulta Tiberii mandata* Cn. Pisonem non  
 vebant crimine necati Germanici; si modo is  
 vera mortis ejus causa. Ac ut maxime ea pro-  
 fisset apud Patres, in pudorem quidem Tibe-  
 rium dedisset, cui non relinquebatur, quomodo  
 indicaret scelus à se jussum: Patribus tamen in-  
 grum erat reum damnare; quia in eo perpe-  
 trando non jussum Principis præ se tulerat, sed  
 se potius quàm honeste juberi non poterant, lu-  
 ens susceperat, ut flagitio Tiberium sibi obno-  
 tum haberet. *Tac. A. III. 16.* Recte quoque Pa-  
 nianus, quod Getæ eadem excusare detrecta-  
 t; addito celeberrimo illo dicto; *non tam faci-*  
*parricidium excusari posse, quam fieri.* Alii  
 adiderunt, dictare noluisse orationem, qua in-  
 ehendum erat in fratrem, causatum; aliud esse

*parricidium, accusare innocentem occisum.* Id tamen rejecit *Spartianus in Caracallo, c. 8.* ea ratione, quod ipse utpote *præfectus non potuerit dictare orationem*: (etsi quo minus hoc ipsi extra ordinem injungi potuerit non adparet;) & addit, constare, quod occisus sit tanquam fautor *Getæ*. Quicquid tamen hujus sit, recte quis ingenium suum sceleribus defendendis commodare detrectat, etiamsi alieno sub nomine id scriptum sit promulgandum. Nam subtilis exegitatio speciosorum argumentorum pro pura executione alieni actus haberi nequit. Secus tamen videtur sentiendum, si ejusmodi orationem abs se aut alio compositam *Caracallus* cuiquam in *Senatu* recitandam injunxisset, constituta in detrectantem capitali pœna.

§. 19. Sed quid dicemus de *Catone*, tam rigido officii exactore, qui executionem legis *Clodix*, qua *Cyprus* confiscabatur, suscepit? *Florus* sane *l. 3. c. 9.* eam legem non obscure iniquitatis damnat. *Strabo l. 14. sub fin.* ab ingratitude Regis & avaritia causam confiscationis arcessit, quod cum de *Clodio*, quem piratæ ceperant, redimendo sollicitaretur, perexiguum miserit pretium, adeo ut piratæ id accipere erubescerent, & pecunia remissa *Clodium* sine lytro dimitterent. Eam rem ulturus *Clodius*, in tribunatu per legem regno *Ptolomæum* exiit. Sed an hæc causa sufficit ad regnum alicui eripiendum? Nam liberalitatem duntaxat fuisse autumo, quod illo tempore nobiles Romanos à piratis captos socii sua pecu-

unia redemerint. Vid. *Casaubon. ad Sueton. Iulium c. 4. Plutarchus in Vita Catonis* memorat Clodium initio id muneris Catoni privatim alisse, sed post recusantem jussu populi ad id capiendum adegisse. An igitur Cato putavit avidiam & reatum ejus facti unice redundare autorem legis; & si quod isti executioni non infit, id non esse tanti, ut abs ipso profectum sit exemplum, quocunque prætexto jussa iustitiæ detrectandi? An satius ducebat, postquam vicino spoliandus erat Ptolomæus, fructum illius injuriæ integrum pervenire ad patriam, quam alterius avaritia delibari? Huc spectat quod *Plutarchus de Aristide* memorat: Quod ipse *Cratichus* juramento adegerit, & Atheniensium nomine converterit ipse. Postquam res cogeret, ut & cum inimici intenderent, cohortatus Athenienses est ut bellum in ipsum converterent, atque imperium usurarent, prout postularet usus. Brevis hunc *Cicero* ait *Theophrastus* in rebus privatis & erga civem summè justum, in republ. tamen multa ad temperandam patriam quasi multa iniqua illa flagitare, pertransisse. Quod quidem an probari possit valde dubium. Sed quidquid sit de horum factis, id potius considerandum; An injustum bellum gerenti patriam auxilium ferre fas sit? Equidem communis sententia, ubi apertum est, injusta arma à civitate alteri inferri, haut fas esse civi, ut sit satelles scelerum. In dubio autem sequendam esse viam tutiorem, quæ sit, abstinere bello. Cautè tenenda ista temperanda, ne exinde vis imperii civilis

vilis destruat. Equidem ubi ad deliberationes quis admittitur, & suffragii ferendi jus habet, si citra consensum proprium cæterorum decreto non obligatur, ne id quidem, de quo dubitat, recte poterit suscipere. Quid si autem, uti plerumque fit, plurium suffragia etiam stringant eos, qui dissenserunt? Heic igitur arbitramur, apud omnes gentes, quæis aliqua honesti cura est, in deliberationibus de bello suscipiendo semper præsupponi causam belli justificam. Hoc qui facere negligunt, apud illos de conscientia nequidquam disputaverim. Circa hoc autem deliberatur; an heic & nunc expediat Reip. ex tali prætexto bellum alteri inferre? Heic cum præsumatur, plures clarius perspicere, quid ex usu sit Reip. quam pauciores; non video, quo obtentu quis jussu civitatis detrectare queat, nisi imperii vim coactivam experiri, aut civitate migrare velit. Enimvero iste scrupulus in primis homines tenero conscientiæ sensu solet urgere; an non, posita quamvis alterius injuria, præstet exercere virtutem humanitatis aut magnanimitatis, & condonare aut contemnere injuriam, quam stricto jure exsequi? Heic quid ex sublimioris principii dictatis sit statuendum, aliorum est docere. Quantum ratiocinando possumus consequi, non videtur sufficere hæc causa, quare civis possit imperio civili obsequium denegare, ejusque rigorem in se irritare; quod judicet, ab eo adversus alterum non exerceri virtutem aliquam, cui vis duntaxat imperfectæ obligationis inest. Qui autem

ad deliberationes publicas non adhibetur  
 s, adhuc minore cum hæsitatione statuere. o-  
 sumum imperium sufficienti ex causa ac in  
 pore bellum suscipere; de quo ut cuivis pri-  
 o liquido adpareat neque semper fieri potest,  
 ue necessum est. Quod si autem bello inva-  
 ar civitas, cui ipsa causam præbuit, dum da-  
 um injuria illatum pensare abnuat; ex hoc  
 damento recte civem patriæ auxilia ferre pos-  
 utumant, quod hostis communiter non intra-  
 riæ acceptæ modum sæviat, aut in eos tan-  
 , a quibus illa est profecta. Ideo ne quis præ-  
 neritum ple ctatur, arma tanquam in propri-  
 & multorum innocentum defensionem pro-  
 ia expediri posse, postquam, quantum in se  
 omnia fecit, ut justo hostis postulato satis-  
 t. Vid. *Grot. l. 2. de J. B. P. c. ult.* Ex ha-  
 us dictis igitur adparet, qua restrictione e-  
 illud, quod est ap. *Quintil. declam. 369. Cer-*  
*est, omnia licere pro patria.* Idem sensus  
 is argute exprimitur ap. *Senec. excerp. con-*  
*IV, 4. quidquam non sit legitime pro legibus?*  
 id istum casum, qui ll. dd. proponitur, id bene  
 dret.

20. Proximum est, ut, quam vim obliga-  
 dversus patriam in corpus & vitam nostram  
 rat, dispiciamus. Equidem vulgo jactatur,  
 inem non esse dominum vitæ suæ. Quo-  
 o ergo is obligatione abs se suscepta alteri  
 t jus dare in rem, ulterius quam ipsius in-  
 lem potestas se extendit? Sed id dictærium

explanatione indiget. Sane enim homo non eo modo est dominus vitæ suæ, ut earum rerum, quas pro arbitrio consumere, perdere, aut abjicere potest. Naturaliter tamen ad quemque sua vita proxime pertinet, & quatenus quis in libertate constitutus intelligitur, operationes inde pendentes pro arbitrio adplicare potest. Et si quisque sui tantum causa conditus foret, non video, quare non vitæ hujus commodis sibi indultis, quando placitum, renunciare posset, nisi forte peculiari Conditoris lege prohiberetur. Verum quia ad societatem colendam sumus destinati, inde vel sola ratio satis ostendit, non esse quidem nobis ita temere projiciendam vitam, ut nulli usui pereamus, qui aliis quoque nati sumus. Quia tamen non solum certæ actiones vires hominis ita attulerunt, ut maturius senium ingruat; sed etiam sapenumero aliorum vita non potest servari, nisi pro iis alii talem subeant operam, ex qua in probabile vitæ periculum incursuri sint: ideo hactenus quoque dominus vitæ suæ quis intelligitur, ut in aliorum usus maturius eam absumendam locare queat, & pro aliis discrimini exponere, & ad id præstandum perfectam obligationem suscipere. Sapienter facere dicuntur *Scriptori ad Herennium l. 4. qui malunt pro multis perire, quam cum multis*. Cum porro finis civitatum requiratur, ut summæ in iis potestati competat jus armandi, congregandi, & uniendi tot cives in omni periculo & occasione, quot pro viribus hostium ad communem defensionem opus visum fuerit; inde etiam, qui



civitati sese alicui adjungit, obligationem trahit jussu summi imperii arma capeffendi, & omnia militaria obeundi. Horum exactio non merito exquisitissima disciplina constat, quippe & in bello exiguum ob negligentiam sæpe de omnia rerum sit actum. Inde cum alias togati apud judicem affectibus, qui animum hominum vehementer percellunt, facilius venia soleat largiri; inter militaria judicia id non æque obtrahitur. Heic etiam sæpe capite plectitur, qui ut evitem effugeret, assignatam stationem deseruit. Invisissimis quoq; alicubi pœnis coercitum, minus subterfugere. *Arrius Menander in l. 4. §. 1. f. de re milit. Qui ad delectum olim non re-  
sidebant, ut proditores libertatis in servitutem  
regebantur. Sed mutato statu militia, recessum  
ipitis pœna est; quia plerumq; Voluntario mi-  
numeri suppleuntur.* Et quanquam in pleris-  
que civitatibus quidam cives alias per ætatem &  
res ad arma gerenda idonei immunitate à mili-  
tia gaudeant, vel ob vitæ genus, vel ex singulari  
ultu civitatis; id tamen privilegium eousque  
est, quoad cæteri cives, aut alii focii vel condu-  
præsto sint, qui civitati defendendæ sufficiant.  
Iterum ubi summa necessitas ingruit, etiam  
munus illi pro aris & focis arma capient, &  
stat ut eorum privilegia tantisper quiescant,  
tam ut propter eorundem intempestivam reli-  
quionem civitas pereat. *Vocant extrema pericu-  
cunctos.* Sed quid si captivus ab hoste de-  
tusus, ut dimitteretur, hoc promiserit, quod  
con-

contra ipsum deinceps arma non sit gesturus; an is postea à civitate sua recte potest obligari, ut contra promissum suum in hostem militet? Tale pactum aliqui dixerunt ipso jure nullum, quia sit contra officium, quod patriæ debetur. Ad quod nobis non tam hoc videtur reponendum, quod non omnia, quæ contra officium fiunt, statim quoque sint irrita & nulla: quam negandum, id esse contra officium patriæ, libertatem sibi parare id promittendo, quod jam in hostium est manu. Nisi enim hostis ipsum demitteret, nunquam arma adversus illum ferre posset. Unde tali pacto nihilo deterior sit patriæ conditio: quippe cum is, qui captus est, nō liberetur, jam periisse est censendus. Adeoque quem sic ex captivitate recepit, hac lege recepisse consetur, ut ipsi relinquat facultatem servandi promissum hosti factum; præsertim ubi non civitatis, sed propria ope libertatem recuperavit. Sed an in isthanc civis obligationem eminens illa summæ imperii vis efficaciam suam exferet, si salus publica id postulaverit? puta si civitas in præsentī periculo versetur, nō iste quoque arma capiat. Heic arbitramur, cum absurdum sit, esse me civem, & habere obligationem, qua etiam in extrema necessitate inutilis civitati reddar; nec minus; simplici me pacto posse obligari, ne alterius vim injustam ad perniciem meam meorumque tendentem repellere queam; ideo pactum illud erit capiendum tantum de bello offensivo, non defensivo; præsertim si cum ipsa civitate mea quoque salus sit periclitatura. **Quid enim**

millem alter mihi libertatem concessit; si voluit adstringere, ut in posterum ipsius vim à vitæ rebus meis non possum repellere? Unde nequidam obstabit pactum istud, quo minus iussu summi imperii arma induam pro defensione civitatis.

§. 21. Quamvis autem præsens Reip. ne-  
litas fortasse operas civium militares non ex-  
cit; tamen ad eas obeundas se aut alios inuti-  
reddidisse gravi poena dignum est. Ejusmodi  
naviæ exempla quamplurima in Martio illo  
virum populo non sine admiratione legi-  
s. Apud *Sveton. Tiber. c. 8.* Tiberio cura injecta  
urgandorum ergastulorum, quorum Domini  
invidiam venerant; quasi exceptos supprime-  
ret, non solum viatores, sed & quos sacramenti  
ius ad hujusmodi latebras compulisset. Quæ  
am fortasse causa fuit, quare ergastula penitus  
tulisse dicatur *Adrianus ap. Spartian. c. 18.*  
quem locum vid. quæ notat *Salmasius.* Apud  
*Ter. l. 16. c. 3.* C. Vettienus sinistræ manus digi-  
sibi abscidisse memoratur, ne bello Italico mi-  
ret, quem Senatus, publicatis bonis, in æter-  
vincula conjecit. Sic Augustus, referente *Sce-  
lio c. 8.* Equitem R. quod duobus filiis adolescen-  
us causa detrectandi sacramenti pollices ampu-  
set, ipsum bonaq; subjecit hasta. *Ammian. Mar-  
t. l. 15. sub fin.* ubi de Gallorum moribus loqui-  
t; nec eorum, inquit, aliquando quispiam, ut  
Italia, munus Martium pertimescens pollicem  
præcidit, quos joculariter Murcos adpellant.

Isti

Isti flagitio reprimendo complures leges latae. Eum qui filium debilitavit, delectu per bellum indicto, ut inhabilis militia sit, praeceptum Traiani deportavit, est in l. 5. §. 2. ff. de re milit. Extat quoque lex Constantini l. 1. Cod. Theodos. de filiis militar. apparitorum & Veteranorum. Veteranorum liberos aptos militiae, quorum quidam ut desides recusant militarium munerum functionem, quidam adeo ignavi sunt, ut cum dispendio corporis militiae velint necessitatem exadcre, jubemus, si ad militiam inutiles, resectis digitis judicentur, curialibus muneribus atque obsequiis adgregari. Confimilia habentur in l. 4. C. Theodos. de riron. & ibid. l. 10. Qui spurca amputatione digitum declinat usum armorum, non exadat illa, quae vitat, sed insignitus macula ferat impositum militiae laborem, qui declinaverit dignitatem. Ipsis quin etiam provincialibus, qui ex horum ausis juniorum saepe patiuntur penuriam praebendorum, hac optio decernatur, ut tempore delectus agitando duos mutilos juvenes pro uno integro offerant. Sed longe severissima est l. 5. d. t. Si quis ad fugienda sacramenta militiae fuerit inventus truncatione digitorum damnum corporis expedisse, & ipse flammis ultatricibus concremetur, & dominus ejus, qui non prohibet, gravi condemnatione feratur. Videtur tamen hanc poenam locum habuisse in servis duntaxat; quae autem jam cit. ll. dictata fuit, in ingenuis. Nam olim quidem apud Romanos servos militia exclusos praeterquam in maxima Reip. necessitate, in vulgus notum. Id postero-

posterioribus seculis non amplius observatum ex  
 16. C. Theod. d. t. constat, ubi Imp. Arcad. &  
 Honor. ita sanciunt. *Contra hostiles impetus*  
*non solas jubemus personas considerari sed vires,*  
*et licet ingenuos amore patriæ credamus incitari,*  
*et viros etiam hujus autoritate edicti exhortari,*  
*ut cum primum se bellicis sudoribus offerant, præ-*  
*mium libertatis si apti ad militiam arma suscep-*  
*erint, pulveratici etiam nomine binos solidos acce-*  
*pturi.* Nam l. 11. d. t. quæ etiam extat in C. Ju-  
 ven. l. 2. de tiron. loquitur de mancipio alieni ju-  
 ris, quod qui in tirocinium militiæ duxerit offe-  
 rendum, libram auri arario Principis cogebatur  
 deferre. Lex a. 8. C. Th. d. t. non simpliciter servos  
 militiæ vetat adscribi, sed duntaxat decernit, inter  
 optimas lectissimorum militum turmas neminem e-  
 numerari servorum esse. Veget. de re milit. l. 1. c. 7.  
 ab fin. queritur, quod possessoribus indicti tirones,  
 ex gratiam aut dissimulationes probentur, talesq;  
 sciuntur armis, quales domini habere fastidiunt.  
 Ceterum ab ista pollicum truncatione multi eru-  
 ritorum credidere, Italos & Gallos suos poltrones  
 erivasse. Sed rectius mea sententia Menagius  
 origin. lingua Francica id vocabuli deducit ab  
 italico poltro (etsi & hoc origine Teutonicum vi-  
 catur, à polster) q. d. qui semper lectum premit,  
 id est, quod vernacula lingua dicimus, cui pellibus  
 super urfinis marcida membra perpetuo extende-  
 re volupe est.

§. 22. Qui igitur ad malitiam subeundam ob-  
 gatur, is utique tenetur jussu Ducis talem tue-  
 ri sta-

ri stationem, in qua probabiliter prævidet vitam sibi amittendam. Et quanquam alias civibus onera secundum proportionem debeant imponi, ad quæ universi simul concurrere possunt; aut si hoc fieri nequeat vel non opus sit, alternis obedienda, vel æquipollente onere redimenda, vel etiam sorte adsignanda sint: tamen ut periculosa illæ stationes semper per sortem attribuantur, ratio belli non fert. Adeoque penes ducem erit eligere aptissimos, aut si plures sint idonei, quos visum fuerit. Nisi adsint, qui ultro ista sibi pericula deposcant; id quod fecit Calpurnius Flamma ap. *Flor. l. 2. c. 2.* & ante eum P. Decius Mus ap. *Livium l. 7. c. 34.* Nec vir fortis querelas movebit, si ipsi talia pro imperio injungantur. Facit huc illud Seneca de provident. c. 4. *Quare in castris periculosa fortissimis imperantur? Dux letissimos mittit, qui nocturnis hostes aggrediantur insidiis, aut explorent iter, aut præsidium loco deficiant. Nemo eorum qui exeunt dicit, Male de me Imperator meruit; sed Bene judicavit.* Heic tamen observandum, ejusmodi jussorum non esse hanc intentionem, aut saltem non esse debere, ut directe vita militis perdat. Dico, non esse debere. Nam aliquando heic a ducibus peccari, documento est rex David 2. Sam. XI, 15. qui ideo etiam homicida audit cap. seq. §. 9. Nec ea infrequens ars, invisos sibi hostium ferro consumendos objicere. vid. Curt. l. 7. c. 2. & ibi Freinsheim. Ap. Salust. *Jugurtha* à Micipsa Numantiam missus dicitur, ut ostentando virtutem, aut hostium sævi-

vitia caderet. Sed hoc spectare debent tam rida ducum jussa, ut dum velut citra missionem milites pugnant, à civitate magnum avertant alium, aut insigne eidem bonum concilient, etsi intigerit, eos, dum talia conantur aut patrant, cumbere. Ejusmodi decretoriæ pugnæ hæc lex, ut vel hostem perdamus, vel simul cum eo pereamus. Hoc enim præstat, quam ut solidamus. Unde etiam haut absurde multi videntur *αὐτοχρησίας* crimine absolvere navarum illos, qui jussu superiorum expresso, aut ex opere belli recte præsumto ignem pulveri pyroiciunt potius, quam ut una cum navi in potestatem hostium perveniant. Ponamus æqualem inque esse navium numerum. Ubi una nostrum capta fuerit, hostis duabus navibus nos pererabit; si nostra sola perierit, unica tantum: si utraque simul pereat, in æquilibrium vires manebunt. Vix autem aliter fieri poterit, quin, si nostra dissiliat pulvere navis, non unam quoque plures hostilium navium simul adfligat. Nam capiaris tunc demum est periculum, quando vis navi adhæserit. Et plerunque hostibus plus anni hoc modo datur, quam nobis. Validiores enim utique sunt, qui nostram navem ad incitastigunt. Ad submersionem autem vitandam non tum à contrario elemento remedium petendum. Nam illic aliqua adhuc enatandi spes esse test. Confer *Amesium de conscient. IV. c. 21.*

§. 23. An vero mortem quoque citra pugnam

gnam pro patria subire tenemur? Excutiamus præcipuos casus, quibus vita hominis citra pugnam profusa patriæ usui esse posse credatur. Hec jam de eo non dicemus, quod etiam quibusdam gentilium fuit persuasum, per unius scelesti flagitia iras Numinis in totos populos derivari. Apud *Maronem Pallas exivere classim Argivum, atq; ipsos potuit submergere ponto Unius ob noxam & furias Ajacis Oilei.* Cui igitur ista persuasio federit, neque sibi neque civibus posse placari Numen, nisi fontem animam poenæ reddiderit, illi videtur inesse obligatio & servandæ propriæ salutis, & sistendo malo, quod culpa sua civitati conciliavit, ad exorandam Numinis pacem vitam suam tradendi. Etsi quomodo unius delictum reatu alios quoque inficere possit citra ipsorum actionem aut omissionem culpabilem ratio nostra non capit. Fortasse igitur commodissime causam communicati reatus arcessemus ab adproatione flagitii aut neglectu id vindicandi. Sed nec illa opinio minus fuit pervulgata offensum civitati aut singulis Numen vicaria aliorum nece posse placari, qui offensæ causam non dederant. Ex quo fonte immanis ista religio humanas mactandi hostias profluxit. De qua vid. *Casur l. 6. de B. G. Justin. l. 19. c. 1. & quæ ibi notat Berneg. tit. l. 26. c. 1. Sæet. Calig. c. 14. 27. & ad h. l. Casaub. Juvenal. sat. 12. & 114. Strab. l. 10.* ubi memorat, Leucadiis morem fuisse, ut in Apollinis sacrificio fontem quotannis aliquem, avertendæ Deorum iræ, de montis specula dejicerent; ei autem adplicis



is pennis & multis avibus, quibus levare posset, cum fere in volatum conversum, & multos cantem excipere naviculis, & si queant conservari extra fines patrios emittere superflitem. Ad *Selden. de Diis Syris synt. 1. c. 6. & synt. 2. c. 7. & Ser. antiq. German. l. 1. c. 37. §. 14.* Vide etiam *ron. Neron. c. 36.* Hunc ad usum an quis patriam commodare teneatur supervacuum est intrinsece, cum nos meliora edocti sciamus, Sanctissimum Numen aversari hanc deceptam mortalitatis famiam. Quos tamen iste error tenuit, observamus huic usui destinasse aut hostes captos; templa vid. apud *Cluver. d. l. §. 17.*) aut sponte offerentes; aut sorte ductos, uti Pœni, de quibus est apud *Silium Italic. l. 4. & 767.* Adde quæ utiliter super hac re disserit *Clar. Bæclerus comment. ad Grot. p. 99.*

§. 24. Sed quid si ad placandam hominis alius iram vita civis deposcatur, an is ea sponte lata à civitate cladem aut exitium avertere tentetur? Ubi videndum, quibus causis alter fuerit obnoxius, ut civem nostrum sibi dedi postulare. Si cum id fiat ob aliquod ipsius delictum, licet foris omnibus modis pœnam subterfugere possit, tamen cavere debet, ut ne sui causa civitatem in alio involvat. Adeoque etsi ponamus talem non teneri, ut seipsum in ejus potestatem ultro tradat; tenebitur tamen alio sese transferre, ubi acceptatoribus suis nihil negotii faceat. Nec abito, quin à civitate etiam invitus ideo expelli debeat, siquidem illa fors inhumanius crediderit, eun-

eundem poscenti dedere. At quid si ob publicum delictum ad necem deposcantur quidam civium, qui ejusdem delicti non fuerunt autores? Qualem in calamitatem incidisse memoratur civitas Attica ob interfectum Androgeon. Cujus mortem ut ulcisceretur Minos, Atheniensibus bello subactis tributum loco septenos pueros & totidem puellas imperavit in pabulum Minotaurum. Id tributum alii quotannis datum memorant, uti *Maro Æn. 6. Hygin. fab. 41.* alii novenis annis, uti *Ovid. metam. 8. Aetæo bis pastum sanguine monstrum Tertia fors annis domuit repetita novenis.* Cui adstipulatur *Plutarchus Theseo*, qui tamen ex *Philocho* addit, pueros istos non fuisse neci datos, sed in præmium cessisse illi, qui vicisset in ludis memoriæ Androgeo dicatis: primumque victorem extitisse Taurum, ducem Minois, hominem crudelem, apud quem isti miseram servierint servitutem: eo post per Theseum victo tributum remissum. Sed quicquid hujus sit, ubi ejusmodi necessitas civitatem oppresserit, non video, quo obtentu civis periculum fortis queat detrectare, (quo medio aptius nullum est inter pares jure,) si non inveniatur aliquis Theseus, qui ultro sibi Minotaurum debellandum sumat. Sed quid dicendum, si innocens deposcatur ad mortem aut malum morti comparandum, non ex causa publici aut privati criminis? Casus in eam rem extat apud *Libanium Tom. 1. declam. 27. Tyrannus ex urbe propinqua postulavit formosum adolescentem, adjectis de bello inferendo, ni traderetur, minis.*

Civitas

*Civitas bellum maluit tolerare, quam adolescentem tradere. Cum jam gravi obsidione eam premeret tyrannus, pater adolescentis interfectum filium de manibus projecit: cedis mox, soluta obsidione, accusatur. Super isthoc casu erudite philosophatur Bæclerus Comment. ad Grot. p. 95. Novis heic patriam neque accusare neque defendere vacat, qui plausibilius causam suam posse orare videtur, quam Virginius ille, de quo Livius l. 3. c. 50. Illud extra dubium ponendum judicamus, non teneri civitatem ejusmodi hominem defendere cum exitio suo. Sic enim & ipsa peribit, & innocens ille nequidquam servabitur. Neque iste postulare potest, ut pro se & secum tota civitas pereat. Ergo hoc relinquitur misero, ut quantum potest sibi ipsi consulat fuga, aut usum quamvis periculoso. Ubi omnia incassum cecidere, ferat calamitatem, in qua tamen utique animus servari impollutus potest, siquidem nefas est voluntaria morte ejusmodi foeditatem declinare. Civitas autem, postquam ipsum pro viribus defendit, & omnem movit lapidem, ut per fugam aut alia ratione elabi posset, ubi isthac non succedunt, & clades imminens aliter depelli nequit, ipsum deserere demum potest, i. e. non prohibere quo minus eundem tyrannus adprehendat. Ut autem ipsa eum in tyranni manum tradat aut ut eum cogat, quo seipsum dedat, neque fas esse, neque necessarium arbitramur. Conf. Grot. l. 1. c. 25. §. 3. Ames. de Consc. l. V. c. 31. q. 3. De cætero majoris debet esse civitati vita suorum civium,*

C

quam

quam ut eam declinando periculo incerto, aut adquirendo aliquo bono parum necessario prodigere velit; neque in tales usus vitam suam civis offerre tenetur. Inde plus quam postulari ab ipsis poterat, pro patria fecerunt Philæni fratres, de quibus est ap. *Salust. de bello Jugurth.* Et pessime applicabat bonam alias sententiam Caiphas, *Joh. XI. 50.* quasi liceret hominem innocentem occidere, ne fortasse Romani suspicarentur, Judæos res novas agitare, & inde ansam arriperent bello ipsos invadendi. Præsertim cum longe molliora remedia sint ejusmodi suspicioni depellendæ, quam mors innocentis.

§. 25. Minus difficultatis habet illa quæstio: An si quis extraneus, barbaros ob mores infamis, civis nostræ nuptias petat sub denunciatione belli, hæc ad avertendum à patria periculum, thalamos subire invisos teneatur; & si forte renuat, ad id cogi queat? Equidem in hoc non exigua pars libertatis consistit, ne qua invita se jungere cogatur, extraneo præsertim & efferis prædito moribus. Et cum per tales nuptias aliqua in alteram civitatem transeat, non magis videtur nostræ civitati jus esse, civem suam pro imperio eò adigere, quam citra antegressum delictum civitate expellere. Quia tamen ipsa postulare non potest, ut magno periculo sese involvat civitas, ne illa sola subeat incommodum non capitale; ipsa viderit, qua ratione suæ libertati consulat. Etsi cum magnam soleant habere vim cordatæ mulieres in emolliendis rigidis maritorum moribus, tales nuptiæ egregiam

in præbere ansam possent non solum à civitate  
iculum avertendi, sed etiam commodum insi-  
e eidem conciliandi. Cujus si probabilis spes  
algeat, vix adparet, quare non quamvis pa-  
n amabili nubere debeat. Unde valde dubito,  
n laudem mereatur factum Didonis, de quo est  
*Justin. l. 18. c. 6.* si vel maxime mortem sponte  
ntam non accusemus. Sane enim de multis  
ne merendi occasio erat nata. Quanquam cir-  
d factum peculiariter considerandum, an ad ta-  
quid subeundum etiam teneatur foemina, cui  
amum in civitate imperium, præsertim si peri-  
um sit, ne per istud sub alterius ditionem civi-  
perveniat.

§. 26. Sæpenumero etiam necessum est, ut in  
m patriæ plenum libertatis exercitium circum-  
bi nobis patiamur, quando scil. firmandis pa-  
s publicis obsides tradimur. Ad quod onus su-  
piendum pro imperio civis adigi potest, si qui-  
onte se offerant, defuerint. Et quidem ubi ho-  
s potentior certos sibi cives obsides postulaverit,  
e hisce tergiversandi locus videtur relictus. Sed  
olures sint, quorum quis obses eat, illius, quicum  
ciscimur, aut nostræ civitatis nihil interfit,  
ascendendis querelis aptissimum erit, sortem ad-  
bere. Quod si longo tempore obsides sint deti-  
endi, æquissimum erit, novis substitutis cæte-  
s liberare. Uti & hoc operam dare civitas debet,  
quod oneris extraordinarii præ cæteris obsides  
scipiunt, id ipsis, quantum fieri potest, aliunde  
ensetur. Quæri autem hoc loco posset, an non

rectius dicatur, obsidum vitam oppignorari, quam usum libertatis? Equidem in traditione obsidum satis adparet, hoc actum fuisse: *tradimus hosce in manus vestras, tanquam carissimam nostræ civitatis partem, ut nisi servaverimus, quæ convenere, nulli deprecemur; quo minus iisdem inferatis, quicquid placuerit.* Inde cum ejusmodi pacta rupta causam belli dent in eum, qui ea violavit, adparet post pacta rupta bellumque conflatum in hostium abire numerum obsides quoque, eodem modo, quo omnes ejus Reip. cives, etiam qui ad causam belli nihil peculiariter contulerunt. Et constat, multos in obsides eadem statuisse; quæ in quosvis hostes solent; etsi multis inhumanum visum, miserorum illorum & innocentum calamitate ex aliena conceptum injuria dolorem mulcere. Rectius autem puto dicitur, civitatem, dum obsides tradit, in casum violati pacti eos objecisse licentiæ bellicæ, adeoque eorundem salutem commisisse sævitix aut misericordiæ hostis; quàm ipsos debere excipere pœnas violati abs civitate pacti. Non enim adparet, qua ratione finis, quem in pœnis sumendis sibi homines debent propositum habere, obtineri queat, si plectatur obses innocens; qui proprie in violationem pactorum non consensit, sed duntaxat non recusavit, quo minus ipse loco alterius posset malo affici; in quo per se nullum est delictum. Satis quoque cautionis est adhuc in obsidibus, etiamsi per jus naturæ pœna proprie dicta ob alienum delictum ab ipsis sumi nequeat. Sufficit enim, quod in tali sunt statu, ut licentiæ

ntia bellica statim in ipsis possit exerceri ; adeoque ipso-  
rum salus ex solo arbitrio læsi & irati ho-  
s pendeat. Hæc quamquam ita sint, verius tamen  
detur, civitatem directe obsidis duntaxat liberta-  
tem, quantum ad ejus exercitium, oppignorare,  
non vitam. Quia ipsa firmum propositum ha-  
bet, aut habere debet, fidem servandi, adeoque ca-  
sam illum, quo in obsidis vitam alteri licentia fieri  
possit, moraliter pro nullo ducit. Nec dubium est,  
quin injuriam obsidi faciat civitas, si ipsa injuste  
acta violet, & miserum illum alterius iræ objiciat;  
ut si hoc sine eundem tradat, ut alterum in secu-  
ritatem datum eo graviore damno mactasse queat.  
Quid autem dicendum, si is, qui accepit obsides,  
eisdem velit abuti ad exercendam in nos perfidiam,  
& gravibus nos injuriis laceffat, exitium obsidibus  
nostris interminatus, si ipsi resistamus? Heic pro-  
babile videtur, siquidem injuriæ illæ sint tantæ, ut  
præstet, innoxios istos periclitari, quam civitatem  
easdem tolerare, posse istorum periculum negligi,  
& perfidi hostis vim vi repelli. Nec magis civitas  
obsidibus injuriam facit, quam si quibusdam civi-  
bus in bello talem adsignet stationem, in cujus  
pertinaci defensione aut cadendum sit, aut captivi-  
tas subeunda. Et ferent isti hanc tanquam fatalem  
calamitatem, nequidquam irati patriæ suæ, quæ  
talem casum prævidere non potuit. Conf. *Grot. l. 3. c. 20. §. 22. seqq. & Bæclerum. l. c. pag. 102.*

§. 27. Consequens est, ut inquiramus, an et-  
iam aliquam nostræ existimationis & famæ partem  
patria sibi vindicet. Heic observandum, existima-  
tionem

tionem oriri vel ex communi, ut ita loquar, honestate, vel ex singulari præstantia, factisque insignibus. Per illam quis pro bono viro habetur; nec incommode eam vocare possis *existimationem simplicem*; cui opponitur infamia, quæ oritur ex vitæ genere honestati adverso, & factis enormiter turpibus. Posteriores existimationis speciem non incongrue dixeris *intensivam*, quæ spectatur vel in solido & incorrupto prudentum atque bonorum judicio, vel in extrinsecis honorum insignibus, vel denique in vana vulgi persuasionem. Ut quis existimationem simplicem patriæ impendat, seu ut veram sibi infamiam conciliet propter utilitatem patriæ, nemo videtur obligari. Facta enim turpia, ex quibus ista oritur, neque à patria imperari possunt, neque à cive præstari debent. Imo neque crediderim, posse ab honesto cive postulari, ut ipse civitatis aut Principis infamiam in se suscipiat, seu ut propriis sceleribus sese velut reum subdat. Nam scelustum se arbitror nemo sine scelere fingit; & non nisi Nero aliquis Aniceto ministro dignus est. vid. *Tac. A. XIV, 62*. Sic neque casus videtur posse dari, ut quis existimationem intensivam, quatenus sapientum judicio stat, jam partam, in usum patriæ absumat. Sed ut quis sese ob utilitatem patriæ insignibus honorum abdicet, quandoque necessarium esse potest; quibus tamen demtis virtus nequidquam obolescit; imo apud sapientes magis enitescit, si inania ista cum ratione contemserit. Sic quis bonus civis non malit honoribus carere, quam patriam, dum eos pertinaciter adsertum it, turbis



urbis involvere? Parum utique apud bonos cives  
valere debebant illæ adhortationes Cæsaris; patriæ  
ma inferenda, ne quid de ipsius dignitate dece-  
leret. Et nimis quam dilutus est color ille; non  
patriam bello peti, sed inimicorum injuriis obviam  
iri. Non enim ea, quæ ab aliquo *Reip. causa acta*  
*sunt*, in contumeliam suam *qvis* convertere debet.  
Semper quippe *Reip. commoda privatis necessitati-*  
*bus habenda potiora.* Et debet bonus *civis* & stu-  
dium & iracundiam suam *Reip. dimittere*; neq;  
ideo *graciter irasci inimicis*; ne cum illis nocere  
se speret, noceat *Reip.* quod bene moneri curabat  
Cæsarem Pompejus ap. *Cæs. l. 1. de B. C.* Et sane,  
cum illa honorum insignia patriæ debeamus, cur  
non in ejusdem usus eadem velimus impendere?  
Plane enim, ut hoc obiter addamus, illa existima-  
tionis exteriora signa valorem suum determina-  
tum habent ex impositione ejus civitatis, in qua  
quis vivit; etsi existimatio ipsa in se, & prout sa-  
pientibus æstimatur, valorem suum ex præstantia  
virtutis & actionum præclararum mutuatur. Unde  
ubique terrarum virtuti quidem suum est pretium;  
sed insignia illa effectum suum non nisi in cujus-  
que civitate exserunt, saltem hætenus, ut reveren-  
tiam adversus illa abs cæteris suo quasi jure quis  
postulare queat. Quanquam cum talia vulgo ob  
eximiam virtutem conferri præsumantur, etiam  
cultiores gentes peregrinis eam soleant deferre ve-  
nerationem, quam honores, quibus in patria ful-  
gent, requirere videntur. Inde Ciceroni peregri-  
ni nonnulli, splendidis familiis orti, vocantur non

ri stationem, in qua probabiliter prævidet vitam sibi amittendam. Et quanquam alias civibus onera secundum proportionem debeant imponi, ad quæ universi simul concurrere possunt; aut si hoc fieri nequeat vel non opus sit, alternis obeunda, vel æquipollente onere redimenda, vel etiam sorte assignanda sint: tamen ut periculosa illæ stationes semper per sortem attribuantur, ratio belli non fert. Adeoque penes ducem erit eligere aptissimos, aut si plures sint idonei, quos visum fuerit. Nisi adsint, qui ultro ista sibi pericula deposcant; id quod fecit Calpurnius Flamma ap. *Flor. l. 2. c. 2.* & ante eum P. Decius Mus ap. *Livium l. 7. c. 34.* Nec vir fortis querelas movebit, si ipsi talia pro imperio injungantur. Facit huc illud *Seneca de provident. c. 4.* *Quare in castris periculosa fortissimis imperantur? Dux letissimos mittit, qui nocturnis hostes agorediantur insidiis, aut explorent iter, aut præsidium loco deiciant. Nemo eorum qui exeunt dicit, Male de me Imperator meruit; sed Bene judicavit.* Heic tamen observandum, ejusmodi jussorum non esse hanc intentionem, aut saltem non esse debere, ut directe vita militis perdat. Dico, non esse debere. Nam aliquando heic a ducibus peccari, documento est rex David 2. *Sam. XI, 15.* qui ideo etiam homicida audit *cap. seq. §. 9.* Nec ea infrequens ars, invisos sibi hostium ferro consumendos objicere. vid. *Curt. l. 7. c. 2.* & ibi *Freinsheim.* Ap. *Salust. Jugurtha* à Micipsa Numantiam missus dicitur, ut ostentando virtutem, aut hostium

savi-

vitia caderet. Sed hoc spectare debent tam rigida ducum iussa, ut dum velut citra missionem milites pugnant, à civitate magnum avertant malum, aut insigne eidem bonum concilient, etsi contingerit, eos, dum talia conantur aut patrant, occumbere. Ejusmodi decretoriæ pugnae hæc est lex, ut vel hostem perdamus, vel simul cum ipso pereamus. Hoc enim præstat, quam ut soli adamus. Unde etiam haut absurde multi videntur *αὐτοχρησίας* crimine absolvere navarchos illos, qui jussu superiorum expresso, aut ex genere belli recte præsumto ignem pulveri pyrio adjiciunt potius, quam ut una cum navi in potestatem hostium perveniant. Ponamus æqualem utrinque esse navium numerum. Ubi una nostrarum capta fuerit, hostis duabus navibus nos superabit; si nostra sola perierit, unica tantum: sed si utraque simul pereat, in æquilibrium vires manebunt. Vix autem aliter fieri poterit, quin, si nostra dissiliat pulvere navis, non unam quoque sed plures hostilium navium simul adfligat. Nam ne capiaris tunc demum est periculum, quando navis navi adhæserit. Et plerunque hostibus plus damni hoc modo datur, quam nobis. Validiores enim utique sunt, qui nostram navem ad incitatem edigunt. Ad submersionem autem vitandam non tutum à contrario elemento remedium petendum. Nam illic aliqua adhuc enatandi spes esse potest. Confer *Amesium de conscient. IV. c. 21.*

9. 14.

§. 23. An vero mortem quoque citra pugnam

gnam pro patria subire tenemur? Excutiamus præcipuos casus, quibus vita hominis citra pugnam profusa patriæ usui esse posse credatur. Heic jam de eo non dicemus, quod etiam quibusdam gentilium fuit persuasum, per unius scelesti flagitia iras Numinis in totos populos derivari. Apud *Maronem Pallas exerece classim Argivum, atq; ipsos potuit submergere ponto Unius ob noxam & furias Ajacis Oilei.* Cui igitur ista persuasio federit, neque sibi neque civibus posse placari Numen, nisi fontem animam poenæ reddiderit, illi videtur inesse obligatio & servandæ propriæ salutis, & sistendo malo, quod culpa sua civitati conciliavit, ad exorandam Numinis pacem vitam suam tradendi. Et si quomodo unius delictum reatu alios quoque inficere possit citra ipsorum actionem aut omissionem culpabilem ratio nostra non capit. Fortasse igitur commodissime causam communicati reatus arcessemus ab adproatione flagitii aut neglectu id vindicandi. Sed nec illa opinio minus fuit pervulgata offensum civitati aut singulis Numen vicaria aliorum nece posse placari, qui offensæ causam non dederant. Ex quo fonte immanis ista religio humanas mactandi hostias profluxit. De qua vid. *Casar l. 6. de B. G. Justin. l. 19. c. 1. & quæ ibi notat Berneg. st. l. 26. c. 1. & vet. Calig. c. 14. 27. & ad h. l. Casaub. Juvenal. sat. 12. & 114. Strab. l. 10.* ubi memorat, Leucadiis morem fuisse, ut in Apollinis sacrificio fontem quotannis aliquem, avertendæ Deorum iræ, de montis specula dejicerent; ei autem adplicitis

spennis & multis avibus, quibus levare posset, um fere in volatum conversum, & multos ca- item excipere naviculis, & si queant conserva- extra fines patrios emittere superstitem. Ad- *Selden. de Diis Syris synt. 1. c. 6. & synt. 2. c. 7. Ser. antiq. German. l. 1. c. 37. §. 14.* Vide etiam *ton. Neron. c. 36.* Hunc ad usum an quis patriæ in commodare teneatur supervacuum est in- rere, cum nos meliora edocti sciamus, Sanctissi- m Numen aversari hanc deceptæ mortalitatis iniam. Quos tamen iste error tenuit, obser- ius huic usui destinasse aut hostes captos; empla vid. apud *Clar. & Cr. d. l. §. 17.*) aut sponte offerentes; aut sorte ductos, uti Pœni, de qui- est apud *Silium Italic. l. 4. v. 767.* Adde quæ tiliter super hac re disserit *Clar. Bæclerus com- nt. ad Grot. p. 99.*

. 24. Sed quid si ad placandam hominis ali- us iram vita civis deposcatur, an is ea sponte ata à civitate cladem aut exitium avertere te- tur? Ubi videndum, quibus causis alter fuerit tus, ut civem nostrum sibi dedi postularet. Si m id fiat ob aliquod ipsius delictum, licet for- e omnibus modis pœnam subterfugere possit, amen cavere debet, ut ne sui causa civitatem lo involvat. Adeoque etsi ponamus talém n teneri, ut seipsum in ejus potestatem ultro lat; tenebitur tamen alio sese transferre, ubi eptatoribus suis nihil negotii facessat. Nec bito, quin à civitate etiam invitatus ideo expelli eat, siquidem illa fors inhumanius crediderit, eun-

eundem poscenti dedere. At quid si ob publicum delictum ad necem deposcantur quidam civium, qui ejusdem delicti non fuerunt autores? Qualem in calamitatem incidisse memoratur civitas Attica ob interfectum Androgeon. Cujus mortem ut ulcisceretur Minos, Atheniensibus bello subactis tributum loco septenos pueros & totidem puellas imperavit in pabulum Minotauro. Id tributum alii quotannis datum memorant, uti *Maro Æn. 6. Hygin. fab. 41.* alii novenis annis, uti *Ovid. metam. 8. Actæo bis pastum sanguine monstrum Tertia fors annis domuit repetita novenis.* Cui ad stipulatur *Plutarchus Theseo*, qui tamen ex *Philocho* addit, pueros istos non fuisse neci datos, sed in præmium cessisse illi, qui vicisset in ludis memorie Androgeo dicatis: primumque victorem extitisse Taurum, ducem Minois, hominem crudelem, apud quem isti miseram servierint servitutem: eo post per Theseum victo tributum remissum. Sed quicquid hujus sit, ubi ejusmodi necessitas civitatem oppresserit, non video, quo obtentu civis periculum sortis queat detrectare, (quo medio aptius nullum est inter pares jure,) si non inveniatur aliquis Theseus, qui ultro sibi Minotaurum debellandum sumat. Sed quid dicendum, si innocens deposcatur ad mortem aut malum morti comparandum, non ex causa publici aut privati criminis? Casus in eam rem extat apud *Libanium Tom. 1. declam. 27. Tyrannus ex urbe propinqua postulat formosum adolescentem, adjectis de bello inferendo, ni traderetur, minis.*

Civitas

as bellum maluit tolerare, quam adolescen-  
 radere. Cum jam gravi obsidione eam pre-  
 tyrannus, pater adolescentis interfectum fi-  
 de mœnibus projecit: cedis mox, soluta obsi-  
 e, accusatur. Super isthoc casu erudite phi-  
 phatur *Bæclerus Comment. ad Grot. p. 95.* No-  
 eic patriam neque accusare neque defendere  
 t, qui plausibilius causam suam posse orare  
 tur, quam Virginius ille, de quo *Livius l. 3.*  
 Illud extra dubium ponendum judicamus,  
 teneri civitatem ejusmodi hominem defen-  
 cum exitio suo. Sic enim & ipsa peribit, &  
 ocens ille nequidquam servabitur. Neque  
 postulare potest, ut pro se & secum tota civi-  
 pereat. Ergo hoc relinquitur misero, ut  
 intum potest sibi ipsi consulat fuga, aut usu  
 unvis periculoso. Ubi omnia incassum ceci-  
 re, ferat calamitatem, in qua tamen utique ani-  
 as servari impollutus potest, siquidem nefas est  
 luntaria morte ejusmodi fœditatem declinare.  
 ivitas autem, postquam ipsum pro viribus de-  
 ndit, & omnem movit lapidem, ut per fugam  
 it alia ratione elabi posset, ubi isthac non suc-  
 edunt, & clades immensus aliter depelli nequit,  
 sum deferere demum potest, i. e. non prohibere  
 do minus eundem tyrannus adprehendat. Ut  
 item ipsa eum in tyranni manum tradat aut ut  
 um cogat, quo seipsum dedat, neque fas esse, ne-  
 que necessarium arbitramur. Conf. *Grot. l. l. 2.*  
*25. §. 3. Ames. de Consc. l. V. c. 31. q. 3.* De cætero  
 majoris debet esse civitati vita suorum civium,

quam ut eam declinando periculo incerto, aut adquirendo aliquo bono parum necessario prodigere velit; neque in tales usus vitam suam civis offerre tenetur. Inde plus quam postulari ab ipsis poterat, pro patria fecerunt Philæni fratres, de quibus est ap. *Salust. de bello Jugurth.* Et pessime applicabat bonam alias sententiam Caiphas, *Joh. XI. 50.* quasi liceret hominem innocentem occidere, ne fortasse Romani suspicarentur, Judæos res novas agitare, & inde ansam arriperent bello ipsos invadendi. Præsertim cum longe molliora remedia sint ejusmodi suspicioni depellendæ, quam mors innocentis.

§. 25. Minus difficultatis habet illa quæstio: An si quis extraneus, barbaros ob mores infamis, civis nostræ nuptias petat sub denunciatione belli, hæc ad avertendum à patria periculum, thalamos subire invisos teneatur; & si forte renuat, ad id cogi queat? Equidem in hoc non exigua pars libertatis consistit, ne qua invita se jungere cogatur, extraneo præsertim & efferis prædito moribus. Et cum per tales nuptias aliqua in alteram civitatem transeat, non magis videtur nostræ civitati jus esse, civem suam pro imperio eò adigere, quam citra antegressum delictum civitate expellere. Quia tamen ipsa postulare non potest, ut magno periculo sese involvat civitas, ne illa sola subeat incommodum non capitale; ipsa viderit, qua ratione suæ libertati consulat. Et si cum magnam soleant habere vim cordatæ mulieres in emolliendis rigidis maritorum moribus, tales nuptiæ egre-

giam



præbere ansam possent non solum à civitate  
culum avertendi, sed etiam commodum insi-  
eidem conciliandi. Cujus si probabilis spes  
lgeat, vix adparet, quare non quamvis pa-  
amabili nubere debeat. Unde valde dubito,  
laudem mereatur factum Didonis, de quo est  
*Justin. l. 18. c. 6.* si vel maxime mortem sponte  
tam non accusemus. Sane enim de multis  
e merendi occasio erat nata. Quanquam cir-  
factum peculiariter considerandum, an ad ta-  
uid subeundum etiam teneatur fœmina, cui  
umum in civitate imperium, præsertim si peri-  
um sit, ne per istud sub alterius ditionem civi-  
perveniat.

§. 26. Sæpenumero etiam necessum est, ut in  
m patriæ plenum libertatis exercitium circum-  
bi nobis patiamur, quando scil. firmandis pa-  
s publicis obsides tradimur. Ad quod onus su-  
piendum pro imperio civis adigi potest, si qui-  
onte se offerant, defuerint. Et quidem ubi ho-  
s potentior certos sibi cives obsides postulaverit,  
x hisce tergiversandi locus videtur relictus. Sed  
plures sint, quorum quis obses eat, illius, quicum  
iscimus, aut nostræ civitatis nihil interfit,  
rascindendis querelis aptissimum erit, sortem ad-  
ibere. Quod si longo tempore obsides sint deti-  
endi, æquissimum erit, novis substitutis cæte-  
os liberare. Uti & hoc operam dare civitas debet,  
it quod oneris extraordinarii præ cæteris obsides  
iscipiunt, id ipsis, quantum fieri potest, aliunde  
sensetur. Quæri autem hoc loco posset, an non

rectius dicatur, obsidum vitam oppignorari, quam usum libertatis? Equidem in traditione obsidum satis adparet, hoc actum fuisse: *tradimus hosce in manus vestras, tanquam carissimam nostræ civitatis partem, ut nisi ser&averimus, quæ convenere, nulli deprecemur*; quo minus iisdem inferatis, quicquid placuerit. Inde cum ejusmodi pacta rupta causam belli dent in eum, qui ea violavit, adparet post pacta rupta bellumque conflatum in hostium abire numerum obsides quoque, eodem modo, quo omnes ejus Reip. cives, etiam qui ad causam belli nihil peculiariter contulerunt. Et constat, multos in obsides eadem statuisse; quæ in quosvis hostes solent; etsi multis inhumanum visum, miserorum illorum & innocentum calamitate ex aliena conceptum injuria dolorem mulcere. Rectius autem puto dicitur, civitatem, dum obsides tradit, in casum violati pacti eos objecisse licentiæ bellicæ, adeoque eorundem salutem commisisse sævitix aut misericordiæ hostis; quàm ipsos debere excipere pœnas violati abs civitate pacti. Non enim adparet, qua ratione finis, quem in pœnis sumendis sibi homines debent propositum habere, obtineri queat, si plectatur obses innocens, qui proprie in violationem pactorum non consensit, sed duntaxat non recusavit, quo minus ipse loco alterius posset malo affici; in quo per se nullum est delictum. Satis quoque cautionis est adhuc in obsidibus, etiamsi per jus naturæ pœna proprie dicta ob alienum delictum ab ipsis sumi nequeat. Sufficit enim, quod in tali sunt statu, ut li-

centia

tia bellica statim in ipsis possit exerceri ; adeo-  
 iporum salus ex solo arbitrio læsi & irati ho-  
 pendeat. Hæc quamquam ita sint, verius tamen  
 tur, civitatem directe obsidis duntaxat liberta-  
 , quantum ad ejus exercitium , oppignorare,  
 vitam. Quia ipsa firmum propositum ha-  
 aut habere debet , fidem servandi, adeoque ca-  
 illuni, quo in obsidis vitam alteri licentia fieri  
 it, moraliter pro nullo ducit. Nec dubium est.  
 in injuriam obsidi faciat civitas , si ipsa injuste  
 a violet, & miserum illum alterius iræ objiciat;  
 si hoc fine eundem tradat, ut alterum in secu-  
 em datum eo graviore damno mactare queat.  
 d autem dicendum , si is, qui accepit obsides,  
 m velit abuti ad exercendam in nos perfidiam,  
 avibus nos injuriis laceffat, exitium obsidibus  
 ris interminatus, si ipsi resistamus ? Heic pro-  
 le videtur, siquidem injuriæ illæ sint tantæ, ut  
 tet, innoxios istos periclitari, quam civitatem  
 em tolerare, posse istorum periculum negligi,  
 r fidi hostis vim vi repelli. Nec magis civitas  
 libus injuriam facit, quam si quibusdam civi-  
 in bello talem assignet stationem, in cujus  
 naci defensione aut cadendum sit, aut captivi-  
 ubeundâ. Et ferent isti hanc tanquam fatalem  
 nitatem, nequidquam irati patriæ suæ, quæ  
 a casum prævidere non potuit. Conf. *Grot. l.*  
*10. §. 22. seqq. & Bæclerum. l. c. pag. 102.*

27. Consequens est, ut inquiramus, an et-  
 aliquam nostræ existimationis & famæ partem  
 a sibi vindicet. Heic observandum, existima-

tionem oriri vel ex communi, ut ita loquar, honestate, vel ex singulari præstantia, factisque insignibus. Per illam quis pro bono viro habetur; nec incommode eam vocare possis *existimationem simplicem*; cui opponitur infamia, quæ oritur ex vitæ genere honestati adverso, & factis enormiter turpibus. Posteriores existimationis speciem non incongrue dixeris *intensivam*, quæ spectatur vel in solido & incorrupto prudentum atque bonorum judicio, vel in extrinsecis honorum insignibus, vel denique in vana vulgi persuasione. Ut quis existimationem simplicem patriæ impendat, seu ut veram sibi infamiam conciliet propter utilitatem patriæ, nemo videtur obligari. Facta enim turpia, ex quibus ista oritur, neque à patria imperari possunt, neque à cive præstari debent. Imo neque crediderim, posse ab honesto cive postulari, ut ipse civitatis aut Principis infamiam in se suscipiat, seu ut propius sceleribus sese velut reum subdat. Nam scelustum se arbitror nemo sine scelere fingit; & non nisi Nero aliquis Aniceto ministro dignus est. vid. *Tac. A. XIV, 62*. Sic neque casus videtur posse dari, ut quis existimationem intensivam, quatenus sapientum judicio stat, jam partam, in usum patriæ absumat. Sed ut quis sese ob utilitatem patriæ insignibus honorum abdicet, quandoque necessarium esse potest; quibus tamen demtis virtus nequidquam obolefcit; imo apud sapientes magis enitescit, si inania ista cum ratione contemserit. Sic quis bonus civis non malit honoribus carere, quam patriam, dum eos pertinaciter adsertum it,

turbis

bis involvere? Parum utique apud bonos cives  
 ere debebant illæ adhortationes Cæsaris; patriæ  
 ia inferenda, ne quid de ipsius dignitate dece-  
 et. Et nimis quam dilutus est color ille; non  
 riam bello peti, sed inimicorum injuriis obviam  
 Non enim ea, quæ ab aliquo *Reip. causa acta*  
*et, in contumeliam suam q̄s* Vertere debet.  
 oper quippe *Reip. commoda privatis necessitati-*  
*habenda potiora.* Et debet bonus *civis* & *stu-*  
*m* & *iracundiam suam* *Reip. dimittere*; neq̄  
 o *graciter irasci inimicis*; ne cum illis nocere  
 beret, noceat *Reip.* quod bene moneri curabat  
 sarem Pompejus ap. *Cæs. l. 1. de B. C.* Et sane,  
 n illa honorum insignia patriæ debeamus, cur  
 n in ejusdem usus eadem velimus impendere?  
 ne enim, ut hoc obiter addamus, illa existima-  
 nis exteriora signa valorem suum determina-  
 n habent ex impositione ejus civitatis, in qua  
 is vivit; etsi existimatio ipsa in se, & prout sa-  
 ntibus æstimatur, valorem suum ex præstantia  
 tutis & actionum præclararum mutuatur. Unde  
 ique terrarum virtuti quidem suum est pretium;  
 insignia illa effectum suum non nisi in cujus-  
 e civitate exserunt, saltem hætenus, ut reveren-  
 ni adversus illa abs cæteris suo quasi jure quis  
 stulare queat. Quanquam cum talia vulgo ob-  
 imiam virtutem conferri præsumantur, etiam  
 tiores gentes peregrinis eam soleant deferre ve-  
 rationem, quam honores, quibus in patria ful-  
 nt, requirere videntur. Inde Ciceroni peregri-  
 nonnulli, splendidis familiis orti, vocantur non

absolute, sed *dominant apud suos nobiles*; scilicet quod peregrinæ nobilitati idem valor non esset Romæ, atque in sua cujusque patria. Sic quis ignorat, quantus honos Olympionicis apud Græcos fuerit habitus? Eundem si apud alios, queis tanti non æstimatæ fuerunt vires corporis, aut agilitas, exhiberi sibi postulassent, ludibrium cordatis debuissent. Accedit quod iisdem vocabulis disparēs prorsus dignitatis gradus, ac diversa munia apud diversos populos sæpe designentur. Unde eadem classe omnes iisdem superbientes titulis censere velle, oppido quam imperitum foret. Usque adeo ista honorum insignia, & titulorum pompa usu valent, ut nummi; & manifestus est vanitatis, qui ex talibus maiorem sibi venerationem circumponere audet, quam quanta à civitate sua expresso statuto aut per consuetudinem istis est attributa. Sed hæc in transitu. Denique illam existimationem, quæ à prava vulgi opinione pendet, uti in omnibus contemnere debet vir sapiens; ita in primis, dum patriæ consultum sit, nequidquam inanes imperitorum strepitus curabit; qui & brevi evanescent, & ampliori gloriâ exuberant, postquam eventus consiliorum rationem adprobavit. Exemplum in eam rem illustrissimum exhibuit Fabius ille Cunctator, de quo vid. *Liv. l. 22. c. 15. 22.*

§. 28. De opibus in usum patriæ erogandis res est in expedito. Scilicet tenetur quilibet civis conferre pro rata parte, quantum ad conservandum statum publicum requiritur, quo ipso etiam singulorum securitas stat. Quota census pars, & quo

no tempore sit solvenda; summi imperii est designare. Etsi alicubi in constitutionibus imperum populus, perpenso, quantum probabiliter necessitates publicæ essent desideraturæ, certam intaxat summam exigere imperaturo concessit, iam tamen tempora Reip. sæpe augeri jubent. Audent quoque in plerisque civitatibus certumines immunitate à tributis, vel ob singularia merita in Remp. vel ob eximias operas, quas Reip. præstant; quos tamen interdum gravis patriæ necessitas in partem onerum vocat. Sed & ubi res publica non fert, ut abs singulis rata tributorum portio exigatur, aut si ad usus publicos non nisi usus alicujus res apta sit, concedere hanc, & de onus suis etiam ultra ratam erogare civis debet, tamen ut à civitate id, quod excedit, ipsi refundatur. Eadem quoque ad operas illas, quas civis in usum patriæ præstant, applicari possunt. Patriæ præterea patriæ debentur circa susceptionem rerum, studia, obeunda munera publica; ab a patrum tradita legas.

§. 29. Cæterum pleraque, quæ hætenus diximus, patriæ debentur ex communi illa obligatione, qua cives sumus. His accedunt plurima propria peculiaria, ad quæ pactis singularibus quis se obstrinxit; quæ quisque ex muneris sui legis facile cognoscet, simulque, quomodo per istam communis illa obligatio intendatur aut temperetur. Id quod imprimis expendi meretur circa eos, qui patriam summo cum imperio regunt. Hos Patres patriæ vocandos judicaverunt, ex qui-

fitissime ipsorum munus expressisse videntur. Quanquam diverso nomine eam adpellationem Principes mereri possunt. Præcipuo quodam jure eam sibi vindicant, qui suam sibi patriam ipsi fecerunt; uti Romulus, urbis & gentis Romanæ conditor. Proximi his sunt, qui à patria interitum avertunt, aut magnis calamitatibus oppressam recreant, pristinoq; vigori restituant. Quibus de causis etiam eximii cives istius nominis dignationem sibi circumponere potuerunt. Quibus autem ad talia merita occasio defuit, recte Patres Patriæ audiunt, si populum suum paterna cura paternoque adfectu complectantur. Nam non videtur ejus tituli sensum penitus exhaustisse *Seneca l. 1. de Clement. c. 14.* quando per eum potissimum admoneri putat Principes de lenitate in suppliciis exigendis adhibenda; uti patres non prius ad *decretorium stylum* accedunt, quam omnes alias correctiones consumserunt. *Cetera, inquit, cognomina honori data sunt. Magnos, & Felices & Augustos diximus, & ambitiosa majestati quidquid potuimus titulorum concessimus, illis hoc tribuentes. Patrem quidem patria adpellavimus, ut sciret datam sibi potestatem patriam, qua est temperatissima, liberis consulens, suaq; post illos reponens. Tarde sibi pater membra sua abscindat, &c.* Quanquam ex scopo ejus scripti facile adparet, cur hanc potissimum partem existius nominis sensu arripuerit Seneca, quem discipuli sui ingenium hautquidquam fallebat. Sed ut nos in eo titulo nihil præter lenitatem imperii specte-



ctemus, nulla ratio est. Neque crediderim  
 nil aliud ob oculos habuisse. qui id nominis in-  
 ncipes Romanos contulerunt, atque antiqui  
 Romani, qui Dominum maluerunt patrem-  
 ilix appellare, de quo est apud *Eundem ep. 47.*

*illud quidem videtis, quam omnem invidiam  
 jores nostri dominis, omnem contumeliam ser-  
 detraxerint? Dominum patremfamilie appel-  
 erunt, sercos familiares.* Quæ cum ita sint,  
 ltis non probabile visum fuit, *i. Sam. 8.* descri-  
 ura Regis, qui patriæ pater cluere possit. Ple-  
 ue autem ab se impetrare non potuerunt, ut  
 derent in divinis literis non exactissimam sum-  
 in terris muneris normam contineri; quam  
 initium novi regni promulgari utique con-  
 iens fuerat. In hoc sententiarum divortio  
 d mihi probabilissimum videatur, paucis ex-  
 nere placet. Fuerat igitur hætenus inter E-  
 eos forma Reip. illi fere similis regno, quod *A-  
 oteli* Heroicum dicitur. Judices divino ple-  
 ve instinctu acti oppressos ab hostibus vindi-  
 ant, aut in pace jus dicebant: de cætero sva-  
 di magis autoritate, quam jubendi potestate;  
 dparatus ipsorum intra civilem modum nullo  
 t tributo juvandus. Pertæsus eum statum po-  
 lus Regem volebat, ad modum cæterarum gen-  
 m, i. e. qvi externa quoque pompa splenderet,  
 perpetuum militem aleret, aut certe in armis  
 es exerceret, ut hostibus ingruentibus statim  
 sset occurri. Hæc Samuel, ut re adhuc inte-  
 a mature deliberarent, jus ejusmodi Regis, &

istius status incommoda ipsis ob oculos ponit.  
 Vultis habere Regem, cultu magnifico insignem?  
 Atqui hic numeroſo erit ſatellitio ſtipatus, adeoq;  
*filios veſtros tollet, & ponet in curribus ſuis, facietq;  
 ſibi equites, & præcuſſores quadrigarum ſuarum.*  
 Vultis Regem, qui perpetuo milite ſit inſtructus.  
 At ſic neceſſum erit, ut *conſtituat ſibi tribunos &  
 centuriones* ex filiis veſtris, qui antea rei veſtræ  
 familiari augendæ poterant vacare. Eum Regem  
 negotia publica non permittent, ut agros ſuos  
 ipſe colat. Ergo de filiis veſtris ſumet *aratores  
 agrorum ſuorum, & meſſores ſcgetum*, ac pro ar-  
 mando ſuo exercitu, *fabros armorum & currum  
 ſuorum*. Cum præterea amplo miniſterio aulæ  
 ſit uſurus, neq; ex dignitate uxorū & filiarum  
 regiarum ſit futurum, ut ipſæ tam luculentam cu-  
 linam curent; ideo *filias veſtras faciet ſibi unguen-  
 tarias, ſocarias & panificas*. Multis præterea  
 miniſtris ipſi opus erit, ad pacis ac belli negotia  
 expedienda, quibus ſalaria conſtituenda; ideo  
*agros veſtros & vineas, & oliſeta optima tollet,  
 & dabit ſervis ſuis*. Ad quem uſum etiam deci-  
 mas exiget. Nec minus, ubi opus fuerit, ſervis  
 atque jumentis veſtris ad operas ſuas utetur. U-  
 no verbo, hoc dicit; ſi Regem vultis habere, re-  
 gie iſ vobis erit ſuſtentandus, & huic fini certi  
 redditus conſtituendi; cujus oneris ſi poſt pertæ-  
 ſum fuerit, nequicquam eum exuere ſceptro po-  
 teritis, poſtquam veſtra electione jus ſibi ad re-  
 gnum quaſiuit, quod invito auferri non poterit.  
 Atque iſdem argumentis utetur, ſi quis populo  
 libe-

ero dissuadere instituat, ne democratiam in monarchiam convertat.

§. 30. Tempus est, ut illam quoque quaestio-  
nem excutiamus, an quis obligationem adversus  
patriam etiam superare queat, ut in arcem ipsius de-  
scendat? & quod eodem redit, an benefi-  
cium dare patriae possit? Sunt qui putant, si quis  
omnia, quae per vires licuit, patriae praestiterit, id  
non beneficium, sed officium debere existimari.  
Iamque nequiter aut imperite calculum ponere,  
si haec accepta cum impensis ita confert, ut cre-  
dorem se dicat. Ex quo consequens fit, nemi-  
nem posse patriam suam ingratitudinis ream  
agere. Enimvero etsi officiorum vincula ad-  
tingere potius quam laxare nobis sit cordi, vix  
tamen adparet, quomodo haec sententia non re-  
pugnanda videatur, Dicis, omnia quae habemus, in  
reptis patriae ferimus. Ergo quaecunque pa-  
tri praestiterimus, non damus, sed reddimus. Ve-  
rum isthaec oratorio magis more quam ex vero  
est expressa. Sane patria nativa vitam nobis a-  
liam imputare non potest, quam quod locum in-  
habitabilem nostris praebuit, & parentibus nobisque  
caritatem praestitit. Prius quanti sit, ex supra  
dictis liquet. Posterius fateor magnum est, sed  
non tantum, ut ideo nomina nostra nunquam di-  
tingere apud eandem queamus. Nam quod  
salus singulis securitatem possit praestare, est ex  
singulorum viribus conjunctis; adeoque ad hoc eti-  
am mei quantulamcunque partem contulerunt.  
Est, quod regeras, servaturam utique fuisse pa-  
triam

triam splendorem ac firmitatem suam, si vel maxime te tuosq; nunquam sol adspexisset. Nam hoc hoc quidem fortasse vere dici poterit in vulgares aut mediocres cives; non in Camillos, Scipiones, Fabios, Marios, Cicerones, Themistocles, Epaminondas, horumq; similes. Deinde quæ singula exigua videntur, juncta utiq; momentum possunt adferre. Subtrahe Rheno cuncta modica flumina, minore puto gloria labetur; etsi quantum ab uno alterove rivo incrementi capiat, ita manifeste deprehendere nequeas. Quod si in educationem nostram peculiare quid impenderit patria, peculiariter quoq; ipsi eo nomine obstricti erimus. Sin iis tantum frui nobis permisit, quæ quibusvis civibus patent; fecit id, quod majores nostri, dum in eam se contulerunt, sibi suisq; posteris sunt stipulati; adeoq; & ipsa nihil aliud quam officio se suo exsolvit. Atqui; inquires, quæ parentes tui in educationem tuam impenderunt, & quas tibi opes reliquerunt, in patria utiq; fuerunt acquisitæ. Sed fortasse etiam quædam aliunde intulerunt; & quacunque ratione rem fecerint, inde tamen suam portionem ad conversationem patriæ erogarunt. Quod inter præcipua numerandum, patria certe nativa aut adscititia campum præbuit, in quo tua sese virtus posset exserere. Et sane est, cur Numini gratias agamus, quod cultos inter homines, non vervæcum in patria simus nati. Nec omnino inaniter ille Seriphius, qui Themistocli objiciebat, non eum sua, sed patriæ gloria splendorem assecutum. Cui tamen cordate hic: *nec hercle*

*siege*

o Scriphius essem, nobilis; nec tu, si Athenien-  
ses, clarus unquam fuisses. Scilicet utcum-  
ad claritatem egregius viris facilem ostendat  
a patria celebris; Meletides tamen aliquis non  
fatuitate nobilitabitur. Nequē ita crude ad-  
tendum putaverim illud *Luciani d. l. Quicunq;*  
*is & splendida civitatis se civem esse jactat;*  
*rare mihi videtur, quam gloriam aut hono-*  
*patria tribuere oporteat. Neq;* occulte fere  
*se dolore affectum iri, si mediocrem patriam*  
*utus esset. Mihi Sero jucundum est ipsum*  
*en patria religiose colere.* Nam honorem utiq;  
eo parenti, qualiscunq; contigerit. Cur ta-  
n non in parte felicitatis humanæ duci queat,  
m habere, cujus virtus aut fortuna ad similem  
ditionem facile me protrahat, ego nondum di-  
io. Idem omnino etiam de patria est habendum.  
c quanquam ita sint, nondum tamen facultas  
nis interclusa est, quo minus quis paria cum  
ria facere queat. Præbet illa virtuti exserendæ  
apum; at egregius civis eandem in patriæ usus  
pensat. Ex quo si & in ipsum gloria aut com-  
dum aliquod redundat, id non magis inviden-  
m est, quam quod apes nectare suo victitant.

§. 31. Sed, inquis, si ea, quæ supra enumera-  
tus, suo jure sibi patria vindicat, quæ tandem  
teria superest illi beneficium dandi? Heic scien-  
n, uti in cæteris actibus humanis id solet respi-  
quod communiter fieri solet; ita etiam civitates  
ivibus suis qua talibus non aliud stipulari intel-  
untur, quam tales operas, quales communiter

ab hominibus, non inutili pondere terram prementibus, exspectari solent. Indicio est, quod ubicunq; aliquod virtuti pretium, eximiis actibus peculiaris sunt constituta præmia; quæ non possent non cæterorum invidiam subire, & querelas, si eximii cives sua omnia æque civitati deberent, quam mediocres mediocria. Et si quis recens in civitatem recipiatur, egregiis instructus artibus, illi utique lautiores offerri conditiones solent, quam proletario alicui. Unde arbitramur, eximia illa dona, quæ eis quidam à Deo præ cæteris sunt dotati, esse id, quo patriam sibi debitricem reddere quis possit. Nā neq; illa patriæ in acceptis refert; & quia extraordinaria & non prævisa sunt, præsumitur, eam sibi ista quoq; per nudam illam civilem obligationem voluisse asserere. Sæpenumero etiam egregia virtus talia sibi ultro pro patria deposcit, quæ ipsi injungere in mentem nunquam venerat. Denique non ita velut certæ glebæ est addicta virtus libera, ut non in alium quoq; locum sese transferre queat. Et heic putamus aliquatenus locum habere posse illa, quæ sub initium attulimus, sapientem longe majoris seipsum debere facere, quam ut pro grege stultorum se velit impendere; si scilicet viderit, stultos illos virtutem ipsius non agnoscere, aut pro gratia odium insuper & invidiam repone. Ne quis tamen putet, per isthæc langvescere amorem erga patriam, audiat verba *Seneca l. 3. de benef. cap. 36. 38.* quæ malim adplicare ad obligationem adversus patriam, quam ad parentes, qui officio suo exanimissimè satisfecerunt. *Hæc non deservunt*

usunt patria & generationem, nec deteriores illi ci-  
 s faciunt, imò etiã meliores. Natura enim  
 riosa est virtus, & priores anteire cupit. Ala-  
 or erit pietas, si ad reddenda beneficia cum vin-  
 di spe venerit. Hoc agite, optimi ci-*des*. Posita  
 inter vos & patriam honesta contentio, dederit  
 ajora an receperit. Non ideo vicit, qui occupa-  
 t. Ad hoc unum estote contumaces, ne beneficiis  
 ncamini. Certate obsecro, & susi quoque resis-  
 te aciem. Felices, qui vicerint; felices, qui vin-  
 ntur.

§. 23. Videamus nunc, quo ordine sit cen-  
 da obligatio adversus patriam, si cum aliis ob-  
 gationibus contendatur. Ubi illud extra du-  
 um ponimus, obligationem adversus Deum,  
 jus magna pars est, ne quid in leges ipsius  
 ccemus, antecedere quamlibet obligatio-  
 m, quæ homines spectat. Sed quem locum  
 bet patria, si cum universo componatur, cu-  
 s utique ipsa particula tantum est? Partem au-  
 m cedere debere toti verosimile est; præfer-  
 u cum inter omnes homines societas qua-  
 m & amicitia per naturam sit constituta. Quo-  
 iam spectat illud Marci Antonini l. 3. §. 11.  
 ὁ θεὸς ὅτι πολίτης πόλεως τ' ἀνωτάτης,  
 αἱ λοιπαὶ πόλεις ὡπερ οἰκίαι εἰσίν. Et l.  
 §. 44. Πόλις καὶ πατρίς, ὡς μὴ Ἀντω-  
 νω μοὶ ἡ Ρώμη, ὡς ἡ ἀνθρώπων ὁ κόσμος.  
 d quæ loca vid. quæ congessit Th. Gatakerus.  
 leic igitur certum videtur, non esse faciendam ex-  
 teris

teris omnibus injuriam, ut inde in patriam aliqua utilitas redundet. De cætero, uti præstantiores habendi sunt actus, qui non patriæ solum, sed & toti hominum universitati præsunt; ita arctior & determinata patriæ obligatio cedere jubet laxiorem illam & determinatam, quæ omnes homines qua tales spectat, quando utrique simul satisfieri nequit. Non puto alienum erit, tangere hæc quæstionem; An qui historiam se scribere proficetur, possit interdum ab historici officio decedere, ut aut patriæ utilitatem aliquam comparet, aut maculas ipsius obtegat? Loquimur de iis, qui res gestas perpetuæ seculorum memoriæ consignant, quorum lex est, *ne quid falsi dicant. & ne quid veri non dicant.* Vid. *Polybius l. 1. c. 14.* Quid enim sit sentiendum de illis hominibus, qui stipendio auctorati per commenta inania hominibus illudunt, ut partium, quibus se addixere, famam alant, jam inquirere non vacat. Præsertim cum illis historicorum titulus non conveniat, nisi postquam eruditi hanc definitionem adprobarint, quod historicus sit vir impudens, vana in vulgus spargere doctus, cui à nemine cordato fides sit adhibenda. Circa hanc quæstionem videtur discrimen faciendum inter ea, quæ imprudenter, & quæ scelerate à patria nostra sunt facta. Illa quo minus libere tradi possint, salva in ipsam pietate, nihil ob stare arbitramur. Ist hæc enim innotescere non magis cæterorum, quam patriæ interest, quo à similibus erratis deinceps sibi cavere queat. Unde neque id adeo reprehendendum putaverim, si historicus, qui  
alias



as munere suo defungi narrando poterat, pro-  
 prium judicium interponat circa imprudens  
 ita; dummodo umbraticæ ambitionem pruden-  
 tibus importune aut putide non ostendet. Sed si in  
 hoc genere à patria fuerit peccatum, reverenter  
 agat, qui præconem sese heic non obtulerit, sed  
 in reptione prorsus supersederit, postquam pudor  
 in arcte junctorum infamiam propagare prohi-  
 bit. Et certum est, patriam posse interdicare civi-  
 bus suis, ne talia in vulgus ipsi spargant. Quid  
 autem quis jubeatur historiam scribere? Heic  
 non cordatus non patietur sibi injungi id oneris,  
 nisi sub hac lege, ut liceat pace patriæ boni histo-  
 ricæ munere fungi, & res, prout gesta sunt, libe-  
 re ac vere narrare. Ubi si occurrerint notorie in-  
 iustitia, impudens fuerit, eadem velle defendere;  
 tanquam ut proprium interponat judicium ne-  
 cessarium non est, cum ex nuda narratione inju-  
 stitiam facti colligere in proclivi sit. Si quæ tamen  
 probabilis suppetat excusatio, eam adferri nihil  
 prohibet, præsertim si non advocati personam in-  
 terit, sed quæ alii in utramque partem disputa-  
 rint, referat. Add. tamen *Dio Chrysostomus de*  
*non capto circa fin. p. m. 191. 192.*

S. 33. Inter præcipuas necessitudines censen-  
 tes parentes, liberi, uxores, fratres; quas omnes  
 patriæ caritati concedere debere, vulgo adse-  
 ritur. *Valer. Max. l. V. c. 6. patria, inquit, maje-*  
*rit etiam illa, quæ deorum numinibus æquatur.*  
*toritas parentum, vires suas subjecit: frater-*  
*quoque, caritas a quo animo ac libenti cedit. Sic*

*Cicero*

*Cicero l. 1. de Off.* ubi contentio officiorum fit facienda, principem locum tribuit patriæ & parentibus, proximum liberis & toti domui, & demum propinquis. Ac circa parentes quidem tres præcipue casus occurrere possunt, ut ipsi cum patriâ contendantur. Unus est, quando patriâ & parentes simul opem nostram, quæ in plures dividi nequit, exposcunt, v. g. si ad depellendum à mœnibus hostem patriâ me vocet, parens autem senio debilis in locum se tutum asportari velit. Heic sine dubio patriâ prius succurrendum, cujus *ruina penates omnium secum trahit*. Apud Maronem Æneas primum extrema omnia tentat; si qua possit patriâ captæ, regi; opus quid ferre. Ubi nequidquam virtutem consumi videt, fessus demum ætate parens Creusâq; & Ascanius subeunt. Quando tamen æqualis necessitas patriam non premit, facile est ut credatur, patriâ non invita aliquod erga ipsam officium non ita necessarium tantisper negligi aut differri, ut inter extrema versantibus parentibus succurratur. Alter casus est, si à parente ipsi patriâ hostilia intententur, utrum reverentia patri debita hoc efficiat, ut filius non quidem pravos ipsius conatus adjuvare, sed duntaxat illis non resistere, aut ne ab aliis reprimi possint, dissimulare eos debeat? Sane *atrox exemplum, reus pater, accusator filius*. Tacit. A. IV. 28. Et non video, qua ratione illæ potissimum civitates, quæ patribus jus vitæ & necis in liberos reliquerunt, potuerint adspernari excusationem filiorum, quod veneratione paternæ adpellationis & potestatis

is filuerint de pravis patrum conatibus. Certe Tac. *A. 3. 17. Tiberius adolescentem Pisonem sine belli civilis purgavit; patris quippe jussa potuisse filium detrectare.* Sed ut maxime fitam triste ministerium deferendi patrem remittitur, quando non extrema ab illo in Remp. struitur; tamen si exitium patriæ iste intentet, nec alio indice commode possit emanare, vix dubitandum videtur, quin filius, postquam pro viribus trem ab ista mente deducere est molitus, privam affectum vincere debeat, ad avertendam abs innocentibus perniciem. Add. *l. 35. D. de rebus. & sumt. funerum.* Circa factum autem Pellæ, de quo est ap. *Livium l. 23. c. 9. 10.* ut recte iudicium feratur, id quoque est expendendum, an civilis privata autoritate fidem abs civitate publice datam infringere possit, si judicaverit eam contra eas, aut parum ex bono civitatis esse datam; Quædam ad hanc quæstionem facientia peti possunt ex *l. 1. c. 4. §. 19. Grotii de J. B. & P.* Tertius casus esse potest, si hostis patriæ exitium intentet, ni filius ipsi patriam prodere, aut magni momenti locum in ejusdem manus tradere velit. Ubi itidem patriæ potiore quam parentis rationem habendam arbitramur. Quam in rem insignem historiam memorat *Joh. Adamus Schall in narrat. missionis Soc. Jesu ad Chineses c. 9. p. m. 72.* Et si paulo aliter id factum recitet *Nenhof descript. general. Sinæ c. ult. p. 394.*

§. 34. Quid autem heic parenti in filium liceat, minus in obscuro est. Sane enim & hoc in-

eum-

cumbit patri, ut filium formet in utile membrum Reip. multoq; magis, ut eum publice perniciosam machinantem omnibus modis coërceat. Sic Fulvius senator filium ad Catilinam (citra dubium ignaro aut vetante patre) tendentem, ex itinere retractum necari jussit. *Salust. Catil. prefatus, non se Catilinam illum adversus patriam, sed patriam adversus Catilinam genuisse, quod addit Valer. l. V. c. 8.* Similem severitatem exercuit in Sp. Cassium, regni affectati suspectum, pater, uti est ap. *Enudem d. l.* etsi heic autores varient. vid. *Liv. l. 2. c. 41.* Sic cui ignotum, Brutum & Manlium in filios secures expediisse. Hunc magno exemplo & salubri disciplinam militarem sanxisse seniores agnovere; etsi juvenus, facilis specioso delicto ignoscere, & tunc, & omni vita adversata cum execrataq; sit; *Liv. l. 8. c. 12.* Unde ap. *Maronem Æn. VI. v. 822.* per minores commodius intelligi posse judicaverim juniores, quibus in parem ætatem prona misericordia, quam posteros. Nam passim id exemplum à Romanis scriptoribus osentari videmus, quod pro patria omnes domestici adfectus sint vincendi. Circa Bruti autem factum illa quoq; examinanda veniunt; an Tarquinius jure fuerit regno exutus? an, si ponamus injuste ejectum, postquam maxima pars civitatis in recens imperium consenserat, paucis quibusdam civibus licuerit clam reducere regem, jam exilio efferatum? An, si hoc forte aliis licuisset, Bruti filii sese non peculiariter abs talibus consiliis remove debuerint; quod manifestum esset,

Tarqui-

quiniūm reductum ab ipsorum patre saviendi  
 picia facturum? Matrem tamen Pausaniæ ne-  
 credo reprehendendam judicasset, si vel ma-  
 ne ipsa lapidem, claudendo filio, non attulisset.  
 quo est ap. *Cornel. Nep.* De cætero quin fas  
 riæ caritati liberorum præponderare debeat,  
 ad sapientes dubium non habet. Illustre exem-  
 plum vide ap. *Buchananum rer. Scotic. l. IX. p.*  
*288. 289.* Add. de Catharina Sforza *Boccalin.*  
*nt. 1. relat. 35.* quicum conf. *Giucciardinus hist.*  
*V. p. m. 126. in annot.* Quæ de liberis diximus,  
 fere ad uxores adplicari possunt. De fratri-  
 bus minus est difficultatis. Sane enim si frater  
 titium Reip. machinetur, nec ea res per alium  
 dicem emanare queat, vix dubitare licet, quin  
 servandam patriam ejus delator esse possis; præ-  
 terea postquam pro viribus eum ad sanam men-  
 tem reducere conatus fuisti. Alius tamen po-  
 tius, quam ipse, quantumvis nocenti manus in-  
 erat. Unde ex parvi composito animo videtur  
 profecta illa vox Q. Metelli, qui *Consul fratrem*  
*sum,* quamvis duntaxat *patruelem, incipientem*  
*utq; conantem furere, sua se manu interfectu-*  
*rum, audiente Senatu,* dixit, uti refert *Cicero pro*  
*Calio.* De Timoleonte, qui fratrem Timopha-  
 nem tyrannum sustulit, notissimum est ex *Cor-*  
*nel. Nep. & Plutarcho.* Add. *Diodorus Siculus l.*  
*XVI. c. 66.* Id factum plerisque præclarissimum  
 fuit visum. Alii ex invidia, aut quod a populari  
 statu essent alieni, pietatem ab ipso læsam fere-  
 bant. Certe mater nunquam sine detestatione  
 fratri-

fratricidii & impietatis ipsum compellavit. Postea cum Siculis auxilia contra Dionysium laturus Corintho abiret, hac cum admonitione fuit dimissus; strenuum sese ducem exhiberet; hoc enim si fecerit, cives suos judicatuuros, tyrannum ipsum occidisse; sin minus, fratrem. Equidem *Grotius l. 1. c. 4. §. 18.* Inter alios casus, quibus invasorem imperii, antequam possessione aut pacto jus nactus sit, interficere liceat, etiam hunc ponit, *si ante invasionem lex publica extiterit, quæ unicuique potestatem faciat occidendi eum, qui hoc aut illud; quod in adspectum cadit, ausus fuerit.* Quales leges in multis Græciæ civitatibus extabant. Sed an Corinthi etiam mihi nondum liquet. Illud enim *Corn. Nepotis* de hoc ipso Timoleonte, *patria legibus obtemperare satius duxit, quam imperare patriæ:* non ita videtur explicandum, quasi is voluerit obsequi legi de tyranno cædendo; sed quod maluerit civem agere legibus subiectum, quam tyrannidis socium, abs metu legum immunem. Quicquid tamen hujus sit, illud bene observandum, leges de tyrannicidis proprie non habuisse vim præceptorum, quæ quilibet civis occasione data exsequi teneretur. Alias enim transgressores legum judicandi, pœnaque afficiendi fuissent, qui tyrannum occasione data occidere omisissent; uti colligit *Plut. de Fato. p. m. 571.* Add. *Idem Poplicola p. m. 103.* Sed fuit in istis legibus, seu quocunque nomine vocare placet, in respectu singulorum civium, instar incitamenti efficacis ad exercendum in patriæ usum exiniæ fortitudinis

ctum, & qui ex communi obligatione erga patriam non videretur requiri. Cur enim alias a præmia tyrannicidis decrevissent, nî hanc aliârem credidissent materiam de patria supra commune debitum bene merendi? Quæri igitur erat, an non respectus fraterni sanguinis retraheretur, ne ipsum debuisset, ne extraordinarium illud depeteret, ad quod non imperio patriæ, sed perniciem tantum singularia vocabatur? Sane etiam si necessitas adfuerit, abs tali executione naturæ affectus abhorret. Tutissimum igitur fuerit credere, uti nefarii fratris conatus in patriam non adjuvandi; ita fraterna necessitudo hoc reprobare, ut omnis admoveatur Sydæ vis, quo is ejusmodi consiliis deducatur; præmia tamen tanti non sunt æstimanda, ut quis ea ex cæde petere velit; præsertim cum ipsi commodior præ cæteris occasio ad eandem patrândam caliter quam cum perfidia possit quæri.

§. 35. Restat ut videamus, an & quatenus obligatio adversus patriam possit tolli? Promanat a obligatio ex duobus potissimum fontibus, nempe ex subjectione, qua ut cives eidem fidem præstamus, & ex peculiaribus beneficiis. Nam quod patriæ favere debemus ideo, quia nostros quoque propinquos continet, is favor durat, etiam postquam aliò migravimus; ut tamen arctioribus, quæ nos stringunt, obligationibus ille cedat. Prius vinculum tollitur, si vel sponte quis, permittente patria, in aliam civitatem concedat, sedenti bi fortunarum fixurus, vel invitatus patria ejiciatur.

tur ob delictum aut per vim hostilem. Circa spontaneam migrationem id' imprimis dispiciendum qua ratione aliquis ab initio in civitatem sit receptus. Quidam enim iusto bello victi, aut extrema necessitate adacti in civitatis alicujus ditionem concedunt; qui quanta libertate gaudeant, e legibus ditionis est cognoscendum. At si quis liber homo, qui vel nullius imperio ante subiectus fuit, uti prisca illi patresfamilias, vel eo, qui antea tenebatur, jam solutus, sponte sese alicui civitati adjunxerit; itidem ex statutis ejus civitatis erit judicandum, quidnam circa migrationem libertatis ipsi sit relictum. Dantur enim civitates ex quibus citra expressum earundem consensum migrare non licet. Alicubi certo onere ea licentia redimenda, puta summa aliqua pecuniæ, aut certa bonorum portione. Cum autem, qui se civitati subicit, simul quoque se ad observantiam illius statuta adstringat; certum est, migrare vel lentem heic quoque observare debere, quod statutis civitatis præscribitur. Ubi autem circa eam rem nullæ extiterint leges, quid liceat, intelligitur ex consuetudine, aut ex natura subjectionis civilis colligendum. Quæ consuetudo admittit eorum licentiam sibi quilibet civis stipulatus censetur. Si neque hæc præluceat, & in subjectionis pacto in neutram partem ea de re mentio sit facta, magis est, ut licentiam pro arbitrio migrandi liber sibi homo reservasse intelligatur. Qui enim civitati se adjungit, ille neque cura sui ac rerum suarum, neque penitus libertate se sua abdicat.



potius id spectat, ut & illa firmo subsidio ful-  
 ur, & hac eo securius frui queat. Cui tamen  
 necessum est, ut utramque ad normam publici  
 us attemperet. Id autem sæpe contingit, ut  
 alicum regimen privatis alicujus rationibus  
 um expediat, aut alibi commodius iisdem que-  
 rospici. Heic cum id postulari nequeat, ut ad  
 us aut paucorum lubitum Resp. reformetur,  
 xinum erit, ut ipsis sit concessum per migra-  
 nem rebus suis consulere. Alios ad sedem mu-  
 dam adigit prava Reip. administratio, quando  
 nmi vis imperii magis in bonorum oppressio-  
 , quam eorundem sublevatione sese ostendit.  
 Aliis ut dotes animi exserant patria cam-  
 m non præbet. Alii experiuntur illud,  
 eis *οὐκ ἐφ' ἧτις δὲ τὸς ἐν τῇ πατρίδι αὐτῶν*.  
 licet livore tument ignavi oculi, cum virtute  
 ora se evectos sentiunt, quos quondam in æquo  
 lerunt. Talibus licentiam migrandi denegare  
 lle, idem foret, atque liberis hominibus impera-  
 , ut supra parentum suorum conditionem nun-  
 iam adspirare audeant. Sed & ipsæ civitates ex  
 ic migrandi licentia commodum sentire pos-  
 nt, adscitis aliunde egregius viris. Inde etiam  
 citur in l. 12. §. 9. ff. de capr. & postlim. De sua  
 citate cuique constituendi facultas libera est. Ci-  
 ro pro Balbo: Jure nostro neq; mutare ciuita-  
 em quinquam in ciuitus potest, neque si velit, muta-  
 e non potest, modo adsciscatur ab ea ciuitate, cu-  
 us esse se ciuitatis velit. Et mox: Multi etiam su-  
 eriore memoria ciues Romani sua voluntate in-  
 demna-

demnati & incolumes, his rebus relictis, alias se in civitates contulerunt. Et ex omnibus civitatibus via est in nostram, nostrisq; civibus patet iter ad ceteras civitates. Idque jus amplissimis verbis extollit: Ojura praeclara, inquit, atque divinitus jam inde à principio Romani nominis à majoribus nostris comparata, ne quis incivitus civitate mutetur, neve in civitate maneat incivitus. Hac sunt enim fundamenta firmissima nostra libertatis, si quemq; juris & retinendi & dimittendi esse de minimum. Neque huc facit l. 22. §. 2. ff. ad municip. & l. 1. C. de municip. ubi dicitur, domicilium quidem transferre licere; sed non eo minus, qui transulerat, municipii sui muneribus obligari. Nam uti Grotius respondet l. 2. cap. 5. §. 24. in quos constitutum erat, ii manebant intra fines imperii Romani, & ea ipsa constitutio specialem spectabat utilitatem tributariae praestationis ceterorumque munerum, ne in iis semel descriptis confusio oriretur. Neq; alio trahenda est l. 4. C. de mun. & l. §. 11. d. 1. Nobis autem sermo est de liberis hominibus, qui ex una civitate in aliam migrare instituant; non qui domicilium ex una parte ejusdem civitatis in aliam transferunt. Neque obstat quod patresfamilias, qui initio civitatem constitutum ierunt, pacto intelligantur singuli singulis obstrinxisse, quod ipsi suas vires in commune velint conjungere. Nam etiam aliis societatibus renunciare, potest socius, si id fiat citra dolum malum, non intempestive & in fraudem ceterorum praesertim si ad certum tempus societas non contracta.

§. 36. Ista tamen migraturo ex debito aut decoro observanda sunt, ut, cum civitatis plerumque intersit nosse civium numerum, indicet de suo discessu. Nisi forte certis ex argumentis colligat, civitatis nihil interesse, gnara ipsa an inscia quis discedat. Illis autem omnino expresse civitatis consensu opus est, qui ad peculiare munus, præsertim ad certum tempus, sese obstrinxere; puta qui legationem obeunt, qui in expeditione versantur, aut alio in munere, quod ex singulari pacto fuit susceptum. Sed & tempestive debet fieri discessus, & quando civitatis non peculiariter interest, ne is fiat. Quam in rem hæc exempla adfert *Grotius l.d. Si magnum sit contractum as alienum, nisi paratus sit civis in præsens partem suam exsolvere. Item si fiducia multitudinis aut virtutis certorum civium bellum sit susceptum, præsertim si obsidio immineat; nisi paratus sit civis ille alium aque idoneum substituere, qui Remp. defendat. Nec bonos cives dixeris, in quos adplicari queat illud Horatii l. 1. od. 35. diffugiunt cadis Cum face siccatis amici Ferre jugum pariter dolosi.* Id fortasse supervacuum fuerit monere, reverentiam adversus patriam in discessu & post conservandam, si vel maxime alibi lautior fortuna videatur allubescere. Improbum merito & nequam dixeris filium, qui statim atque potestate patris exierit, obliviscitur, illum patrem fuisse. Sic nec eum laudaveris, qui alibi pinguiori inhians conditioni, cristas erigit, & patriam, antiquosque benefactores alto despicere

supercilio incipit. Quin potius ad amicitiam invicem colendam aliquod moimentum habeat, eandem olim patriam, atque originem agnoscere. *Quibus idem Dardanus autor unam faciemus utramq; Trojam animis; mancat nostros caecura nepotes. Virg. Æn. 3.* Sic & ad conservandam antiquæ patriæ memoriam Helenus *Parvam Trojam, simulataq; magnis Pergama & arentem Xanthi cognomine rivum* constituisse dicitur. l. d. & in cæteris coloniis frequentatum, loca insigniora metropoleos imitari. Plausibilis quoque est gratulatio Romanorum & Iliensium ap. *Justin. l. 31. c. 8.* Etsi hoc prope ridiculum sit, eosdem Romanos hanc potissimum causam allegare, quare Acarnanum patrocinium suscipiant, quod hi quondam adversus Trojanos auxilia Græcis non miserint. Quo de negotio vid. *Strab. l. X. & Justin. l. 28. c. 1.* Id autem probe observandum, vocabulum *migrandi* ita heic accipi, ut quis alicujus civitatis fines & territorium excedat; non ut imperio civitatis in se renunciare velit, & nihilominus intra ejusdem territorium domicilium habere. Quæ enim certis finibus ditionem suam circumscripsit civitas, censetur simul prohibere, ne quis ipsa invita domicilium ibi figat, qui ipsius imperium nolit agnoscere. Ex hætenus dictis etiam colligi potest, quam efficaciam habeant mandata avocatoria, quæ indigenas ab exterorum ministeriis abstrahere vult civitas. Scilicet si ex civitate, in qua promiscue jus emigrandi usurpatur, aliquis nullo peculiari vinculo adstrictus,

Etus, in aliam civitatem fortunarum sedem trans-  
tulit, in eum nihil amplius juris habet antiqua  
civitas; adeoque nihil agit, si vel maxime dispen-  
dium famæ non parituris minuetur. Add. *Plu-  
tarch. Solone. p. m. 91. 92.* Ast in illum adhuc ci-  
vitati jus manet, qui vel contra leges civitatis  
migravit, vel peculiari vinculo fuit obstrictus, vel  
bona adhuc præsertim immobilia sub ipsius di-  
tione possidet.

§. 37. Gregatim tamen non posse discedi  
*Grotius* asserit l. d. ex ea ratione, quia hoc conces-  
so civilis societas non possit subsistere. In mo-  
ralibus autem necessarium judicari, citra quod fi-  
nis aliquis non potest obtineri; & fieri non posse,  
quod eundem intercipit aut destruit. Non tamen  
omni dubio hæc sententia caret. Si enim singu-  
lis licet pro arbitrio migrare, cur non idem liceat  
pluribus, quibus sedem fortunarum eodem tem-  
pore transferre commodum est; modo nihil eo-  
rum, quæ supra monuimus, obstat? Nec ad rem  
facit, quod hoc modo civitas debilitetur. Nam  
qui jus non habet me invitum retinendi, illi non  
fit injuria, si futurum aliquod commodum, non-  
dum debitum, illi intercipiatur. Neque vero  
necessarium est, ut hæc civitas tot myriadas civi-  
um habeat, aut vicinis semper sit formidanda:  
non magis, quam ut hic vel ille privatus tot mil-  
lia possideat; quorum utrique tamen per media  
illicita nihil subtrahendum. Unde etiam *Grotius*  
argumento parum inesse roboris videtur. Licet  
enim hæc vel illa civitas per migrationem civi-

um gregatim factam insigniter debilitetur, aut demum penitus destruat: non tamen ideo societas civilis inter homines penitus tollitur. Sed unius corruptio alterius est generatio; unius decrementa alteri incremento cedunt. Natura quippe civiles esse societates in genere humano jam multiplicato voluit; sed ut hæc vel illa civitas perpetuo subsisteret, nusquam jussit. Id tamen, quod de singulis diximus, etiam heic est observandum, ut, qui gregatim discedere volunt, extra territorium civitatis abeant. Nam quæ esset confusio omnium imperiorum, si licuerit integris urbibus pro libitu à civitatis suæ imperio sese subtrahere, & aut alteri se subicere, aut peculiarem deinceps Remp. constituere?

§. 38. At non citra infamiam quis invitam patriam deserit, si vel expressæ extiterint leges, venia non impetrata migrare prohibentes, vel peculiari is vinculo teneatur. Ut faciunt transfugæ; item qui dum legationem obeunt; aut alio publico munere circa arcana Reip. occupato funguntur, insalutata civitate ad alios transeunt, eos cum primis, quibuscum civitati controversia est. Iidem ubi forte penitentia ducti post datam fidem illi civitati, ad quam confugerunt, antiquam patriam repetere velint, iidem honestæ migrationis leges observare necessum habent, alias non minori scelere redituri, quam aufugerant. Difficilior est quæstio de his, qui transfugas sese simulant, ut hac ratione grave damnum illis concilient, ad quos aufugiunt, in usum suæ civitatis;

num

num probanda sit ejusmodi opera patriæ præstita? Equidem imprudentiæ notam non effugiunt, qui ejusmodi hominibus temere fidem adhibent. Nec valde reprehendas illos, qui proditoribus post præstitam operam dignum imposuere supplicium. vid. *Vopiscum Aureliano cap. 23.* Nequaquam tamen alterum honeste possum fallere ideo tantum, quia insidiis meis sese facilem præbet. Nec debere aliquem suo scelere patriæ inservire, supra adstruximus. Quin autem scelus sit, fidem dare, ut eâ violata occasionem gravius nocendi nanciscare, extra dubium est. Et execranda semper bonis visa est vox Lysandri sive Philippi, *pueros talis fallendos, viros jurejurando. V. Ælian. V. H. l. 7. c. 12.* Si igitur expresse ejusmodi transfuga fidem dederit, sine scelere non poterit eam violare, ut iis, quos deseruit serio aut simulate, utile aliquod officium exhibeat. Quod si autem aliquis regerat; cum is, ad quem transfuga se contulit, nossent, hunc ipsi sine scelere non posse operam aliquam præstare, neque ad scelus patrandum aliquem se valide potuisse obligare; adeoque fidem à transfuga datam esse nullam; ergo ipsi non fieri injuriam, si, dum rei inani confidit, deceptus fuit. Heic non opus est, ut inquiramus, peccet aliquis opera transfugarum utendo, an non. Non enim sequitur; ego utendo alicujus opera pecco; ergo ille eo ipso jus habet mihi noxam inferendi. Uti non sequitur; qui sicarium conducit ad alterum confodiendum, non minus quam ipse sicarius peccat; ergo sicarius in conductorem suum recte ferrum



vertere potest. Etsi communis sit sententia, quod *transfugam jure belli recipiamus*. Uti est in *l. 51. ff. de adq. rer. dom.* i. e. quod contra jus belli non sit eum admittere, qui desertis hostium partibus nostras eligit; uti illam legem explicant *Cujacius 4. O. 9. & Grot. l. 3. c. 22.* Quod tamen an de externo belli jure, quod *Grotio* vocatur, an de interno, quod ad legem naturæ examussum congruit, sit capiendum, non immerito dubites. Sane si quis plenam licentiam adhibendi operam transfugarum defendere velit, putaverim ipsum non tam hoc argumento niti debere, quod etiam Deus diaboli & impiorum parata opera utatur; quam favore justorum armorum, quæ geruntur repellendis alterius injuriis, aut consequendo juri nostro. Ob quem favorem non videtur justo bellatori curiose inquirendum, utrum illi, qui hostilem statum adversus ipsum exuerunt, honestis an inhonestis causis fuerint moti. Adeoque cum præsumere possit, justis de causis eos priores partes deseruisse, tanquam ex adprobatione injusti transfugii reatum non contrahet. Quicquid tamen hujus sit, id in aprico est, nefas esse fidem inter instrumenta fallendi disponere. Deinde fidem ejusmodi transfugæ, qui citra justam causam partes se suas deseruisse fert, inanem esse, utpote, quæ tendit ad scelus faciendum; adeoque valde imperitum esse, qui in ista aliquid fiduciæ collocat. Inde plerumque transfugæ, qui aliquo numero esse cupiunt apud receptatores suos, quivè nocendi occasionem simulatione transfugii aucupantur, præ se ferunt, into-



intolerandis se injuriis adactos, ut hac ratione salutis suæ consultum irent. Sic quis ignorat, quæ ratione sibi Zopyrus apud Babylonios, Sext. Tarquinius apud Gabinos fidem conciliaverit. Sic qui M. Crassum in patentia camporum traxit, Mezeras Syrus ut *Floro* vocatur, aut Abarus Arabs, uti *Appiano*, aut Ariamnes, uti *Plutarcho*, Pompeji in se benevolentiam & beneficia extollendo, de studio suo in Romanas partes infelici fidem fecit. *Maro* quam graphice describit astum Sinonidis, ut ab imprudentiæ labe Trojanos purget; Fingit iste se invisum fuisse Ulyssi, de quo nulla non fraus credi poterat, & cujus odium commendationis instar apud Trojanos habebat. Odii causam arcessit à nece Palamedis, ideo occisi, *quia bella setabat*. Se aris destinatum dicit non oraculo deorum, ne videretur se victimam pro salute civium voluisse subtrahere, sed mendacio Calchantis, ab Ulysse subornati, & temerariâ cæterorum adprobatione. Quæ utique tam atrox sit injuria, ut recte dicere possit; *patria teneor neque legibus ullis*. Et tamen veterator deos & omnia sacra prius testatur, ut *fas sibi sit odisse viros*, jam quidem injuste infensos, quondam tamen cives. Nec id tamen plene iisdem pervasit, priusquam ostento dicta ejusdem firmata viderentur. Sub transfugarum autem numero non veniunt, qui teste ad hostes abeunt, quo improvisam aliquam cladem ipsis inferant, neque fidem dant, quod ipsorum partes sint secuturi. Neque censendi sunt tacite fidem dedisse, quod nihil inimici sint tentaturi in statum

hostium, eo ipso, quia intra præsidia hostium versantur. Ejusmodi enim tacita fides præsумitur de eo, qui ad alterum venit pacis, non qui belli tempore.

§. 39. Porro cum supra dictum sit, posse liberum civem pro arbitrio civitate demigrare, quaeritur jam ; an non civitas ex adverso pro suo arbitrio civem possit expellere invitum, nullo antegresso delicto? Equidem *Ciceronem* audivimus inter fundamenta libertatis ponere, *ne quis invitus civitate mutetur*. An ergo heic deterior conditio civitatis, quam singulorum civium? Sed ratio hujus discriminis facile adparet. Qui enim in civitatem aliquam concedit, utique omnes suas rationes, saltem in præsens, eidem velut illigat, quas turbari aut everti necessum foret, si quolibet tempore posset expelli. Quod cum sit summe odiosum, inde civis hoc quoque abs civitate velut stipulari intelligitur, ne invitus præter meritum posset ejici. Sed contra civitas fortunas suas & incolumitatem uni alterive vulgari civi non superstruit, adeoque nihil aut parum ipsius interest, si is pro arbitrio demigret. Si enim in aliquo eximio cive magnam collocarit fiduciam civitas, solet eundem peculiaribus insuper pactis adstringere, ne pro lubitu discedere amplius possit. Nec invidendum est, plusculum heic licere civi, quam civitati. Nam ubi ille ad arbitrium civitatis sese non composuerit, facile potest in ordinem redigi. Civis autem, si Reip. administratio displicuerit, nihil aliud relictum, quam patientia aut emigratio. Solet nihilo-

hilominus à civitatibus usurpari medium minus odiosum amoliendi cives suspectos, aut supervacuos & multitudine prægraves, quo cæteris laxior locus fiat; ut nempe eos in colonias describant. Etsi plerunque volentibus hoc fit, dum lautiores conditionem in coloniis sperant, qui domi cum inopia conflictabantur; aut ipsi ex oculis civitatis, cui invisi sunt, sese subtrahi gaudent. De more autem illo multis barbaris atque Græcis recepto juventutem Deo cuiusdam sacram emittendi ad quærendas novas sedes, luculenter tradit *Dionys. Halicarn. l. 1.* Scilicet quando exuberante vulgi multitudine, aut ob sterilitatem, civitas alendæ turbæ non sufficeret, aut alium ob causum minuendus civium numerus, Deo cuiusdam sacrales annuam hominum progeniem ex finibus suis emittebant, armis instructos. Hi migrantes, patria in posterum carituri, nisi aliam, quæ se reciperet, pararent; quam vel gratia vel armis quæsisissent eam patriæ loco habebant. Creditumque est, Deum, cui dicabantur, taliter emissorum colonias supra hominum opinionem fortunare. *Idem l. 2.* tradit Aborigines fuisse talem juventutem diis consecratam more patrio, ad quærendas sedes, quas cunque fortuna obtulisset, à parentibus missam. Sic *Plin. l. 3. c. 13.* Picentes ortos dicit à Sabinis, *Voto Vere sacro.* Et *Strabo l. V.* Samnites simili ratione à Sabinis ortos memorat. Adde *Justin. l. 24. c. 4.* & *Festum in Ver sacrum*, & in *Mamertini.* Et *Livium l. 34. c. 44.* ubi tradit, pontifices respondisse, *Ver sacrum* (quale quidem Romani vovere solebant)

solebant) *Videri pecus, quod natum esset inter Cal. Martias, & pridie Calendas Majas.* Quomodo Lydus & Tyrrhenus, urgente frugum sterilitate, sortiti sint, uter cum parte multitudinis patria decederet, vide *Vellejum l. 1. c. 1. & Strab. l. 5.* Possunt autem & solent coloniae diversomodo deduci. Vel enim manent pars civitatis, unde emittuntur: vel civitati matrici reverentiam exhibere, ejusque majestatem comiter conservare deinceps tenentur, adeoque velut inæquali fœdere junguntur; vel denique pari deinceps jure cum metropoli agunt.

§. 40. Invitus obligatione erga patriam solvitur, qui ob crimen verum aut per calumniam intentatum patria ejicitur. Dum enim civitas aliquem pro membro suo non amplius vult agnoscere, & finibus suis expellit, remittit ipsi obligationem, qua antea tanquam civis tenebatur. Quo ipso illi fit facultas ubicunque possit sedem sibi novam constituendi. Est autem in exilium ejici ob falsum crimen gravis injuria, ob verum, gravis poena. Si enim vel maxime salva relinquantur bona, alio tamen ea transferri molestum est; nec minus acerbum à necessitudinibus abstrahi, & ignominiae plenum, indignum fuisse judicatum, cui in civitate locus concederetur. Penitus enim effrontem esse oportet, in quem dici queat illud *Juvenal. sat. 1. Hic damnatus inani Fudicio (quid enim falsis infamia nummis?) Exul ab octava Marius bibit, & fruitur dis Iratis.* Nec est quod moveat aliquem illud *Ciceronis pro Cæcina,*

*cina: Exilium, non supplicium est, sed persugium portusque supplicii. Nam qui volunt pœnam aliquam subterfugere, aut calamitatem, eò solum vertunt, hoc est, sedem ac locum mutant. Itaq; nulla in lege nostra reperietur, ut apud ceteras civitates, maleficio ullum exilio esse multatum. Sed cum homines vincula, neces, ignominiasq; vitant, quasunt legibus constituta, confugiunt quasi ad aram in exilium. Qui si in civitate legis vim subire vellent, non prius civitatem quam vitam amitterent: quia nolunt, non adimitur his civitas, sed ab his relinquitur atq; deponitur. Scilicet est hoc ex peculiari ratione antiqui juris Romani, per quod invito non poterat civitas adimi. Quo minus autem à Magistratibus togatis civi capitalia supplicia injussu populi irrogarentur, leges Porciæ & Sempronix prohibebant. Ne tamen delicta impunita manerent, & nihilominus nemo invitus civitate ejectus videretur, voluerunt credi, exilium sponte à civibus suscipi declinandæ pœnæ causa. Apud Salust. Catilin. Cæsar. alæ leges condemnatis civibus non animam eripi, sed exilium permitti jubent. Et iterum; exilium damnatis permissum. Necessitatem tamen soli vertendi satis innuebant, quando capitalium criminum damnatis aqua & igni interdicebant, seu ne iis intra ditionem populi Romani uterentur. Cæterum uti libera adhuc Rep. exulibus permissum erat pro libitu in quævis loca extra civitatem Romanam concedere: ita post sub Cæsaribus in exilii locum deportatio successit.*

fit. Cujus rei inter cæteras hæc quoque causa fuit, ne viri illi virtute aut opibus insignes, quos per calumnias plerumque pessum dabant Cæsares, ad hostes delati, vel ad ea loca, ubi exercitus Romani agebant, injurias suas ultum irent. Differerat autem deportatio ab exilio per aquæ & ignis interdictionem significato, quod per hoc non solum jus civitatis amitteretur, sed etiam quis penitus ditione Romana excluderetur, ita ut deinceps cujuscunque vellet Reip. civis fieri posset. In deportatione autem itidem jus civitatis Romanæ seu privilegia civium Romanorum amittebantur, sed civitas Romana non omni se potestate in eos abdicabat, neque ditione sua eos ejiciebat; sed certo loco, plerumque mari circumfluo, includebat. Mitior pœna erat relegatio, per quam jus civitatis non amittebatur, sed tantum in certo loco necessarium quis domicilium habere jubebatur; aut certa Imperii Romani parte abstinere. Quod posterius quibus injunctum, proprie interdicti vocabantur. Sic *Ovid. l. V. Trist. el. 11. relegatum* se tantum dicit, non *exulem*, neque *jus civis sibi Casarem ademisse*. Latius hac de re interpretes juris Romani sunt videndi ad *tit. de Interd. & releg.* & imprimis *Brisson. select. antiq. l. 3. c. 5. Anton. Matth. de Crimin. ad tit. de pœn. c. 1. §. 6. 10.* Id heic obiter quoque observandum, isthæc vocabula interdum ab autoribus promiscue sumi. Apud *Tacit. A. III. 68. relegari in insulam* ponitur pro *deportari*. *Plinio l. 7. ep. 19. Fannia relegata exul* dicitur. Apud *Sueton.*



10n. Cal. c. 28. *exules* vocantur, qui proprie *deportati* aut *relegati*. Et alibi passim.

§. 41. Alio modo civitatem non lubens quis mutat, quando vi hostili subactus alterius se imperio subjicit, tanquam civem & subditum, sive simul sedem mutet, sive non. Id quod non singulis modo civibus, saltem qui non alio quam communi civium vinculo tenentur, sed & integris urbibus, & provinciis licere, quando alia salutis expediendæ via non adparet, in confesso est. vid. *Grot. II. cap. 6. §. 5.* Ubi tamen observandum, si quis civis, vel cœtus civium ita sese hosti dedat, ut simul sedem alio transferat, illos dici & civitatem & patriam mutare. Quod si autem v. g. aliqua urbs sese alterius ditioni & imperio dedat, ut in perpetuum à priore civitate divellatur, ejus incolæ civitatem quidem mutasse, non autem patriam proprie dici poterunt. Patria enim, quæ à patre denominatur, abs quo in liberos patrimonia & fortunæ solent devolvi, non obscure connotat sedem fortunarum, quæ sine certo & fixo loco intelligi nequit. Unde loco non mutato neque patria mutata dicitur. Civitas autem nostra est ille cœtus, cujus summo imperio subiecti sumus; neque videtur respectum ad locum fixum involvere. Unde eadem civitas manet, etsi penitus in aliam sedem sese transfulerit. Sic *Phocæorum profugit exsecrata civitas. Agros atq; lares patrios habitandaq; sana Apris reliquit & rapacibus lupis. Horat. epod. 16.* qua de re vid. *Erasm. Chiliad. in Phocensium exsecratio.*

Heic

Heic sane Phocenses manebant in eadem civitate; recte tamen dici poterant mutasse patriam, quatenus notat sedem seu locum fortunarum & solum natale, (nam hoc quoque sapissime in ejusmodi locutionibus simul innuitur.) Quod si autem aliquis captus detineatur apud hostes, aut eos, qui in externos fœdere non junctos hostilia usurpant, (uti multi quondam faciebant; vid. l. 5. §. 2. ff. de capt. & postlim. Grot. III. c. 9. §. 18.) siue libertatem adhuc retineat, siue amiserit; is nondum patriam mutasse censendus est, quamdiu in eam revertendi animum habet, dummodo jure postliminii frui possit; etsi usu patriæ interea carere cogitur. Ex quibus judicandum est de illo dicto Torquati ad captivos Cannenses apud Liv. l. 22. c. 60. *Liberi atq; incolumes desiderate patriam; imo desiderate, dum patria est; dum cives ejus estis. Sero nunc desideratis, diminuti capite, ab alienati jure civium, serui Carthaginiensium facti.* De illa autem quæstione, an & quatenus urgente necessitate pars civitatis alterius imperio tradi possit, vid. Grot. III. c. 20. §. 5. & Bæcler. comment. ad Grot. p. 104. 116. 285. Ubi tamen hoc addendum putaverim; si quæ civitas necessitate adacta quibusdam urbibus aut provinciis hosti cesserit, (quæ quidem quondam sponte civitati sese adjunxerant,) illis ignaris aut invitis, ejus pacti hunc esse effectum, ut civitas omni quidem suo juri in eas renunciaret; nequaquam autem ut iisdem pro imperio injungat, civitati alteri sese subdere. Adeoque debet quidem civitas



vitas præsidia, si quæ sunt, inde deducere; ut autem easdem invitas velit cogere alienum subire imperium, non videtur posse, ne quidem ex vi Dominii eminentis. Neque enim videtur imperio esse efficaciam in illum casum, quo idem expirat; & quæ ex vi dominii eminentis fiunt, in ea omnia, modo justo tempore exerceantur, populus consensisse intelligitur. Probabilissimum autem est, populum in hoc consensisse, ut urgente necessitate pars aliqua deferri possit, non autem ut alteri invita tradi; sed potius sibi relinqui, ut suæ salutis pro arbitrio consulat. Unde judicaverim, ejusmodi urbes & provincias, quibus civitas, ipsis invitis, hosti cessit, obligationi suæ nihil adversum facere, si novum illud imperium detrectent, modo commodiora inveniant media, quibus salutem suam defendere queant. Ast ubi semel ei, cui ceduntur, fidem dederint, nequidquam eandem post ullo obtentu exuere poterunt.

§. 42. Illa autem obligatio, qua quis tenetur patriæ ex lege gratitudinis ob accepta pecuniaria beneficia, durat, etiam cum quis, ea relicta, in alia civitate consedit. Non tamen ita, ut præponderet obligationi adversus præsentem civitatem. Inde laudem quidem meretur Miltiades, quod etiam, postquam Chersonesi sedem collocaverat, Atheniensibus officia præstaret. Id tamen nequam probandum, quod Darium, cui sine dubio fidem dederat, ponte Istri rescisso, Scythis cædendum præbere vellet, ut hac ratione libertatem Græcorum in tuto poneret. Videtur tamen quibusdam,

dam, *Cornelium Nep.* non tam hoc laudare, quod Darium perdere voluerit, quam quod fuerit animo tam civili, ut mallet ceteros omnes libertate frui, quam se cum paucis dominari. Fallitur tamen *idem autor in Conone c. 5.* quando hujus factum pium & probandum vocat, quod Ioniam & Æoli- am Atheniensibus restituere sit conatus, in frau- dem regis, abs quo tanta acceperat beneficia, & cui ipse fide erat obstrictus. Neque hic affectus est laudandus, antiquæ patriæ opes velle augeri, cum damno novæ. Sed quid si contigerit, ut nova no- stra patria cum antiqua bello implicetur, anne con- tra hanc arma feremus? Heic etsi honestum sit, ta- le ministerium deprecari, ac declinare, quantum per recentis patriæ obligationem licet; si tamen hujus nos jussa urgeant, eodem modo excusati eri- mus, atque illi, qui imperia publica exsequuntur in iis, quos privatim amicos habent. *Faceffere priuatam amicitiam debere, cum mandata patriæ intercedant, recte Popilius apud Just. l. 34. c. 3.* Etsi austeritatem hominis in ea legatione obeun- da nemo cordatus adprobaverit. Certe ipse *Lælius l. 46. c. 11.* Asperitatem animi & ingenii, acerb- itatemq; violentam in isto non obscure notat. Sic Timotheus adversus Jasonem tyrannum, hospitii jure junctum, & cujus insigne documentum bene- volentiae in ipsum extabat, jussu populi bellum gessit; patriæ sanctiora, quam hospitii jura ducens. *Corn. Nep. Timoth. c. 4.* Huc facit etiam illud Sci- pionis ad legatum Antiochi, captum filium sine pretio offerentem; *Pro tanto in me munere gra- tum.*

tum me esse sentiet, si privata gratiam pro privato beneficio desiderabit. Publice nec habebo quidquam ab illo, neque dabo. *Lib. l. 37. c. 36.* Id non minus eleganter expressum est apud *Justin. l. 31. c. 7.* Privata beneficia à rebus publicis secreta esse; aliaque esse patris officia, alia patria jura, quæ non liberis tantum, verum etiam citra ipsi præponantur. Proinde se gratum munus accipere, privatoque impendio munificentia regis responsurum. Quod ad bellum pacemque attineat, nihil neque gratia dari, neque de jure patria decidi posse. Et potest etiam inter publicam hostilitatem antiquæ memoria amicitia, & acceptorum beneficiorum servari. Exemplum Ptolomæi vid. ap. *Justin. l. 15. c. 1.*

§. 43. Ut autem isthæc obligatio penitus extinguatur, vix aliter fieri posse videtur, quam si aut parem patriæ retulerimus gratiam, aut ab eadem graves injurias acceperimus. Hæ enim velut per compensationem gratiæ referendæ necessitatem tollunt. *Senec. l. 6. de benef. c. 4. 5.* Dediti beneficium; injuriam postea fecisti: & beneficio gratia debetur, & injuriæ ultio. Nec ego tibi gratiam debeo, nec tu mihi pœnam; alter ab altero absolvetur. Non abstulisti beneficium, sed opponendo illi parem injuriam solvisti me debito: & si plus lasisti, quam ante profueras, non tantum gratia extinguitur, sed ulciscendi querendique libertas fit, ubi in comparatione beneficii præponderavit injuria. Quo in dicto tamen non est ad palatium, injuria debetur ultio; & pœnam isti debeo; mollius enim est id, ulciscendi libertas fit. Sed nec-

nec illud ad patriam temere adplicandum putaverim. Sane enim tantum est in nomine patriæ venerationis, ut quantiscunque nos injuriis affecerit, ad concoquendum tamen dolorem nostrum multum valere debet cogitasse; patria fuit. Vix ullibi generosius ira reprimitur. Non compositi solum, sed & magni animi est, *nefas ducere patriam irasci*, non solum quamdiu adhuc patria est, sed etiam quando desit. Digna lectu sunt, quæ de Africano majore, quem invidia civium ex conspectu urbis faceßere subigebat, habet *Valer. Max. l. 5. c. 3.* & *Seneca ep. 86.* et si hic sequius de isto facto videatur judicare, *lib. 2. de Brevit. Vit. c. 17.* Adde *Liſium l. 38, c. 52. seqq.* & *Plutarch.* in ejus vita. Qua ratione Themistocles à plerisque creditur declinasse necessitatem ab ingrata patria vindictam sumendi, ex *Cornel. Nep.* notissimum est.

## DE REBUS GESTIS PHILIPPI AMYNTÆ F.

### §. I.

**Q**uam in uno homine sit momenti ad conciliandam integris civitatibus claritudinem, vel solum Philippi Amyntæ F. Macedonum regis exemplum docere potest. Ante illum enim regem quid gente Macedonum obscurius? A Dario mittitur cum parte copiarum Megabazus ad subigendam Thraciam, ceteraq; ejus tractus regna: quibus pro ignobili

*bili momento erat accessura Macedonia.* ap. *Iustin.* l. 7. c. 3. Cumque ejusdem legati in convivio fuissent interfecti, ipse *dedignatur ire adversus Macedones, ne dehonestaretur pralio tam fœdæ gentis.* *Demosthenes* non uno in loco exprobrat Macedonibus, quod antea Atheniensium fuerint vestigales, *orat. ad Philipp. epist.* & indignum ipsi videretur cum Atheniensibus judicio velle experiri Pella oriundum, *orat. de Haloneso*, *χωρεῖω ἀδόξω καὶ μικρῷ*, *ora. de coron.* Nam quod eadem & maxima & illustris dicitur *Pomponio Mela*, l. 2. c. 3. id nimirum *alumni efficiunt, Philippus Græcia domitor, Alexander etiam Asia.* Unde & hoc quoque adparet, quare *Juvenal.* sat. X. ambitionem Alexandri, cui unus non sufficiebat orbis, taxaturus ipsum potissimum vocet *Pellaum Juvenem.* Quam contumeliosum est, quod *Demosthenes Olynth.* 3. dicit, Philippum non Græcum esse, neque Græcis ullo modo conjunctum, sed nec inter barbaros honesto loco natum, verum perditum Macedonem, *ὅθεν ἔδ' ἀνδρείποδον παρδαῖον ἔδ' ἐν ἡν πρῶτερον πείσασθαι.* Enimvero auspiciis Philippi obscuritate sua extracta ista gens gloriosam Græciam fregit, & mox sub ipsius filio superbum Asiæ regnatorem evertit. Ad prius efficiendum quibus artibus, quové fortunæ subsidio usus fuerit Philippus, paucis dispicere est animus.

§. 1. Ante omnia autem oportebit considerare vires atque statum Macedoniae, ut liquido possit judi-

judicari, quidnam huc regnum contulerit, quidque rex. Situm regionis describunt *Plinius l. 4. c. 10. Solinus c. 15. Strabo l. 8. Pomp. Melal. 2. c. 3. Ptolomæus Geogr. l. c. 13. & ex recentioribus Ubbo Emmius de Vet. Græc. l. 5. Brietius parall. geogr. Part. 2. l. 3. c. 2.* Amplitudo regni ante Philippum regem modica; hic enim non exiguum terræ spatium nomini Macedonico inseruit. Oppidis sic satis frequens, sed ignobilibus. Nec fertilitate insignis, nec sterilitate famosa. Subterraneas opes Philippus fere eruere docuerat. Incolarum numerus non supra terrarum spacia. Ingenia gentis non tam artibus pacis idonea, quam bello prona. Innuit hoc inter cætera lex illa, quæ refertur ab *Aristotel. polit. 7. c. 2.* qua quondam cingi capistro jubebatur, qui nullum hostem interfecisset. Sed quantumvis bellicosæ nationes in prædam patent, nisi usu armorum duratæ, & sub egregiis ducibus sint compositæ. Eximius civium in reges suos amor; quo magna principum aucta nimium quantum sublevantur. Vicini Thessali, Epirotæ, Illyrii, Thræces & reliqui Istro prætexti populi, validi & raptò vivere gaudentes, Atheniensium quoque ad illas usque oras pertingens potentia, parum quietis Macedoniæ indulgebant, & incrementis ipsius hætenus valde obstiterant, ut satis haberet sua utcunque defendere. In universum igitur si æstimemus vires regni, adparebit eas infra mediocritatem stetitisse, & non nisi *ἐν ἀνεργότητι μέγας* quidquam valuisse *Demost. Olynth. 2.* Indicio est, quod Amyntas nostri pater Illyriis tributa pendere, si-

re, si-

re, filiumque obsidem tradere sit coactus. *Diodor. Sicul. l. 16. c. 2.* Cujus filius Perdiccas ab iisdem magna clade ita fuit debilitatus, ut Pæones quoque per contemptum Macedoniam populari non dubitarent. Accedebat, quod scelere Eurydices, quæ opera Ptolomæi Aloritæ Alexandrum, & post Perdiccam filios suos, Philippi fratres sustulerat, regni vires haut parum fuerint convulsæ. Quid majorum suorum famæ aut rebus gestis acceptum referat noster, strictim percenset *Justinus l. 7.*

§. 3. Consequens est, ut inquiramus, quæ forma regiminis in Macedonia fuerit. Id eo curatius faciemus, quod a viris doctissimis inter regnum plenum seu *παμβασιλείαν*, & regnum aliquod Laconicum, qui inerus est principatus, velut intermedia quædam species statuatur regnum Macedonicum. vid. *l. 1. de J. B. P. c. 3. §. 20.* Ad eam rem solide intelligendam non abs re fuerit prius excussisse vexatissimam quæstionem de mixtura simplicium formarum Reip. an scil. detur distincta species Reip. ex mixtione formarum simplicium resultans? Cui proximum erit subnectere, quidnam sit princeps absolutus, & quomodo principum potestas per capitulationes & leges fundamentales circumscribatur. Ac circa mixtas quidem formas magna inter eruditos est dissensio. Propugnant easdem maximæ autoritatis viri non minus inter antiquos, quam recentiores. His contradicere inter alios non dubitavit *Bodin. l. 2. c. 1. de Rep.* cui succenturiatur *Hobbes de civ. c. 6. §. 4.* Nobis etsi haudquidquam cordi sit probatos auto-



res insultare, aut *Noſtitios* quosdam adorare Deos: nemini tamen sano atque probò dividiæ erit, si ad illorum nos adjungamus partes, qui solidioribus heic pugnare videntur rationibus. Ut autem recte in hac quæstione procedamus, observandum est (1.) Nos quærere de forma accidentali civitatis in genere considerata i. e. ejusmodi cœtus, qui una voluntate regatur: cujus voluntatis unitas apta sit conservare internam inter membra civitatis concordiam, ac producere finem, ob quem societates civiles sunt institutæ. Quemadmodum autem in corporibus naturalibus plurima occurrunt male sana, nonnulla penitus monstrosa; ita dantur in moralibus corpora morbida, dantur etiam monstra. Enimvero ut in physicis morbus non mutat speciem: ita si in aliqua civitate vitia quædam circa administrationem imperii occurrant, non statim inde resultat nova Reip. species. Licet etiam contingere queat, ut interdum v. g. homo nascatur biceps, aut infantes gemelli corporibus junctis; non tamen propterea statim constituetur nova hominum divisio, ut alii dicantur unicipites & unicorpores, alii bicipites & bicorpores: eodem modo ex monstro morali non statim nova est species facienda. Inde non sequitur; in aliquo regno quorundam procerum potentia ita invaluit, ut rex tantum precario ipsis imperare videatur; E. datur forma reip. mixta ex monarchia & aristocratia. Non magis quam hoc; plebs alicubi in rebellionem est proclivis, & subinde per seditiones multa Regi extorquet; E. datur mixtura ex monarchia & democra-



mocratia. Sic male infertur; in aliqua civitate, regno everſo, priusquam de novo ſtatu introducendo recte conveniret, perpetua fuit contentio inter proceres & plebem circa ſummum imperium, utriſque illud ad ſe raptantibus; ergo datur mixtura ex ariſtocratia, & democratia.

§. 4. (2.) Eſt & hoc obſervandum, duo eſſe potiſſimum vincula, quibus plurium hominum voluntates connectuntur, ut in unum conſpirent; pactum, & imperium. Qui ſolo pacto continentur, eos jus quidem naturæ adſtringit, ut ſponte præſtent id, de quo fuit conventum. Quandiu hoc utrinque fit, concordia & unio ſic ſatis inter ipſos poteſt ſubſiſtere. Aſt ubi quis dolo malo à pacto reſiluerit, juris quidem naturalis violati eſt reus; cæteris autem, quorum intererat pactum, iſtud ſervari, nihil ſupereſt, quo violatorem in ordinem redigant, præter violentiam bellicam; qua ſæpe non minus pollet, qui injuriam fecit, quam qui accepit. Sic inter æqualiter fœderatos concordia eſt, quandiu quiſque quod promiſit ſponte præſtat; ubi unius perfidia intervenerit, perit vinculum, & bello præbetur cauſa. Ex quo adparet, ſola pacta non eſſe vincula ſat valida, ſaltem ut plures in unum corpus morale diu colligentur; præſertim cum non ſemper pauciores & imbecilliores à pacto diſcedant in fraudem plurium & validiorum, ſed etiam plures in fraudem pauciorum. Et licet ponamus, principali pacto aliud fuiſſe adjectum, ut cæteri omnes violatorem pacti junctis viribus perſequantur; tamen, ( præterquam quod

tres augusti indivisum imperium administrarunt, non ita in expedito est pronunciare. Sane duo aristocratiam constituere nequeunt. Cum enim uterque pari sit potestate instructus, (quod iupponimus,) non nisi pacto isti possunt inter se connecti. Et nulla est ratio expediendi negotia, si istos dissentire contigerit, dum nemo adest, qui momentum alterutrius sententiæ possit addere. Et quamvis idem incommodum videatur comitari collegium, quod ex pari numero assessorum constat; non tamen ita frequenter eveniet, ut dissensione orta pares sint sententiæ; & facile est, ut inter plures unus in alteram partem trahatur. Aut si id fieri nequeat, proximum erit, ut illa sententia obtineat, quæ nihil innovandum, sed rem in antiquo statu relinquendam censet. Deinde: nec ubi tres quidem Augusti simul imperium tenuerunt, videtur proprie loquendo aristocratia constituta. Non enim isti triumviri, aut tres Augusti in tale corpus aut collegium coaluerunt, in quo plurimum suffragia de negotiis imperii statuerent, duoque consentientes possent tertium pro imperio adigere ad sequendam ipsorum sententiam. Quod si autem existat collegium, in quo plures nequeant ad sese trahere pauciores, illud vinculo potius nudi pacti, quam imperii videtur contineri. Ergo dicemus, summum imperium revera fuisse & radicaliter penes illum solum, qui alterum vel alteros sibi collegas adsumsit, etiam si quod ad exteriora insignia iste hos sibi videretur exæquasse. Nec facile erat metuendum, aliquem

fore animo tam ingrato, ut illius voluntati reluctaretur, abs quo ad id fastigii erat profectus. Accedebat, quod ut plurimum adscisceretur à parente filius, aut à socero gener, aut à fratre frater, ut ita cognationis quoque vinculo coërceretur alter, ne potestate data contra dantem abuteretur. Unde ista collegæ adsumptio non erat divisio summæ potestatis, sed constitutio vicarii alicujus generalis simul ac successoris, qui statim ab alieno in partem curarum admitteretur, unaque cum ipso res imperii administraret, insignibus Augustalibus præfulgens. Quod si hæc alicui non satisfaciant, aut ad singula exempla nequeant adplicari, vix aliud restare videtur, quam ut dicamus: monstrum quoddam reip: ibi extitisse; ubi plures illi, penes quos summa rerum erat, tantum pacto aut factione jungerentur. Quod etiam adplicandum videtur ad socium imperium Romuli & Tatii; de quo vid. *Plutarch. Romulo*. Quos inter si dissensio aut odia fuerint orta, suspiciones, mutuasque insidias & demum civilia bella surgere necessum fuit. Locus ex *Platone l. 3. de Rep.* quem aliqui adferunt, ad rem nihil facit. Non enim agitur ibi de una civitate, cui sit mixta forma, sed de fœdere, quod tres civitates sese mutuo obstrangebant ad conservandas leges, præsentemque statum reip. quem si qua temere auderet mutare, reliquæ in ordinem eandem tenerentur redigere.

§. 6. Alteram autem divisionem imperii per partes potentiales, ut scil. in una & eadem civitate partes

partes summi imperii radicaliter & divisim sint penes plures personas aut concilia, non posse fieri, quin monstrum aliquod reip. producat, evidentius mea sententia demonstrarunt *Bodin* & *Hobbes* l. cc. Et sane, si alicui competit pars quædam summi imperii, necessum est, ut instructus quoque sit potestate tum adigendi cives ad servanda illa, quæ ex vi istius partis statuuntur, tum illud suum jus defendendi, si quis idem invadere aut turbare velit; & denique ut proprio ex judicio, & suo jure possit statuere, quo tempore & modo pars illa imperii sit exercenda. Nam quidvis potius quam imperium est, habere tantum jus indicandi aliis, quid velis ab ipsis fieri, & tamen destitui potestate etiam invitos compellendi ad observandum id, quod significasti. Et precario obtinemus, quod contra alterum defendere nobis non licet. Et minister est alterius, atque executor duntaxat, qui jus aliquod alieno ex arbitrio exercet. Ponamus ergo talem existere mixturam, ut penes principem sit potestas belli & pacis, penes senatum jus leges ferendi & judicia, penes concilium populi jus indicendi tributa. Heic si rex cives ad arma vocet, & ipsi parere nolint, aut jus habebit rex eos pœnis per se cogendi, aut senatui judicandos tradere debet. Prius est contra hypothesein; nam quomodo pœnas exiget à civibus nondum militiæ adscriptis, qui non habet executionem legum? Si dicas, in hoc solo casu jus esse regi pœnas imponendi immorigeris, eadem opera jus regi das omnes cives pro libidine vexandi,

di, adeoque eorum jura ad nihilum redigis. Ubi enim arma induere jussit, ni paruerint, supplicio eos afficiet; ubi in expeditionem eduxerit, ratio disciplinæ militaris jus vitæ & necis in ipsos illi dabit. Et nihil facilius duci, quam militem inuisum perdere. vid. *Lt&. II. 23. 32. 58. III. 10. 20. 24. IV. 1. 5. 58. V. 2. 10. & passim. Curt. VII. 2. Diod. Sicul. l. 14. c. 73.* Sin autem rex sacramentum detrectantes ad senatum adducere necessum habet, hic aut nude ex præscripto regis sententiam damnatoriam pronuntiabit, atque pœnam exequetur, quod est contra hypothésin; aut cognoscet etiam, recte an secus fecerit civis. Quæ cognitio inanis est, ut idem possit inquirere, ex vi reip. sit, nec ne, bellum jam à rege suscipi. Hoc modo in nihilum recidit jus regis. Quod si in ejusmodi statu invicem comparemus jus regis & jus populi, eadem incommoda deprehendemus. Sane enim, prout hodie bella geri moris est inter plerosque populos, *neque arma sine stipendiis, neque stipendia sine tributis haberi queunt. Tac. H. IV. 74.* Ergo si regi non sit potestas ad tributa præstanda pro imperio adigendi cives, ipsius jus belli nihil aliud erit, quam nuda facultas suadendi civibus, heic & nunc commodum esse reip. arma sumere. Quod si autem populo non sit facultas cognoscendi, utile sit bellum nec ne, cui suscipiendo tributum est conferendum, quid aliud hic habebit, quam nudum ministerium describendi & colligendi tributum? quorum utrumque est contra hypothésin. Neque sanior status emerget, si alio modo jura majestatis distri-

distribuamus. Usque adeo adplicari huc debet illud Afinii Galli apud *Tacit. A. I. 12. unum esse imperii corpus atque unius personæ aut concilii, animo regendum.*

§. 7. Evidentius autem adhuc sententiæ nostræ veritas elucescet, si accurate consideremus, quænam sit natura partium, quas vocant, potentiarum summi imperii. Nam imperium summum non est totum aliquod, constans ex partibus heterogeneis, quæ vinculo aliquo in unum quid coaluerint, ita tamen ut seorsim quoque possint existere. Sed revera summum imperium habet se instar animæ, qua civitas continetur atque conservatur: cujusque plures esse partes intelliguntur, prout occupatur circa diversa media, ad servandum civitatem necessaria. Inde summum imperium quatenus occupatur circa præscribendas universales agendi regulas, vocatur potestas legislativa; quatenus controversias civium ad eas regulas decedit, est potestas *δικαστική*: quatenus cives in externos armat, aut eosdem jubet quiescere, est jus belli & pacis: quatenus aliquos constituit, qui certos imperii actus in cives exercent, est potestas magistratus creandi: quatenus cives jubet conferre particulam bonorum ad servandam remp. est potestas tributa indicendi, & sic deinceps. Ist hæc omnia uti ad conservandam civitatem sunt necessaria; ita finem suum producere nequeunt, nisi per unam voluntatem dirigantur. Secus enim, orta inter plures voluntates dissensione, se invicem impediunt aut destruunt. Sic si fingamus

E 5 partes



partes potentiales animæ rationalis intellectum & voluntatem esse separatim in diversis suppositis, quorum uni solus fuerit intellectus, alteri sola voluntas; neque homo dici poterit tale suppositum, neque humanæ actiones ab eodem erunt expectandæ. Illustrare hanc rem potest lepidissimum epigramma, quod extat in *Anthologia* l. 1. Πηρὸς ὁ μὲν, γύοις, ὁ δὲ ἄρ' ὄμμασιν ἀμφοτέρω, ἵεις αὐτὰς τὸ τύχης ἐνδεὲς ἡρώ- νισαν. Τυφλὸς γὰρ λιπόγυιον ἐπωμάδιον βά- ρε' αἶρων, ταῖς κείνῃς φωναῖς ἀτραπὸν ὡρτοβάται. Hi utique naturæ defectus utcun- que poterant supplere, quamdiu utrique mutuas tradere operas placuit. Post abruptum fœdus ne- que cæco, neque mutilo rectum carpere iter am- plius dabatur. Sic si quis omnino partes istas impe- rii velit dirimere, is nequaquam civitatem proprie dictam constituet, sed cœtum duntaxat informem, cujus partes non summo imperio, quæ anima est ci- vitatis, sed vi duntaxat conventionis naturalis con- tineantur. Quo in cœtu utcunque concordia serva- ri poterit, quamdiu singulorum sententiæ circa bo- num publicum amice conspirent, & quilibet, quod ad hunc finem facit, sponte sit paratus implere. Ubi dissensio fuerit orta, nihil reliquum est, quam ut ad arbitros eatur, aut bello res disceptetur. Ne dicam, quod, ejusmodi divisione instituta, vix aliter possit fieri, quam ut unus alterius quoque jus ad se rape- re, aut abusu sui juris cæteros opprimere molietur. Facit huc, quod *Florus* l. 3. c. 17. dicit; *judiciaria lege*

C. Grac-

*C. Gracchi*, qua iudicia soli equestri ordini fuerunt tributa, *discessisse populum R. & bicipitem ex una fecisse civitatem equites Romanos*; tanta potestate subnixos, ut qui fata fortunarumq; patrum civitasq; principum haberent in manu interceptis sectionibus, pecularentur suo jure temp. Id quod expressum videtur ex *Varronis l. 4. de vita pop. R.* prout citatur à *Nonio Marcello in Bicipitem*: equestri ordini iudicia tradidit, ac bicipitem civitatem fecit, discordiarum civilium fontem. Conf. etiam super hac materia *Arnisl. 2. de rep. c. 6. sect. 1. Petr. Gregor. de rep. l. V. c. 1. Piccart. ad Pol. Ar.* Nihilominus cum manifestum sit, 'summum imperium in diversis civitatibus se non semper eodem modo exlerere, inde viri, queis profundior harum rerum intellectus, non quidem mixturam, sed temperamentum duntaxat aliquod agnoscunt. conf. *Bæcler. l. c.*

§. 8. Unde ergo illa temperamenta in rebus oriantur, quamvè viam obtineant, clare adparebit, si recte intelligatur, quid sit imperium absolutum, quid rescriptum seu legibus circumscriptum. Idque eo magis utile est liquido exponere, quo perniciosior est vocabuli *absoluti* abusus. Sane enim illud sinistre explicatum malis Principibus ad remp. vexandam, & plurima scelera perpetranda ansam præbuit, frigidam subinde suffundentibus adulatoribus, queis ambitionem, & alia principum vitia alere ejus vocabuli jactatione in proclivi est. Absolutus es, ergo si libet licet: ergo bellis non necessariis cives juxta tuos ac vicinos attere, ut ipse magnus bellator clueas: ergo contumelias insulta quibuslibet: ergo exactionibus



atque rapinis exhauri cives, ut ambitioni tuæ aut luxui materia suppetat, Talia cum à pessimis hominum ex eo consequi vocabulo putentur, mirum non est, quod idem adeo detestabile habeatur ab illis, qui in liberis civitatibus vivunt. Imo, si diis placet, non erubescunt etiam docti quidam viri immania Neronis scelera sub inscriptione Principis absoluti orbi proponere. Igitur quemadmodum singulorum hominum summa hæc & absoluta libertas esse intelligitur, quando non ad alienum, sed proprium arbitrium & iudicium statuere possunt de suis rebus & actionibus, salva tamen semper observatione juris naturalis; eaque libertas naturaliter omnibus hominibus competit, qui alterius hominis imperio non sunt subjecti: ita ubi plures homines in civitatem coaluerunt perfectam, ibi utique necessum est existere tanquam in subiecto communi eandem libertatem, seu facultatem proprio ex iudicio statuendi de mediis ad salutem societatis spectantibus. Quæ libertas quatenus adjunctum habet jus ista media civibus præscribendi, eosq; ad obsequium adigendi, imperium vocatur. Unde in omni civitate proprie dicta existit absolutum imperium, saltem habitualiter, si non semper exercitio. Implicat enim, esse nemini obnoxium, & non habere jus statuendi de rebus suis ex proprio iudicio & arbitrio. Imperium autem absolutum in se nil involvere iniquum aut intolerabile, ex fine civitatum institutarum facile est perspectu. Sane enim non ideo civitates constituimus, ut neglecto jure naturali omnia ex prava libidine fierent; sed  
ut

ut securitati & salutis singulorum junctis multorum viribus atque opibus prospiceretur. Ergo absolute imperare nihil est aliud, quam civibus observanda & usurpanda injungere talia media procurando bono publico, quæ imperanti ex proprio judicio, ad præsentem negotiorum conditionem formato, ei fini quam aptissima fuerint visa.

§. 9. Cæterum illud summum imperium, quod in qualibet civitate existit, quando deinde consideratur, prout est collatum vel in unam personam, vel in unum concilium ex paucioribus aut universis constans, tanquam in subiectum proprium, non ubique ita absolutum & liberum fuisse relictum, sed alicubi certis legibus alligatum observatur. Equidem in democratiis non adeo manifeste discrimen inter imperium absolutum & circumscriptum videtur deprehendi. Quanquam enim in quavis democratia oporteat existere certa instituta usu recepta, aut scriptis sancita legibus, quo tempore & per quas populus convocari, atque negotia publica proponi & executioni dari debeant; (citra talia enim resp. non potest intelligi) tamen cum ex universis civibus constet concilium illud, penes quod est summum imperium, adeoque nemini extra idem jus sit quæsitum ex istis statutis, nihil obstabit, quo minus quolibet tempore à populo eadem abrogari aut immutari possint. Nisi forte jurisjurandi religione sese ad ista perpetuo observanda populus obstrinxerit. In aristocratiis autem & monarchiis, ubi alii sunt qui imperant, alii quibus imperatur, adeoque ubi his ex illorum

promissis & pactis *jus* potest quæri, clare discrimen imperii absoluti & limitati adparet. Igitur Princeps absolutus est, qui imperium administrat proprio ex judicio, non ad normam certorum & perpetuorum statutorum, sed prout præsens rerum status videtur exigere; quiq; adeo ex proprio judicio salutem populi, prout tempora reip. postulaverint, procurat. Unde tantum abest, ut in vocabulo absoluti lateat aliquid invidiosum, aut liberis hominibus intolerabile, ut idem potius longe acrioris curæ & circumspeditionis necessitatem Principibus injungat, siquidem officio suo & conscientiæ satisfacere velint, quam quis ad præscriptam formulam negotia publica sunt expedienda.

§. 10. Enimvero quia unius hominis judicium in dispiciendo eo, quod salutis publicæ expedit, facile potest decipi; neq; omnibus ea est animi firmitas, ut in tanta libertate libidines rationi oblucentes compescere norint: igitur multis populis consultum fuit visum, tantam potestatem non ita absolute committere unius hominis judicio, ab erroribus non immuni, & arbitrio in prava flexili; sed potius certam ipsi formulam præscribere, certumq; modum imperii gerendi, ex cujus observatione obsequii sui necessitatem suspenderet. Postquam inprimis fuit animadversum, certa instituta modumq; negotia expediendi genio populi & statui civitatis optime congruere. Neq; ista imperii limitatione fit injuria Principibus, qui sponte populi ad id fastigii extolluntur. Nam si grave videbatur imperium accipere, quod pro arbitrio gere-  
re non

re non possent, licebat illud recusare. Nequaquam autem fidei religio, qua in susceptione ejusmodi imperii adstringuntur, admittit, ut postea velint clandestinis machinationibus aut per vim leges regni subvertere. Nam illud nimis quam insipidū est, quod aliqui dicunt; cum reges à Deo sint constituti, isq; ipsis munus suum recte gerendum injunxerit, id quod sine exercitio imperii fieri nequit: ergo eo ipso Deum censeri contulisse regibus certam velut mensuram potestatis, cujus partem neq; ipsi, ut delibetur aut circumscribatur, pati debeant, neq; populus id recte postulare, aut ad id regem adstringere queat. Non magis quam honeste inter maritum & uxorem tale pactum potest iniri, ut ille ad hujus furtivos amores conniveat, *doctus spectare lacunar, doctus & ad calices sigilanti stertere naso.* Verum uti illud quidem facile admittimus, imperia esse à Deo, i. e. Deum voluisse & jussisse, ut inter homines constituerentur imperia civilia; ita hoc utiq; in arbitrio hominum fuit relictum, saltem quibus ipse Deus leges civiles nō dedit, quam reip. formam in suum cœtum vellent introducere. Sicuti, puto, nullibi præceptum aliquod divinum extat, ut liber populus regem sibi impositurus, v. g. non Henricum sed Sigismundū eligat: neq; certa aliqua formula, divinitus sancita, sub qua omnib9 regibus imperium sit deferendum. Unde omnino in arbitrio est liberorum populorum, absolutum regi imperium, an certis sub legibus velint tradere; modo leges istæ in se nihil contineant impium, aut ipsum imperii finem non evertant.

§. II. Ut autem recte intelligatur, quamnam promissione regis imperium absolutum esse designat, (non enim cuilibet ea vis inest,) sciendum est, regem in susceptione regni ad id recte administrandum sese obstringere promisso vel generali vel speciali, quod plerumque juramenti religione firmatur. Generale promissum potest fieri vel tacite vel expresse. Tacite promissio regni bene gerendi in ipsa ejusdem susceptione inesse intelligitur, etiamsi nihil expresse dictum fuerit. Frequentissimum tamen est, promissionem illam fieri expresse, non sine juramento, certa que rituum solennitate. Neque id inusitatum, ut in ea promissione officium regis describatur per periphrasim aut enumerationem præcipuarum partium; puta, se diligenter invigilare velle salutis publicæ promovendæ, bonos defensurum, malos coerciturum, justitiam integre administraturum, neminem oppressurum, & similia. Ejusmodi promissiones haudquidquam  $\pi\theta$  absolutum imperii delibant, adeoque rex per easdem obligatur quidem ad imperium bene gerendum; quem autem modum quæve media isti fini producendo sit usurpaturus, in ipsius judicio & arbitrio relinquitur. Specialis autem promissio, & in qua etiam modus & media in imperio administrando adhibenda exprimuntur, duplicem habere vim videtur. Alia enim regis duntaxat conscientiam stringit, alia autem abs sui impletionis obsequium civium, tanquam à conditione, suspendit. Prioris generis promissio talis est, si rex promittat, v.g. se certo hominum generi

neri magistratus non mandaturum, se nemini privilegia in onus cæterorum redundatura daturum, nullas novas leges laturum, nova tributa non impositurum, milite externo non usurum, & similia. Neque tamen simul constituatur aliquod concilium, quod rex teneatur consulere, siquidem ab istis promissis tempora reipub. discedere jubeant; (nam istis semper tacita hæc exceptio inesse intelligitur, nî salus reip. suprema in ejusmodi legibus lex, aliter requirat: ) idque concilium jure suo, non precario, possit super istis negotiis cognoscere, citra cujus consensum cives jussis regis circa talia non obligentur. Heic utiq; ad certas quasdam leges administratio imperii est restricta, & ubi citra necessitatem rex secus fecerit, sine dubio fidei violatæ est reus. Neq; tamen civibus competit facultas regis jussa ideo detrectandi, aut irritos reddendi istos actus. Nam si rex dicat salutem populi aut insignem reip. utilitatem id postulare, sicuti etiam ea præsumptio actus regis semper comitatur, non habent cives quod regerant; quippe cum ipsis desit facultas cognoscendi super istis actibus, utrû reip. necessitas eosdem flagitet, an minus. Ex quibus adparet, non satis sibi cavere populum, si regi quidem imperium duntaxat limitatum velit tribuere, neque tamen constituat aliquod concilium, citra cujus consensum actus isti excepti nequeant exerceri, aut nî regi incumbat necessitas comitia habendi, ubi super exercitio istorum actuum deliberetur. Arctius vero constringitur summum imperium, si expresse inter regem & cives sit conventû in

in



in delatione imperii, ut ad certas leges fundamentales imperium gerat, ac super negociis ibi expressis ad concilium populi vel procerum referat, & citra consensum ipsius ab istis legibus non discedat; secus si factum fuerit, nolle cives jussis ejus circa talia teneri. Tali modo qui regem sibi constituit populus, obsequium ipsi promisisse intelligitur non absolute & in omnibus, sed quatenus imperium ad capitulationem & leges fundamentales congruit, abs quibus discrepantes actus ipso jure sunt irriti, neque vim obligandi cives obtinent. Per ejusmodi tamen leges fundamentales summum imperium haut quidquam redditur mancum. Possunt enim in tali regno omnes imperii actus exerceri, qui in regno absoluto, nisi quod heic rex solo suo judicio utitur, illic autem penes conciliū est cognitio, si à præscripta formula reip. tempora discedi suadeant. Neque etiam in tali regno rex summum habere imperium definit, aut concilium ipso rege est superius. Non enim sequitur; hic non potest omnia agere ex propria lubidine, ergo non habet summum imperium. Ego non teneor huic in omnibus parere, E. sum ipso superior, aut etiam æqualis. Ego huic, ubi dissenserit, non possum quolibet modo imperare. E. ille ipse mihi quædam positive potest injungere. Et longe diversa sunt hæc: ego teneor sequi, quod hic voluit, quia ultro me pacto ad id obstrinxi; & ego teneor sequi hujus voluntatem, quia pro imperio mihi hoc injungere potest. Summum autem & absolutum nequaquam sunt unum & idem. Illud enim  
notat

notat absentiam superioris aut æqualis in eodem ordine: hoc autem, facultatem proprio ex iudicio & arbitrio qualecunque jus exercendi.

§. 12. Cæterum in administranda rep, quæ occurrunt negotia, duplicis potissimum videntur esse generis. De quibusdam enim in antecessum potest constitui, ideo quod, quandoque eveniunt, eandem habent naturam; de quibusdam autem non nisi ex præsentis tempore potest fieri iudiciū, ideo quod, quæ illa comitantur, prævideri nequeant. Circa utraq; ne à bono publico aberraretur, populus, cui limitatum placuit imperium, cavere potuit. Illic quidem, dum perpetuas leges conscripsit, ad quas sequendas rex adstringeretur: Heic autem, dum concilium populi vel procerum consuli vult. Sic populus perspecta religionis suæ veritate, quique modus regiminis sacri rituumq; exteriorum suo genio quam optime congrueret, regi in delatione imperii legem potuit dicere, ne quid circa sacra semel recepta propria autoritate mutaret. Sic cui non constat, quam sæpe iustitia laborare soleat, si citra leges scriptas ex solo imperantis iudicio, & ex æquo bono, quod frequenter non ratio, sed affectus, aut imperitia suggerunt, jus reddatur? Conf. *Tacit. A. XIII. 4. 2.* Quod incommodum cum multis aliis experta est resp. Romana antequam *LL. XII. Tabb.* ferrentur. Nam Romanis ab initio *Romulus* & pleriq; reges, *ut lubitū, imperitaverant.* *Tac. A. III. 27.* i.e. jus ex proprio arbitrio dixerāt. Ad hoc enim illud *imperitare* esse restringendum scopus auctoris satis ostendit. Conf. tamen



tamen *Dionys. Halic. l. 2. § 4. edit. Sylburg.* Sicut & ap. *Tac. l. d. leges*, quarum sanctor *Ser&us Tullius* dicitur fuisse, quæ etiam reges obtemperarent, nequaquam notant capitulationem aliquam, seu leges, quæ status publicus formaretur; sed quæ duntaxat versarentur circa negotia civium privata, potissimum circa contractus & injurias. Id quod docet *Dionys. l. 4. p. 218. & 228.* et si eas leges iterum abrogavit Tarquinius Superbus: *Idem l. d. p. 245.* Post ejectos reges Consules itidem sæpissimè jus reddebant, prout ambitio, gratia aut libido suadebat, donec multis contentionibus obtentum fuit, ut leges conscriberentur, ex quibus omnibus civibus æquum jus diceretur. Vid. *Dionys. l. X. ab init.* Tali igitur incommodo evitando potest regem populus obstringere, ut vel æquabiles conscribat leges, vel eas, quæ jam extant, relinquat, utque jus ex istis legibus dicatur per certa collegia, causæque non nisi gravissimæ, aut per adpellationem demum ad ipsum regem devolvantur. Sic cum notissimum sit, quam facilè sit aliorum sudore parta per ambitum aut luxum profundere; igitur ne opes civium ex regum libidine alimenta vitiis ipsorum præberent, sapienter alicubi populi certos redditus regibus assignaverunt, quot scil. sufficere judicabant ad statos sumtus in remp. faciendos. Quod si ampliores requirentur, ad concilium referri super ea re voluerunt. Cum etiam quandoque non pauci reges gloriæ bellicæ plus justo sint avidi, & in bella non necessaria ruentes, se simul atque remp. in casum dent; inde

cauti

cauti fuerunt populi, qui in delatione imperii regibus suis hanc necessitatem injunxerūt, ut saltem si ipsi bello alios laceffere vellent, concilium prius consulerent. Et sic circa alia quoq; fuit constitutū, quæ nempe populus perspexit ex usu esse reip. ne, si circa ista absoluta disponendi facultas relinquere-  
tur, fortasse à meta boni publici aberraretur.

§. 13. Cum autem ut plurimum regi limitato circa actus illos, quos absoluto ipsius arbitrio populus noluit relinquere, consulendum sit concilium aliquod vel universi populi, vel quod hodie frequentius, eminentium civium seu ordinum; ulterius observandum, non æqualem ubique istius concilii esse potestatem. Nam alicubi ipse rex, cætera absolutus, constituit concilium aut senatum, citra cujus approbationem ipse nolit sua decreta valere. Qui sine dubio consiliariorum duntaxat auctoritatem habebit, & decreta regis sub censuram revocabit; quæq; reip. minus expedire judicabuntur, rejiciet, non proprio jure, sed concessa ab ipso rege potestate. Qui hoc modo sibi cavere voluit, ne per imprudentiam aut impulsu adulatorum aliquid minus reip. proficuum statueret; tum ut importunorum hominum flagitationes citra invidiam eluderet, dum ipse in speciem indulget, quod novit ab isto senatu rescissum iri. Quando tamen omnino placitum suum valere vult rex, rationesq; à senatu adductas parū graves agnoscit, non habet hic ulterius, quod regio imperio obnitatur. Non enim præsumitur, regem constituendo talem senatum jure suo absolute imperandi se voluisse irre-  
voca-

vocabiliter abdicare, & quod à civibus simpliciter poterat exigere obsequium, ultro à conditione suspendisse. Adeoque senatus iste delegatam duntaxat à rege obtinet potestatem, limitandam aut tollendam, quandoque placuerit; etsi nonnisi ex causis gravissimis placere hoc debet. Quanquā & hoc fieri possit, ut ubi libere abs rege talis senatus semel fuerit constitutus, successores juramento in delatione imperii adstringi possint, ut ne istum iterum tollant. Per talem autē senatum, præsertim ubi regi sit potestas eum iterum dissolvendi, imperium non desinit esse absolutū. Id enim non in eo consistit, ut rex cæca ex libidine, aut inconsulto animi impetu omnia agat, sed ut ultimatò ex proprio iudicio de negotiis rep. spectantibus decernat; cui hautquidquam repugnat necessitas sanas rationes audiendi. At vero omnino limitatur imperium, quando sub hac conditione cives in regē illud contulerunt, ut circa certos actus exercendos concilium ordinū consulat, citra quorum consensum solius regis decreta nihil sint valitura. Penes regem tamen esse debet, eum conventū convocare & dissolvere, ac negotia expedienda proponere. Quod si autem & ipsi ordines convocati ultro quædam ad salutem regni spectantia monere possint; decreta tamen super iis facta abs rege auctoritatem mutuabuntur. In hoc autem differunt ejusmodi ordines à consiliariis proprie dictis, quod licet utrique à rege non debeant dissentire, nisi ob graves rationes; horum tamen rationes rex rejicere possit, illorum non item. Neque indignum judicabit rex, si

quæ-

quædam ab ipso proposita ordines non admittant. Nam utiq; promissit, sese ob oculos semper habiturum utilitatem reip. de qua certius præsumuntur judicare plures, quam unus. Habet ergo, quod suam imprudentiam aut pravos affectus accuset rex, si ordines ab ipso dissentire contigerit. Unde adparet, vanum esse metum eorum, qui putant, hac ratione in arbitrio fore ordinum, ut resp. sit salva, aut minus. Neque enim tanta vecordia expectari potest vel à rege, ut ordinibus necessitates reip. clare nequeat exponere, vel ab ordinibus, ut iis perspectis salutem suam pertinaciter velint prædere.

§. 13. Ex hæcenus dictis etiam potest colligi, quid respondendum sit *Hobbeso*, quando c. 6. §. 17. contra limitationem imperiorum disputat. Ait; *cæterum illum*, qui regi futuro leges fundamentales præscripsit, *habuisse potestatem absolutam. Si maneat cæsus, vel de tempore in tempus ad certum diem & locum convenire celebret, fore perpetuam illam potentiam. Sin penitus se dissolvatur, nã una dissolvatur civitas, relinqui utiq; alicubi potestatem puniendi eos, qui leges transgrediuntur; quod fieri non possit, sine potestate absoluta. Nam cum, qui jure tantum sibi concessum habet & irum, ut possit quoslibet civis pænis coercere, habere potentiam tantam, ut à civibus major contribui non possit, conf. Eundem l. 9. §. 6. Nam crude nimis hoc ab ipso est positum, illi, cui in civitate competit jus pœnas sumendi, jure cogere omnes ad omnia, quæ ipse vult. Cui effato quæ addenda sit restrictio, ex fine civitatum institutarum facile eruitur. Ad omnia sc. ju-*

re

re cogere cives summum imperium potest, quæ ipsi ad bonum publicum aliquid facere judicantur. Ut autem illa quoque jure possit velle, & per pœnas ad eadem adigere, quæ bono civitatis repugnant, aut legibus naturalibus averfantur, id sane ex natura summi imperii hautquidquam fluit. Etsi interdum contingat, ut qui summum habent imperium, viribus sibi ad salutem civium concessis abutantur ad scelera impune exercenda. Ergo velle non debet summum imperium, nisi quæ faciunt ad conservationem civitatis. Et hucusq; recte vim cogendi & puniendi exserit. Imo postquam compertum fuit, certa instituta alicui populo egregie congruere, ut ne ab his quidem obtentu boni publici discedere possent reges proprio arbitrio, multos apud populos cautum legimus. Quos isthac imperii limitatione absurdi quid commisisse, nobis nemo persuaserit. Igitur cum ad finem civitatum non requiratur, ut per summum imperium possint cives ad omnia promiscue adigi; quidam etiam populi sub hac conditione regibus imperium commiserint, ut certam ad normam illud administrarent; manifestum est, posse competere alicui jus per pœnas cogendi cives, quod tamen non absolute se ad omnia extendat, sed ad illa tantum, quæ finis imperiorum requirit, aut de quibus in delatione imperii non secus convenit. Neque enim cives, qui in regem jus utendi viribus omnium ad salutem publicam contulerunt, physice vires suas in ipsum transfuderunt, quo minus istarum usum denegare queant, si quidem notorie con-

contraventum fuerit conditioni, sub qua imperiū delatum & obsequium promissum fuit. Et his fere modis summum imperium circumscribitur.

§. 15. Illud vero neque ad limitationem imperii pertinet, neque ad mixturam, si resp. aristocratica aut democratica unum aliquem magistratum constituat eminenti gaudentem titulo, ac splendidis insignibus fulgentem. Aut si in democratia sit aliquod concilium paucorum, ubi res ad populum referendæ prius disceptentur. Aut denique si in democratiis non omnes recens adsciti cives, vel qui infra certum censum possident, quivē sordidum vitæ genus degunt, ad suffragia de rep. ferenda admittantur. Nam vocabulum & cætera inania ad summum imperium nihil faciunt; idemque non facultate deliberandi, sed potestate discernendi æstimatur. Neque de essentia democratiæ est, ut omnes & singuli homines, civitate comprehensi, æquali jure utantur; aut ut nil nisi nudum nomen civis requiratur in eo, qui ad suffragia ferenda sit admittendus. Sed Aristocratia est, si illi, penes quos imperium est, pauci sint cum reliquis civibus comparati; democratia autem, si concilium summo imperio præditum potissimam partem civium contineat. Quod si autem quævis accidentia in iis, ex quibus concilium imperans consistit, apta forent ad constituendam novam reip. speciem, & eorundem combinatio mixtam reip. formam produceret, infinita rerump. varietas inde esset resultatura; circa quam aliū ingenia sua fatigent.

F

§. 16. Jam



§. 16. Jam ulterius videamus, an in regno Macedonico aliquid occurrat, quod pro mixtura formarum reip. possit facere. Profertur inter cætera illud *Curtii IV. 7. Macedones adscæti regio imperio, sed majore libertatis umbra, quàm cætera gentes, immortalitatem affectantem Alexandrum contumacius, quam aut ipsis expediebat, aut regi, aversati sunt.* Verum umbra mixtionis nihil adfert: Scilicet Macedonum reges nullum hætenus fastum ostentaverant, uti Persarum regibus in more fuerat, neq; à suis submissæ venerationis insignia & τὸ πρῶτον postulaverant, sed civili modo & fere ex æquo cum suis vixerant. Inde divinis inhians honoribus Alexander fastidio erat nationi adulationum parum callidæ. Ista porro externi cultus indicia uti ad vim imperii nihil faciunt; ita iisdem vulgus sæpe acrius moveri, quem ipsa re, notum est. Sicut de Belgis suis quondam pronunciabat Carolus V. *Nullos esse populos, (modo paterne habeantur,) qui seruitutis nomen magis exsecrentur, magis patiantur. Fam. Strada. l. VI.* Etsi putaverim Alexandrum istam venerationem affectasse non tam ex fastu animi; sed quemadmodum Augustus jūgo ferocem subjecturus populum, nomen, & insignia, aliosque dominantium adparatus vehementer detestari est solitus: ita hic superato oriente regibus sveto novam ad potentiam stabiliendam facere est ratus, si major homine crederetur à populis, quos facilius admiratione ipsius, quam vi in officio contineri posse adparebat. Sed nec illud ad rem facit, quod ap. *Arrianum l. IV, Callisthenes ait de regibus à Ca-*

rano ortis : ὁ βία, ἀλλὰ νόμῳ μακεδόνων ἄρ-  
 χοντες διέτέλειαν. Hautquidquam enim mi-  
 scetur forma reip. si rex non in omnibus pro abso-  
 luto arbitrio, sed ad normam legum civibus im-  
 peret. Sic neque illud mixturam sapit, quod *Cur-*  
*tius VI. 8.* dicit, *de capitalibus rebus vetuste Mace-*  
*donum more inquirebat exercitus : in pace erat*  
*Sulgi :* (conf. *Iustin. XIV. 6.*) *nihil potestas regum*  
*valerat ad damnandum civem, nisi prius valuis-*  
*set auctoritas.* Id est, non poterat pro imperio  
 rex duci jubere civem ob delictum non militare,  
 nisi prius persuasisset exercitui, illum morte di-  
 gnum esse. Verum uti in regnis nihil est novi,  
 certis civibus in vicem privilegii indulgeri, ut  
 non nisi ad peculiare tribunale vocentur; ita & in  
 delatione imperii rex potuit adstringi, ut causas  
 civium capitales in certo concilio curaret disce-  
 ptari, ne fors iniquum regis odium ad supplicium  
 alicui inferendum sufficere posset. Etsi & huic  
 legi addenda exceptio; si res moram ferat, aut ni  
 cum tali sit negotium, qui, ut reus peragi pos-  
 sit, acie prius sit vincendus. Ceterum de jure  
 exercitus Macedonici testatur etiam *Corn. Nep.*  
*Eumene c. V. & Polybius V. 27.* ubi memorat, cum  
 Philippus rex Leontium in vincula duci iussisset,  
 cetratos regem per legatos orasse, si ob aliam  
 causam, quam ob interpositam pro ære alieno fi-  
 dem, id factum esset, ne ipsis absentibus de accu-  
 satione illius vellet cognoscere: alioquin pro in-  
 genti contumelia factum Philippi se ducturos, at-  
 que omnino haut probaturos. Addit *Polyb. Sic enim*



*Macedones a quo jure cum suis regibus ab antiquo poterant uti.* Scil. ut non tenerentur, neque etiam solerent concedere, à rege violari consuetudinem illam, quæ legis fundamentalis vicem apud ipsos obtinebat. Quid enim prodest, regem certis legibus adstrinxisse, si ubi ab illis discesserit, nemo hiscere audeat? Igitur nulla est mixtura imperii, si inter regem & cives æquum jus intercedat hæcenus, ut quemadmodum ille pro imperio ab his potest exigere obsequium, quod promiserunt; ita hi, non quidem pro imperio, sed ex vi conventionis à rege modeste queant petere, ut ne à promissis suis, legibusque publicis discedat, Imo ne limitatur quidem potestas regum, si in aliis actibus, qui ad imperium proprie non spectant, æquo jure cum civibus utatur, puta in contractibus ineundis aut implendis. Id quod sapienter expendunt principes, qui in propriis tribunalibus civibus adversus se ex ejusmodi contractibus actionem dant; non quod ipsos invidos cogere possint ad solvendum, sed quia cognita sua obligatione non possunt non, quod debent, velle præstare. Adeoque hoc tantum agitur, ut cives liquido ostendant, sibi aliquid deberi, quo facto, princeps ultro debitum sit soluturus. Ita enim dignum est iis, qui cogitant, sese vel ideo potissimum in id fastigii collocatos, ut efficiant, quo cuique tribuatur, quod ipsi debetur. Eam autem ad rem non pœnæ solum, sed & exempla principum magnam vim habent. Denique affertur & illud ex *Curt. VIII.* cum Alexander in venatione leonem solus confecisset, *Macedo-*  
*nes*

nes, quamquam prospero eventu esset defunctus; tamen scire gentis suæ more, ne pedes venarentur, aut sine delectis principum amicorumq;. Verum ex hoc loco nequaquam est concludendum, Macedonibus licuisse, quodcumq; libitum fuerat, citra jussu regis in concilium coire, & alio præter regem referente leges sciscere, quibus ipse rex adstringeretur. Sic enim simulacrum duntaxat imperii penes regem fuisset. Sed cum alias moris fuisse videatur, ut si quæ novæ leges à rege ferrentur, in concione populi promulgarentur; inde Macedones tunc in stativis agentes, audito periculo regis, velut instinctu in principia provolant, & communi consensu in istud scitum conspirant. Quod sane proprie loquendo legis vim non habebat; sed potius, quantum ad regem, erat instar vehementissimæ obtestationis, ne deinceps tanto cum periculo sui suorumq; civium in immanes belluas fortis esse vellet; amici autem regis per id serio monebantur, ne regem inter talia pericula solum destituerent. Unde licet illi scito vis obligandi non adfuerit; tamen ab omni ratione alienum se ostendisset rex, si tantæ suorum pietati contraire voluisset. *conf. Eund. IX. 6.* Eodem tendit juramentum, quo Israëlita milites se obstringebant, quod non essent passuri regem in aciem descendere. *2. Sam. XXI. 17.* Ex hiis igitur adparet, non mixtam fuisse in Macedonia reip. formam, sed nec reges plane absolutum habuisse imperium; potuisse tamen civibus uti obsequentissimis ad omnia, si potestati suæ opinionem virtutis, &

per res gestas auctoritatem circumposuissent, ac ad  
genium nationis frenum attemperare calluissent.  
Præsertim cum illi genti *ingenita* fuerit *erga reges*  
*suos* *Veneratio*. *Curt. III. 6.* Sicut & contra singulo-  
rum insidias ipsorum securitati prospectum erat  
lege, qua ad necem damnabantur cognati quoque  
illorum, à quibus insidiæ vitæ regis essent structæ.  
*Idem VI. 11. VIII. 6.* Qualis lex apud Persas quoque  
obtinuit, *Justin. X. 2.* abominanda vocata *Ammia-*  
*no Marcellino l. 23.* ad quem locum vid. quæ anno-  
tavit *Lindembrog. conf. Grot. l. 2. c. 21. §. 12. seqq.*  
Quarum legum ratio non tam hæc fuisse videtur,  
ne ad parentum exemplum soboles succresceret;  
quam quod ultor inde aliquandq oriturus crede-  
retur, aut ut saltem suorum intuitu abs talibus re-  
traherentur, qui propriam vitam contemnere au-  
derent, vid. *Justin. XXVI. 3. 8.* Quanquam an hæ ra-  
tiones ad excusandas eas leges sufficiant, nostrum  
jam non est inquirere.

§. 17. Videamus nunc vires ac statum eorum,  
quibuscum Macedoni decertandum fuit, imperium  
latius proferri cupienti. Ex uno igitur latere im-  
minebant barbari, ex altero Græci. Inter illos  
erant Thraces, Illyrii, Triballi, Pæones, & alii.  
Qui etsi nec numero virorum, nec ferocia essent  
spernendi; non tamen Macedonia sub rege egre-  
gio adeò erant metuendi, quod & Thraces inter  
plures regulos forent divisi, nec reliquorum sin-  
guli multum supra Macedoniam juncti sine du-  
bio præpollebant. Verum neque tales facile in  
concordiam poterant coire, neque quanta in vici-  
nia

nia surgeret moles, prius animadverterant, quam cum se jam satis confirmasset. Ergo Philippo non ita arduum erat, dum singulos invadit, universos in ordinem redigere. Quod si autem vasto aliquo exercitu opus foret, quem domesticus explere miles non posset, licebat ex illis populis quantum vellet numerum mercede conducere, quem spes prædæ non segnius, atque alios amor laudis aut imperium in discrimina Martis stimulabat. Græcorum autem status curatius considerari meretur, quos antehac gloria rerum gestarum clarissimos primus Philippus docuit humiliores gerere spiritus: ut quo altiore supercilio quondam reliquos omnes despexerant, eo abjectius deinde potentissimum quemque adularent. Opes ergo illi genti egregiæ, etsi infra felicitis Asiæ gazas. Solertia & multitudo incolarum insignis. Bello ad id usque tempus clarissima. Ac licet per imbelliam hostium sæpe victoria paucis sudore constiterit, ipsique Græci rerum suarum præcones historiæ leges non adeo religiose semper observarint; negari tamen non potest, vix ullis tunc cessisse militem Græcum, usu ac disciplina duratum. Nec minus prona gens animam stipendio vendere. Ac redundabat eo tempore Græcia hominibus, qui sine lare, sine re circumvagantes obvia quæque infestabant. Qualem sentinam, civitatibus longe molestissimam, vix commodius licet exhaurire, quam per colonias, aut si externum in hostem ducantur. vid. *Isocrat. orat. ad Philip. Tacit. A. 2. 85. 4.* Quod si uno sub imperio tota Græcia fuisset composita,

vix adparet, cui non eo seculo par esse potuisset. Verum id vires ipsius enervabat, quod in tam multas civitates esset discerpta, quæ hautquidquam vinculo satis firmo inter se connectantur. Equidem communi nomine & natione Græci censebantur; eadem lingua; & in plurimis instituta congruebant; aliquando etiam, inprimis in bello Persico, commune periculum vires ipsos conjungere subegerat, atque arctius inire amicitiam contra illos, qui omnium libertatem oppugnatum ibant. Quo intuitu quidam de Græcia, tanquam de una aliqua rep. loquuntur. Verum cum una atque altera civitas insignia cepisset incrementa, paulatim exui æqualitas, & pro societate imperium placere. Inde orta æmulatio, & neglecto communi bono, sibi quælibet seorsim tendere, ac diversis consiliis atque studiis ferri. Hinc bellis intestinis efferati animi nunquam sat fidam inter se pacem colere. Nec adeo sancte Græcis observabantur fœdera & juramenta, quæ violare, quotiens utilitas svaderet, aut ex sola animi levitate, frequentissimum erat. Fœdus porro Amphictyonicum neque universam Græciam complectebatur, & magis ad componendas internas controversias, curamque templi Delphici videbatur institutum, quam ut communi consilio res sociorum administrarentur. Usque adeo *αὐτονομία* illa, qua sibi tantopere Græcæ civitates placebant, demum exitio ipsis vertit. Idem ob malum quondam validissimæ nationes, Galli, Britanni, Hispani externum jugum subiere. Accedebat, quod pleræque civitatum

Græ-

Græcarum populari statu regerentur, cujus vitia tantum non necessaria sunt *βραδύτητες, ὄκνοι, ἄγνοια, Φιλονεικία.* *Demosth. de coron. add. Hobbes. c. 10. §. 10.* Ac inter demagogos illos plurimi *ἀεργεσίᾳ* laborantes, quæis patriam vendere in quæstu erat, quique plebem imperitam, mobilem, temerariam, quocunque vellent, impellebant. Contra tales quid non efficeret Philippus, qui solus arcana & aperta moderabatur; qui simul dux esset, & dominus, & quæstor, ubique exercitui præsens perpetuo arma in manibus habenti, *Demosth. Olynth. I.* quique adeo agendi tempora consulando atque adparando terere necessum non haberet. Fortasse tamen ruentes in deterius res potuisset sistere Themistocles aliquis, consilio, autoritate, auspiciis pollens. Sed nescio quomodo intra unum fere seculum Græcia fecunditatem suam in producendis insignibus ducibus videbatur consumsisse, ut nemo tunc esset, qui cum Philippo contendere mereretur. Genio naturæ per vices in diversa effusæ; an erecta ingenia exemplo priorum ducum deterrebantur, ne illas excolerent artes, quæis quanto quis celebrior, plebis invidiæ & suspicionibus expositus degebat. Nam Demosthenes, licet utilia fraderet, torporem tamen civibus suis in tempore excutere non poterat. Et larga quidem ipsi fandi copia; sed cum bella manus poscerent, pedibus sibi consulebat, non sine flagitio abjecti clypei. Hæc de Græcia in universum. Nunc de præcipuis ejusdem civitatibus dispiciamus.

§. 18. Athenarum igitur urbs divitiis, amplitudine, frequentia incolarum, portus commoditate inter Græcas facilè princeps, cum bello Persico re fortiter gesta longe cæteras eminere cœpisset, tandem cum in socios, quos paulatim ad subditorum conditionem redegerat, aspere imperium exerceret, in plurimorum incurrit odia. Reliqui formidabant vires omnium libertati prægraves. Spartam imprimis ejus splendor invidia urebat. Commisso inde bello Peloponesiaco, dum diu paribus fere damnis res Athenienses inter & Spartanos geritur, tandem istorum opes inauspicata in Siciliam expeditione impulsæ, apud Ægos flumen penitus corruerunt. Triginta tamen tyrannis amotis, & Spartanis ad Cnidum & Leuctra fractis, caput iterum cœpit tollere, longe tamen infra pristinum fastigium. Quippe flos virorum bello ceciderat; colluvies hominū in eorum locum adscita, numerus magis quam viri. Ac cum saluberrima Solonis instituta multis partibus essent convulsa, cuncta ad summam rerum spectantia per imperitam plebem tractabantur, quam suoapte genio turbidam oratores insuper exagitabant. Horum paucis boni publici intellectus, aut amor; lingvæ volubilitas, & rerum novarum studium supra erant. In luxuriam & ignaviam per longam pacem aut modica bella resoluta plebs mollia duntaxat audire cupiebat, auresque magis dijudicandis numeris poeti-  
cis, quam reip. negotiis adsuefecerat. Et quanto rebus secundis ferocior aut negligentior, adversis consilii inops. Pecunia publica, quæ struendis na-  
vibus,



vibus, alendoque militi debebat impendi, spectandi in theatro loca redimebantur; (vid. *Libanius argumento Olynth. 1.*) reliquam magistratus per ambitum dissipabant. Otio adſvetum urbanum vulgus militiam detrectare. Externus miles languide rem velut alienam gerere, quem numerosum alere per ærarii inopiam non licebat. Ducibus inter stipendiorum defectum, & atrocitatem plebis destitutis remissa disciplina militum patientia erat redimenda, & magis de violentia populi quam de hoste cogitandum. Metuenda tamen adhuc erat Philippo ea civitas, si, torpore excusso, salubria voluisset capeſſere conſilia, & mature conatibus ipsius obſiſtere; adjunctisque ſibi vicinis Philippo inſenſis proprias intra terras bello ipſum atterere. Inde huic ratio fuit amicitie ſimulatione iſtam in ſecuritatem dare, ne incrementis tunc maxime adoleſcentibus remoram injiceret, neve eadem in ſuam ſuccreſcere perniciem ipſum ſentiret: mox captata occasione inproviſo impetu male paratæ ingruere.

§. 19. Spartanis antea *κακονομώτα τοις χε-  
δόν πάντων Ἑλλήνων* *Herod. l. 1.* Lycurgus leges  
dedit, quibus propoſitum erat formare civitatem  
bellicam, *καρτερινῶν* disciplina ac morum ſeve-  
ritate conſpicuam. In ea rep. etſi complura carpat  
*Ariſt. Pol. II. c. 9.* ſic ſatis tamen firma, nec facile in-  
teritui videtur fuiſſe obnoxia futura, ſi ſuos intra  
fines ſe continuiffet, ac ab inſtitutis iſtis haut diſ-  
ceſſiſſet. Regibus domi vix præter nomen aliquid  
relictum. Senatui commiſſa reip. cura. Ager æqua-  
liter inter cives diviſus, aurum & argentum urbe  
exeſſe



exesse iussa, luxuria proscripta. Soboles à prima infantia ad omnem patientiam durata, nil nisi bellum fere meditari docebatur. Unicum virtutis præmium honor inter suos. Nulla urbi mœnia, prohibendæ civium ignaviæ. Ac ne iste morum rigor per instituta exterorum infringeret, rari Spartæ peregrini, Spartanis peregrinari interdictum. Jus quoq; civitatis parcissime exteris datum. Id potissimum desideres, quod cum in ea civitate omnia prope ad virtutem bellicam referrentur, necessario cives evaderent pacis impatientes, & ambitiosi. Et tamen bellis gerendis efficacissimus deerat nervus, auro proscripto; & quod ad disciscendis exteris civium augere numerum non liceret, eoq; modo fines proferre. Sed & in pluribus à Lyncurgi legibus discessum. Ephori, instituti tuendis contra injurias magistratuum tenuioribus nimiam sibi sumere potestatem, nixi plebis studiis, qua in concionibus utebantur obsequentissima. Athenis victis fames quoq; auri Spartam irrepfit, stipante solita vitiorum turba. Per insolentiam alienati sociorum animi. Mox Asia attætata mari victa, dein Leuctrica pugna debilitata, & gravissime à Thebanis vexata documento fuit, non statim magno imperio parando aut retinendo pares esse, qui intra civitatem se suâ continentes clari esse poterant. Sic fastigio suo evoluta, cum sat haberet sua defendere, non admodum Philippo videbatur metuenda, quod & in angulum Peloponnesi remota, nec classibus valens ejus progressibus parum posset obstare. Et manentibus odiis adversus æmulas quondam aut inimicas

cas civitates, haut facile in commune fœdus contra Philippum erat consensura. Inde parum curæ ipsi, quod veteri fortuna conceptos spiritus verbis duntaxat expromeret, contumaci responso ad epistolas ipsius reposito, nec probato reliquorum Græcorum decreto, quo dux contra Persas iste declarabatur. Nam & citra Spartanos destinatis suis poterat potiri, & viribus destituta superbia non melius quam contemptu vindicatur.

§. 20. Post ista duo Græciæ lumina eminebant Thebani, homines corporibus validi, animis intrepidi, in armis feroces, laborum patientes, imperare avidi. Enimvero aberat morum & disciplinæ cultura elegantior, & subjecti asperius habebantur. Epaminondæ virtute ad principatum Græciæ proventi, cum & ante eum natum, & post ejus interitum perpetuo contempti fuissent non tam ob virium tenuitatem; quam quod per stuporem ingeniorum iis uti non posse crederentur. Isto autem extincto cum partum decus deinceps quoq; pari ferocia tueri conarentur, tandem didicerunt, quam vanæ essent vires prudentia destitutæ; & tanti esse civitatem, quanti sunt ipsius rectores. Cæterorum Græciæ populorum vires modicæ. Argivi circa ea tempora intestinis discordiis non parum fuerant debilitati. add. *Isocrat. orat. ad Philip.* Neq; eæ vires tunc Achæis, in quas post Alexandrum succreverant. Et Arcades, Elæi, Locri, Phocenses, aliiq; non nisi aliis juncti momenti quid habere videbantur. Thessalos autem & situ regionis valde opportunos Macedoniæ, & equitatu suo Philippi copiis pedestribus

bus magnum robur addituros, in suas pertrahere partes magnæ esse curæ ipsi debebat. De ejus rei successu infra memorabitur.

§. 21. Nunc quid subsidiorum ex seipso habuerit Philippus ad res gerendas, dispiciamus. Erat ipsi animus vividus, & maximis rebus par, quem agitant potentia infatiabilis cupido, & gloria exprolato imperio, rebusque bello gestis partæ. Huc omnia tendere: simulatæ virtutes, testæ vitia, multa speciosa suscepta, nec pauciora per scelus patrata, prout huic fini expedire judicarentur; atque adeo nulla apud ipsum turpis ratio vincendi, ut ne fidem quidem, atque religionem jurisjurandi inter instrumenta alios decipiendi disponere dubitaret. Jam primum neminem suorum se præstantiorem videri volebat, & si *Demostheni* fides *Olynth. II. & orat. ad Philipp. epist.* magis indignabatur præfatis & ducibus, qui aliquid egregie gesserant, quam qui prorsus offenderant; nec ullum periculis adeundis casum recusabat, & hanc famam, ut perfectissè diceretur, quæ nullus alius Macedoniæ rex, vitæ securitati anteponebat. In bello callidus, non per violentiam omnia, sed pleraque astu tractare; alienam stultitiam in suam vertere utilitatem, & magis gaudere hostibus deceptis, quam palam suffis. Nec minus acer, vigilans, in militis non minus, quam ducis munia sufficiens, indefessus laborum, & qui paria à suis exigeret. Etsi, quod in ancipitia pugnarum promptius quam regem decet provolare solitus sit, & quidem, quod addit *Justinus*, mero calidus, non immerito taxat *Isocrates epist. II.*

ad

*ad Philipp.* Occasionibus acriter imminere, oblatas celeriter involare. In periculis intrepidus; quæ ubi vi perrumpere non dabatur, etiam minus gloriosa ratione declinare non erubescibat, ac utilibus speciosa posthabere. Sicut & hoc cavebat, ne majora quam pro viribus moliretur, neu potentiam adolescentem nimis ostentando hostes intempestive irritaret. De cætero affectus & consilia cælare, alios inter se criminando committere, utrique se parti ostentare, misericordiam præferre postquam satis nocuerat; funum vendere, solennes ipsi artes. In exteriori vita actu ad alliciendo hominum animos mire compositus, sermone blandus & insidiosus, seria & jocos pari dexteritate tractans (vid. *Ælian. V. H. XII. 51.*) nec in iram facile, licet laceffitus, excandescens, (vid. *Senec. de Ira l. 3. c. 13.*) Inter hæc eloquentia & insignis oratio, acuminis & solertiæ plena, ut nec ornatui facilitas, nec facilitati inventionum deesset ornatu (conf. *Tacit. A. XIII. 3. 5.*) De qua etiam pronunciat *Polyanus l. IV. Strateg.* non minores eum res oratione quam prælio confecisse, & pluris æstimasse verbis quam armis partas victorias. Harum enim partem miles sibi vindicare putabat, illas ad suam unius laudem pertinere. Pecuniam non nisi inter instrumenta rebus gerendis destinare, quam profunde e gaudebat, parandis occasionibus plura recipiendi. conf. *Just. l. 9. c. ult.*

§. 22. Ætatem illam qua ad rite obeundum vitæ actum formamur, noster exegit haut quidquam

quam mollem, & inter aularum delicias, sed asperiores; nec citra iniquioris fortunæ sensum, dum Thebis obses detinetur. Ubi tamen autores dissentireprehendimus. Nam *Justinus VII. 5.* bis eum obsidis loco datum memorat, semel Illyrius, iterum Thebanis à fratre Alexandro. *Diodorus* autem *XVI. 2.* à patre Amynta Illyriis datum scribit, qui eum Thebanis asservandum tradiderint; hos rursus Epaminondæ patri adolescentem commisisse cum mandato, ut depositum fidei suæ creditum diligenter custodiret, probeq; educaret. In diversa discedit *Plutarchus Pelopida*, ubi tradit, ab Alexandro fratre ipsum obsidem datum Pelopidæ, postquam compositæ fuerant lites, quæ ipsi hætenus cum Ptolomæo circa regnum intercesserant, ibique nutritum in ædibus Pamenis. Quicquid hujus sit, id satis constat, in magnam Philippo utilitatem vertisse eam custodiam, dum urbs, ænulus, præptoregriam excolendo corpori juxta atque animo occasionem præbent. Urbs moribus severis, à molliæ luxur & spectaculorum vanitate averfa, ac alendo corporis robori dedita, plurimum conferre viro militari poterat, ut Martem non minus imperio atque hortatu, quam exemplo posset accendere; neque opus haberet illa Scipionis excusatione, qua objicienti corporis imbelliam respondit; imperatorem se, non bellatorem à matre genitum. Ab Epaminonda ipsum in artibus militaribus haut parum profecisse vel id indicio esse potest, quod statim sub initio regni egregii ducis munia explevit. Nec invalidos stimulos in animo erecto ad sectandam



dam gloriam bellicam vertebat iste vir, ex modica fortuna ad tantam nominis celebritatem illis artibus provectus. Quod vero *Diodorus l. c.* condiscipulos ipsos facit, in eo labi videtur, quippe cum Olympiade CV. regnum suscepit Philippus, non multum viginti annis major; Epaminondas autem occubuerit jam anno 3. præcedentis Olymp. ætate jam vergente. Præceptore usus traditur Lyfide Tarentino, Pythagoræo, sene severo & tristi, sub quo an multum profecerit dubium. Ajunt *Diodorus & Justinus*. Ipse videtur negare apud *Plutarch.* dum Alexandrum filium monet, auscultet Aristoteli, detque operam philosophiæ; ne, inquit, multa committas, quæ me fecisse pœnitet. Sed nimirum ex traditis a præceptore mores emendare neglexerat. Et probabile est juvenili & præservido animo parum grata fuisse severa senis dogmata circa extirpandas pravas cupidines, ac justitiam erga quoslibet exercendam. Metuebat fortasse, ne vigor militaris per illam compositi animi tranquillitatem suffocaretur; nec satis adparebat, quomodo bello posset inclarescere, si ab alienis invadendis ita religiose manus forent abstinendæ. conf. *Tacit. A. XV. l. 6.*

§. 23. Dum Thebis agit Philippus, cognoscit, regnum morte fratris rectore orbatum. Igitur clam custodia elapsus ad capeffendum ejus regimen contendit. An recte hoc, & quidem, ut neque eum restituere postulantibus Thebanis Macedones tenerentur, neque ipse in sui locum alium substituire, liquidius posset definiri, si satis constaret, qua

qua de causa quibusve legibus obses fuerit datus. Equidem si *Plutarchum* l. c. sequimur, non adparet, quare non licuerit Philippo custodia se liberare, cum saltem alteruter eorum, quos inter controversia fuerat, jam fato esset functus; nec Thebanorum quidquam amplius interesset, quibus alienæ duntaxat pacis pignora asservanda erant credita. Nec minus per tradita à *Diodoro* excusari poterit Philippus cum jam abrupta foret pax, cui firmandæ obses iste esset datus, uti probabile est, injuria Illyriorum. Nam in recens exorto bello frater ipsius Perdiccas post ceciderat. Imo videmur nostrum posse vinculo obsidis liberum pronunciare, etiam si *Justinum* sequamur. Cum enim datus fuerit firmando foederi, non quo Macedones post bellum Thebanis redderentur obnoxii, aut ad certi quid præstandum adstringerentur, sed quo duntaxat amicitia mutuo exercenda sanciretur; inhumaniter postulassent Thebani diutius detinere obsidem, postquam Macedones fidem fecerant serio quæsitæ Thebanorum amicitiae. In hoc enim casu obsides haut videntur diutius detinendi, quam quoad constiterit, non simulato, aut struendæ ad fraudem occasione amicitiam quæsitam, eademque jam colendo fuit sancita. Quemadmodum si dantur obsides ab una parte, quæ alteri ad præstandum quid tenetur, eo exhibito, isti quoque liberantur. vid. *Liv. l. 32. c. 2.* Quod si autem personale fuerat foedus illud Alexandri, jam sine dubio, isto defuncto, Philippus liber erat. vid. *Justin. l. 34. c. 3.* Et sane si abs rege aliquo obses datur in familia regia,

hæc

hæc conditio censetur tacite inesse ipsius traditioni, ut tunc liber dimittatur, quando ordo successionis ipsum tetigerit. Imò leguntur reges insidiarum anxii, vel ideo liberos suos aut cognatos nomine obsidum apud alios velut in tuto deposuisse, ut ipsis sublati successor & ultor ne deesset. vid. *Tacit. A. II. 2. XII. 10. & Strab. l. 16.* Etsi aliis hoc modo suspectos æmulationis amoliri artificium fuit. vid. *Tacit. A. XIII. 9.* Illud autem caute Philippus, quod clanculum Thebis profugit, ne fortasse, si aperte dimitti postularet, à Thebanis ad iniquas condiciones adigeretur.

§. 24. Quo titulo regnum acceperit, dubio non caret. Equidem ex *Diodoro* nihil aliud colligas, quam ipsum defunctis fratribus successisse. His an proles mascula relicta, tacetur. At *Justinus* autor est, Perdiccæ fratri superstitem fuisse parvulum filium, cujus tutorem diu egerit Philippus; verum imminentibus gravioribus bellis, cum serum auxilium in expectatione infantis esset, compulsus à populo regnum suscepisse. Hoc si adsumamus, quæri potest, num pupillo isti à populo aut à Philippo sit injuria facta? Ut igitur rem ab ovo, quod dicitur, repetamus, sciendum est; postquam suaserationis, actu tamen hominum, dominia rerum fuerunt introducta, eoque extensam fuisse eorundum vim, ut non solum quis suas res in proprium usum exclusis cæteris posset convertere, sed & easdem in alios transferre, pari jure ab iisdem deinceps tenendas. Nec id solum institutum, ut vivus vivo posset res suas tradere; sed etiam, ut  
vixit



vivus voluntatem suam posset declarare, ad quemnam bona sua deberent pervenire, ipso è rebus humanis sublato. Nam acerbum videbatur, quæ quis per totam viam non sine labore quævisset, aut quæ interdum suum defraudans genium minutatim comparisset, à morte ipsius, quæ incapacem eundem reddit ad jus inter vivos retinendum, pro derelictis haberi, & abs quovis posse occupari. Neque id arridebat, ut vivus in vivum dominium in res suas transferret, recepto sibi usque ad obitum earundem usufructu; cum facile & in voluntate nostra, & in meritis alterius ea posset intervenire mutatio, ut hautquidquam velimus bona nostra ad istum pervenire. Et quanquam illa translatio juris potuisset fieri revocabiliter, seu ut iterum à transferente posset revocari, existente aliqua conditione causali aut potestativa ex parte ejus, in quem facta erat translatio; (nam ut conditio revocabilitatis statueretur in mero arbitrio transferentis, incongruum erat; tamen immensam litium segetem erant præbitura dubia, quæ circa existentiam conditionis, aut quæ alia ex utraque parte poterant prætendi, oritura fuerant. Ergo ita demum inter homines convenit, ut quis posset vivus adhuc citra translationem juris voluntatem suam declarare, ad quem post obitum bona sua sint perventura, cum hoc effectu, ut siquidem eadem acceptaverit, dominium, quod defunctus habuerat, in ipsum transiret, nec cæteris fas foret illud interciperre. Quod si quis autem voluntatem expresse non significasset, tunc institutum, ut ex præsumpta voluntate

luntate dominium in res ipsius transfret, scil. in eos, quos probabilissimum est defunctum bonis suis gaudere velle. Qui communi hominum persuasione intelliguntur proxima defuncto cognitione juncti. Atque ex priori conventionem trahunt testamenta, ex posteriori successiones ab intestato. Et si vix in ulla parte juris ita sollicitæ fuerint leges positivæ, perveniendis fraudibus, ac dirimendis contentionibus, quas habendi cupido creberrimas atque acerrimas potest suscitare; cum nihil minore adquiratur labore, quam opima hereditas. Uti autem homines non solum res inanimatas & bruta, sed etiam alios homines servitio subiectos in bonis habere cœperunt; ita quoque receptum, ut non illa tantum, sed & hi dictis modis ad successores transferrentur.

§. 25. Cæterum ad eundem fere modum introductum deinceps fuit, ut etiam imperium in homines liberos ab uno in alterum possit transferri; idque alicubi arbitrio subiectorum. Qui enim ultro bello victos citra peculiare conditiones in ditionem receperant, uti imperium absolutum in eos sibi quæsierunt; ita idem quoque ad suos posteros, aut his deficientibus, proximos cognatos ad instar alicujus hereditatis voluerunt transire. Sæpe etiam populis, qui ultro aliquem sibi regem sumere, vel consideratis electionum incommodis, vel ob merita jam ab ipso in remp. collata, aut ob spem talium, placuit, ut iste immediate, & citra actum, quo novum esset jus quærendum, imperium in suos posteros aut

aut propinquos transmitteret. Quanquam tale statutum non ipsum imperium afficit, sed duntaxat circa modum idem habendi versatur. Adeoque adparet errare eos, qui ex successione atque electione putarunt judicandum, absolutum an limitatum principi esset imperium. Nam successio in se nihil dat, nisi quod habuit ille, cui quis successit. Nec ideo viliores debet habere cives princeps, quem nascendi fors ad id fastigii provehit; cum & ipsum beneficio populi in autorem generis sit collatum, & sub quibus obligationibus ille imperium accepit, cum iisdem idem in omnes successores trans-eat. Quanquam autem imperia ad imitationem rerum aliarum facta sint hereditaria; tamen natura atque utilitas reip. in quibusdam jussit discedere à communi modo, quo reliquæ res in hæredes transeunt. Cum enim regna in plures partes dis-cerpta valde reddantur debilia, & ut plurimum mares ad remp. gerendam sint aptiores quam fæminæ; ideo in plerisque regnis constitu-tum, ut ea non dividerentur inter plures liberos ejusdem regis; & in eodem gradu mares præfer-rentur fæmellis licet prius genitis. Illud autem communi gentium more receptum, ut regnum indivisibile ad primogenitum devolveretur; (etsi interdum fuit dubitatum, an non, qui primus in fortuna regia est genitus, debeat præferri primo-genito in privata patris conditione. vid. *Just. II. 10. Petr. Greg. de Rep. VII. 9. Hotom. quæst. ill. 2. Arnif. l. 2. c. 2. sect. II.*) Cujus ratio non hæc tantum fuit, quod is propter ætatem aptior quam cæteri ad ge-  
rendum

rendum imperium censeatur esse; sed etiam ut præscinderetur occasio acerbissimis odiis atque libus, quæ erant oritura inter fratres, si regnum dignissimo aut maxime idoneo deberet deferri. Non secus atque quondam inscriptio pomi Eridis dearum præcipuas magna contentione commisit. Adeoque eo gravius essent incubitura reip. incommoda electionū, quo majori cum ardore odia & æmulationes semel inter fratres accensæ solent deflagrare. Ergo commodissimum visum, adeptionem imperii inter fratres suspendere ex re, quæ posthabitis nullam indignitatis ignominiam inferret; qualis est primogenitura, per quam deinceps geniti primogenito non nobilitate animi, sed nascendi sorte intelliguntur. Quam ob causam etiam *Hobbesio* c. 3. §. 18. primogenitura vocatur *sors naturalis*. Inde ap. *Justin.* XI. 10. dicitur: *Artemenes, maximus natu, atatis privilegio regnum sibi indicabat; quod jus, ordo nascendi, & natura ipsa gentibus dedit.* Add. eund. l. 34. c. 3. *Demetrius* dicit, se regnum majori fratri cessione jure gentium. Ap. *Licium* l. 21. c. 31. duorum fratrum *Allobrogum* præ fratre habendum jactat facere *statem, jus gentium, & vetustum Macedonia morem*. Et si qui patres ab isto more discesserunt citra gravissimas rationes, haut quidquam cordatorum reprehensionem effugerunt. Sic *Ptolomæo Lagi* F. dissuasit *Demetrius Phalereus*, ne natum ex *Berenice* filio majori præferret; quod in ipsius vita tradit *Diogen Laert.* l. V. vid. *Justin.* 16. 3. 7.

§. 26. Enimvero complures populi, cum prospicerent, aut exemplis discerent, quantæ lites circa successiones regnorum possint oriri, si ambigeretur, quisnam defunctum regem proxime attingeret, dum alii ad ætatis prærogativam provocant, alii jure repræsentationis nituntur, successionem linealem introducere utilissimum judicant. Cujus hæc est lex, ut in lineam posteriorem non fiat transitus, quamdiu ex priorè linea superest, qui alias per leges fundamentales regni est capax. *Vid. Grot. l. 2. c. 7. §. 22. seqq.* Ergo ubi publica regni lege successio linealis est sancita, nullo modo patruus nepoti ex majori fratre controversiam circa successionem movere potest. Ubi autem simpliciter duntaxat regnum est hæreditarium factum, dari potest casus, ut non desit patruo, quod opponat nepoti, præsertim ubi hujus pater superstitè adhuc avo obierit. Dicere enim potest, se propiore gradu contingere regem patrem, quam nepos avum: neq; patri hujus actu ipso jus ad regnum jam fuisse, sed ipem duntaxat, eamq; cum in jus per mortem avi nunquam transierit, ad filium non potuisse transmitti: & æquitatem illam, quæ nepotes ex præmortuo filio cum patruis ad hereditatem avi vocet, in regnis non ita attendi; quippe ubi magis respiciatur, quid toti regno expediat, quam quid huic vel illi ex familia regnatrice oriundo. *vid. Justin. 34. 3. 7. Horom. quest. ill. 3. Pet. Gregor. de Rep. VII. 10. Arnif. l. 2. c. 2. sect. 10.* Verum ista Philippus nepoti ex fratre opponere non poterat; nã ipsius pater Perdiccas jã regno erat potitus. Ergo vix habet  
Philip-

Philippus, quod pro se adferat, quam quod in regno Macedonico successio linealis publica lege non fuerit introducta; neque in successione regnorum easdem semper leges observandas, quæ in privatis patrimoniis: licuisse igitur populo, salute regni ita postulante, à vulgato alias more discedere, & infanti filio fratrem adultum præferre, qui majori cura proprium regnum esset profecturus, quam si idem tutorio duntaxat nomine administraret. Et sane ex illis, quæ habentur ap. *Curt. l. X. c. 6. 7. Justin. XV. 2. 3. Liv. XL. 56.* suspicari licet, Macedonicum regnum non ita absolute fuisse hereditarium, quin populus quandoque exercuerit potestatem de successione regni pro temporum usu statuendi. Quicquid hujus sit, in hoc sane astute egit Philippus, quod *compelli* se ad regnum capessendum passus sit. Sane enim non crediderim, tam modestum ipsi fuisse ingenium, ut haut tangere-  
tur cupidine ejus rei, cui soli adipiscendæ multi etiam omne vas violandum putarunt; nec unquam privatam amasse sortem videtur, qui potitus regno nihil aliud quam de eodē dilatando cogitavit. Sed nimirum usus est notissimo accisimi artificio, cujus magna apud imperitum vulgus utilitas, & cujus indutâ larva speciose minimum agit ambitio. Isthoc enim comprimi possunt querelæ ejus, qui potius aliquod jus ad regnū prætendebat. Modestæ laus captatur, ac invisâ dominandi libido tegitur. Gloriosum quoque est, solum videri idoneum, qui remp. servare possit. Et pignoratur sibi promptissima civium obsequia, qui non nisi precibus expu-

G

gnatus

gnatus imperare voluit. Et si quibusdem ipse displicuerit, aut successu parum rex voto fuerit usus, in promptu est excusatio; cur ergo invitum sceptro onerabitis? Deniq; cum generosis principibus molestissimum sit beneficio vinci, & vero inter summa beneficia censeatur imperium dedisse, cujus desiderium flagrans ostenderas; ideo longe splendidissimū est, aliis ultro imputare posse, quod illud acceptaveris, cui aliās, ubi ambienti datum fuit, par gratia vix referri posse putatur. *conf. Tac. A. 13. 3. & c. 7.*

§. 27. Prima regnandi tempora Philippo fluxerunt difficillima. Convulsa domus regia fratrum nece. Consternati cives clade recens ab Illyriis accepta. Finitimi velut conspiratione excidio Macedoniæ imminere. Domi insidiis omnia intuta. Pausanias & Argæus æmuli, uterque aliorum auxiliis fulti. Regni opes exhaustæ. Hæ difficultates, qua viribus solis superari non poterant, arte erant molliendæ. In primis suorum animos oratione erigit, ne ipsius silentium rebus dubiis pro desperatione interpretaretur populus, utque animadversa regis fiducia etiam suis animis securitatem imperaret. *vid: Tacit. H. 3. 36. 1. Veget. li 3. c. 9.* Dein cum longum sibi bellorum ordinem nasci videret, nihil antiquius fuit, quam disciplinam militarem emendare, dexteritate vires juvare, congruis armis suos instruere, exercitio durare. Quæ semper prima pars laborum egregiis ducibus bello se accingentibus. *vid. Flor. 2. 18. 9. Salsst. bello Jugurth. ubi de adventu Metelli in Africam. Tacit. A. 13. 35. Corn. Nep. Iphier. c. 1. & 2. Scip. Ann. l. 1. c. 4. l. 4. c. 2. & 6.*



cap. 2. & 6. Inprimis hoc memoratur, quod cum primum exercitum constituisset, vehiculorum usum omnibus interdixit, equitibus non amplius quam singulos habere calones permisit, peditibus autem denis singulos, qui molas & funes ferrent in æstiva exeuntibus, triginta dierum farinam collo portare imperaverit, præter arma, & vasa ad quotidianum victum necessaria, recidendis scil. impedimentis, quibus maxime agmen oneratur, & durandis ad laborem corporibus. Et taliter onusti sæpe sexcenta stadia conficiebant. vid. *Frontin. Strateg. l. 4. c. 1. §. 6. Polyæn. l. 4. add. Veget. l. 1. c. 19. Ælian. V. H. l. 14. c. ult.* Quam rigidus quoque disciplinæ fuerit exactor, vel hoc indicio esse potest, quod Tarentino cuidam cingulum ademerit, quod calidâ lavasset; addito, apud Macedones ne puerperas quidem calidâ lavari; quodque Æropum & Damasippum duces regno suo exegerit, quod in castra psaltriam adduxissent. *Polyæn. l. c.* Celeberrimum ipsius inventum est phalanx, quam juxta *Polyb. l. 17. c. 25. & Diodor. l. 16. c. 3. συσπασμὸν* heroum Trojani belli tempore expressit. Erat autem phalanx acies IIX. M. peditum constans, juxta *Veget. l. 2. c. 2. (Polyb. l. 2. c. 65. habet X. M. unde colligitur augeri vel minui eandem solitam,)* umbonum velut perpetuo textu conferta, ac objectu sarissarum munita. Eam accurate describunt *Polyb. l. 17. c. 25. & Ælian. tactic. c. 14.* etsi in iis, circa quæ discrepant, non dubium, quin hic ex illo sit corrigendus. Quotiens prælio imminente densatio fit, consistit unus



vir cum armis in spatio trium pedum: (Ælianus habet duorum cubitorum,) Sarissarum longitudo ex antiquo erat 16. cubitorum, post ad 14. reducta. Hujus mensuræ 4. cubitos absolvebat spatium inter manus ambas, una cum libramento posticæ partis ultra illud, quod prætenditur. Quod libramentum, necessarium sane, & citra quod hasta tam longa ægerrime potest tractari, dum non attendit *Ælianus*, duobus cubitis longius, quam revera fiebat, sarissas pro corporibus eminere facit. Inde sarissa, quando ambabus manibus in hostem porrigebatur, 10. cubitis ultra corpus militis protendebatur. Illorum autem, qui in secundo jugo stabant, sarissæ primum jugum præminebant 8. cubitis; qui in tertio, 6. qui in quarto, 4. qui in quinto, 2. Illi autem, qui in reliquis jugis locati erant, (& patebat phalanx à fronte introitus in 16 armatorum ordines,) sarissas non protendebant, quippe quibus hostem non possent attingere, sed ad humeros præcedentium inclinatas, ac sursum spectantes gestabant intercipiendis telis, quæ in posteriores possent incidere. Simul ipso corporis pondere antepositos urgebant, fugæq; facultatem adimebant, & si qui ceciderant, in eorum locum subibant. Hujus phalangis impressioni à fronte nullam parem potuisse aciem esse, ostendit *Polybius*, ne ipsam quidem Romanorum aciem, quippe in qua militibus singulis duplo latius spatium, quam in phalange, erat attributum; adeoque uni militi Romano decem sarissæ erant oppositæ, quibus cum decertaret. Una ratio illam superandi erat,

erat, si vel à tergo & lateribus posset incurri; vel ubi inæqualitate & asperitate locorum ejusdem compages dissolveretur. vid. *Polyb. l. c. Liv. 9. 19. 31. 32. 17. 33. 9. 44. 41.* & ex his *Scip. Ammirat. l. 2. c. 5.*

§. 28. Enimvero inter tot circumstantia pericula, viribus nondum satis coalitis, consilio plura quam armis erant avertenda. Et cum ne Hercules quidem adversus duos, quod est in proverbio; ideo noster quædam interposita pactione componit, alia redimit, facillima quæque aggreditur, ut iis victis & seorum animos firmaret, & contemptum sibi hostium demeret. Quam in rem prudentissimum disterium Franc. Sforcia refertur à *Scip. Ammir. l. 13. c. 4.* si cui tres sint hostes, illi omnem industriam esse impendendam, ut cum uno pacem, cum altero inducias faceret, tertium alacri bello pulsaret. Cui gemellum dictum traditur de Rudolfo I. cum ipsum adhuc comitatus Habspurgicus caperet, progeniem tam late régnantem daturum. Igitur Philippus Pæones donis ac pollicitationibus avertit. Æmulum Pausaniam removet, pertracto in suas partes rege Thraciæ, qui auxilia ipsi missurus erat. Cumque Athenienses videret ob recuperandam Amphipolin Argæum incitare ad turbendam Macedoniam, ultro eam urbem liberam reliquit, imminentem necessitatem sponte præveniens. conf. *Valer. Max. l. 7. c. 6.* His temen admiscet aliquid fortioris ausi, ut contemptum sui amoliretur, novisque rebus egregiam famam circumponeret. Nam Argæum, cui

Athenienses adsistebant duce Mantia, subito aggressus profligat, & cum omnes copias posset delere, incolumes Athenienses sine pretio dimittit. Mox missis legatis pacem cum illis jungit, inter initia potentiae suae omnibus modis validam civitatem sopiendam ratus. Rebus domi compositis in externos arma convertit. Primi Pæones, morte regis Agidis duce orbati, improvise invaduntur, ac pro illatis Macedoniae malis poenas dant. Hinc Illyrii petiti, quorum rex, audito Philippi adventu, legatos de pace committit, dimidiam partem urbium Macedonibus ereptarum offerens. Sed cum Philippus pacem abnueret, ni omnibus cederet, acerrimum committitur praelium, in quo Illyriorum VII. M. cecidisse dicuntur. vid. *Frontin. Strateg. l. 2. c. 3. §. 2.* Inde Amphipolis situ peropportuna urbs, & Pydna expugnata. Olynthis quoque ad opprimendam Potidæam auxilium latum, & iisdem Pydna donata; scilicet ut isthoc beneficio in securitatem data urbs valida infidiis se Philippi præberet. Crenidas urbem auctam de suo nomine Philippos dixit. Quo in tractu venæ erant auri nondum satis exploratæ, quas iste ita instruxit, ut annua inde ipsi redirent M. talenta. Nobilissimis inter antiquos Philippæis materia, quæ ea vis inerat, ut vel asinus iisdem onustus munitissimam posset expugnare arcem. Inde Thessalia subito oppressa, juxta *Justinum*, non ob prædam, sed ut celeberrimum ejus equitatum sibi adjungeret. Et si probabilius *Diodor. l. 16. c. 14.* tradat, cum Thessali intestinis bellis invicem colliderentur, Philippum

ab

ab altera parte in auxilium vocatum, victos clementia, suos socios beneficio sibi addictissimos reddidisse; inprimis cum plebem & demagogos sibi colendos sumisset, quibus nullum genus hominum ad prodendam libertatem aptius, cum nulli eam jactantius crepent. Conf. *Ulpian. comment. in Olynth. 2. Polyan. l. 4. Isocrat. orat. ad Phil.*

§. 29. Cæterum cum incrementa Philippi jam vicinis regibus Illyriorum, Pæonum, & Thracum formidarentur, junctis ipsum viribus aggredi statuunt. Id quod periculum tamen ipsius dissipavit celeritas, dum in bello adparando adhuc occupatos opprimit. An utrique heic recte? Equidem nihil frequentius audias, quam hoc; minuendam esse potentiam unius nimis crescentem; vid. *Alber. Gentil. l. 1. c. 14. de jure belli*. Recte tamen illi, qui fas utili anteferendum censent, negant, eam solum causam sufficere ad bellum inferendum; præsertim ubi quis potentiam suam industria aut per benignitatem fati citra aliorum oppressiones adauxerit. Quam ipsi invidere, nedum destruxum ire, inhumana foret malitia. Quia tamen notum est, quanta plerorumque animos agitet dominandi libido, inprimis ubi vires suæ ipsis placuerint; inde consultum est, innoxia sibi munimenta mature circumponere; puta proprias vires bene disponendo, aliosque fœderibus sibi adjungendo. Quod si autem aliquis non vires solum nocendi, sed etiam voluntatem inesse sibi ostenderit, ne sic quidem statim mihi adversus ipsum nascitur justa bellandi causa. Neque sufficienti est

argumento, ipsum etiam mihi nociturum, ideo quia aliis nocuit; cum causæ peculiare adversus alios eundem incitare potuerint, quæ in me non deprehenduntur. Et licet alteri ab hoc injuria fiat; tamen nondum sat causæ subest, ut ego ultro ipsum bello petam, quamdiu uterque tam lædens quam læsus solo humanitatis vinculo mecum jungitur. Et si facile sit, ut læso peculiariter obliger, puta si ab ipso imploratus auxilium meum fœdere ipsi promiserim. Nam id apud omnes in confesso habetur, posse nos, licet propria haut affectos injuria, ad depellendam ab altero vim injustam ex vi pacti bellum sumere, ut isti lædenti nullam faciamus injuriam. Quod si autem probabilis accedat suspicio, istum, altero oppresso, in me quoque transiturum, & priore victoria pro instrumento sequentis esse usurum; eo promptius alteri petenti erit succurrendum, quod ipsius conservatio meam quoque incolumitatem intuto ponat. vid. *Grot. l. 2. c. 1. §. 17. & c. 22. §. 5.* Ex hisce igitur de facto regum istorum est judicandum. Circa factum autem Philippi, si ponamus, injustum eos reges ipsi bellum movisse, dici poterit; etsi alias ad defensionem inculpatam tradatur requiri periculum præsens & quasi in puncto: (vid. *Grot. l. 2. c. 1. §. 5.*) id tamen proprie intelligendum videri de iis, qui in civitatibus degunt, & quorum salus publicis viribus tuta est. His enim hætenus violenta sui defensio indulgetur, quatenus publicum implorare auxilium tempus non fert. Verum illi, quibus proprio ex judicio, & per proprias vires sua salus est defendenda, non ita arctis limi-

limitibus circumscribuntur. Unde putamus, tales posse violentam sui defensionem auspicari, statim atque certis ex indiciis constiterit, alterum in eo occupari, ut injuriam ipsis inferat, licet nondum conatus suos in effectum deduxerit; neque teneri ad expectandum & excipiendum ejus insultum, ut bello suo ex licentia defensionis justitiam adstruant. Adeoque heic pro aggressore est habendus, qui prius sese movit ad alteri vim inferendam, seu qui intentionem ad nocendum alteri prior concepit, & ad eandem exsequendam sese comparavit; licet alter, animadversis illius cœptis, celeritate usus eundem, dum bellum lentius molitur, occuparit. Neque ad defensionem requiritur primum ictum excipere, aut ictus, qui intentantur, eludere tantum, & repellere; sed quacunque ratione alterius violentiam, quam prior in me est molitus, infringere.

§. 30. Auctis non mediocriter viribus jam Philippo præcipue in oculis versabatur Græcia, cujus libertati velut è specula insidiabatur. conf. *Isocrat. orat. ad Philipp.* ubi istam famam falso à malevolis de ipso jactari dicit vir justo prolixius de bonitate Philippi sentiens; an subtili modo dehortandi utitur, dum velut incredibile rejicit, quod ne ab ipso susciperetur, metuebat. Eam porro ad rem exoptata ipsi præbetur occasio, dum bello sacro, cui causam dederat sacrilegium Phocensium, Græcia ardet. Heic Philippo ratio erat utrique se parti ostentare; imploratum illis palam adsistere, quo-

rum causæ apud vulgus plurimus favor; & tamen langvide initio auxilia ferendo bellum alere; demum mutuis cladibus fessos opprimere. Qualia fere consilia Tissapherni suggerit astutissimus Alcibiades ap. *Justin. l. V. c. 2.* Imo & ipsos Athenienses tunc discordias Græcorum fovisse, non obscure innuit *Demost. cont. Aristocrat. Erep. nostra est*, inquit, *ut neque Thebani neque Spartani sint potentes, sed ut illi Phocenses, hi alios habeant adversarios. Sic enim eos summam potestatem securi tenebitis.* Astute autem hoc Philippus, quod discordantibus sese Græcis non prius immiscuit, quam ultro arcesseretur. Alias enim metuendum erat, ne canes in se invicem moribus sævientes, & jam in iras efferati, contra ingruentem lupum, communem hostem, inito syacretismo juncti ruerent. Ast qui ultro vocatur, ubi caute partes elegerit, & suos socios statim habet obnoxios, & adversariis oppressis plurimam prædæ partem in se trahere potest. Usque adeo insaniebant Græci, qui externum jugum in vitare malebant, quàm lites suas inter se placide concedendo componere. Nec subibat illud *Demosth. Olynth. 1.* oraculi instar habens; ὅλως ἀπὸ τῶν πολιτείαις ἡ τυραννὶς, ἀλλ' ὅλως καὶ ὁμορῶν ἔχουσιν. Id autem oportune cecidit Philippo, quod ambitionem suam & dominandi libidinem potuerit velare prætextu apud vulgus tam plausibili. Quantus ipsum favor prosequabatur jactantem; non opes sibi quæri, non ut fines proferat, aut servitio alios premat arma sumi: verum

verum hoc sibi esse ante omnia, ne cui impio impune sit numen violasse? Pietatis assertorem sub signis quoque suis Deos ducere, quorum honor suis armis tutus stet. Profanos esse, & cum sacrilegis numerandos, qui tam sancta molienti non enixissime studuerint. Neque vero dissimulat *Justinus l. 8. c. 2.* quibus encomiis Philippus fuerit celebratus ab iis, qui inania ab arcanis rerum causis discernere ignorant. Inde quoque argutum valde erat strategema, quod milites suos contra Phocenses lauro redimitos in aciem jussit prodire, velut duce Apolline sacrilegos puniturus, quos sceleris conscientia tali commento excitata vecordes agebat. Eam post victoriam statim in Phocidem erat transiturus, ni Athenienses obstitissent, occupatis Thermopylis, non sine infamia defensi sacrilegii. Tandem cum decem per annos bellum hoc vario Marte fuisset gestum, utrique defessi ad Philippum confugiunt, Bœotii auxilia petentes, Phocenses bellum deprecantes. Ille secreto auditis legatis prolixè pollicetur, cum prius jurejurando eosdem adegisset, nemini responsum enunciaturus. Athenienses quoque pro Phocensibus apud ipsum intercedebant, quorum legatos ille diu ludificatus, ad postremum re infecta dimisit. Sic variato responso securis omnibus Thermopylas occupat, & Phocenses nullo negotio opprimit. Bœotios autem ea de causa bellum vetuerat parare, ne in prædæ societatem venirent. Philippus, bello sacro sic confecto, præmii loco accepit duo suffragia in concilio Amphictyonum,



quæ antea Phocenses habuerant, & jus curandi Isthmia. Mox etiam declaratus fuit *αὐτοκρατορ* *σερατηγός* Græcorum, qui participes essent concilii Amphictyonum. De tragico exitu sacrilegorum meretur legi *Diodor. l. 16. c. 62. seqq.*

§. 31. Cæterum occasione belli hujus sacri non incongruum fuerit inquirere, cur plerumq; mutuis odiis ardeant, qui circa religionem opinionibus diffident; cum tamen alias inter cæteros religio hunc quoq; sui præbeat usum, ut plurimum conferat ad continendos in societate homines. Nam eò utiq; omnis videtur tendere religio, ut Numen, saltem sub generali & confuso conceptu, colatur, eoq; cultu mortalibus reddatur propitium. Jam autem aliorum nihil videtur interesse, quo quisq; ritu Numen sibi placandum arbitretur; præsertim si neutra discrepantium religionum aliquid tradat, quo minus invicem leges naturales, & alia humanitatis officia exerceri queant. Ac, si omnino illa cuilibet religioni necessario adhæreret opinio, diversa à nobis sentientes infensum habere Numen; tamen miseratione potius quam odiis prosequi videbatur humanius esse illos, quorum animos tam exitiabilis error occupatos teneret. Neque adparet, cur irasci debeam illi, qui à me diversa sentit, si neque pro imperio illi præscribere credenda possum, neque damni quid sentiam ipso pereunte. Equidem odii ratio in aperto est, si una religio alterius commoda intercipiat. Ubi enim v. g. religionem quæstui habent sacerdotes, non mirum, parum gratio-

gratiosos esse illos, qui una cum dogmatibus ista quoque lucra eunt oppugnatum. Inde non poterat non invisus esse sacerdotibus Beli Daniel, nocturnarum commutationum proditor. Sic si aliqua religio cultoribus suis præscribat, ut diversa sentientes hostiliter persequantur, aut saltem tanquam impuros averfentur; apud hos eo majorem quis pietatis laudem referet, quo acerbius sese aut morosius adversus alios gesserit. Verum ubi neutrum horum adfuerit, non modica odiorum pars videtur profluere ex labe illa humani ingenii, quam *Hobbes*. descripsit. c. 1. §. 5. de civ. Non modo, inquit, contra contendere, sed & hoc ipsum, non consentire odiosum est. Nam non consentire alicui in re aliqua, est enim erroris tacite accusare, sicut in valde multis dissentire, idem atque cum pro stulto habere. Cum igitur quilibet religionis suæ veritatem putet esse valde manifestam, ideo solet contemnere eos, tanquam hebetes, qui eandem perspicere nequeant, aut tanquam Numini invisos, quibus gratia eandem agnoscendi denegetur. Qui contentus, in primis si signis apertis ostendatur, ad odia excitanda est valde efficax. Eaquæ aliquanto acerbius solent erumpere, si partes dissidentes eodē religionis principio utantur. Tunc enim dissensus creditur oriri vel ex insigni stupiditate alterius partis, consequentias tam manifestas, uti putantur, capere non valentis, vel ex pertinacia animi, quod in odium aliorum, & ne quid ab iis videantur didicisse, agnitū licet errorem mordicus defendant. Ex dictis etiam ratio potest reddi, cur ut plurimum apostatae acer-

rimo odio prosequantur sectā, abs qua defecerunt. Cum enim notum sit, quantam vim habeat, à teneris opinionem aliquam imbibisse; inde isti, ne ex animi levitate, aut ob lucrū & ambitionem in aliena castra perfugisse arguantur, videri volunt, intolerandos sese errores in antiquo cœtu deprehendisse. Id cum passim tuendæ existimationi omnibus nitantur persuadere, inter istam animi contentionem odium asperrimum subit adversus sectam, quam nisi infamaverint, ipsis est infamia subeunda. Deniq; cum cæteris omnibus velit videri sapiens, qui sibi talis videtur; in promptu est odiis fomes, si quis ad istam persuasionem concipiendam sit tardior. Defectores autem illos plerumque eximiam sibi rerum divinarum cognitionem vindicare, ubi vitæ genus id admiserit, sed eandem rarissimè ab antiquis ipsorum sociis æstimari, notissimum est.

§. 32. Durante adhuc bello sacro Philippus Olynthum invadit, cui diu inhiaverat. Causam ferebat, quod duos fratres ipsius consanguineos Olynthii suscepissent, quos velut æmulos regni tollere gestiebat. Urbs prodita à Lasthene & Euthycrate, summum tunc magistratum gerentibus, queis pecunia super caritatem patriæ & fidem fuerat. Quos tamen cum à Macedonibus per contumeliam proditores se vocatos quererentur, faceto cum solatio dimisit Philippus; *est, inquit, ista natio incivilis & rustica; scapham solet appellare scapham.* Scilicet exosum est istud genus hominum etiam illis, quibus servit, & scelus, parto quod quæsieras, veris mox pretiis æstimatur. *conf. Vopiscum Aureliano*

c. 23. Nec deerant tamen, subigente auri sacra fame, qui certatim civitates suas Philippo proderent. Usque adeo recte judicabant Achæi, illa lege fundamenta libertatis contineri, qua interdictum erat; ne quis sive privatus, sive in magistratu constitutus, dona à rege quacunque tandem ex causa caperet. *Polyb. excerpt. legat. 41.* Nec errat *Demosth. Olynth. 3.* quando ait; tunc demum Græciam firmiter stetisse, quamdiu gravissimum erat crimen, si quis acceptorum munerum convinceretur, isque sine venia maximis afficiebatur pœnis. *Aurum* quippe *per medios ire satellites, Et perumpere amat saxa potentius Ictu fulmineo. Diffidit urbium Portas* *Sir Macedo, & subruit amulos reges muneribus.* *Horat. l. 3. od. 16.* Post Olynthum captam velut in honorem Deorū olympia celebrat, in quibus egregia edit certamina. Heic commodissima homines corrumpendi occasio. Vulgus magnificentia spectaculorum delinitum. Plurimi donis, alii promissis, omnes humanitatis ostentatione inescati. Proditores hospitum atque amicorum nominibus honestati, ut munera non tanquam in auctoramentum sce'rum viderentur accipere. vid. *Diodor. l. 16. c. 56.* His artibus quid non efficeretur apud vulgus legis aucupiorum ignarum?

§. 33. Post bellum Phocense, ut rebellionis occasionem subtraheret, atque unum velut corpus regni concinnaret, prout expedire visum, populos quosdam in finibus collocat, alios in medium recipit, pars infrequentibus oppidis in supplementum scribitur. *Add. Livius l. 40. cap. 3.* Quo super

super facto vix recte videtur *Justinus* tantas excitare tragœdias. Nam, quod probabilissimum videtur, qui ita transferebantur, bello erant victi; in quos tale jus victores posse adquirere, & priscis in primis seculis multos usurpasse, notissimum est. Plebem autem inopem & laris egentem alio in vacuas possessiones mittere, beneficium potius quam injuria est censenda. Sed ut rex tale quid in cives liberos, quiq̃ue volentes imperio ipsius successerunt, illis invitis velit exercere, non ex obtentu pœnæ, id vix ferendum videtur. Neque enim ad jus domini eminentis heic licebit confugere, cujus exercitio non quælibet reipubl. utilitas, quæ vim necessitatis non æquat, sufficientem causam præbet. Neque audiendum putem *Hobbesium* c. 6. §. 15. quod *nemini proprium quid sit contrailum, qui habet summum imperium*. Non magis quam illud: *patres diversarum familiarum, qui neque patri, neque domino communi subjiciuntur, jus commune in omnia habere*. Si hoc admiserimus, nihil obstat, quo minus rex vicino quævis eripiat, quousque viribus pertingere possit. Quod cum nemo sanus admiserit, fatendum est, dominia rerum cum effectu potuisse introduci per sola pacta etiam inter eos, qui idem imperiū non subiere. Etsi civitates faciant, ut illa longe firmitus teneantur tã adversus concives quam externos. Cum ergo potuerit quis sibi dominium quærere in res aliquas extra civitatē, potuit etiam deinceps civitati sese adjungere retento suo jure, ita ut in id civitati non nisi eminens competeret dominium, certis duntaxat

casi-

casibus exercendū. Et hoc fecisse præsumendi sunt omnes patresfamilias, qui ultro imperium civitatis subiere, scil. ut in summo imperio agnoscerent quidem dominium eminens, & jus indicendi tributa, ac ferendi leges circa usum bonorum ad salutem civitatis attemperandum; extra hoc autem in bona sua summo imperio nihil vellent licere.

§. 34. Hactenus quidem in plerisque sat prospera erat usus fortuna Philippus, non item in obsidione Perinthi & Byzantii. Quæ oppida quantum haberent momenti ad eas, quas animo meditabatur res, recte ex situ eorū judicabat. Eo enixius ad illa conservanda incubuere & Persarū rex, & plurimi Græcorum; gnari insuper, magnos exercitus nulla fere re magis atteri, quam irritis validarum urbium obsidiis. Ne tamen inter moras illas nihil ageret, cum parte copiarū multas Chersonesi urbes expugnat; & more negotiantium impensas belli alio bello refecturus, in Scythas quoque movet. Ubi prælio quidem victor fuit, collocatis à tergo fortissimis equitum, qui cæteris pugnandi necessitatem adferrent. conf. *Homer. II. 8. v. 297*. Auri tamen nihil heic partum. Et revertentem captivis & pecore Triballi exuerunt. Prudenter tamen Philippus, quod modicam ignominiam frustra tentatæ obsidionis subire maluit, quam pertinaciter urgendo impar cœptum tempus simul & vires disperdere, & aliis contra se præbere occasionē. Sanè enim nī fortunam sapius, quam prudentiam in partibus habuisset Alexander, nostri filius, poterat Tyri obsidio rebus ipsius immedicabile vulnus infligere.

§. 25. Sed niunum nihil sibi adhuc egisse videbatur Philippus, ni Atheniensium vires contudisset, qui soli Græcorum destinata ipsius remorari poterant. Illos hætenus fœderibus identidem renovatis averterat; ac nuper cum illa viderentur abrupta ipsis ad eximendum obsidio Byzantium concurrentibus, ultro missis legatis amicitiam instauraverat, quo incautis posset ingruere. Igitur refectis viribus repente Thermopylas trajecit, ne iis ab alio occupatis Græcia posset excludi. Etsi *Frontinus Strat. l. 1. c. 4. §. 6.* referat, præsidio quo Ætoli jam Thermopylas infederant, eluso, Philippum eas angustias evasisse. Repentino incursu occupatur Elatea, de cujus situ opportuno vid. *Strabo l. 9.* Quo audito ingens Athenis consternatio fuit exorta. Suadâ tamen Demosthenis erecti animi; simulque Thebani, fœdere licet Philippo juncti, suppetias tulere. Pugna committitur ad Cheronæam. Atheniensium tumultuariò scriptus miles Macedonum robori, assiduis durato bellis cedebat. Nec parum ad victoriam faciebat Philippi dolus, qui ut hostem, impetu duntaxat validum, defatigaret, de industria prælium trahebat, cessimque ibat, ac jam stando fessis signa acriter inferebat. *Frontin. l. 2. c. 1. Polyan. l. 4. §. 2.* Chares quoque Atheniensium dux, artium bellandi rudis, documento erat, tanti esse exercitium, quanti est imperator. Etsi Athenienses, memores antiquæ gloriæ, strenue resisterunt, adversisque vulneribus ceciderunt, ipso Philippo laudante generosi militis indicium, stet seu cadat adversum hostem spectantibus.

tis. Post victoriam modestia simulata. Hoc enim *Iustino*, alias in nostrum parum æquo, malumus credere, quam quod alios de ipsius insolentia, à Demade castigata, tradidisse refert *Diador. l. 16. c. 88.* conf. *Ælian. V.H. l. 8. c. 15.* Capti sine pretio dimissi, & pax, missis filio Alexandro & Antipatro, ultro oblata. In Thebanos asperius actum. Captivi venditi, occisorum sepultura non nisi pretio concessa. Principes civitatis pars necati, pars in exilium e-jecti. Antiqui vero exules restituti, quorū trecentis gubernationem civitatis victor commisit. Qui eo beneficio obstricti obnoxiam Philippo civitatem tenebant, simulq; plus quam hostili acerbitate eos vexabant, à quibus fuerant expulsi. Et justius sane poterat hisce irasci Philippus, quam Atheniensibus. In hos enim ipse perfidus; illi ultro hostilia sumserant, à Philippo licet de fœdere servando moniti. Et merebatur molliora ocellus Græciæ, de quo eruen-  
do dum consultant Spartani, hoc respondisse Apollinem refert *Ælian. V.H. l. 4. c. 6.* τὸ κοινὸν ἐστὶν τῆς Ἑλλάδος μὴ κινεῖν. Thebani autem potentia recens parta insolentius usi plerisq; invisi erāt. Sic parum aberat, quin ultro Philippus Atheniensibus injuriæ temperamentum posset imputare.

§. 36. Jam igitur citra dubium Græcia infra Philippum erat dejecta. Quam tamen ille haut quidquam in provinciæ redigere formam audebat, aut instituta singularum urbium immutare, in tributum pecuniam egerere, præsidio urbes premere, quæve alia durioris sunt servitii. Nam neq; tumentes recenti libertate cervices tale jugum statim ferre



ferre poterant, neque in proclivi erat, tot civitates institutis, moribus, atq; æmulatione dissidentes in unum velut corpus compingere. Ideo destinatis suis in præsens sufficere credebatur, si neq; ipsam metuere ulterius deberet, & viribus tamen ipsius suo uti posset arbitrio, eamque suis consiliis quocunq; modo haberet obnoxiam. Ab his initiis pressius subinde habenas erat adducturus. Igitur cum & ipse insatiabili gloriæ & potentiae flagraret cupidine, nossetq; Asiam imbellem juxta atq; divitē, simulq; quam invisum Græcis esset nomen barbarorum, de bello in Persas transferendo publice spargit. Ad quod fors aliquid momenti attulerat oratio *Isocrati*, durante bello sacro conscripta. *Ælian. V. H. l. 13. c. 11. conf. Isocrat. epist. 3. ad Phil.* Omnes inde Græciæ civitates Corinthum evocantur, ubi cum multa verba de bello Persis inferendō fecisset, *σπαρτιζὸς αὐτοκράτωρ* omnium Græcorū contra Persas constituitur, Spartanis nequidquam refragantibus. Tum res Græciæ, prout sibi credebatur expedire, componit, magistratusq; pro arbitrio cōstituit; quo modo populares civitates quam facillime retinentur. Neq; enim consūltum erat longius movere, nisi prius rite compositis, quæ à tergo relinquenda. Ac ne facile se absente Græcia turbaret, effecturum credebatur tum favore suscepti belli, tum quod ipsum florem Græcorum secum erat ducturus; qui gloriæ atq; prædæ participes suorum benevolentiam erga Philippum alerent, aut si hostilia molirētur, obsidum loco forent. Quorum posterius in simili casu multi ob obulos habuerunt. vid. *Curt. l. 8.*

c. 5. *Polyb. l. 3. c. 33. Liv. l. 21. c. 21. Cæsar de B. G. l. 5. ubi de trajectione in Britanniam. Tacit. H. 1. 88.*

§. 37. Enimvero gloriam superatæ Asiæ fata Alexandro reservaverant. Jam Parmenionem atq; Attalum cum parte copiarum præmiserat Philippus, tota mole belli ipse mox secuturus. Interea dum auxilia è Græcia congregantur, nuptias Cleopatæ filiæ, & Alexandri regis Epiri celebrat. Ubi nihil prætermisum, quod vel ad ostentandam regis magnificentiam, vel conciliandæ hospitum gratiæ faceret. Id insolens, quod in pompa cum duodecim deorum simulacris ipsius effigies tertio decimo loco transveheretur. Pleno jam theatro ipse candidatus prodit; spiculatores, ut longe absisterent, moniti, quo specimen præberet, salutem suam amore civium, non armis muniri. Sed ecce rerum humanarum vertiginem! Dum ita superbus incedit, Pausanias repente accurrens ipsum confodit. (*Justinus* inter filium & generum medium tradit cæsum, quod vix probabile.) Iste adscitus inter satellites Philippi ab Attalo contumeliam erat passus fœdam dictu, de qua sæpius apud regem questus fuerat, sed qui in eum animadvertere ob affinitatem & auctoritatem viri verebatur. Honoribus tamen & muneribus placare læsum studebat; (hoc enim *Diodor.* credere malumus, quam *Justino*, qui variis frustrationibus non sine risu dilatum ait;) quibus iste haut quidquam delinitus, ultionem ab ipso rege petere instituit. Confirmatum putant ab Heremocrate quodam sophista, qui percontanti, qua via quis inclarescere possit, responderit: si virum rebus

bus gestis clarissimum interficiat. Dum enim illius mentio habeatur, intersectoris quoque memoriâ servatum iri. Traditum quoque fuit ab Olympiade immissum, quam non ita pridem domo exegerat ob suspicionem stupri, superinducta Cleopatra. Sane arguunt eam corona Pausaniæ in crucem sublato imposita, exsequiæ eidem ductæ; gladius, quo Philippus confossus, sub nomine Myrtalis ab illa consecratus; notumque furens quid femina possit. Quidam etiam Alexandrum filium in conscientiam cædis vocare non dubitarunt, quem inter atque patrem in nuptiis Cleopatræ acerba animorum exasperatio extiterat, vix post fideliter lenita. vid. *Plutarch. Alexand.* Neque inauditum inter principes, filios ante diem in patrios annos inquirere. conf. *Boccalin. cent. 1. relat. 56.* Ultionem tamen sumsit de consciis cædis paternæ, peragendis tristitiæ imitamentis, an tradito principibus more, ne cuius iam impune sit, quocunque sub prætextu regum sanguinem effudisse. vid. *Tacit. H. 1. 40. 41. 44. 1.* Ferunt Philippum in Bœotia in æde Trophonii oraculum accepisse, ut sibi à quadrigis caveret. Inde nec ipse in quadrigas adscendit, & toto regno currus disjungi iussit, locumque, cui in Bœotia quadrigarum nomen, semper vivit. Sed nimirum, ne oraculo fides videatur defuisse, fama est, quadrigas insculptas fuisse capulo gladii, quo est trucidatus. vid. *Ælian. V. H. l. 3. c. 45. Valer. Max. l. 1. c. 8. Cicer. de fato.* Omina futuræ cædis, quorum neque copia deest, & liquidissima interpretatio, post eventum, recenset *Diodor. l. 16.*

c. 92. Regnavit annos 25. vixit. 47. postquam firma jecisset fundamenta rebus illis, quibus summum erat fastigium impositura felix filii audacia. Qui fato præ patre indulgentiore fuit usus, quo difficilius est, tenuibus ab initiis res modicas ad justum & solidum statum provehere; quam jactis jam fundamentis, & parata materia, aliquid superstruere. *conf. Tacit. A. 4. 7. 4.*

## DE EXISTIMATIONE.

### §. I.

**E**xistimationem famamque tueri integram; optimo cuique maxime cordi solet esse, & hanc qui amiserit, nullus judicatur. Sed & vegetissimum quemque animum vellere deprehenduntur stimuli, ut subinde præstantiam suam præ aliis ostentare, atque inde aliis antihaberi ardeat. Quod antequam obtinuerit, etiam lautissimæ cætera fortunæ ipsum piget tædetque. Sic ut penitissime naturam humanam perspexisse sint censendi, qui pronunciant, omnem animi voluptatem in eo sitam esse, quod quis habeat, ut cum aliis sese conferens magnifice possit sentire de se ipso. Atque isti gloriæ igniculi, qui non nisi sublimiores animas creduntur adurere, multos quidem egregia patrare subegerunt. Verum ubi enormes, ac ratione non rite fuerunt temperati, haut

haut paucos perpulere, ut dum quacunq; via ad laudem grassantur, aliis, & sibi demum ipsis exitium invenerint. Neque vero minori molimine super dignitatis eminentia multos videas certare, quam si de vita fortunisque omnibus ageretur. Sunt quoque, qui dum inanibus inflati stolidè sese jactitant, cordatis ludibrium debent. Ut igitur solide intelligatur, quæ sit hominum nativa velut dignitas; quid per instituta civilia ipsi accesserit, quæ sint fundamenta, quibus unius præ altero eminentia nitatur, universam hanc materiam de Existimatione publicæ disquisitioni placuit exponere.

§. 2. Existimationem igitur commodissime videmur posse definire, quod sit Valor personarum in vita communi, secundum quem aptæ sunt aliis personis exæquari, aut comparari, eisq; vel antehaberi, vel postponi. Habent scilicet non exiguum inter se cognitionem duæ nobilissimæ species quantitatum moralium, Existimatio & Pretium, quarum illa in personis, hoc in rebus consideratur, quod ex illa Personæ, ex hoc res in vita communi æstimantur. Et quemadmodum pretia rebus eo potissimum fine sunt imposita, ut res invicem permittendæ, aut ab uno in alterum transferendæ, recte possint inter se comparari; sic & existimatio ei fini inservit, ut ratione istius tanquam valoris homines inter se queant comparari, quo decorus inter ipsos ordo, ubi conjungi eosdem contigerit, constitui possit; postquam omnimodam æqualitatem in genere humano sat commode servari haut quidquam posse satis adparebat.

§. 3. Pot-

§. 3. Potest autem Existimatio in universum dividi in *simplicem*, & *intensivam*. Quarum utraque considerata venit tam inter eos, qui in naturali utrinque libertate vivunt, quam qui eadem civitate continentur. In naturali autem libertate illos invicem vivere intelligimus, qui neque communi imperanti humano, neque alter alteri subjiciuntur.

§. 4. *Existimatio simplex* inter eos, qui in naturali invicem libertate sunt constituti, in hoc potissimum videtur consistere, ut quis talem se ferat, & pro tali habeatur, quicum agi queat tanquam cum viro bono, & ad socialitatis humanæ leges sese accommodare prono; quiq; adeo legem naturalem adversus alios, quantum in se, observare sit paratus. Scilicet uti rem, quæ qualemcunque usum in vita humana obtinet, alicujus pretii esse dicimus: inutilem penitus nullius pretii vocamus; ita aliquem saltem valorem dixeris esse ejus, quicum utcunque tanquam cum animante sociabili potest agi. Ast si quis ineptitudinem ad societatem palam ostendet, quod fit, legem naturæ, & officia inde aliis debita proterve adspernando & proculcando, eum merito nullius valoris hominem judicaveris.

§. 5. Existimatio porro isthæc considerari potest, vel ut *integra*, vel ut *deminuta*, vel ut penitus *consumpta*. *Integra* est, quando quis nondum per malitiosum aliquod & enorme factum sciens volensque dolo malo legem naturæ adversus alium violavit. Nam peccata infirmitatis humanæ

conditioni condonantur. neque per illa statim opinio boni viri extinguitur, modo honestus animus, justumque sectari cupidus persistet. Atque isthæc existimatio omnibus adesse præsumitur, quousque ipsi per malitiam eandem non delibent. Adeoque naturaliter cuique hæc æqualiter dicenda est competere, ac citra antegressum prævum factum omnes æque honesti sunt judicandi. Quo spectat & tritum illud; quilibet præsumitur bonus, donec probetur contrarium. Neque obstant illa, quæ ab *Hobbesio de Civitate* c. 1. prolixè disputantur de malitia humani ingenii, & ad lædendum alios libidine. Quæ si absolute vera sunt, sane jam quilibet præsumetur malus, donec contrarium probetur. Enimvero quod ille præsupponit principium, falsum est, *omnes homines sibi invicem posse, & velle nocere*. Non possunt immediate invicem nocere, nisi qui loco junguntur. Nam qui absens mihi nocet, id facit per aliquem præsentem. Neque res meæ nisi per præsentem perdi queunt. Sed nec *volunt* semper homines invicem nocere, quippe cum illi, qui ratione utuntur, satis intelligant, quibusvis velle nocere, in universum & ad diuturnitatem haut quidquam expedire. Et causæ, quæ ab illo afferuntur, quare homines sibi invicem velint nocere, particulares duntaxat sunt. Et multis horridum visum illud jus, quod natura cuivis in omnia dedit, semper per usum rectæ rationis temperari est intelligendum. Quia tamen homines sibi invicem *possunt velle* nocere, igitur naturaliter omnes homi-

homines habendi erunt pro bonis viris, sed qui mali fieri possunt, ac pro amicis quidem, sed quibus non usquequaque tuto fidas; adeoque status hominum naturalis invicem non quidem bellum proprie dictum erit, sed pax parum fida.

§. 6. *Diminuitur* isthæc existimatio per facinora malitiosa, inprimis enormia, contra jus naturæ aliis immerito illata; quæ efficiunt, ut non tutum sit aliis deinceps fidem ejusmodi deceptoribus habere, ac citra solidam cautionem cum ipso negotii quid habere aut contrahere. Diminuitur tamen per prava facta alicujus existimatio, non penitus consumitur. Nam etsi suspicari non improbabiler possim, talem quemque fore erga me, qualem adversus alios sese gessit: id tamen non semper ita solet esse certum, quin interdum contrarium adparent. Quippe cum peculiare potuerint existere causæ, quæ ipsum ad decipiendos alios irritaverint, quæ in me non deprehenduntur. Potuit & quis uno tempore pravis affectibus agitari, à quibus alio tempore ipsius animus est immunis. Et ex hisce explicanda trita quæstio, an fides perfido sit servanda? Scilicet si quis in eodem pacto non præstitit, quod promiserat, neque ego, quod promisi, præstare debeo; cum pacta mutua stent fide, & capita conventionum sibi invicem insint per modum conditionis; faciam si feceris. Quod si quis cum eo, à quo semel deceptus, denuo paciscatur citra peculiarem cautionem,



imprudenter sane facit. Sic ut apud aliquos in proverbium abierit; qui semel me deceperit, illum dii perdant; si bis me deceperit, dii me perdant. Sicut & ubi tertius cum tali pacisci debeat, merito habet, quod majori circumspectione utatur. Si tamen iste aut hic, non obstante morum opinione, cum tali contraxerit, fides utique erit servanda; cum eo ipso, dum paciscitur, isti exceptioni censeatur renunciare; quod alias nihil inter ipsos actum foret. Nisi forte post pactum initum certa adpareant indicia, ipsum id agere, ut me decipiat. Tunc enim alterius fraudulentiae sese ultro præbere summa foret stoliditas. Potest tamen isthæc existimationis macula, ex prave factis contracta, deleri, præstita ultro damni dati reparatione, aut æstimatione, atque editis animi poenitentis signis. Hæc enim sponte elicitæ sufficientem possunt fidem facere animi serio emendati.

§.7. Ast vero hanc existimationem penitus consumit vitæ genus, & institutum, directe spectans ad aliis promiscue nocendum & rem ex manifestis aliorum injuriis faciendam. Equidem dantur & in civitatibus quædam vitæ genera, quæ exercitium certi cujusdam vitii profitentur; quali vitæ genere inquinantur meretrices, lenones, validi ac vagabundi mendici. Item apud Ægyptios fures professi; de quibus *Diodorus Siculus* l. 1. c. 80. *Qui furtis operam dare volunt, nomina apud furum principem profitentur, & è cæstigio furtum ex pacto ad eum referunt: qui res suas amiserunt, consimiliter unumquodlibet amissorum literis consti-*

*consignatum exhibent, locumq; ac diem, quibus jacturam fecerint, adscribunt. Hoc modo cunctis facile repertis fraudatus taxatione rerum facta, quadrantem horum persolvit, & tum sua recuperat. Cum enim fieri non possit, ut omnes à furto abstineant, & tam legislator invenit, quo tota res sublata præter exiguum redemptionis pretium servaretur. Enimvero crediderim pauciori privatorum dispendio id genus hominum posse sustentari, adhibitis diligenter ergastulis, virgis atque restibus. Talium quantilla sit existimatio, civitatis, quæ illos tolerat, est determinare. Saltem communi hominum jure frui debet, cui publice vitii professio exercenda indulgetur. Quo spectat illa expositulatio lenonis apud Terent. *Adelph. act. 2. sc. 1. Lenos sum, fateor, perniciēs communis adolescentium, perjurus, pestis; tamen tibi à me nulla orta est injuria.* Item illud Ulpiani in l. 4. §. 3. ff. de condic. ob turp. caus. *Meretricem turpiter facere, quod sit meretrix; non turpiter accipere, cum sit meretrix.* Ast naturalem Existimationem vehementer profligari per vitæ genus, qualiscunque vitii professionem habens, constat; ni tamen illud vitium cum aliorum injuria sit conjunctum, non videntur tales tanquam communes omnium hostes posse tractari. Verum quorum professio injuriam aliorum habet propositam, quique adversus quoslibet homines, aut illos saltem, qui extra ipsorum consortia degunt, promiscuè eadem, quâ in bestias, licentia utuntur, eos penitus illa existimatio*

deficit, qua quoslibet aliàs homines metimur. Inter quos referuntur piratæ, prædones, latrones, sicarii, manticularii, & id genus alii. Nec ab isto censu eximuntur, si qui non ad extremū in omnes promiscue sævire soleant; puta, quod alii contenti res rapuisse, cædibus abstineant, aut crumena pallioque deliniti recedant. Nam justitiæ laudisque nihil habet, non omnes numeros injustitiæ explere. Æque mihi fures & prædones, qui interdum tantum rapinam exercent, aut à bobus aratoribus abstinent; aut qui rapta æquo precio, si velint, dominis redimenda concedunt. Sic ut probari haut quidquam queant, quæ in excusationem, ut videtur, antiquorum illorum, quibus rapto vivere quæstus erat, afferuntur *Hobbesio c. 5. §. 2.* Quale genus vitæ plerosque veterum Græcorum agitalle memorat *Thucydides l. 1.* Et *Heniochos Strabo l. 10.* Nam neque ista licentia ex jure illo, quod natura ex mente *Ipsius* dedit in omnia, deducitur, & qui patria reponit illis, qui ex ipso prædas egerunt, nō exercet *ληστικήν*, sed justum bellum gerit. Sed & quin sub hanc classem referri debeant integri coetus piratarum & latronum, quamdiu quidem isti vitæ generi non renunciaverint, dubio caret; utut forte instar aliquod justitiæ inter se videantur exercere. Imò nec excluderim integras, si quæ essent, civitates, quæ coiverint quidem juris inter suos cives fruendi causa; de cætero autem in alios omnes hostilia exercent, nulla pactorum & fidei aliis datæ ratione habita. Quod si autem sint civitates, quæ pacta cum aliis inita servant, sed vel ad-

versus

versus quosvis alios, vel saltē adversus certas gentes quædam juri naturæ non congruentia citra justam causam inferre siveverunt; iis omnem existimationem detrachere non licebit, etsi eam non parum deformatam existere liquet. Id quod videtur applicari posse ad incolas Barbariæ, qui pacta utcunque servant, & Muhamedanos suos non deprædantur; præsertim cum dicere possint, dari quoque inter Christianos, quibus implacabile in Muhamedanos bellum gerere officium habeatur.

§.8. Cæterum affectus, qui ejusmodi homines existimatione penitus destitutos apud alios consequuntur, hi fere sunt; ut nisi vitam istam cruentam & rapacem abdicatum eant, ab aliis non magis parci ipsis conveniat, quam lupis, aut aliis truculentis belluis. Et ubi deprehensi fuerint, atrocius plerunque solent tractari, quam alii hostes, utut & hi ultima nobis intentaverint. Sed & indigni habentur, quibus ullum humanitatis etiam simplicis officium exhibeatur, quippe quo ad nocendum aliis confirmantur. Quin & uti in ipsorum fide, si quam dare velint, nihil fiduciæ locandum, cujus apud alios opinionem vitæ ipsorum atrocitas elidit; ita nec fidei ab aliis datæ ipsos capaces esse, quamdiu istius scelestæ vitæ continuationem præ se ferunt, ( id quod semper præsupponitur, ) non absurde videtur asseri posse. Vel enim ultro cum tali paciscor, vel vi ipsius injusta compulsus. Prius quomodo fieri queat non video, nisi ut & ipse scelerum ejus contagione

inficiat, dum tanquam cum amico ago, qui se communem omnium hostem, præterquam suorum complicum, fert. Quid quod sæpe fidem latroni servare, v. g. in deposito, cum injuria aliorum est conjunctum. conf. *l. 31. §. 1. ff. Depositi*. Quod si autem latro operam mihi aliquam utilem præstiterit, qualem quidem abs tali acceptare mihi non turpe fuerit, æquum sane videtur, ut promissam mercedem ipsi solvam. Sed tunc iste latro non amplius erit, qualem heic supponimus, communis omnium, præter suorum sociorum, hostis. Sed ad quæ pacta ipsi metu alios compellunt, ea non solum vitæ genus, sed & metus iste ipso jure (loquimur heic ex lege naturali,) facit nulla; non obstantibus argumentis, quæ afferuntur à *Grotio l. 2. c. 11. §. 7. & Hobbesio de Civitate c. 2. §. 16*. Quin nec ista pacta, accedente licet jurejurando, valida fieri probabiliter defendi posse arbitramur. Quicquid contra tendat *Grotius l. 2. c. 13. §. 15*. Cæterum recuperari potest ejusmodi hominum amissa existimatio, si vitæ genus scelestum exuerint, aliudque honestum susceperint. Quod non in singulis duntaxat hominibus, sed & integris in cœtibus latronum & prædonum procedit. Ex quo tempore cum illis tanquam cum honestis hominibus erit agendum. Ut tamen prius injuriarum datarum reparationem fecerint, aut condonationem obtinuerint.

§. 9. *Existimatio simplex intra civitates degentium est*, qua quis pro membro saltem vulgari, eoque integro civitatis reputatur; seu ut quis juxta leges & mores civitatis pro vitioso ejusdem mem-

membro non fuerit declaratus, & aliquo esse numero, caputque habere intelligatur. Isthæc porro existimatio in civitate deficit vel ex *mero statu*, vel ex *delicto*. Prius contingit itidem duplici modo, vel ut status in se naturaliter nihil turpe habeat, vel ut cum vitio aliquo, aut saltem ejus opinione, sit conjunctus.

§. 10. Solus status, qui natura sua nihil vitiosi habet, existimationem simplicem in multis civitatibus adimit mancipiis, quæ pro personis civilibus non reputantur; seu quæ caput civile non habere, nulloque numero intelliguntur esse. Quam vilis istorum conditio apud Romanos fuerit, notissimum. Speciminis loco potest esse, quod leges, quibus pœna stupri, aut adulterii constituta est, ad mancipia pertinere non existimabantur. vid. *l. 6. ff. ad L. Juliam de adulter. l. 23. l. 29. C. d. r.* Item quod testimoniis etiam juratorum pro tribunali nihil fidei fuerit tributum, sed non nisi per tormenta ex illis fuerit quaesitum; quasi non honestas aut conscientia, sed solus dolor abs tam vilibus hominibus verum posset elicere. Nec major servorum, saltem gentilium, æstimatio apud Ebræos, qui servo familiam, cognationem, prosapiam negabant esse. Adeoque utut ipse in servitute constitutus prolem procreasset, manumisso tamen eadem non proderat ad hoc, ut censeretur satis fecisse præcepto divino, *crescite & multiplicamini*: sed denuo post manumissionem uxor erat ducenda, & proles suscipienda. Quasi non hominem procreasset, qui servum generaverat.

Vid. *Selden. de J. N. & G. l. V. c. 3.* qui *l. V. c. 17.* refert, apud eosdem servorum & ancillarum è gentilibus in servitutem redactarum cognationis ante manumissionem nullam fuisse habitam rationem in re concubitus. Quam in parte melius Romanæ leges etiam in servilibus cognationibus naturalem pudorem volebant inspicere. vid. *l. 14. §. 2. ff. de rit. nupt.* Sicut & naturale discrimen inter servos atque liberos melius videtur æstimasse Lycurgus, de quo est ap. *Ælianum V. H. l. 12. c. 43.* Mothaces vocabantur servi locupletiorum, quos patres in gymnasia exercitatum simul cum filiis mitterent. Ο ἢ συγχωρήσας τῷτο Λυκῶργῳ τῆς ἐμμείνασι τῇ τῶν παιδῶν ἀγωγῇ πολιτείας λακωνικῆς μεταλαγχάνει. In quibusdam etiam civitatibus sat tenuis spuriorum existimatio; cum tamen, quod tali modo sint geniti, non ipsorum, sed parentum culpa versetur. conf. *l. 5. C. ad Scm Orfitianum, & Stobæum serm. 75.*

§. 11. Posteriori modo status existimationem civilem tollit aut minuit, quod in isto constituti circa talia negotia occupantur, quæ sine vitiis obiri non possunt, vel propter sordes non nisi à vilissimi & abjectissimi hominibus animi exercentur. Quo loco prioris sortis homines censeantur, ex cujusq; civitatis legibus aut moribus patebit. Ad posteriorem classem pertinet, quod in multis civitatibus carnifices, lictores, foricarii, & similis farinæ homines ab honestiorum confortio

tio excluduntur; non tam quod legibus civilibus hoc sit constitutum, quam quod communi consuetudine & opinione talibus misceri pudentum habeatur. Idq; tum quia ministeriis illorum, cum atrocitate & fœditate conjunctis, plerunque mores solent respondere; tum quia non nisi viles animæ ad talia ultro sese adplicant. Aliquando & certa vitæ genera professi per ipsas leges inveniuntur notati. Uti sunt ex LL. Romanis, qui mercedis causâ in scenam prodeunt. vid. *l. ff. de his, qui not. infam.* aut qui operas suas, ut cum bestiis depugnarent, locaverint. *l. 1. §. 6. ff. de postuland.* Ubi infamiæ irrogandæ fundamentum non tam consistit in aliquo malo facinore, cum talia etiam innoxie possint obiri; sed quod ista ob lucrum patrare tanquam fœdissimum Romanæ indoles gravitatis averfaretur. Sic & iisdem legibus non nisi ob suspicionem animi levissimi, & fidei amorisque desultorii infamiam pariebat, intra tempus luctui destinatum filiam viduam alteri nuptum locasse, talem duxisse, aut sub sua potestate constitutum pati ducere, aut hoc modo nubere.

§. 12, Ex antegresso autem delicto existimatio simplex civilis penitus deficit, quando quis juxta leges ob certum delicti genus, (nam omnia delicta civiliter existimationem non extinguunt,) infamia notatur; idque vel ut vita naturali simul expelatur, & memoria quoque ejus damnetur, vel ut cum infamia civitate penitus ejiciatur, vel ut in civitate quidem retineatur, non tamen velut membrum integrum, sed tanquam in-



fectum, ut qui domicilio quidem civitatis, & communi legum tutela gaudeat, muneribus tamen publicis ac honestis societatibus exclusus, & ad exercendos actus legitimos, existimationem præsupponentes, inhabilis. Quæ autem crimina sint, talem infamiam conciliantia, ex cujusque civitatis legibus cognoscendum. Conf. l. 5. §. 1. 2. 3. ff. de extraord. cognit. circa quam tamen observandum, in uno atque altero exemplo non satis accurate distingui existimationem simplicem, ab intensiva. Notanda quoque heic lex Ægyptiorum, quæ ordinum desertoribus, aut imperatorum jussa non exsequentibus, non mortis, sed infamix extremam poenam decernebat. Quod si postea ignominiam strenuitate aboleverint, in pristinam dignitatem restituebantur. Ita cum ignomiam gravius morte supplicium fecerit legislator, simul infamiam pro summo malo habendam docere voluit: simul nihil morte affectos vitæ communi profuturos amplius: honore vero desertor pristinx ingenuitatis desiderio plurimum adhuc boni effecturos censebat. *Diodor. Sicul. l. 1. c. 78.*

§. 13. Observandum porro est ex mente JCtorum Romanorū, turpia facta, quibus infamia contrahitur, notari vel immediate ipso jure, vel antegressa cognitione & condemnatione judicis, vel honestorum virorum quadam velut censura; quam vulgo vocant infamiam facti. vid. l. 13. C. ex quibus caus. infam. irrog. add. l. 2. ff. de obseq. parent. præst. l. 20. ff. de his qui notant. infam. l. 25. C. ad L. Jul. de adult. Circa quam tamen infam-

infamiam facti judicaverim, illam non tam immediate resultare ex opinione virorum gravium, quam ex ipsa quoque lege infligi ideo, quod talia facta virorum gravium opinione damnantur, ac fœda habentur. Nam utut turpe sit, viris probatis non probari, tamen nisi declaratio legis accedat, solo privatorum judicio nemo jacturam facit existimationis hætenus, ut excludatur emolumentis & juribus illis, quæ integram existimationem ex legibus civilibus comitantur. Unde & illud apparet, non statim fieri infamem, qui accusatus fuit de crimine infamiam pariente, aut cui illud est objectum; nisi de eodem fuerit condemnatus, aut idem agnoverit. Id quod etiam facere censetur, qui cum actore paciscitur, ut is ab accusatione desistat: quoniam intelligitur confiteri crimen, qui paciscitur. *l. 5. ff. de his qui not. inf.* Nisi forte ostendi queat, non conscientiam criminis, sed alias fuisse probabiles causas, puta vexationem fori, judicis immanitatem aut inimicitias, ut quis maluerit pacto cum actore defungi. Quanquam autem eo ipso integram quis existimationem intelligatur retinere, si super objecto crimine à judice fuerit absolutus; tamen ut rei innocentia eo latius innotescat, simul puniendo calumniatori, in multis civitatibus receptum, ut ipse actor ad palinodiam adigatur, se ipsum mendacii arguere, deprecari, reoque honorem exhibere cogatur, & si quæ sunt alia.

§. 14. Ex hisce id quoque facile intelligitur, veram infamiam non posse alicui inde conciliari,

liari, quod injurias verbis aut re sibi illatas non propriis armis, uti quibusdam in locis inter nobiles cum primis & militares viros pravus mos invaluit, sed per magistratum vindicare, aut easdem tacite concoquere voluerit; modo ista patientia non arguat foedi alicujus facinoris confessionem. Id quod olim apud priscos Teutonicos populos videtur habuisse detrectatio duelli, quod in probationem juris, aut purgationem objecti criminis adhiberi moris erat. vid. *lib. 2. tit. 32. 33. Constitut. Sicularum & Frideric. Lindenbruch. in Glossario LL. Antiq.* voce *Duellum & Campio*. Etsi morem istum defendere non placeat. Habet equidem multum segnitæ & timiditatis viro indecoris, quasvis injurias & insultationes deglutire, nec ad defensionem libertatis aut juris sui strenue accingi. Tamen si quis quarundam injuriarum vindictam cum judicio magis adspernetur, quam per formidinem deferat, celsi satis animi documentum edit. Neque in eo quid est, quod existimationem naturalem aut civilem extingvat. Multo minus autam infamia contrahitur in illis civitatibus, ubi privata injuriarum exsecutio expresse per leges est interdicta, si quis legibus potius parere, quam obtentu vani honoris periculo simul pugnae ancipitis, legumque severitati sese velit exponere. Neque semper signum timiditatis est, cum alio quavis de causa in pugnam nolle descendere, vitæque & fortunarum discrimen temere subire; cum aliæ longe tutiores, & vitio carentes dari queant occasiones, quibus quis fortitudinem suam

suam queat ostentare. Exemplum Pulſionis & Varenii centurionum vid. ap. *Casarem* de B. G. l. 5. Neque cordatum vulgi heic vocabula debent movere; cum cujusque civis existimatio judicio summi imperantis, legumque stet cadatque, & in eo virtus sit, legibus velle parere, spreta inani maleficatorum hominum opinione.

§. 15. Manifestum porro & illud est, existimationem simplicem, tam naturalem quam civilem, non posse alicui adimi per imperantem pro mero arbitrio, nisi ex antegresso ipsius delicto, quod sui foeditate, aut per legum sanctionem expressam, infamiam habet comitem. Nam cum talis potestas nullo modo possit facere ad conservationem aut emolumentum civitatis, eandem in nullum imperantem fuisse collatam intelligitur. Quanquam uti per injuriam imperans civem civitate potest ejicere: sic itidem per injuriam poterit istum privare existimatione civili, saltem haec, ut spoliatur emolumentis illis, quæ existimationem integram in civitate comitantur. Intrinseca illa & naturalis existimatio non magis tali adimetur, quam ipsius honestus animus. Accedit, quod contradictionem involvat, infamem aliquem declarare ex nuda libidine, id est, arguere aliquem affinem foedorum criminum, non quia revera ista patravit, sed quia innoxium hoc modo tanquam noxium tractare placet. Sed & illud certum videtur, neminem civem obligari, ut existimationem suam simplicem civitati impendat, seu ut veram infamiam contrahat propter

propter utilitatem civitatis, Facta enim turpia, ex quibus vera infamia oritur, neque à civitate imperari possunt, neque à cive præstari debent.

§. 16. Illud non ita liquidum est, an ab honesto cive postulari queat, ut ipse Principis aut civitatis infamiam in se suscipiat, seu pro ipsius sceleribus sese velut reum subdat? Heic etsi videatur, vix posse quenquam sese scelestum sine scelere fingere; putaverim tamen distingvi debere inter delicta Principis domestica sive privata, & publica, seu quæ in totam civitatem redundant. Circa priora, ut quis se pro Principe reum subdat, neque hic honeste postulare potest; neque ille præstare, eo nempe fine, ut vel plausibilem prætextum sceleri Principis suppeditet, vel maculam, quæ hujus existimationem naturalem affectura erat, in se derivet. Nam civilem existimationem Principi supra judicia civilia posito nemo ademerit. Neque puto quenquam cordatum probaturum illud Aniceti factum, qui Octaviæ sese adulterum jactabat, ut Neroni prætextus foret ipsam matrimonio exturbandi. vid. *Tacit. A. XIV. 62.* Solet tamen non raro contingere, à ministro quidpiam tractari cum aliis ex mandato Principis, sed ita ut in reip. damnum sit redundaturum, si publico id consilio factum appareat; quod damnum declinari queat, culpa in ministrum collata, quasi privato id ausu ab ipso fuerit susceptum. Heic arbitror bonus civis non detrectabit ad averendum à civitate sua magnum malum simulare, nullo publico mandato sese id egisse, modo ficta dun-

duntaxat infamiæ pœna defungi liceat. Nam mortem aut deditionem eo nomine pati, durum nimis foret. Illud autem quicquid est simulatæ pœnæ facile iterum tolli, aut alia via pensari potest. Cæterum id manifestum est, infamiam civilem aboleri posse per eum, cui eandem infligendi potestas est. Ita tamen, ut siquidem illa fuerit inflicta ex flagitiis, restitutio famæ tantum producat effectus civiles externos integræ existimationis; naturalis existimationis labem haut quidquam tollat.

§. 17. Existimatio *intensiva* est, secundum quam personæ, alias quoad existimationem simplicem æquales, sibi invicem præferuntur, prout uni præ altero insunt, quæis aliorum animi ad exhibendum honorem permoveri solent. Est autem honor, qui intensiori existimationis respondet, proprie significatio judicii nostri de præstantia alterius; adeoque reverà honor est non in honorato, sed in honorante. Etsi metonymica quadam ratione ipsa quoque existimatio, seu id, quod honorem meretur, eo vocabulo insigniatur: ut & peculiariter certistatus, quos honor comitatur, honores dici syeverunt, quod regulariter illis conferantur, qui alios præstantia antecellunt. Argute porro ab *Hobbesio cap. 1. §. 2.* observatum est, causam gloriationis & honorem, cum comparatione & præcellentia conslet, si omnibus adsit, nemini adesse. Neque societatem inter multos homines, aut multi temporis iniri posse gloriæ causâ, seu ut focii mutuo sese adjuvent ad nanciscen-

ciscendam gloriam & honorem. Quippe cum tanti quisque inter homines judicetur, quantum sine aliorum ope ipse potest. vid. *Senec. epist.* 27. de Calvisio Sabino. Sicut & idem *Hobbesius d. l.* eleganter ostendit, quomodo in omni genere congressuum, qui ob voluptatem animi instituuntur, quilibet seipsum cæteris anteferre nitatur; adeoque homines quam maxime honoris & gloriæ stimulis agitentur.

§. 18. Potest autem existimatio isthæc intensiva considerari vel inter eos, qui invicem in *naturali libertate* & *ignis*, vel qui *eadem civitate continentur*. Deinde expendenda erunt *fundamenta* istius intensivæ, & quidem prout produciunt vel *aptitudinem* duntaxat ad honorem ab aliis expectandum, vel *jus* propriè dictum, quo idem ab aliis tanquam debitus postulari queat.

§. 19. Fundamenta intensivæ existimationis in genere censentur omnia illa, quæ insignem aliquam præstantiam aut perfectionem habent, (*Cicer. de natur. deor. l. 1. habet Generationem justam: quicquid excellit.*) aut eandem judicantur arguere; & quidem talem, cujus effectus cum fine legis naturalis aut civitatum congruit. Nam stulto vulgi judicio eos quoque interdum videas celebrari, qui circa vitium aliquod exercendum cum primis sese strenuos exhibent. Uti sunt potatores bicongii, & tricongii, & in quos cadit illud *Juvenalis sat. 4. Nulli major fuit usus edendi tempestate mea. Aristophan. Acharnen.*  
act. 1.

αἱ. 1. sc. 2. οἱ βάρβαροι καὶ αὐδραὶ ἡγῶν-  
 ται μόνως τὰς πλεῖστα δύναμεις κατὰ-  
 φαγεῖν τε καὶ πίνειν. Item acerrimi præliato-  
 res Venerei, ῥιψοκίνδυνοι, astutissimi fures, &  
 & id genus homines vitiorum suorum antesigna-  
 ni. Qui tamen quo perfectius artificium suum cal-  
 lent, eò nequiores a probis viris habentur. Etiam-  
 si ista sæpe robur corporis, aut vividum animum  
 arguant, sed qui in prava detortus eo vehemen-  
 tius vitiis exuberat, quo majore vigore florescit.  
 In specie autem inter ista fundamenta sunt per-  
 spicacia mentis & capacitas animum variarum  
 notitia rerum excolendi, maxime ubi actu capaci-  
 tas ista fuerit impleta. Idoneum circa res geren-  
 das, & discernenda ambigua judicium. Animus  
 firmus, & per externa inconcussus, illecebrisque  
 & terroribus superior. Facultas decore & copio-  
 se, animi sensa explicandi. Tum robur, decus &  
 dexteritas insignis corporis, prout isthæc præclari  
 animi indicia vel instrumenta judicantur. Nam  
 illud nimis quam simplex, quod tradit *Themistius*  
*orat. XIV.* Αἰθίοπες ἐχειροτόνουν τὴν βασιλέα  
 πῆχυν καὶ μέτρον γνωματεύοντες τὴν ἀρετήν.  
 Præsertim cum frequenter huc trahi possit illud  
*Oppia-Cyneget. l. 2. v. 68.* μείοσι μὲν μείζων τε-  
 λέθῃ, μεγάλοισι δὲ μείων. Bona præterea quæ  
 vocantur fortunæ, prout arguunt vel dexteritatē  
 in ædificatione, vel facultatem aut materiam præ-  
 clara patrandi. Maxime autem existimationem  
 inten-



intendunt res egregie gestæ, quod & illæ intrinsecam præstantiam præsupponant, eamque in usum deductam, & ad legitimos fines adhibitam ostendant. *Aristor. Rhetor. l. 1. cap. 5.* *τιμῶνται ὃ δικάίως μὲν καὶ μάλιστα οἱ εὐεργετηκότες, ὃ μὲν ἄλλὰ τιμᾶται καὶ ὁ δυνάμει εὐεργετεῖν.* Et quidem prout illa præstantia, aut res gestæ in plurimorum notitiam pervenerunt, *Claritas* proprie dicitur. Ubi autem comitatur aliquem apud alios opinio peculiaris prudentiæ ac sapientiæ circa dextre determinanda dubia practica, aut veritates theoreticas, *Autoritas* nuncupatur. Neque alio intuitu ætas provectior æstimationem judicatur intendere, quam quia ex multo rerum usu, & diuturna contemplatione negotiorum humanorum prudentiam conciliaffe putatur. vid. *l. 5. ff. de Jure immunitatis. Diodor. Sicul. l. 19. c. 34. In omnibus sic comparatum videtur, ut plus reverentia & honoris grandioribus natu, quam minoribus exhibeantur.* Et si non desint, in quos quadret illud *Ovidii metamorph. l. 9. fab. 11. Qui propter amara senectæ Pondera despicitur, nec quo prius ordine regnat.* *Strabo l. XV. Indi ætati senum prærogativam nullam tribuunt, nisi prudentia excellent.* Sed & sexui masculino majorem præfœminino dignitatem tribuere putatur *l. 1. ff. de Senatoribus* add. tamen *Jacob. Godofr. de precedent. part. 1. c. 5. §. 35.* Quanquam in universum sexus fœmininus cum masculino quædam existimationis fundamenta

habet

habet communia ; quædam peculiaria, uti est præcellentia in virtutibus & functionibus, quæ in eum sexum præcipue judicantur cadere ; quædam demum mutuâtia, ut quod radiis maritorum dicuntur fulgere, aut quod se numero & præstantia prolis quam maxime efferunt. vid. *Ovid. metam. 6. fab. 4. 5. 172. seqq. 181. Valer. Max. l. 4. c. 4. §. 1. Plutarch. in C. Graccho. de Cornelia.*

§. 20. Porro de omnibus hisce existimationis intensivæ fundamentis observandum, ea in se non producere, nisi aptitudinem seu jus imperfectum ad habendum ab aliis honorem & venerationem ; adeoque si eundem aliis etiam meritis quis denegaverit, non potest dici injuriam fecisse, sed duntaxat inhumanitatis, aut si ita loqui licet, incivilitatis notam sibi contraxisse. Nam inter eos, qui in naturali invicem libertate vivunt, adeoque naturaliter invicem æquales sunt, & ubi quilibet rerum suarum & actionum est arbiter, non adparet, quomodo quis ab altero jure suo honorem & venerationem postulare queat ; cum ob naturalem illum amorem, quo quisque se & sua prosequitur, judicare possit, talia in se esse, quæ omnino paria sint aut superiora illis, quibus alter sese effert. v. g. Ostentat aliquis canos suos ; ast alter juvenilem vigorem suum istis longe potiore habet. Alium spes sua æque, atque alterum res inflant. Ferox est Ajax robore corporis ; ast Ulysses prudentia, & facundia longe se præferendum isti judicat. Alius divitias jactat, alius animum regum opes æquantem. Deinde  
cum

cum delatio honoris ac venerationis eliciatur per id, ut quis agnoscat præcellentem in altero præstantiam, seque eam ob rationem ipsi ultro submittat, & vero hoc per vim externam non possit extorqueri, quæ contumaciam potius animi obfirmat; patet inconveniens esse istis fundamentis in se tribuere vim juris perfecti, quod etiam vi armisque possit asseri. Accedit, quod cum intrinseca veneratio per vim non possit extorqueri, externa autem signa, ni ex animi submissione proficiantur, sint inania, & ludibrium potius, quam honor; stultum sane fuerit propter inanium denegationem in arma ruere. Inprimis si alter protestetur, se venerationem omittere non ex contemptu, sed quia libertate sua naturali velit frui; quæ ipsi indulgeat, non cogi per vim ad illa, quæ ex ipsius arbitrio & humanitate debeant dependere. Sicut mascule quondam Scythæ ad Alexandrum: *Qui sis, unde venias, licet ne ignorare in castis sylvis & desertibus? Curt. l. 7. c. 8.* Ex quibus manifestum esse videtur, etiam si rationi naturali congruum sit, ut præstantioribus honor deferatur; imò si quis velit per nos quoque inter se præcepta juris naturalis possit referre, digniores esse honorandos; id tamen officium inter illa esse numerandum, quæ alter suo jure non possit à me exigere, sed quorum præstitorum laus meæ humanitati, ac civilitati sit relinquenda. Uti plurima aliarum virtutum officia, ad quæ præstanda nobis obligatio imperfecta, aliis ad eadem habenda duntaxat aptitudo est. Verum ut quis suo jure possit

possit honorem aut quodvis ejus signum ab altero postulare, necessum est, ut vel imperium in ipsum obtineat, vel ex pacto tale sibi jus quæsierit, aut ex lege per communem utrique dominum lata, vel adprobata.

§. 21. Cæterum inter privatos quidem super honore atque eminentia illud pulcherrimum fuerit certamen, si inter se contendant, quis promtior fuerit in honore deferendo, aut modestior in eodem deprecando. Et merito ridentur, qui super isto acrius certaverint, præsertim ubi idem sterilis, & nullo cum emolumento fuerit conjunctus. Ineptus, *per medium pugnat*, qui prior ire lutum. *Martial. l. 10. epigr. 10.* Sic ut merito commendari debeat sententia illius Principis, lata in duos ministros minorum gentium, super priori loco in templo contendentes; ut qui stultitia inter ipsos excelleret, priori loco sederet. *Seneca de Ira l. 3. c. 37. Minus honorato loco positus irasci cæpisti consiliatori, vocatori, ipsi qui tibi præferebatur. Demens, quid interest, quam lecti premas partem? Honestiorem te aut turpiorem potest facere pulcherrimus?* Nam quod *Quintil. declam. 252. honorem vocat pretiosissimum pauperum censum;* id de existimatione simplici capiendum est. Enimvero inter Principes atque integros populos super eminentia dignitatis, & quæ inde dependet, præcedentia, majore prætextu nullis fere non seculis certatum deprehendimus. Sic ut in plurimos congruat illud ap. *Ovidium l. V. Fastor. Turbaq, cælestes ambiriosa sumus.* Eas ad lites componendas quæ argu-

argumenta soleant adferri, operæ pretium puto fuerit paulo pressius considerasse. Illud igitur extra controversiam est positum, si unus principum ab altero dependeat tanquam à superiore, hunc isto esse digniorem, eique præ hoc deberi præcedentiam ex jure perfecto: utut fortasse pari uterque titulo gaudeat. Sic dantur exemplamagnorum regum, qui alios sub se habent reges nomine, revera magistratus & gubernatores provinciarum. Quidam regna sua abs aliis agnoscunt tanquam feuda, alii alio titulo. Sic apud *Tacit. Agricol. Sævus ac jam pridem recepta populi Romani consuetudo vocatur, ut haberet instrumenta servitutis & reges*. Et qui fœdere inæquali alicui jungitur, iis eo ipso alterius dignitatem eminentiorem fatetur, dum ad ipsius majestatem comiter colendam sese obstringit. Sed & illud dubio caret, ubi Princeps aliquis pro sua persona, aut tanquam caput suæ civitatis adversus alium jus præstantioris dignitatis, & præcedentiæ quæriverit ex pacto, aut per consuetudinem & patientiam alterius, cujus nulla probabilior ratio possit proferri, quam quod hic istum se digniorem agnoscat; ei juri posse inhæreri, quamdiu durat iste velut character dignitatis, sub quo jus illud fuit quæsitum. vid. *Jacob. Godofred. de Præcedent. part. 1. c. 1.*

§. 22. Enimvero ubi nondum alicui tale jus fuit quæsitum, variis quisque argumentis sibi præ aliis dignitatem eminentiorem ita assertum. Inter ea præcipue solet allegari antiquitas regni atque familiæ; amplitudo & opulentia ditionum, & potentia:

tentia; qualitas potestatis, qua quis imperium in suo regno gerit; & splendor tituli. Antiquitatem civitatibus & familiis venerationis quid addere persuasum vulgo est; jactantque inprimis, qui isthac nituntur, sese jam tum sua dignitate exsplenduisse, cum alia regna adhuc vilis pars servientium forent; aut cum familia illa, quæ jam novo diademate superbit, adhuc intra plebejam obscuritatem latitaret. Nefas esse de dignitate contendere adversus illum, cujus majores aliterius majoribus poterant uti ministris. Esse hanc velut naturalem & communem legem, ut quæ posterius tempore producuntur, prioribus subsint. Excurritur dehinc in magnificam commemorationem eorum, quæ ab isto regno, aut per familiam regnatricem præclare bello ac pace gesta sunt. Quorum novi isti parum aut nihil ostentare queunt. Potentia autem veneratione terrorem quoque miscet: & non imprudens solum, sed & temerarium videtur cum illo de dignitate velle contendere, cui plurima facultas nobis benefaciendi juxta atque nocendi. Et efficacissimus videtur modus ambiendi honores, si quis demonstrato suo gladio possit dicere; *si vos non vultis, hic faciet*. Sed & eminentius judicatur summa libertate gaudentem soli DEO subesse, quam legibus humanis aut pactis degere obnoxium. Denique cum per titulos res ipsa censeatur exprimi, tituli quoque splendorem & amplitudinem non inferiorem dignitatem arguere.

§. 23. Isthæc & similia, utut in contentione dignitatis sæt plausibiliter possunt jactari; faten-

dum tamen est, ea omnia per se non producere, nisi jus imperfectum seu aptitudinem, ni accesserit aliquod pactum expressum aut tacitum, quod recepto mori inesse intelligitur, aut alterius concessio. vid. *Benjam. Priolas hist. Gall. l. 12. c. 3.* Neque desunt, quibus vis ejusmodi argumentorum possit elevari. Ipsam antiquitatem in se nihil habere dignitatis; cum illa nil notet, nisi tractum durationis, quæ vilem æquæ, atque præstantem rem possit prosequi. Id habere omnia regna, ut sint libera, & ab alio non dependeant, facultatemque administrandi suas res inter se possideant. Id diu obtinuerint, an recens quæsierint, parum interesse. Equidem quod diu aliquod regnum floruerit, indicio esse, ejus compagem concinne dispositam, idque bene fuisse administratum. Tum facti benignitate, aut civium virtute exterum hostem defuisse, aut feliciter fortiterque repulsum. Sed non minus recentes civitates commode posse disponi, & administrari, quam veteres. Imò fortasse commodius, quod harum bona instituta ex periculosis sæpe experimentis provenerint; illas autem optima quæque ab aliis jam inventa in usus suos posse transferre. Diuturnam quidem fati clementiam sibi neminem posse præstare; id tamen effici posse, ne per prava instituta civitas in se ruinam trahere incipiat. Denique ex præsentibus quemlibet æstimandum; præterita non amplius, futura nondum ad nos pertinere. Neque civitates aliquod velut systema aut concilium inter se constituere, ut recentissimæ cuique locus sit infimus

simus occupandus: sed quamlibet seorsim sua sibi libertate gaudere. Unam familiam in civitate aliqua diu imperium tenuisse, sæpe quidem indicio esse, minores majorum virtutem æmulatos; plerunque opes ipsam suas firmiter disposuisse, ut non ausus fuerit aliquis solio eandem deicere. Interdum ingenio populi, à rebus novis abhorrentis, aliquam familiam diuturnam imperii possessionem debere. Nonnunquam solius fati beneficium vocandum, quod Metelli Romæ sint consules. Ast qui recenter ad illud fastigium enituntur, reponere possunt tritum illud; *Et genus, & proavos, & quæ non fecimus ipsi, Vix ea nostra puto.* Nihil facilius esse, quam partam à majoribus opimam hereditatem cernere; sed suum patrimonium ipsi sibi adquirere virtutis opus esse. Sorti nascendi illos suam magnitudinem acceptam ferre; se propriæ præstantiæ. Illos aliena & obioleta decora crepare; se propriis & recentibus enitescere. Deniq; præsentia jam æstimari, non præterita. Summum nobilitatis gradum haberi, regem esse. Hac recentem æque ac antiquam familiam efferri.

§. 24. Potentia autem hætenus quidem signa venerationis apud infirmiores potest elicere, quod stultum sit illi non cedere, quæ nocere potest. Sicuti facete Favorinus apud *Spartianum Hadriano*; *arguentibus amicis, quod male cederet Hadriano de Verbo, quod idonei autores usurpassent; non re-ete, inquit, scædetis familiares, qui non patimini me illum doctiorem omnibus credere, qui habet tringinta legiones.* Enimvero si alicui regi tantum



fit virium, ut regnum suum commode possit tueri, ille sane non habet quare alteri cedat, opibus quidem superiori, sed quas ipse neque metuere, neque ambire sui conservandi causa necessum habeat. Si tantus mihi sit census; ut meo succo commode & laxè queam vivere; quid opus est, ut alium, superfluarum mole divitiarum turgentem, venerer, cujus iras possim contemnere, & cujus gratia beneficiisque non indigeam. Libertas in æquo posita est, quæ magnitudine opum haut quidquam distinguitur. Pateat igitur unius imperium per sexcenta milliaria, alterius per certum duntaxat. Idem tamen imperium hic in modica sua, quam alter in laxiore ditione, obtinet: neque hic minus, quam alter finem civitatum institutarum consequitur. Ne dicam quod sola potentia, prout notat vires aliis nocendi, in sese non significet talem præstantiam, quæ sit idonea venerationem seriam elicere. Nam hæc amore quopiam temperata est. Nocendi autem vires odium conciliant; etsi externa venerationis signa per eas posse exprimi manifestum est. add. *J. Godofr. d. rr. part. 1. c. 3. §. 19.* Porro absolutam habere, & nullis legibus limitatam potestatem, omnino venerationem majorem terrore mixtam apud subiectos conciliat, non item apud alios principes, qui istius absolutam potestatem in ordine ad se pro nuda libertate naturali æstimant: quæ per se nullam dat præminentiam in eum, in quem quis imperium non habet. Et cum Princeps non ex propriis tantum juribus, sed & ex conditione illius civitatis, cui

cui præest, æstimandus sit; potest utique princeps limitatus ex isthac talia habere, ut absoluto aliquo longe sit potior. Denique tituli, & quicquid est verborum, usu sicut nummi valent; & cum in rege nihil amplius possit inveniri, quam summum imperium, sufficit, si illud modo nativo sensu, aut ex usu vulgi exprimant; splendor aut modestia vocabulorum ipsi rei nihil addit demitvè. Sic quod Turcarum monarchia vulgo dicitur Imperator, Persarum Rex, id in se nullam isti præ hoc eminentiam tribuit. Ambitosam autem encomiorum struem proprio titulo apponere, uti barbariem redolet; ita idem subjectos fortasse simpliciores ad venerationem movere potest, alios non potest. Quid enim intererat v. g. Imperatoris Romani, Sapores Persarum rex fratrem se Solis & Lunæ, an Saturni & Veneris nuncuparet? Aut quid hodie regum Christianorum interest, quantas lacrimas titulo suo affluat Turcarum Imperator, qui tamen revera nihil aliud quam rex est.

§. 25. Ex hisce omnibus satis firmiter videtur concludi, ex obligatione perfecta, quæ in altero jure proprie dictum præsupponit; regem revera talem non teneri loco cedere alteri regi tanquam digniori, utut hic conditionibus jam enumeratis præpolleat; neque civitatem liberam alteri civitati liberæ, licet antiquiori aut potentiori. Quin nec civitas popularis in se videtur dignitate inferior civitate monarchica, quamvis in civitate democratica nemo unus reperiatur, qui cum rege comparari possit. Unde nec civitatis liberæ legatus ne-

cessario legato regis loco cedere tenebitur. Verum quia in dignitate vicaria & delegata tantum splendoris esse non potest, quantum in originaria, neque in magistratu tantum dignitatis, quantum in principe; & vero civitates liberæ, cum regibus in eodem loco convenire non possunt, nisi per legatos aut deputatos: adparet sane, omnino legatum civitatis liberæ cedere debere cuicunque regi aut principi, cui summum est imperium. Et ita quidem videtur sese res habere circa præminentiam dignitatis, & præcedentiam inter eos, qui libertate naturali gaudent.

§. 26. Isthæc tamen æqualitas inter eos, qui summo sunt imperio præditi, non impedit, quo minus, si opus sit, congregari queant per se, aut per suos legatos, aut etiam in stabile aliquod concilium coalescere. Nam si unus regum ad alterum in ipsius ditionem accedat, lex utique civilitatis requirit, ut quis hospiti domi suæ primum locum deferat; nisi forte veniat tanquam subditus temporarius. Nam utut in territorio suo quilibet sit summus; tamen uti legati, sic & ipsi reges fictione quadam videntur constitui extra territorium regis, ad quem ejusdem consensu accedunt, non exuto fortunæ suæ splendore. Ubi duo pluresve in loco tertio congregiuntur, facile caveri potest, ut ne unus alteri prælatus videatur. Nam & conclavia licet comminisci, ut judicari nequeat, quis in iis prior aut dignior locus sit. Possunt etiam ab initio protestari, sese citra ullam præcedentiæ considerationem congressuros, sed vel promiscuè & ci-

& citra ordinem sessuros, prout cuique lubitum, aut prout casus tulerit. Sicut de Brachmanibus Indorum sapientibus refert *Philostratus de Vita Apollonis Thyana* l. 3. *Nullum regi præcipuum locum assignantes, quod apud Græcos Romanosq; maximi æstimatur: sed ut cuiq; in mentem venit, accubere.* Idque eo facilius procedit, si isti Principes, quod vulgo vocant, incognito & familiariter convenient, id est, dissimulata velut fortunæ suæ mole, quo ipso testantur, sibi super dignitate curam aut contentionem haut fore. Et sane laudandum est istud commentum, incognito iter faciendi, aut cum aliis congregiendi, utut omnibus quis sit notissimus, parcendis plurimis sumtibus, & declinandis ceremoniarum, atque contentionum inanibus. Sed si hoc displiceat, sorti res potest committi, idque ut vel semper quis illum locum retineat, quem semel est sortitus, vel ut ordo per sortem constitutus deinceps velut in orbem eat. Atq; hæc facilius adhuc procedunt, si legati duntaxat congregiantur; præsertim cum circa hos aliud adhuc sit medium collisioni vitandæ; si non idem omnibus, sed disparis valoris velut character à suis principibus tribuatur. Nam isti dignitatum gradus, cum ex mera impositione oriantur, facillime plurimis modis variari possunt. Quemadmodum regi, si quem suo officio demovere subtiliori modo placeat, aliumque in ejus locum surrogare, novum officii vocabulum comminisci in proclivi est.

*Add. Jacob. Godofr. tr. d. part. 3.*

§. 27. Quod si autem inter plures æquales

societas aliqua duratura sit instituenda, & singuli focii æqualitatem retinere velint. neque circa locum fors aut alternatio placeat, alia ordinis ratio adhuc superest, quæ itidem aliquod sortis instar habet; neque dignati alicujus fraudi potest esse; ut nempe eo quisque ordine in communi conventu sedeat, quo in eundem fuit receptus. Id quod imprimis locum habet inter eos, qui societati jam constitutæ deinceps accedunt. Nam illis, qui primi societatem constituunt, locum sorte aut per conventionem attribui convenientius fuerit. Neque necessum est, ut qui primus collegii cujuscumque aut systematis constituendi autorem se tulit, idem in eo primum locum obtineat; secus atque arbitratur *Jac. Godofr. tr. d. part. 1. c. 3. §. 24.* Ubi vir cætera accuratissimus humani aliquid patitur, cum Tigurinis ideo primum in Systemate Helvetiorum locum attributum ait, quod isti primi inter pagos libertatis autores extiterint; cum tamen constet, quinto demum loco ipsos fœderi Helvetico accessisse. vid. *Simlerus de Rep. Helvet. l. 1.* Sic & illud falsum, quod Geldri eam ob causam primum inter fœderatos Belgas locum obtineant. Et quia in plurimis conventibus & collegiis id usurpatum, ut secundum ordinem receptionis locus cuique assignetur; hinc *Grotius l. 2. c. 5. §. 21.* tanquam universale promunciatum ponit: naturalem inter socios hunc esse ordinem, prout quisque in societatem venit. vid. etiam *l. 1. ff. de albo scrib. l. 1. C. de Consul. l. ult. C. de Tironib. l. 1. C. de prapof. sacri cub. l. 2. C. de Præf. prætor. l. 10. C.*

*l. 10. C. de Professor. add. Jac. Godofr. d. tr. part. 2. c. 3. §. 17. 18.* Ubi sciendum, in ejusmodi societatibus priorem aut posteriorem locum haut quidquam notare eminentiorem aut tenuiorem dignitatem: sed esse merum & nudum ordinem inter pares dignitate; ac inter tales revera obtinere tritum illum versiculum. *Ultimus & primus sunt in honore pares.* Nam illud *Ausonii panegyri. ad Gratianum: Nulla est quidem contumelia secundi, sed ex duobus gloria magna prælati;* locum duntaxat habet, cum prælatio ob majorem in prælato præstantiam facta est. Ubi & hoc obiter monendum in se locum unum non esse altero honoratiorem, sed id omne dependere ex impositione hominum, qui varii super ea re varie constituerunt. Sicuti notissimum est, alium locum heic, alium alibi pro honoratiore haberi. vid. *Jacob. Godofr. d. tr. part. 2.* Sed & illud *Grotio d. l.* notatum, eundem morem antiquitus in Christianorum quoque regum ac populorum conventibus, quibus ad constituendum Ecclesiæ velut universalis corpus concurrebant, obtinuisse, ut qui primi Christianismum professi forent, in conciliis ad rem Christianam pertinentibus præcederent ceteros. Quo argumento nonnullis præcipue niti placuit ad asserendam sibi præ ceteris præminentiam, tanquam jure sibi debitam, etiam in aliis quibuscunque congressibus. Enimvero utut in istis conventibus sacris forte non sine ratione dictus ordo fuit observatus: tamen ut in omnibus aliis congressibus idem retineatur, aut ut ex sola anti-

quitate professionis Christianæ eminens præ aliis  
 dignitas alicui generetur, necessarium non vide-  
 tur. Præterquam enim quod inter decreta religio-  
 nis Christianæ est, τῇ τιμῇ ἀλλήλους σεβή-  
 γεισθαι, Rom. 12. 2. & τῇ ταπεινοφροσύνῃ  
 ἀλλήλους ἡγούμενοι ὑπερέχοντες ἑαυτῶν,  
 Phil. 2. 3. etiam in conciliis illis sacerdotes pri-  
 mas partes egerunt, seculares in accessorii fere  
 locum venerunt, ac decretis illorum stare iussi. Sic  
 ut reges atque principes in conciliis considerati  
 fuerint fere ut sacerdotum subiecti, non uti nul-  
 lum in terris superiorem agnoscere. (Add. quo-  
 que *Sozomenus hist. Eccles. l. 2. c. ult. in fine.* cujus  
 effatum nescio an oraculi vim obtinere debeat.)  
 Ex cujus moris reliquiis fortasse etiam illud adhuc  
 alicubi superest, quod quando in precibus publi-  
 cis homines Deo commendantur, sacerdotes obni-  
 xe primum sibi locum vindicent; aut quod in enu-  
 meratione illa vulgari statuum, Ecclesiasticus sem-  
 per præmittatur. Alias enim non poterant corda-  
 ti dispicere, quam decorum foret, v. g. quod  
 quando Kal. Jan. à votis concionum auspicia pe-  
 tuntur, minister aliquis domino suo collegæ dia-  
 cono sibi que propitium Numen ante omnia prece-  
 tur, principem demum in secundas partes vocet,  
 quasi in ipsis salus reip. & ecclesiæ magis quam in  
 principe vertatur; præsertim cum iste non sit ex  
 hostibus aut persecutoribus Ecclesiæ, qualibus ta-  
 men Paulus Apostolus æque honorem vult tribu-  
 tum, i. e. ex obligatione perfecta, tribui jubet, sed  
 nutri-

nutritius atque defensor Ecclesiæ, imo summus in sua ditione Episcopus. Sed quicquid hujus sit, non statim, qui in certo conventu ob certum quempiam respectum, qui ipsius dignitatem in universum hautquidquam afficit, alteri cedit, is ubique, & quando istius respectus ratio non amplius habetur, alteri tenetur cedere. Sicut & in civitatibus videmus multos diversis interesse collegiis, & in uno collegio alteri loco cedere, extra illud autem, aut in alio collegio priorem præ eodem locum obtinere.

§. 28. Enimvero illud manifestum est, imperio hanc quoque vim inesse, ut prælationem tribuat per modum juris perfecti valituram, adversus eum, in quem exercetur. Nam omnino præstantius est imperare, quam parere; alterius voluntatem suæ voluntati habere obnoxiam, quam ad alteram sese attemperare. Et necessum est, ut in me adversus illum existat veneratio, qui metu pœnæ quoque ad jussu sua obeunda me potest compellere. Sic ut imperium per se inæqualitatem inter homines introducat. Nestor ap. *Homerum Iliad 2. Neque tu Pelide velis contendere cum rege Ex adverso: nam nunquam aequalem sortitus est honorem Sceptryger rex, cui Jupiter honorem dedit. Si vero tu fortis es deaque te genuit mater; At hic quidem potentior est, nam pluribus imperat.* Et si Achilles magis ductum Agamemnonis, quam imperium proprie dictum agnoscebat. Sed & illud apertum est, quo amplius est imperium & efficacius, eo majorem id dignitatē imperanti apud subiectos circumponere.



Quin ipsa imperii duratio, et si per se ad vim ejusdem nihil faciat, imperantis tamen dignationem non mediocriter auget. Inter eos vero, qui in eadem vivunt rep. eidemque imperio subsunt, existimationi intensivæ certam velut mensuram constituere, & ad præcedentiam præ altero plenum atque perfectum jus concedere, sine dubio est illius, qui summum in civitate habet imperium. Quem iste locum cuique assignaverit, eum uti adversus concives recte tueri potest, sic & eidem omnino adquiescere tenetur. Et licet forte unus vel alter præter meritum præstantioribus videatur prælatus; tamen nihilo secius tanquam contemtor potestatis summæ plecti poterit, qui aut illorum locum velit sollicitare, aut suo contentus non esse. vid. *l. r. C. ut dignit. ordo servetur*. Nec incommode huc trahi potest illud M. Terentii apud Tacitum *A. VI. Non est nostrum aestimare, quem supra ceteros, & quibus de causis extollas. Tibi summum rerum judicium dii dedere; nobis obsequii gloria relicta est*. Nec absurde huc traxeris illud Luciani *Judicio Vocalium*. Est pulcrum, unamquamque literam in eo ordine, quem primum sortita est, manere: transcendere vero eo, quo non oportet, ejus est, qui jus & aquum solvit. Et qui primus vobis has leges finxit & formavit, non ordinem tantum, per quem sua quibusque literis præsentia dignitas firmiter permanet, definiat: sed &c. Omnino tamen recte fecerit princeps, tollendis hominum ambitiosorum querelis, si in assignando loco honoratiore fundamenta

menta dignitatis, jam superius enumerata, insuper non habeat. Quia tamen molestum foret principibus, siquidem semper cuique extrinseca sua dignitate locus foret assignandus, tam sæpe suorum civium recensitionem instituere, in qua non posset non longe maxima pars eorum offendi; cum plerique non eos soleant numerare, quos à tergo reliquerunt, sed quos sibi prælatos cernunt: expeditissimum visum, saltem primariis civibus, ex muneribus, quibus in rep. funguntur, dignationem assignare. Ubi itidem querelis ansa præscindetur, si merentibus & idoneis talia munera conferantur, sique ipsorum munerum ordo apte sit dispositus. Ordo autem munerum in repub. in universum hic maxime videtur concinnus, si eo major cuique adhæreat dignatio, quo præstantiora negotia, & ad summum reipub. plurimum facientia per id obeantur, & quæ nobilissimas animi artes requirant. In singulis autem munerum generibus eo dignior quisque habeatur, quo nobiliori opera fungitur. Etsi & hoc sæpissime contingit, ut unum quidem munus in se altero sit nobilius: non statim tamen omnes & singuli, qui nobiliori muneri operam dant, omnibus & singulis in altero munere constitutis præferantur; sed ut v.g. qui princeps est in posteriori munere, cedat quidem ei, qui priori in munere primas obtinet, reliquis tamen omnibus primo subordinatis præferatur. Quod si vero ipsi cives inter sese super loco conventionem ineant, aut si in aliqua civitate certus ordo sit per consuetudi-

nem introductus, utraque legis vicem obtinebit, siquidem à supremo imperante ipsi non fuerit contradicendum. vid. *l. 2. C. ut dignitatum ordo servetur.* & *Ant. Perez. ad d. 1.*

§. 26 Quod si autem inter se sint comparandi eminentes viri diversarum civitatum, patet, fundamenta illa intensivæ existimationis ne inter hos quidem aliud parere, quam aptitudinem recipiendi venerationem ab his, qui istis fundamentis minus pollent. Idque sive præstantior ille in civitatem alterius tanquam peregrinus veniat, sive in loco tertio congregiantur. Nisi princeps civi suo injunxerit, ut peregrino cedat; aut tertius, apud quem convenitur, rem definierit, aut conventionem vel consuetudinem res sit decisa. Adeoque ne ipsa quidem præstantia muneris, quod quis in sua civitate gerit, jus ipsi dat sese præferendi civibus alienæ reip. qui tali duntaxat munere gaudent, quod ipse in sua civitate præcedebat. Nam quod jus valet adversus alios. Prorsus uti leges aliarum civitatum non haudquidquam stringunt. Neque obstat, quod extraneus ille titulum gerat, qui titulum ejus, quicum contendit, in ipsius civitate præcellit. Nam in cujusque civitatis arbitrio est, qualiter cives suos velit æstimare; qualem item valorem apud se velit imponere titulis, aliisque honorum insignibus, quæ abs se aut aliis collata sunt. Quin & officiorum, quorum amplitudine ut plurimum dignitates mensurantur, diversus apud diversos valor. Ipsæ quoque solidæ artes alibi plus, alibi minus æstimantur. Sicut alibi pacis, alibi

alibi belli artes plures fieri notum est. Cumprimis autem circa vocabula dignitatum gradus exprimentia observandum, quod illa non solum diversis in civitatibus diversas notent dignitates; sed etiam in eadem civitate aliquando plus, aliquando minus valeant: prout tractus temporis aliarum quoque rerum pretia minuere aut intendere suevit. Scilicet existimationis exteriora signa valorem determinatum habent ex impositione singularum civitatum; etsi fundamenta existimationis intensive in se, & prout sapientibus æstimantur, valorem ubique suum obtineant. Unde ubique terrarum virtuti, & eximiis artibus aut functionibus suus est honos, sed ex illis solis certa honorum insignia suo jure apud externos postulare nemo potest, nisi modis supra dictis jus sibi illud quæsierit. Verum quia insignia honorum ubique ob eximiæ virtutis opinionem tribui præsumuntur, cultissimæ quæque gentium exterorum honoribus eandem fere venerationem solent deferre, quam ipsorum civitas iisdem assignat. Id tamen ex civilitate & humanitate, non ex obligatione aliqua perfecta præstare videri volunt. Quanquam non desunt, apud quos extranei honores in exiguo sunt pretio. Sic enim *Ciceroni* peregrini nonnulli; splendidis familiis orti, vocantur non absolute, sed *domi, aut apud suos nobiles*; scilicet quod peregrinæ nobilitati Romæ non idem esset valor, atque in sua cuique civitate. Sic quis ignorat mediocriter eruditorum,

rum; quantus honos Olympionicis apud Græcos quondam habitus? Eundem si apud alios, queis tanti non æstimatæ fuerunt vires corporis aut agilitas, exhiberi sibi postulassent, rideri merebantur.

§. 30. Difficilius adhuc videtur fieri posse comparatio inter procures alicujus regni regularis; & principes alicujus reip. irregularis. Ponamus v. g. magnum aliquod imperium, quod antiquitus quidem habuerit formam justî regni; sed quod lapsu temporum in irregularem plane formam degeneraverit; ut qui ministri quondam regis erant procures, & provinciarum præsides, jam hæreditario, ac summo fere jure ditiones suas obtineant, inque eas omnes summi imperii partes proprio fere arbitrio exerceant. Sic ut ista respublica non amplius pro regno proprie dicto possit haberi, sed fere pro systemate plurium civitatum fœdere perpetuo connexarum, in quo dux velut fœderis titulo, & insignibus regiis conspicuus emineat. Heic sane adparet, cum ejusmodi reip. principibus ad summum imperium nihil, aut parum admodum desit, non posse cum illis comparari procures regni alicujus regularis, qui utique regis sui subditi sunt proprie dicti; ut ut fortasse pari aut splendidiore titulo gaudeant, aut ampliores quam isti redditus percipiant. Nam titulorum in diversis civitatibus diversus valor. Et principibus istius systematis modici sui tituli ex antiqua conditione remanserunt, potestas autem opesque maxima incrementa sumserunt. In regulari autem regno  
titu-

titulus, quamvis magnificus nihil aliud notat, quam eminentem civem, qui regis summo imperio non minus, quam alii, subdit. Sola autem pecunia hautquidquam sufficiens est fundamentum, quare quis alteri se præferre aut æquiparare possit. Enimvero summum habere imperium tantam in se habet dignitatem, ut reliqua omnia, quibus alias hominum dignatio solet æstimari, longe videatur præponderare. Sed quid si proceres istius regni regularis sint ex stirpe regia, ad quam lege fundamentali successio certo & immutabili ordine sit alligata? Hi enim reponere possunt principibus reipubl. ut ita loquar systematicæ; citra controversiam regem regni regularis cuivis ipsorum esse anteferendum. Spem autem, quæ in plenum & perfectum jus evaluit, posse pro re haberi. vid. *Jac. Godofred. d. tr. part. 1. c. 1. §. 4.* Verum reponi potest: non omnem spem, quæ ex lege regni vim juris nacta est, paris esse valoris; sed eo majoris quævis habendam, quo propius ipsam velut rem contingit. Frequentissimum autem esse, ut quo antiquior sit ejusmodi spes, eo longius quasi a regno removeatur multiplicatis illis, qui propiori gradu à rege distant. Et quam splendida sit illa spes, tamen quousque in rem mutetur, subditorum illos loco habendos. Denique illis se fortasse cessuros, quorum spes non nisi turbato mortalitatis ordine queat intercipi; quales sunt primogenitus regis filius, aut primogeniti primogenitus, aut regis improlis frater, proximusve agnatus. Longius remotorum spei, quæ fortasse in infinitum.

finitum extrahi possit, sese rem suam præsentem recte posse antehabere.

§. 31. Sed quid si debeant invicem comparari procures duarum rerumpublicarum irregularium. Ponamus aliquam civitatem sat mediocri territorio comprehensam, sed cujus princeps peculiarem sibi auctoritatem vindicet circa moderanda sacra, hominesque sacris addictos, etiam in aliis civitatibus. In eadem civitate ponamus esse septuaginta duos procures, penes quos solos jus sit ex suo ordine ejusmodi regem sacrorum eligendi. Ex adverso locemus magnum aliquod velut systema, de quo in *proximo* §. innuimus, cujus caput eligendi itidem septem aut octo primarii principes jus habeant. Fingamus inter hosce electores, atque alteros illos oriri controversiam super præcedentia? Heic utrorum dignitas solidioribus nitatur fundamentis, cordatis non difficile est dispicere. Sacri procures isthoc inprimis videntur jactare posse, quod cum sacra potestas animas hominum afficiat, secularis autem corpus duntaxat, illa utique hac sit præstantior & dignior censenda: Cui consequens sit, ut Rex sacrorum regem secularem dignitate superet. Quo posito, non posse non, qui istum eligunt, hujus electores dignitate eminere. Enimvero præterquam quod inter sapientes valde dubium sit, anne detur aliqua potestas circa sacra, quæ sese ultra limites unius civitatis extendat; etiam illa ipsa potestas circa sacra, statusque peculiariter sacris addictus, ex decretis religionis Christianæ non videtur  
ido-

idoneum fundamentum superstruendæ venerationi, quæ ex jure perfecto in civitate debita intelligatur. Nam utut fortasse decorum sit, sacerdotibus reverentiam exhiberi ab illis, qui veræ ipsos religioni operari sunt persuasi: ut tamen hi suo jure præcedentiam sibi velint vindicare præ aliis, id omnino absurdum videtur; postquam ipsa religio docet, ejus ministros præcipue ab ejusmodi rebus affectandis alienos esse debere. Præsertim cum ipse sacer princeps inter titulos suos servum servorum sese profiteatur; & inter addictissimos ipsius ministros aliquando lites super humiliore loco agitata legantur, vid. *Jacob. Godofred. d. tr. protheor. c. IV. lit. d.* Sic ut dubitem, an fiat gravem indignandi causam habuerit Papa Adrianus IV, quod Imperator Fridericus I. ipsi de equo descendenti *sinistram stropam tenuit, cum dextram tenere deberet*; apud *Helmoldum Chron. Slesvorum l. 1. cap. 80.* Deinde si vel maxime fingamus, istum principem sacrum regi seculari dignitate parem aut superiorem esse; non tamen ideo statim, qui illum eligunt, præferendi erunt istis, qui hunc eligunt. Nam quo major est eligentium numerus, eo magis quod ex eo munere splendoris resultat, oportet velut dissipari atque attenuari. Splendor autem inter paucos collectus vividior est. Quod si & hoc accedat, ut electores principis sacri nil aliud sint, quam perpetuum consilium ejusdem, in quos ille utiq; summum habeat imperium; electores autem principis secularis ditionum magnarum sint domini, in quas ad summum imperium

parum



parum aut nihil ipsis desit ; quique principis, quem elegerunt, magis tanquam fœderati majestatem comiter colant, quam imperio ipsius sint subiecti; qua fronte amplius isti his antehaberi postulabunt? Quid si autem iidem regerant, nonnullos ex electoribus principis secularis esse etiam membræ civitatis sacræ, quorum munus sacrum istorum munere sit inferius; & isthoc saltem intuitu electores principis sacri esse superiores? Heic si nihil amplius refugii supersit, fortasse non absurde illi respondebunt: ubi contingat ipsos concurrere in actu aliquo soleni civitatis sacræ, sese illis loco ibi cessuros; verum hoc non obstare, quo minus extra eum actum iisdem præferantur. Multo minus id præjudicare collegis suis, qui inter ordines civitatis sacræ non recensentur. Non autem inusitatum esse, certo respectu, & certo in concilio alicui cedere, quo in aliis locis sis superior. vid. l. 6. §. 6. C. de postulando. Jac. Godofr. d. tr. part. 1. c. 8. & c. 34. Neque statim sequitur; tu loco cedis illis, qui certo respectu mihi cedunt, (qui respectus tamen te non tangit:) ergo mihi quoque cedere teneris.

§. 32. Denique quia plurimas apud gentes natalibus aliqua dignitas putatur adhærere, ad argumentum quoque nostrum spectare videtur; curatius inquirere, quidnam solidi tantopere à multis jactatæ sanguinis nobilitati subsit, & quo illa in se spectata valore sit æstimanda. Id igitur in aprico est, natales nobiles haut quidquam per se tribuere præstantius temperamentum corporis, urut sæpe bonitas alimentorum aliquid huc faciat; aut præstant-

stantiorem animum, eximiamque vim ingenii. Sed plebejis ex natalibus æque feliciter hæc posse provenire. Nec alio ordine in producendis nobilibus, quam plebejis natura procedit. Sed & pari sanctimonia plebejorum quam nobilium matrimonia coluntur, aut coli possunt. Nec facile quis præstiterit, minus frequenter auratos thoros ab adulteris persultari, quam modicas spondas. Adeo ut si vel maxime virtus parentum in prolem semper transfunderetur; multis tamen difficillimum sit futurum probatu, abs prima stirpis origine intaminatum, ac citra alieni mixturam, sanguinem ad sese demissum. vid. *Grot. de J. B. l. 2. c. 7. §. 8.* Sed nec illud vulgatum, *fortes creantur fortibus & bonis*, adeo citra exceptionem est, quia in contrarium æque invaluerit, *heroum filii noxa*. Porro plebeji non semper deterius educantur, quam nobiles; imò sæpe quo plura his media inducit fortuna bene excolendo animo, eo turpius iisdem ad luxuriam, segnitiam, aliorumque vitiorum alimenta abutuntur. Recte *Plato Alcibiade. I.* Τὰς εὖ Φύοντας, εἰ μὴ καὶ εὖ τραφῶσιν ἔτι πελέεας γίγνεσθαι πρὸς δρεῖλῶν εἰκός. Et ipsa res ostendit, multos nobilium degeneres majorum gloriam obfusasse. *Arist. Rhet. l. 2. c. 15.* ἔστι δὲ, εὐχρηὲς μὲν, καὶ τὴν τὰς γῆρας δρετλῶν γηναῖον δὲ, καὶ τὸ μὴ ἐξίστασθαι ἐκ τῆς Φύσεως. ὅπερ ὡς ὅτι τὸ πολὺ δὲ συμβαίνει τοῖς εὐχρηέσιν, ἀλλ' εἰσὶν οἱ πολλοὶ εὐτελεῖς. add. *Stobæus serm. 84. 85.* Multos quoque obscuro na-

ros

tos loco per suam virtutem ad summa provectos constat; nec solus *Tydidēs melior patre*. Inde in ipsa quidem natura nulla adparet necessitas, quare aut in munera, aut in existimationis paternæ gradum solos ob natales filius debeat succedere, præsertim cum ultimo demum omnes ex eadem stirpe genus deducamus.

§. 33. Nihilominus multis civitatibus placuit, ut præclare meriti cives statum illum, certis privilegiis, certoq; existimationis gradu donatum, in quem ipsi per civitatem sunt locati, in sobolem suam per solā nativitatē velut aliquam hæreditatem transmitterent. *Lesbonactes orat. hortator. τῶν ἐν τοῖς δεινοῖς ἀνδρῶν ἀγαθῶν γυναικῶν οἱ παῖδες. ὁ γυνὴς νομίζοντα.* Ex quibus satis adparet, in solis natalibus nobilibus præ plebejis naturaliter nihil inesse eximii: sed eam prærogativam esse ex impositione & indultu civitatis, quæ constituit, ut certus status, cui annexa certa jura, gradusque existimationis, in aliquem semel collatus ad ipsius posteros citra novam collationem per solos natales deriveetur. Qua impositione sublata, vel quadraviti natales à cerdonis alicujus natalibus ne hilum discrepabunt. Unde quando princeps plebejum aliquem inter nobiles transcribit, in ipsius natura ortuque nihil immutat, nec novum aliquem vigorem ejusdem animo infundit; sed jubet ipsum censerī statu plebejis contra distincto, quem una cum adhærentibus juribus ad posteros suos sit transmissurus. Vice versa si quis ordine nobi-

nobilium ejiciatur ob delicta, aut quod legibus nobilium in sua civitate positis conformem sese non gesserit, ejus sane neque animus mutatur, aut quem ex majoribus traxit sanguis; neque efficitur, ui qui nobilibus parentibus est natus, iisdem non sit natus; sed adimuntur duntaxat ipsi status atque jura nobilitati in ea civitate competentia. Quo facto statim plebejus est. Quemadmodum neq; legitimatio, neq; natalium restitutio aliquid in natura mutant, sed meros tribuunt effectus morales. Id quod sufficienti est indicio, nobilitatem generis substantiã velut suam non ab ipsa natura, sed ab hominum impositione mutuari.

§. 34. Fatendum tamen est, plerasque gentes in conferenda nobilitate præstantes quasdam artes, & egregia merita respexisse. Quibus, qui enituerat, uti recte dignatione reliquos eminebat; ita largius judicabatur æstimari virtus, cujus præmia ad istos quoque derivarentur, quos natura quilibet quam carissimos habet. Præsertim cum ea res speraretur civium virtutem extimulatura, acrius affectandis ejusmodi præmiis. Simul proles ista domesticis exemplis excitata, parentum virtutem æmulatura credebatur, splendoremque illum iisdem, quibus partus erat, artibus tuitura. Nec min9 putabantur parentes operam daturi, ut quantum in se prolem sibi non indecoram reipubl repræsentarent. Cui consequens erat, ut postquam nobilitatem sorte nascendi adquiri receptum fuerat, curiose circa deligendas uxores versarentur nobiles, ne dispari se genere miscentes  
proli

proli suæ jura ista interverterent; an ut æqualium potius quam inferiorum filix in consortium ejus dignitatis adsciscerentur. Ac ne proli fortasse super natalibus lites moverentur, accurate majores longa serie annotare rationis erat. Cum contra plebeji supervacuum haberent, avos proavosque ambitiose disponere: quippe quibus ex natalibus nihil privilegii, sed propria cuique virtute & industria nitendum. Inde quoque nobiles, quo stirpem suam facilius possent docere, certis cognominibus atq; insignibus distingui receptum fuit; de quo itidem plebeji priscis temporibus parum fuisse curiosiprehenduntur.

§. 35. Hisce illustrandis non abs re fuerit Romanorum super nobilitate instituta curatius excussisse. Ut igitur suam illam hominum colluviem Romulus in justam formam populi componeret, ex universa multitudine centum delegit, consilio sibi præsto futuros, quos Patres appellari placuit, exprimendo muneri, aut propter ætatem: reliqui plebs mansere. Istorum progenies patricii appellati, simplicissima denominatione, quasi Patrum posterii; (vid. *Plutarch. quest. Rom. p. m. 278. C. D. & in Romulo p. m. 24.*) aliis ideo, quod hi soli patres suos possent ostendere; cum cætera turba fugitivorum fuerit, nec valentium proferre patres ingenuos, verbo, terræ filii. In eam rem argumento usi sunt, quod quotiens patricii convocarentur à regibus, præcones quemque suo ac paterno cierent nomine; plebejos vero ministri quidam cornibus bubulis confertim buccinantes  
in con-

in concionem excitaverint. Et si more suo *Dionys. Halicarnass. antiq. Roman. l. 2.* institutum hoc mollius interpretetur, (quippe cui omnibus modis incunabula Romæ splendida reddere cordi est,) evocationem patriciorum per præcones honoris, plebis per cornua celeritatis causa factam asserens. Contra Dionysium tamen videtur valere illud Decii apud *Livium l. 10. c. 8.* *En unquam (annon) fando audistis, patricos primo esse factos non de cælo demissos, sed qui patrem ciere possent, id est, nihil ultra quam ingenuos? Consulem jam patrem ciere possum, avumque jam poterit filius meus.* Et in universum de prima familiarum Romanarum origine sat abjecte *Juvenalis sat. 8.* *Et tamen ut longe repetas, longeque recolkas Nomen, ab infami gentem deducis asylo. Majorum primus quisquis fuit ille tuorum, Aut pastor fuit, aut illud quod dicere nolo.* Ex quibus adparet, ad primævam in urbe Romana nobilitatem adquirendam suffecisse, ut quis ex legitimo natus esset matrimonio, parentibus ingenuis. Inde etiam est, quod patricii solis sibi gentem esse jactarent, ipsosque inter se gentiles. Sic enim gentiles definiuntur à Cicerone in *Topicis*; qui inter se eodem nomine sunt, ab ingenuis oriundi, quorum majorum nemo servitutem servierit, qui capite non sunt deminuti. *Boetius* itidem in *Topicis*; Gentiles sunt, qui eodem inter se nomine sunt, ut *Pruti, Scipiones*; quod si servi sunt, nulla gentilitas esse potest. Quod si libertinorum nepotes eodem nomine nuncupantur, gentilitas nulla est, quoniam ab in-

K

genusq-

*genuorum antiquitate gentilitas ducitur.* Plebejorum quippe multitudinem fere à libertinis ortum habuisse credebant. *Jctus Cajus Institut. Libertinorum aut servorum gentilitas non est* Etsi posterioribus temporibus plebejos quoque gentem sibi asservuisse constat. Addatur *Franc. Connanus comment. Juris civil. l. 2. c. 11.* Sic hodieq; linguæ, quæ ex latina profluxere, nobiles solent vocare *gentiles homines.* Ac in multis Germaniæ urbibus patricii solent vocari *Geschlechter.*

§. 36. Enimvero cum deinceps plebeji quoque honesta cum ingenuis inirent connubia; & lapsu temporum labes illa, si qua fuit, sordidæ originis exolesceret; inde ut alia differentia à plebejis distinguerentur patricii, sacris gentilitiis institutis peculiarem sibi sanctimoniam circumponere sunt aggressi. Quo nomine ipsis solis deferri posse magistratus contenderunt, quasi qui soli haberent auspicia. vid. *Liv. l. 4. c. 2. Quas quantasq; res C. Canulejum aggressum? collusionem gentium, perturbationem auspiciorum publicorum præatorumq; afferre, &c.* De auspiciis quoque solis patribus competentibus vid. oratio Appii ap, *Liv. l. 6. c. 42. & l. 10. c. 7. ab init. orat.* Quod ludibrium tamen postea plebs non immerito explosit. Quamquam & plebejorum quidam, eluendæ isti patriciorum prærogativæ, privata sibi quoque sacra instituerunt. Quæ cum in hæredes transfirent non sine onere, quomodo per coëmptiones sint extincta. docet Cicero pro Muræna. add. *Godofr. ad Ciceron. epist. fam. l. 7. ep. 29. Rosin. antiq. Rom. l. 8. c. 6.*

§. 37. Ast

§. 37. Ast cum deinceps senatoria dignitas, & magistratus, qui hactenus penes solos patricios fuerant, cum plêbe communicarentur; factum est, ut Romani dehinc nobilitatem non tam ex antiquitate generis, & patriciata, quam multitudinem imaginum æstimarent. Ex quo tempore familiæ nobiles in patricias & plebejas distingui cœptæ. *Li. 6. c. 7. Numerarentur triumphi plebejorum: jam ne nobilitatis quidem sua plebejos pœnitere.* id. l. 6. c. 37. *Ex ea die (qua consulatus cum plebe sit communicandus) in plebem Sentura omnia, quibus patricii excellant; imperium atque honorem, gloriam belli, genus, nobilitatem.* Equites autem ex institutis civitatis Romanæ nobiles proprie loquendo non erant. Nam quod ast apud *Tacit. Agricol.* eum habuisse utrumque avum procuratorem Cæsaris; quæ *equestris nobilitas* est; hunc habet sensum: ut eorum, qui in senatoriis sunt familiis, nobilitas ex magistratibus curilibus æstimatur: ita inter equites procuratorem Cæsaris fuisse, aliquod initar nobilitatis habet, cum post præfecturam prætorii vix splendidius munus in illum ordinem ut talem cadat. Sic igitur posterioribus temporibus Romæ nobiles non constituebant peculiarem ordinem, & per insignia jura à reliquis distinctum; sed prout quis multos *sumosos Equitum cum Dictatore magistros* in atrio disposuerat, aut propria virtute ad honores adspiraverat, ita majorum, aut propriis meritis nobilis censebatur. Quo facit illud *Claudian. paneg. de Probino & Olybris consillatu:*



*Quemcunque requires Hac de stirpe Virum certum est de consule nasci. Per fasces numerantur & ei, semperq<sup>3</sup> renata Nobilitate Virent.* Quamquam autem Romæ multi magistratus non minus belli quam pacis tempore valebant, puta dictatores, magistri equitum, consules, prætores; tamen quia pax est velut ordinarium tempus reip. bellum extraordinarium, adeoque magistratus isti & appellatione & indole sua pacem magis quam bellum videbantur spirare; adparet paci magis quam bello originem suam debere nobilitatem Romanam. Neq; vero congruens erāt, ex simplici virtute bellica, & quæ non esset conjuncta cum munere & artibus ducis, nobilitatem derivare, quæ quidem peculiarem ordinem, & multis juribus præfulgentem constitueret in tali rep. in qua communis omnium civium ars & velut professio erat militia. Sic igitur apud Romanos nobilitas non tribuebat peculiarem ordinem in rep. nec ex illa aliud fere emolumentum, quam quod majorum imagines aditum ad honores faciliore panderent.

§. 38. Ex hisce manifestum est, diversum esse genium nobilitatis modernæ in plerisque Europæ regnis à nobilitate Romana. Nam apud nos nobiles peculiarem ordinem constituunt, à reliquis civibus dignitate & eximiis juribus distinctum. Dein nobilitas etiam citra officium publicum confertur ab eo, qui summum in rep. habet imperium, & quidem rarius togatæ, frequentius bellicæ virtutis intuitu. Cujus rei inter alia argumentum est, quod nobiles familiæ tam inter se,

se, quam à plebejis distingui soleant insignibus, quæ clypeo sustinentur, imposita galea, & inde *armorum* nomine veniunt. Ex quibus pleraque Arctoa nobilitas ante pauca secula cognomina sibi cœpit adsciscere, cum antea simplicius paternum nomen proprio adjicerent. Apud Germanos autem, & plerosque alios Europæ populos, ubi nobilibus ad præstanda munia bellica prædia, pagi, oppida & arces in feudum data fuerunt, plurimi nobiles ex hisce sibi cognomina sumserunt. De causis autem, quare virtuti bellicæ tantum detulerint pleræque nationes Europæ, sic videtur habendum. Equidem in se non minoris sunt, quæ in togâ in rémp. possunt conferri, quam quæ in sago Leges salutare condere, jus integrè dicere, opes civitatis per artes & commercia introducta augere, eloquentia populi tumentes animos mulcere, & in quam partem expediat flectere, consilio exterorum conatus adversum nos subtiliter investigare atque eludere, præclarissima utique sunt, & quovis honore digna. Neque ista tamen semper, apud imperitos imprimis, sat ample æstimantur, tum quod artes, ex quibus talia promanant, non adeo in oculos incurrunt, & à plebe parum intelligi possunt; tum quod cum tranquillitate quadam, & citra impetum atque periculum sese videantur explicare. Quæ omnia in virtute bellica secus sunt. Atq; inde, quanquam administratio civilis citra fortitudinem atque firmitatem animi non possit obiri: longe tamen splendidius creditum, apud martii

spiritus populos, & qui sanguine quam sudore rem quærere maluerunt, contra tam terribilem armorum apparatus, & ubi præsentem omnia mortem intentant, intrepidum offerre pectus, & de pretiosissima rerum humanarum periclitari, ut cæteris eo tutius liceat ævum exigere. Imo monarchæ & primariæ his subordinatæ dignitates ad militiam fere incunabula sua referunt. Sane enim in civitatibus interna civium concordia, boniq; mores tempore pacis commodissime videbantur servari posse per Senatum aliquem constantem ex viris ætate, sapientia, auctoritate, usuque rerum venerabilibus. Sed cum in bello multitudine ducum, pari potestate præditorum, nihil nocentius, ad unum summam belli deferri expediebat; cui & pacis negotia committenda erant, ne biceps civitas & monstrosa evaderet. Nec facile reperias regnum, cujus primus fundator bellica laude non claruerit. Sic Ebræi tunc demum de rege cogitare cœperunt, quando periculosum bellum ingruerat. Nec absurde omnino judicabat Domitianus ap. Tacit. *Agric. artium pacis defectum in principe* (qualis in primis Romanus erat) *ut nunq̃ dissimulari: ducis boni imperatoriam virtutem esse.* Inde & nobilitas maxime solet florere sub rege, tanquam militari capite, utpote ex eadem origine subnata. Nam populari in rep. invidiosum, solum ob nascendi sortem alios magnopere eminere. Et libertati prægravis creditur, quo quis bello magis inclaruerit. vid. *Cornel. Nep. Chabria c. 3. num. 3. 4.* Quid quod Imperatoris & Ducis vocabula prima origi-

origine mere sunt militaria? Et quod hodierni nobiles Equites volunt audire. In jure feudali miles fere idem est quod vassallus nobilis; cujus denominationis originem exponit *Cl. Salmasius de re milit. Roman. c. 1.* In Germania immediati nobiles vocantur Imperii milites, desß Reichs Rnechte. Et plerisque in regnis Europæ nobiles prædia sua feudorum nomine possident, à multis immunia oneribus, quibus plebejorum bona premuntur, ut isti militarem operam reip. præstent. Inde quoque nobilibus mercaturam exercere insolitum, non quod illa in se habeat quid inhonestum & sordidum; sed ne per eam nobiles à studiis militaribus abstrahantur, & feuda sua gratis possideant. Et si quibus in civitatibus nobiles citra diminutionem dignitatis mercaturæ dant operam, tuto judices licet, eam nobilitatem ex militia haut quidquam originem ducere. Facit etiam huc, quod tradit *Herodotus l. 2.* apud Ægyptios, Scythas, Persasque & Lydos, denique apud omnes fere barbaros haberi pro ignobilioribus civibus eos; qui artificia discunt, eorumque liberos: generosiores autem eos, qui à manuariis operibus abstineant, præsertim qui cessent ob bellum.

§. 39. In quibusdam tamen civitatibus exigua natalium dignatio, & sua cuiq; ex virtute propria, meritis in rep. ac muneribus nobilitas. *Diodor. Sicul. l. 1. c. 92.* de laudationib9 funebribus apud Ægyptios: *De genere quidem nihil, ut Græcorum consuetudo habet, memorant; quia omnes æque nobiles in Ægypto esse censent, sed ut à puero educatus, &*

institutus, & ad virilem aetatem progressus pietatem in Deos, justitiam, itemq; continentiam & alias virtutes coluerit, recensent. De moribus Turcarum Auger. Busbequius Ep. 1. Turca neminem, ne suorum quidem, nisi ex se pendunt: sola domo Othomanorum excepta, qua suis censetur natalibus. Ibid. Gianizanorum magnus numerus, sed nullus in tanto consensu nobilis, nisi ex suis virtutibus & factis; natalibus nemo à reliquis distinguitur: honos cuique pro muneris & officii, quod administrat, ratione defertur: nullum ibi de loco certamen; muneris genus, quo fungitur, suum cuiq; locum assignat, munera vero & officia princeps ipse distribuit. In quo non divitias, non sumum nobilitatis pendit, non gratiam cujusquam aut multitudinis judicium moratur; sed merita considerat, sed mores, ingeniumq; atq; indolem intuetur, ex sua virtute unusquisq; ornatur. Ita muneribus, qui sunt ad ea obeunda idonei, praeficiuntur, suos ibi quisq; natales, suam fortunam, quam singat pro arbitrio, in manu habet. Qui rerum primas à principe tenent, fere sunt pastorum aut bubulcorum filii: de quo tantum abest, ut eos pudeat, etiam inter se gloriantur; eoque plus sibi tribuunt, quo minus majoribus aut natalium fortuna debent. Neque enim aut nasci, aut propagari traditq; virtutem putant; sed partim à Deo dari, partim bona disciplina, multoq; labore & studio comparari. Hinc & cum apud eosdem paterna nobilitas liberos non sequatur, nulla stemmatum cura: neq; in deligendis uxoribus genus spectatur, quippe qua

qua in filios suos nil nisi propria matrum munera possunt conferre, generare & nutrire. Nec in iisdem &iri quid prater corpora & moros spectandum habent. Et ne credamus ex sola barbarie talia proficisci, cui non notum illud Ovidii metam. 13. Nam genus, & proavos, & qua non fecimus ipsi, Vix ea nostra voco. Seneca Herc. Fur. Qui genus jactat suum, aliena laudat. Aristoteli Rhethor. l. 2. cap. 15. εὐγένεια vocatur ἐν ἱμῶντι τῶν γεγόνων. Plutarcho de educ. lib. εὐγένεια τῶν γεγόνων ἀγαθόν. Et illud Boetii de consolat. Philosoph. Quid genus & proavos strepitis? Si primordia vestra, Autoremq; Deum spectes, nullus degener extat; Ni & ius pejora fovens proprium deserat ortum. Horat. Serm. l. 1. sat. 6. ad Mœcenatem: Referre negas, quali sis quisque parente Natus, dum ingenuus. Claudian. l. 2. de laudib. Stilicon Lectos ex omnibus oris Exe- his; & meritū, nunquam cunabula quaris, Et qualis, non unde satius. Graviter quoq; Antigonus fortis centurionis ignavo filio ad honores adspiranti; παρ' ἐμοὶ (Φησὶν) ἀνδραγαθίας εἰσὶν & πατραγαθίας τιμῆς; ap. Plutarch. de vitios. pudore. Et sane non absurde aliqui disputant; iniquum videri propter solos natales, ( qui neq; per se quid virtutis conferunt, & quos nemo sibi ipsi præstare potest,) alicui conferre immunitatem à certis reip. oneribus in fraudem reliquorum civium, aut propiorem aditum ad munia reip. concedere; cum artes ad ista munera obeunda necessariae in aliis æque, aut magis, quam istis inveniantur. Multo

magis, si quis ex illorum sit censu, de quibus *Aristophanes Ranis act. 3. sc. 1. & 2. Πῶς γὰρ ἔχει Ἰππιδάδας, ὅστις γε πίνει οἶδε ἔβινει μόνον*; Esse deniq; morbum reip. non mediocrem, si summa potestas civilis circa mandanda munia publica certo ordini sit ita alligatu, ut aliorum opera civium uti nequeat in negotiis, quibus maximeprehenduntur idonei; præsertim ubi non sit ipsi concessum, egregios viros in istum ordinem cooptare. Nam si principi alicui nobiles ideo sint fovendi, ut horum ope reliquos cives eo melius possit coërcere, id signum est potestatis titubantis, & paulo minus quam curru jam excussæ; dum velut in factionem cum parte civium cogitur coire, nec amplius aperta imperii vi, sed callidis artibus nititur. Enimvero nobis hautquidquam in animo est, ullius jura legitime quæsitâ convellere aut elevare; sed illud duntaxat ostendendum fuit, si quæ dignatio natalibus certis adhæret, eam non à natura, sed ab impositione civitatum promanare.

## DE SYSTEMATIBUS CIVITATUM.

### §. I.

**E**orum, qui de scientia civili tradiderunt, plerosq; animadvertimus sategisse circa explicandas regulares rerum formas: de formis irregularibus, & quæ ex pluribus civi-

civitatibus componuntur, systematibus multi ne cogitasse quidem videntur; pauci sat superfunctorie attigerunt. Nam quod aliqui heic jactant tradita *Aristot. polit. l. 3. c. 6. (9.)* & quæ ad eum locum commentatur *Michael Piccartus*, quam parum faciant ad genuina civitatum systemata, res ipsa loquitur. Inde factum est, ut si quando occurreret corpus civile, quod ad unam ex tribus illis simplicibus formis non quadraret, vix aliud, quam vocabulum mixtæ reip. vulgo superfuerit. Atqui decantata illa mixtura multis rebusp. male adplicatur; & proprium civitatibus vinculum diffuit, ac nescio quam male coherentem cœtum generat, id quod alibi latius ostensum. Credere autem præter regulares illas tres formas non dari irregulares alias, valde simplex est. Neque enim, si constat, quemnam ædificiorum habitum leges architectonicæ requirant, omnes statim homines sua domicilia ad regulas artis, aut pari modo extruxerunt. Cum autem plurimarum civitatum irregularis forma ita velut induruerit, ut sine gravissimis motibus, fors in exitium ipsarum erupturis, ad regularem aliquam formam nequeat emendari, aut saltem non nisi longo temporis tractu per obliquas artes, aut inusitata rerum conversione; oportet utique civili sapientiæ addictum nosse, quæ debilitas, aut quæ morborum semina ex ista irregularitate proveniant: citra quod intelligi nequit, quæ ratione ista velut fulciri, hæc suffocari possint. Sic & omnino ad integritatem civilis



scientiæ pertinet, cognoscere in unum systema connexas plures civitates, & quæ sit validitas vinculi, quo continentur, quid à perfecta civitate differant; quænam in ejusmodi compagem coalescere maxime sint idoneæ; quæ denique ad ea systemata servanda faciant. Super istis nulla nobis in præsens commentari est animus.

§. 2. Systemata civitatum nobis appellantur plures una civitates, vinculo aliquo ita inter se connexæ, ut unum corpus videantur constituere; quarum singulæ tamen summum in sese imperium retineant. Equidem in universum agere de vinculis, quibus vel singuli homines in corpora civilia, vel corpora civilia inter se nectuntur, nobis jam non vacat. Id duntaxat verbo monuisse suffecerit, vinculorum, quibus civitates in systematis instar unius junguntur, alia esse laxiora, alia strictiora. Unde & ipsorum systematum quædam laxius, quædam arctius cohærere manifestum est. Atque illud initio dispiciendum videtur, an inter talia systemata referri possit universum genus humanum, seu universitas omnium gentium atque populorum. Ubi non est, quod operose in illorum opinionem inquiramus, qui credunt, universum genus humanum, etiam uti in tantam amplitudinem jam excrevit, uni imperio humano debere subjici; atque id remedium fore bellorum & barbarum, quæis mortales colliduntur, si omnes non nisi unius & ejusdem civitatis forent cives, vid. *Felden. ad Grot. l. 2. c. 9. §. 10.* Nam recte *Grotius Apolog. c. 5. Sunt qui putant utile futurum,*

rum, si totus orbis, præsertim Christianus, uni potestati pareat. Sed ridentur ab aliis talia commenta. Nam perfectum in re quaque intelligi debet non nuda contemplatione, sed inspecto, quid materia ferat aut recusset. Et cum Herodotus l. V. dixerit: Thraciæ populi, ὑποεῖν esse & ἀμύχανον, ut unius imperio regantur, aut idem sentiant, id est, ut unum regnum aut unum systema constituent; quid fiet de omnibus gentibus ingenio, moribus, lingua, locis adeo disjunctis? Nam ut multis ostendatur, unius hominis aut concilii animum tantam negotiorum molem non posse complecti; ex contumacia gubernatorum non minores oriri posse turbas, quam nunc bella externa dant, & similia multa, putidum foret. Id potius est ut videamus, num sit aliquod vinculum, quo quicquid in universo orbe est civitatum, connectatur, cujus intuitu pro systemate qualicunque possint haberi. Tale vinculum utique non agnoscunt, qui naturalem hominum statum inter se faciunt hostilem, & qui ante pacta omnia licere in omnes statuunt. Id quod inter antiquos re ipsa professi sunt plurimi populi, qui in quosvis externos parem fere licentiam, atque in hostes sibi permittebant. vid. *Grot. de J. B. P. l. 2. c. 15. §. 5. & l. 3. c. 9. §. 18.* Verius tamē & sanctius dicitur, omne genus mortalium duplici vinculo combinari, cognatione, & lege naturali. De illa sic loquitur *Florentinus l. 3. ff. de J. & J.* Cum inter nos cognationem quandam natura constituerit, consequens est, hominē homini insidiari nefas esse. Et si fatendum est, plerosque

paganorum eam cognitionem sola naturæ similitudine definiſſe; dum veras humanæ gentis origines ignorant, atque primos mortaliū ultro, aut incertum quo architecto è terra fabulantur enatos; aut ſaltem de autore ejusdem Deo obſcurè & confuſè tradunt. vid. *Juſtin. l. 2. c. 1. Diodor. Sicul. l. 1. c. 7. Lucret. l. V. §. 788. ſeqq.* A quibus non multum abeunt Sinenſes, teſte *Martinio hiſt. Sinicæ l. 1. add. Laſtant. l. 2. c. 11.* Equidem *Cicero de LL. l. 1.* hominē vocat animal, quod *quadam conditione ſit generatum à ſupremo Deo.* Sed neque quomodo homo ſit conditus, neque qui hominum numerus ſimul ſit à Deo productus, ipſi conſtat. Qua de re divinæ literæ luculenter tradunt, omne genus hominum ex uno conjugum pari divinitus condito ſtirpem ſuam derivare. Quo ipſo dogmate affectum ſocialem inter homines non parum excitari rectè judicat *Grotius prolegom. ad libr. de J. B. & P.* Sicut vice verſa *Hobbeſius de Cive c. 8. §. 1.* ſtabiliendo ſtatui ſuo naturali jubet homines animo concipi ſubito è terra *fungorum more exortos* ſine ulla cognatione atque ſine omni ūnius ad alterum obligatione, ac velut *Cadmeos fratres.* Sed & lege naturali omnes populos in unum velut corpus connecti ſapientes agnoſcunt hætenus, ut etiam citra antegreſſum pactum nefas ſit alterum ultro lædere, atque ut omnes, quæ reliqua iſta lege præſcribuntur, invicem teneantur exercere. Ejus legis contentum qui apertè præ ſe fert, non amplius pro membro magnæ illius ſocietatis habebitur, ſed potius pro carcinomate, ad quod tollendum, velut ad

com-

communem pestem, omnes junctis viribus debeant conspirare. Quem locum latius exequi solent, qui legis naturalis usum & efficaciam commendatum cunt. Ex antiquis præcipuè huc faciunt Stoici, qui totum orbem magnam aliquam civitatem ferebant, cujus velut domus aut familiæ sint reliquæ civitates. Quam in rem plurima loca congestit *Thom. Gataker. ad Marci Antonini lib. 2. §. 16. 13. 11. & l. 6. §. 44. Seneca de otio sapientis c. 31.*

§. 3. Paulò arctius vinculum est propior stirpis communio, & peculiaris cognatio, quæ plerumque conjunctam habet linguæ & morum similitudinem. Cui si accedant sedes vicinæ, tractum aliquem terræ naturalibus finibus designatum complexa, efficitur, ut ejusmodi cognatæ ac vicinæ nationes, eademque lingua & moribus utentes systema aliquod constituere videantur; etsi de cætero singulæ illarum separatam faciant civitatem. vid. *Plato de republ. l. 5. p. m. 663. 664.* ubi de Græcorum inter se cognatione agit. Add. *Herodotus* *Uraniâ* circa finem. Ejusmodi Systematibus quondam oppletas fuisse plerasque orbis partes, quæ postea in grandes civitates coaluere, manifestum est. Cæterum ut hoc quoque obiter addamus, cum multitudo illa modicarum civitatum ut plurimum populari usa legatur regimine, liquido id videtur indicio, democratiâ esse formam reip. antiquissimam; ut ut vulgaris alias opinio sit, principio rerum penes reges

reges imperium fuisse, & potestas patria, quæ instar aliquod imperii regii habere dicitur, statim prima cum sobole extiterit. Neque enim, ubi regium nomen auditur, regia quoque potestas statim existit. Et licet ponamus, patrem suos liberos, quamdiu vixit, sub potestate retinuisse; illo tamen defuncto singuli filiorum suam sibi familiam seorsim constituiebant; nec primogeniti prærogativa tanti erat, ut per illam solam imperium, quod pater habuerat, in fratres suos posset continuare. Quin constat, plerosque patrum adultos filios domo sua emisisse, ultroque imperio domestico solvisse; cum antiquissimæ artes, agricultura & pecuaria, disjunctas sedes postularent. Isti multiplicata dein sobole paulatim in gentem evaluerunt. Sed & communis ratio ostendit, cum ab initio plures homines naturali libertate atque æqualitate gaudentes in aliquod corpus civile coire decrevisset, eos maluisse prius rem communem communi consilio administrare, adeoque democraticam constituere. Quippe credibile non est, patremfam, liberum, cui relicta vita segregè cum aliis jungi placebat, uno velut momento potuisse oblivisci pristini status, in quo omnia circa suam salutem ex proprio disponebat lubitu, ut statim unius aut paucorum arbitrio negotia illa, quibus ipsius quoque salus continebatur, voluerit committere; nec ipsæ in aliquam publicæ curæ partem venire. Porro istoc, quod dixi, vinculum paulo arctius, quam comune illud, homines connectere manifestum est. Nam & societatem alit eadem cum altero lin-

ro lingua uti, & cognatio, morumque & institutorum similitudo benevolentiam conciliat. Ipsa quoque vicinitas in propinqua parte amicitiae putatur, nisi alieni cupiditas, aut invidia materiam litibus præbuerit. Quæ omnia plausibiliter valde disputantur, ubi de jungendis in communem hostem viribus agitur; præsertim ubi per alterius ruinam ad nos deinum bellum sit, transiturum. *Virg. Æn. 3. Quibus idem Dardanus auctor, Atq; idem casus, unā faciemus utramq; Trojam animis.*

§. 4. Habetur & illa species quædam cognationis inter civitates, quæ ad earundem conjunctionem aliquid faciat, si duæ pluresve eandem originem agnoscant, non quidem propagatione sanguinis, sed ipsarum civitatum multiplicatione. Idque potissimum contingere videtur, si regnum aliquod inter plures fuerit divisum, sic ut quilibet regum suam ditionem proprio jure, nec velut ex altero pendentem possideat. Talia fuerunt regna Macedonum, quæ ex Alexandri M. imperio provenerunt. Tale quoque fuit imperium Roman. postquam in orientale & occidentale fuit discerptum. Ubi observandum, si neque inter reges cohæredes, neque inter ipsa regna pacto fuerit cautum, ut cujus regni rex, ejusve familia extincta sit, illud cum alieno regno denuo coalescat, divisionem in perpetuum durare intelligi. Nec in unum coire illa regna, quæ ex uno provenerunt, nisi novo utrinque suscepto actu. Sic ut frustra sit v. g. rex, qui post complura secula regnum aliquod jam ad se pertinere velit contendere ideo, quod

quod quondam istud cum ipsius regno unum imperium effecerit, quo plane divisio duo deinceps regna extiterunt. Sed & spectat huc illa conjunctio, quæ est inter urbes matrices & colonias, prout quidem apud Græcos quondam easdem deduci moris erat. Nam hæ sui juris civitates fiebant, nisi quod metropoli honorem atque reverentiam deberent. Ap. *Thucid. l. 1.* Corinthios in Corcyr. ira stimulabat, quod se ab ipsis, cum coloni sui essent, contemni putarent. nam neq; in publicis conventibus & solennibus honorem eis debitum deferebant, neque in sacris Corinthio viro principe, sicut aliæ coloniae, utebantur. Quibus reponebant Corcyræi: quamvis coloniam honorem metropoli debere, dum ab ea beneficium capit; sin injuriâ petatur, ab alienari, quippe non ut servi, sed ut æquali cum reliquis iure sint, in colonias mitti. Apud *Dionys. Halicarn. l. 3.* Fufetius ad Tullum regem Romanorum, *quem honorem, inquit, parentibus liberi, eundem coloni debent suis conditoribus.* Cui contra Tullus: *quod colonias suis matricibus lege natura subjici oportere contenditis, nec ærum nec æquum nobis videtur.* Adducit quoque exemplum Lacedæmoniorum, qui Doriensibus, quorum coloni erant, imperarunt; & ipsius Albæ, quæ colonia Laviniensium erat. Ubi hoc obiter monemus, etsi ab initio forte pari cum Græcis atque Phænicibus more aliquot colonias Romani deduxerint, ut nempe coloni essent deinceps sociorum duntaxat loco; postea tamen uberiori longe cum emolumento eosdem colonias voluisse manere intra

complexum Romani imperii. Vid. *Tac. A. XI. 24. XIV. 31. Agric. c. 16. Machiavell. discurs. l. 1. c. 1. Bodin. de rep. l. 6. c. 2. Arnif. de rep. l. 1. c. 5. sect. 9. num. 10. seqq. & passim.*

§. 5. Facit quoque ad arctiorem civitatum conjunctionem consensus circa modum colendi Numinis; postquam circa hunc in plurima sententiarum divortia gentes discesserunt, & cuilibet persuasum, quam ipse fovet opinionem solam esse veram; reliquos omnes decipi. Cum autem & illud mortalibus sit infixum, Numen non nisi illis eximie favere, qui ad modum genuinum ipsique probatum ejusdem cultui operantur; consequens est, ut peculiaris cujusdam amicitiae semina inter illos existant, qui æque propitio uti Numine censentur. Porro cum sacerdotes publici cultus sint administri, & plerunque divinæ voluntatis signa interpretari ad sese præcipue spectare contendunt; adparet, ubi cum summo imperio civili prout decet conspiraverint, egregiam ipsos operam navare posse ad internam civitatis concordiam. Sicut contra quando seorsim sibi tendere instituunt, quanta mala rebusp. inferre queant, vel ex eo solo potest liquere, quod habetur apud *Diodor. Sicul. l. 3. cap. 6. Qui in Meroe dum cultus administrant sacerdotes, quandoque ipsis in mentem venerit, misso ad regem nuncio Vita se illum abdicare jubent. Oraculis enim deum hoc edici: nec fas esse ab illo mortalium, quod dii immortales jusserint, contemni. Alias quoque rationes adjiciunt, quas ingenium simplex.*

*Sete-*



Veteriq; & perpetuo mori affuefactum, nec iussis non necessariis refragandi argumenta habens, facili credulitate admiserit. Et per superiores quidem atates non armis aut vi coacti, sed mera superstitionis fascino mentem capti, ita morem gesserunt: donec Ergamenes Æthiopum rex. Ptolomao II. rerum potente, Græcorum disciplina & Philosophia particeps, mandata illa primus aspernari ausus fuit. Nam hic animo, qui regem deceret, sumto, cum militum manu in locum inaccessum, ubi aureum fuit templum Æthiopum, profectus, omnes illos sacrificos jugulavit, & abolito more pristina sacra pro arbitrio suo instauravit. Hactenus Diodorus. Cæterum ubi sacerdotum eadem sacra profitentium autoritas sese per vicinos populos exferit, & ipsi in commune solent consulere, isti quoque populi systematis instar videbuntur præferre. Id quod circa antiquam Galliam, ex multis civitatibus constantem, contigisse docet Casar de B. G. l. 6. Druidæ magno apud Gallos sunt honore. Nam fere de omnibus controversiis publicis privatisq; constituunt, & si quod est admissum facinus, si cades facta, si de hereditate, de finibus controversia est, iidem decernunt; præmia pœnasque constituunt. Si quis aut privatus aut publicus eorum decreto non stetit, sacrificiis interdunt, hæc pœna apud eos est gravissima. Quibus ita est interdictum, ii numero impiorum ac sceleratorum habentur, iis omnes decedunt, aditum eorum sermonemque defugiunt, ne quid ex contagione incommodi accipiant, neque iis petentibus jus red-

redditur, neq; honos ullus communicatur. His autem omnibus Druidibus præst unus, qui summam inter eos habet auctoritatem. Is certo anni tempore in finibus Carnutum, quæ regio totius Galliæ media habetur, confidunt in loco consecrato. Huc omnes undiq; qui controversias habet, conveniunt, eorumque judiciis decretisque parent. De iisdem Strabo L. 4. Justissimi omnium opinione, ideo & privata & publica judicia eorum fidei mandantur, adeo ut rem etiam bellicam antea judicarent, & martem collaturi illis jubentibus desisterent. Capitulis quoque judicia horum sententia permittebantur. Add. Franc. Hotomanus Franco-Gallia c. 1.

§. 6. Antiqua Græcia itidem qualiscunq; systematis faciem habebat præter causas §. 3. adductas non solum ob iudicium Amphictyonum, qui plurimorum populorum controversias decidebant ex fœdere & conventionione; de quo vid. Ubbo Emmius Vet. Græc. tom. 3. p. m. 338. sed & ob sacras panegyres & ludos in deorum honorem celebratos; qui sacrorum & voluptatis communione, ipsoque conventus celebritate non parum ad conciliandos Græcorum animos judicabantur facere. Idem pensi habens Tarquinius Superbus post renovatum inter populos Latinos fœdus ferias Latinas instituit, quotannis in monte Albano per sacra atque epulas celebrandas. Quo loco non abs re fuerit obiter expendisse, quid rationis habuerint Græci atque Romani, nec non alii quidam, quod partem cultus divini ludos atq; spectacula fecerint. Neque enim adparet, quam  
con-

convenientiam cum majestate Numinis habeant ista jocularia; aut quid venerationis concipere possint animi, in lascivam ut plurimum lætitiā effusi. Sane in istos ludos gravissime invehitur *Lactantius de Særo cultu c. 20.* ostenditque, quanto pere rationi virtutis studio isti fuerint adversari. *Inhumanos & crudeles esse ludos; humani effusionem sanguinis voluptati haberi; in fabulis comicis agi de stupris Virginum, aut amoribus meretricum; in tragicis parricidia, & incesta regum malorum, & cothurnata scelexa demonstrari; histrionum impudicos motus quid aliud nisi libidinem docere; mimos corruptelarum præferre disciplinam: Circensium quoque ludorum rationem quid aliud habere nisi levitatem, Vanitatem, insaniam? Tanto namque impetu concitari animos in furorem, quanto illic impetu curritur. Addit demum: ludorum celebrationes deorum festa sunt: siquidem ob natales eorum, & templorum nostrorum dedicationes sunt constituti. Et primitus quidem Venationes, quæ vocantur munera, Saturno attributa sunt; ludi autem scenici Libero; Circenses Neptuno. Paulatim vero & cæteris diis idem honos tribui cæpit; singuli ludi numinibus eorum consecrati sunt. Arnobius l. 7. ubi itidem absurditatis istos ludos arguerat, subdit, ideo creditum fuisse, deos ejusmodi rebus delectari, quod mortales ignorantia naturæ divinæ ex suo ipsos ingenio metiendos duxerint, deosque ex se finxerint, & qualis sibi natura est, illis talem dederint actionum, rerum, voluntatumque naturam. Ist hæc, uti recte omnes*

pi

pii testantur; ita in veram ejus rei rationem, & quam antiquissimi illi civitatum rectores videntur ob oculos habuisse, utut posteri fœdos in abusus sint prolapsi, ducit Cicero de LL. l. 2. *Ludis publicis, quod sine curriculo, & sine certatione corporum fiat, popularem lætitiā in cantu, & fidibus, & tibis moderantur, eamq; cum di&um honore jungunt.* Ejus legis non aliam videtur rationem assignare, quam quod varii canendi soni magnam vim habeant in flectendis animis. Pertinet huc illud Strabonis l. 10. *Commune tam Græcorum quam barbarorum est, sacrificia festiva cum animorum remissione agitare. Nam ipsa remissio mentem ab humanis abducit, ac intellectum re&era ad di&initatem convertit. Recte illud dictum est, mortales tunc maxime deos imitari, quando benefici sint. Retius quis dixerit, quando felices sint, quod gaudere est & festos dies agere, & philosophari, & musicam attingere.* Hæc Strabo. Scilicet cum dii omni circumfluentes lætitiæ ævum agitare, omniumq; bonorum mortalibus autores esse crederentur, conveniens videbatur, dies ipsorum honori destinatos cum lætitiā celebrari. add. Virgil. *Æn. l. 6. 731. seqq.* Credebantur quoque plebis animi in amorem deorum excitari, qui isthæc ipsis otia fecissent, & à laboribus curisque respirationem indulgissent. Seneca de tranquillit. animi c. 15. *Legū conditores festos instituerunt dies, ut ad hilaritatem homines publice cogerentur; tanquam necessarium laboribus interponentes temperamentum.* Sed hæc in transitu.

§. 7. San-

§. 7. Sanctissimo vinculo recte creduntur inter se jungi, qui religioni Christianæ nomina dederunt; quippe cum illa suis sectatoribus tam solícite pacem, concordiam & dilectionem mutuam inculcet, eorumque conjunctionem blandissimo fratrum vocabulo designet. Et sane si pressius expendamus ejusdem decreta, prout ab ipso Salvatore, ejusque primis ministris sunt tradita, (nam post nonnulli sacerdotes non pauca in quæstum suum, aut alendæ ambitioni detorserunt,) præter ea, quæ adversus DEUM exercere jubentur homines, in illam maximè deprehenditur agere, ut ex animis hominum extirpentur ea vitia, quibus in odia mutua, & discordias iidem solent irritari. Quo cum accedat, ut omnes eadem religione initiatos DEUS filiorum nomine dignetur, omnes quoque iisdem mediis DEUM propitiandi utuntur, & post expletam mortalitatem ad ejusdem felicitatis consortium vocentur; fieri non potest, quin arctior quædam necessitudo intelligatur inter eos, quorum animos penitus ejusdem efficacia emendavit. Enimverò illud operosius dispiciendum fuerit iis, qui ex professo sacra tractant, an quod ex isthoc vinculo resultat systema, tantum absolvatur nudo consensu in eadem dogmata, & conspiratione animorum in mutuam dilectionem; an verò eidem continendo requiratur quoque instar aliquod imperii sacri, quod ejus religionis exercitium eidemque peculiariter operatos homines in quibuscunque civitatibus moderetur. Id duntaxat

monen-

nonendum fuerit, bicipitem reddi civitatem, si penes unum suo jure summa & independens sit potestas circa sacra, reliqua reip. administratione penes illum manente, cui de cætero sumum imperium civile tribuitur. vid. *Hobbes de cive*, c. 6. §. 11. & c. 12. §. 5. & *Leviath.* c. 29. Quanquam & alii præterea disputant, ut primarius scopus religionis Christianæ obtineatur, non videri necessarium, ut peculiaris resp. sacra constituatur, à civili potestate disjuncta; cum æque civilis potestas procurare possit, ut populo scita doctrinæ Christianæ ritè promulgentur. Nec ad expedienda dubia, si quæ circa isthæc occurrant, opus esse perpetuum velut oraculum adiri; sed illa posse componi vel autoritate summi imperantis in ea civitate, ubi sunt exorta, vel adhibitis aliis eadem sacra professis in locum velut arbitrorum, saltem ad temperandum fervorem dissentientium. Sed ea de re alii viderint. Id duntaxat paucis attingendum fuerit; Annon officium foret civitatum Christianarum saltem per Europam, in systema aliquod perpetuo munitum fœdere coire; cujus duplex potissimum finis sit; placidis modis sôpire controversias, quarum violenta disceptatio tantam vim sanguinis haurit; & infensam Christiano nomini Turcarum potentiam coërcere. Præsertim quia nonnulli addunt; *bella in Turcam Europæis Christianis tanquam populis acerbis & bello pronis pro præcipuo instrumento domestica pacis & tranquillitatis amplectenda esse.* add. *Grot. de J. B. P. l. 2. c. 15. §. 15.* Quin

& circumfertur delineatio ejusmodi reip. Christianæ, designans, quæ civitates isti societati dare nomina debeant, quibus finibus singularum ditiones sint circumscribendæ, qui locus habendo concilio perpetuo, quæ potestas concilii, qui numerus assessorum: quid copiarum sit comparandum extirpando communi hosti, & quæ sunt alia. Nec deficit dux, qui ad ejusmodi systema constituendū volentes invitet, tergiversantes vi compellat, & supervacuas opes uni demendo, aliis addendo in æquilibrium sociorum vires temperet. Enimvero præterquam quod valdè adhuc dubitemus, serio talia sint cogitata, an iste color tegendis longe diversis consiliis sit obductus; circa introducendam istā remp. talia præsupponuntur, quibus confidere, aut rationes suas superstruere temerarium aut vanum fuerit. Fundamenti enim loco ibi habendum est, cum, qui per istam mutationem ditionibus suis diu possessis est exuendus, non omnem moturum lapidem, ut sua defendat, ac omnibus ipsius conatibus fortunam adversaturam. Tantam quoque multitudinem Regum, Principum ac rerump. liberarum, quorum multi exigua valdè commoda ex tali mutatione poterant expectare, in id consilium conspiraturos, ac nemini subituram invdiam in eos, quos solos gloria & utilitas ex eo facinore manebat. Dissidium quoque religionis ejusmodi conjunctioni nullam remoram injecturum. Tum nihil improvisi velut ex transverso intercursum in consilio, cujus executioni novem anni destinabantur, puta mortem ejus  
 prin-

principis, qui istarum rerum præcipuus autor erat: nec discordiam inter socios interea posse oriri, aut diversam partem, quæ in ordinem erat redigenda, non posse unum aut alterum, ostentato majore emolumento, sibi adjungere. Denique omnes tam obesæ naris futuros, ut credant, eum, qui primas in ea mutatione partes egerit, sola facti gloria fore contentum, omnesque sumtus ac labores in aliorum usum gratis impensurum, nullâ prædæ parte sibi decerpta. Præsertim cum non infrequens sit, suum quam maximè commodum captare tunc, quando ambitiosissimè quis studium suum erga alios ostendat. Sicut hautquidquam tanto elogio effferri merebatur factum Romanorum, Græcos liberos pronunciantium apud *Licium l. 33. c. 32. 33.* De cætero quam fragilia sint fœdera, plurimis exemplis docet *Forstnerus ad Tacit. A. 1. ad verba, post Antonium Tarentino Brundusinoque fœdere.*

§. 8 Verum ex istis vinculis laxiora tantum systemata efficiuntur. Ad arctiora systematum explicanda priusquam accedamus, nonnulla fuerint præmittenda, ne civitates aliquæ per errorem inter systemata referantur. Ac illud initio manifestum est, civitatem veram, non systema existere, utut illa sit composita ex pluribus corporibus subordinatis, quæ & ipsa *Hobbeso Leviath. cap. 22.* systemata nuncupantur, atque cum musculis in corpore humano comparantur. Sed nec statim systemata sunt magnæ civitates, quæ incrementa



sumserunt absorptis aliis civitatibus, & in unū secū corpus redactis. Id quod duplici potissimum modo videmus fieri. Uno, ut victor devictarum civitatum cives in suas quoque sedes transferat, aut jure propriis civibus exæquet, altero; ut devictæ civitates antiquis in sedibus relinquantur, & extincto, quod penes se antea habebant, imperio, victrici civitati mere fiant subditæ. Prioris generis incrementa comparari possunt cum urbe, quæ manentibus antiquis pomœriis incolarum aut ædium numero crescit; posterioris, cum urbe, quæ extra mœnia suburbiis augetur. Utrunque victa civitas esse definit; sed illic victi victoribus exæquantur, heic fere deteriori conditione esse jubentur, in formam provinciarum redacti. Et si frequenter etiam bello devictis provinciis aliqua pars antiquorum privilegiorum, aut legum relinquantur, utut a legibus aut moribus victricis civitatis discrepantium. vid. *Hobbes. Leviath. c. 26.* Nam ad unitatem civitatis non requiritur, ut omnes ejusdem partes integrantes iisdem utantur legibus positivis, aut pari omnes conditione habeantur; sed sufficit, si ab uno omnes imperio dependeant. Et sæpe inter artes victoris est, de pristino more eorum, quos vicit, nihil immutare. Cæterum circa administrationem provinciarum expendenda sunt, quæ tradit *Hobbes. Leviath. c. 19.* Quando Romani quondam & c. Judæa per præsidem imperabant, resp. Judæica ideo non erat democratica: quia non regebatur per ejusmodi concilium; in quo quislibet comparere poterat: sed nec aristocratica erat, quia non re-

legeba-

gebatur ab ejusmodi concilio, in quod pauci electi admitterebantur. Verum imperabatur ipsi ab uno homine, qui intuitu populi Judaici, cujus nulla in imperio partes, pro monarcha erat habendus. Quanquam enim, ubi populus regitur per concilium, quod ex ipso constat aut eligitur, resp. Vocetur democratica aut aristocratica: tamen ubi populus regitur à concilio, quod ipse non eligit, pro monarchia haberi oportet, non unius hominis in alium hominem, sed unius populi in alium populum. Sic igitur ex mente *Hobbesi* monarchiæ erunt vocandæ etiam illæ provinciæ, quæ subsunt civitati alicui democraticæ aut aristocraticæ. Enimvero etsi facile admittamus, frequentius esse, ut provinciæ regantur ab uno homine, quam concilio ex pluribus constante, id quod *Idem l. d. c. 22.* latius ostendit: tamen supervacuum nobis videtur disquirere, quænam forma rei p. sit in aliqua provincia. Isthæc enim duntaxat invenitur in civitatibus: provinciæ autem civitates esse desierunt, factæque sunt aliarum civitatum appendices, quæ in se ipsis nihil imperii habent. An autem ejusmodi provincia ab uno præside, an ab aliquo concilio regatur, ad ipsum imperium nihil interest; cum tam ille quam hoc delegata duntaxat potestate utatur. Sic ut quod in provinciis sive appendices civitatum exercetur imperium, uniforme videatur, & non nisi improprie monarchicum, aut aristocraticum dici queat; quippe cum isthæc formarum rei p. discrimina ad civitates proprie dictas pertineant, & quæ suum

in se ipsis imperiū possident. Sed & paucis perstringi meretur musteus quidam conscribillator, qui efficacissimum modum ambiendi locum in supremo Arcadiæ concilio credidit perituræ non parcere chartæ; qui nobis *corpora ciuilia ex distinctis rebus, mixta* comminiscitur. Cui commento stabiliendo sane quam subtiliter tradit; *inter corpora ciuilia, quæ ex aliis conglomeraata sunt, duplex discriminis intervallum intercedere. Ita namq̃, cum illis comparatum esse, ut inter totum corpus & singulas particulares resp. sit quadam aut coordinatio, aut subordinatio.* Prioris generis exemplum ponitur fœderatum Belgium, posterioris specimen ipsi habetur Imperium Germanicum. Ubi quæro, *corpus illud conglomeratum* an una sit ciuitas, an verò idem plures ciuitates proprie dictas contineat. Si sit una ciuitas, non potest plures in se ciuitates aliter continere, quam ut illæ ciuitates esse desierint alterutro eorum modorum, quos paulo ante designauimus. Sed si plures illæ ciuitates manent ciuitates, siue cœtus perfecti, quarum singulæ suum imperium in se retineant, & tamen eminentiori alicui capiti sint *subordinata*; tunc scire velim, quodnam vocabulum conglomerato suo corpori iste sit inditurus, postquam tantopere systema irregulare sociorum velut inæqualiter fœderatorum fastidit. Nam *κρησφύγετον* illud de mixta rep. ipsi mixturæ patroni occludunt, dum *etiam mixtam ciuitatem unam esse ciuitatem* diserte tradunt. Ipse ergo viderit, quomodo ex hisce difficultatibus sese extricet.

§. 9. Arctiorum systematum duas potissimum deprehendimus species; unam, si duæ pluresve civitates unum & idem habeant caput; alteram, si duæ pluresve civitates fœdere in unum corpus connectantur. Circa priora systemata observandum, in corporibus moralibus utique fieri posse, ut plura corpora unum duntaxat habeant caput, utque adeo una persona caput esse possit plurium & distinctorum corporum. Quod in corporibus naturalibus monstrosus erat futurus. Quia autem unio ejusmodi systematum in sola persona regis, aut ejusdem familia fundatur, inde fit, ut ista extinctâ ad singulos populos seorsum redeat jus de suo regimine pro arbitrio statuendi, neque ipsis necessarium sit deinceps quoque eodem uti capite. Cæterum quod plures istæ civitates, ut ut idem habeant caput, distinctæ tamen mancant, in aperto est. *Grotius Apologet. c. 1.* verba Caroli V. Anno 1555, Belgarum principatu abeuntis hæc recitat: *Quamquam ea (nationes) essent diversa ac separata: ab iis tamen unum constitui corpus, atque ejus corporis membra debere opem inter se ferre mutuam.* In literis ad regem Hispaniæ Anno 1573. Hollandiæ & Zelandiæ procures ita scribunt: *Nationes hæc, cum olim diversis principibus regerentur, matrimoniis, pactis, hereditariis venisse sub domum Burgundicam primum: deinde per nuptias Austriacæ, ac potentissimo Hispaniarum regno connexas: sed dicta semper lege, ut quæque natio sua jura, leges, & proprium regimen ita ut antiquitus retineret.* Et quanquã

ex commodo imperantium sit, ad eundem modum omnes sibi subiectos posse regere : ut tamen diversos populos in unam civitatē compingant, sæpissime eorundem pertinacia antiquis legibus atque moribus inhærendi obstat. *Grotius Apologetic. 1. Carolus Imperator, princeps adeo præpotens, operam dedit, (quod nonnulli narrant,) quo tota Belgico-Germania in unam imperii formam coiret, etiam sub iisdem legibus, nummis, mensuris, ponderibus, rebusque aliis ejusmodi: quale erat, quod olim Aratus in diversis Græciæ urbibus effecerat. Sed hic diversitas situs, ingenii, aliæq; circumstantiæ id vetabant.* Sic quando Jacobus VI. unionem regni Angliæ & Scotiæ meditabatur, ut in unum regnum coalescerent sub vocabulo Magnæ Britanniæ, reluctantibus Angliæ præceribus id non potuit perficere. Quorum rationes a *Pet. Matthæo in hist. Henric. IV. l. 7. membr. 1. num. 13. & Thuan. l. 131.* afferuntur: nullam insignem utilitatem aut necessitatem id suadere. Nam ad eum finem, ut deinceps necesse non esset in finibus præsidia alere, aut novis ad hostium incursiones arcendas limitem firmare, unionem opus non erat: cum eo ipso, quod regna illa communem haberent regem, perpetua pax inter easdem esset sancita. Secuturam confusionem in negotiis, in comitiis convocandis, in sigillis, munerum publicorum distinctione, legibus sancendis, libertatibus, privilegiis, actis publicis, & contractibus privatorum, Extincta Jacobi familia regnum iri devolutum ad ejusdem agnatos, & cos, exclusis hæredibus Anglicani

cani nominis Nationis Anglicanæ splendorem novo vocabulo iri obductum ; simul perituram prærogativam, quam Anglia sibi præ Scotia quæſiverit; & quæ sunt alia. Trahi huc possunt illæ preces Junonis apud Maronem *Æn. 12. v. 823. Ne Vetus indigenas nomen mutare Latinos, Neu Troas fieri jubeas, Teucrosq; Vocari: Aut Vocem mutare viros, aut Vertere Vestes. Sit Latium, sint Albani per secula reges.* Quanquam an illæ rationes tanti sint, & annon incommodis quæ metuebantur remedium potuerit adhiberi, dubium est. Certe *Hobbes Leviath. c. 19.* judicat, si consilium Jacobi effectuum fuisset sortitum, facile potuisse elidi semina bellorum civilium, quibus post ista regna misere fuere quassata. Id tamen nomen Magnæ Britanniæ efficiebat, ne Scotis præberetur causa querendi, non citra sui contemptum Scotiæ nomen Angliæ postponi à rege, qui prius Scotiæ quam Angliæ rex fuerit, & abs se paternum, ab Anglis maternum duntaxat stemma derivaret. De cætero recte huc adplicari possunt illa *Jacobi Godofr. de præced. part. 1. c. 1. num. 5. Unio plurium regnorum sub unum & novum nomen non inducit novam resp. formam, neq; hac unione fit novum regnum. Idem enim status est, eadem potestas, eadem substantialia & formalia. & subrogatio alterius nominis non facit, ut res alia videatur.* Add. *Idem ad l. 123. §. 1. ff. de Reg. Juris.*

§. 10. Cæterum possunt ejusmodi systemata provenire ex variis causis, quas inter frequentissimæ sunt matrimonia principum, & jus hereditarium. Sunt enim civitates, in quibus summum imperium

etiam ad fœminas ex familia regnatrice oriundas devolvitur, non solum quando omnes masculi ex eadem deficiunt, sed & ubi in propiore aut pari gradu nullus masculus extiterit. Nam ut propter solam prærogativam ætatis in pari gradu fœmina masculo præferatur, exemplum me legere non memini. Heic igitur si contingat, fœminam regni dominam nubere viro itidem regi, saltem in ipsorum sobole regnorum fiet conjunctio. Nam in ejusmodi matrimoniis non est necessum, ut uxor mariti sese imperio una cum suo regno subjiciat. Sic in pactis matrimonialibus inter Mariam reginam Angliæ & Philippum Caroli V. filium apud *Thuanum* l. 13. Philippus tantum *socius in administratione* regnorum uxoris esse, jubetur, æque ut illa in regnis mariti: *plena tamen ac libera beneficiorum, gratiarum, ac functionum distributione penes reginam remanente*. Ex quo ipso matrimonio justum potuisset provenire systema, si, superstitute Principe Carolo, ex Philippo & Maria nata fuit soboles; quæ in omnia regna matris, & præterea in omnes Belgii & Burgundiæ, quos Cæsar possidet, principatus debebat succedere, eo- que defuncto in omnia quoque Hispaniæ & Italiæ regna ac ditiones. Sic si contingat in regno indivisibili, ubi successio hæreditaria simplex aut linealis est recepta, ut ex remotioribus regni hæredibus aliquis novum sibi regnum quocunque modo adquirat; si propioribus extinctis illum lex successionis ad regnum vocet, noviter quæsitum regnum utique cum avito copulabitur. Idem accidit.

cidit, si populus regem eligat, qui jam antea regnum aliud possidet, aut quem alterius regni successio manet. Possunt quoq; duo aut plura regna foedus aliquod inire, ut eundem regem concordibus suffragiis eligant, ut tamen de cætero singula regna separata maneant, nec negotia sua in communi aliquo consilio expediant. Denique tale quoque systema exsurgit, si rex aliquis libera populi voluntate constitutus, armis sibi subiciat alium populum proprio nomine ac periculo, propriisque sumptibus, non nomine aut sumptibus populi, cui præest. Frustra est enim *Hotoman. quaest. illustr. l. 1.* dum contendit, si quos populos rex bello quæsierit, cum eos non sine civium sanguine & sudore quæsierit, civibus potius quæsitos credi debere, quam regi; quo argumento evincere vult, non posse ullum regnum esse in patrimonio regis. Constat quippe non omnia bella geri ex sumptibus ærarii, quod ad tolerandas necessitates reip. est institutū, neq; per operas militares civium, quas civitati tuendæ debent. Fieri enim potuit, ut ex privato patrimonio rex exercitum comparaverit, & aluerit; aut ex redditibus patrimonii regni, de quibus, quod superest expensis publicis, ipsius dispositioni relinquitur, addicentibus insuper nonnullis civium gratuitam operam, aut ut & ipsi in partē prædæ veniant. *v. G. de F. B. & P. l. 1. c. 3. §. 12.*

§. 11. Dispiciendum porro, quæ commoda aut incommoda ejusmodi conjunctionem soleant comitari. Inter commoda illud non postremum est, quod dissidia, quæ quondam istos populos committebant, hoc modo sopiantur, & firma amicitia



citia atque concordia invicem stabiliatur. Videatur epistola Somerseti ducis ad proceres Scotiæ, ut Maria Regina Scotiæ Eduardo regi Angliæ desponderetur, apud *Sleidanum l. 20.* Præsertim cum vicini asperissimis odiis aut frequentibus rixis sæpius collidantur. Habet quoque ejusmodi conjunctio arctissimi instar fœderis; & cum omnes populi ad eundem regem pertineant, ipse facile efficiet, ut per conjunctas omnium opes singuli defendantur, suumque jus adversus aliq̃s exsequantur. Huc accedunt omnia illa commoda, quæ ex amicitia & familiaritate inter diversos populos solent redundare; puta ut ipsi commercia invicem secure exercean, connubiis & affinitatibus jungantur, & coalitis paulatim animis in commune decus nitantur, atque mollius invicem quam alias extraneos sese tractent. Quo pertinet exemplum, quod habetur apud *Zouchaum de Jure inter Gentes part. 2. sect. 2. quæst. 11.* Cum alias extraneus non sit capax hæreditate acquirere fundum in regno Angliæ, post conjunctionem sub Jacobo VI. factam Robertus Calvinus Scotus obtinuit contra Joannem Bingley Anglum, ut capere posset terras in finibus Londinensibus sitas. Ubi ratio decidendi non erat, quod ex regnis illis jam unum fuisset factum; sed quod quondam incolis Normanniæ & Aquitaniæ, & hodie Hibernis jus esset hæreditatem in Anglia cernendi. Cum primis autem ex ejusmodi conjunctione insigne emolumentum possunt capere illi populi, qui junctim regionem aliquam incolant

colunt naturalibus finibus circumscriptam & munitam; uti est Britannia Magna, Hispania, & ex parte regna arctoa. His enim non amplius necessum est fines, quibus inter se junguntur, munire; & cum domestico velut hoste non distrahantur, sedesque ac velut fons virium exteris non temere pateat, ipsis citra probabile periculum sua amittendi, ubi opus fuerit, utiliter licebit in aliorum terras sedem belli transferre. Nam quanti sit, bellantem proprias regiones à bellorum calamitatibus habere immunes, optime intellexit Hannibal, qui Romanos extra Italiam bello invictos judicabat, apud *Livium* l. 34. c. 60. & *Justinum* l. 31. c. 5.

§. 12. Aliquando tamen non minora incommoda talem conjunctionem possunt sequi. Primo enim sæpe rex diversorum regnorum negotiis distractus singulis expediendis minus est sufficiens; præsertim si populi diversis legibus atque institutis utantur, & diversis moribus atque ingenio præditi pari modo tractari aspernentur. Nam ut rex singulorum moribus, prout cum unoquoque negotium intervenit, dextre sese accommodet, in arduo est. Porro cum rex diversis in regnis simul versari non possit, neque facile sit talem invenire regiam, quæ singulis populis æque commoda sit, ac si in meditullio singulorum regnorum sedem haberet; necessarium fuerit, cives non citra molestiam in aliud regnum proficisci, ubi desideria sua ipsi regi exponere placuerit, aut absente rege per vicarios remp. administrari. Qui sæpe remissiore

affectu aut cura regnum, tanquam alienum, prosequuntur, quam ipse rex. Atque isthæc eo gravius premunt populos, quo remotius ista regna invicem sita sunt. Nam quod apud *Thuanum* l. 61. Henricus ex Gallia ad Polonos inter alia scribit; *utrumq; se regnum mutuis caritatibus connectere ita Velle, ut sociatis ac permixtis eorum bonis* (per interjectam sc. Germaniam, aut mare) *singulorum mala ad neutrum, bona ad utrumq; perveniant*: id quale sit facile intelligitur. Ut autem rex perpetuo ex uno regno in alterum circumcurrat, ægre fieri poterit. Sed & illud inde provenire potest, quando rex uno in regno perpetuam sedem posuerit, ut aliorum regnorum opes eo paulatim confluant, ubi regia est. Grave quoque, sed & frequens est incommodum, si rex in unum populum, quam in alterum pronior sit, sive quod ex illo originem ducat, seu quod ingenio, aut affectu peculiari, aut per similitudinem religionis eidem magis concilietur; sive quod stabilem apud unum sedem posuerit, aliis nunquam aut raro aditis: seu denique quod unus alterum splendore, opibus, aut regionis amœnitate longe superet. Heic enim proximum est, ut adamata natio ubiq; in aula regis emineat, reliquæ despiciantur. Quo si accedat, ut ex eadem magistratus atque præfecti aliis dentur, eorundemque loca munita dilecti populi milite insideantur; prona datur via illos paulatim in provinciarum formam redigendi. Expendi quoque heic meretur, quod refert *Franc. Baconus, de Verulamio in historia Henrici VII.* &

Poly-

*Polydor. Virgil. histor. Anglic. l. 26.* Cum deliberaretur de jungenda Henrici VII. filia Margareta regi Scotiæ Jacobo IV. quosdam supposuisse; si duo regis filii sine hæredibus masculis defuncti essent, regnum Angliæ ad lineam Scotiæ deſolutum iri, quod monarchia Anglorum præjudicio eſſe poſſit. Cui objectioni rex reſpondit; id ſi contigerit, Scoticam acceſſionis Angliæ futuram, non Angliam Scotiæ; majus enim regnum minus ad ſe trahetur. Ideoque unionem illam tutiorem futuram, quam fuerat illa Francia. Accedit denique & hoc, quod quæ unum peculiariter regnum tangunt lites, reliqua quoque, ad quæ alias illæ nihil ſpectant, ſæpè involvant; dum hoſtis ex pluribus ejusdem regis regnis bello invadit, prout quodque oportunitate bello eſt, etſi lis ad illud haud quidquam pertineat. Ubi eo deteriore quodlibet regnum eſt conditione, quo pluribus id hoſtibus ad incurſionem patet.

§. 13. Conſequens eſt diſpicere, quænam regna ſub uno rege uniri maxime ſint idonea; ſimulque quid cavendum ſit ita uniendis ad declinanda, quæ indicavimus, incommoda. Uniri commodè poſſunt regna, quæ non vicina ſolum ſunt, ſed & quæ ſimul naturalibus munimentis, puta mari, magnis fluyiis, aut montibus, ſaltem majori ex parte, cinguntur. His enim, per unionem inteſtini velut hoſtis metu ſublato, in proclivi eſt, externa bella propulſare, aut ultro inferre. Sicut contra abſurdum eſt, illa regna ſibi communem velle regem adſciſcere, quæ interjectis magnarum regio-

regionum aut marium spatiis disjunguntur, sicut commode abs eodem rege nequeant obiri, aut bonas viresque suas invicem communicare. Facit quoque ad concinnitatem systematis, si populi jungendi eadem lingua utantur, ac moribus, institutis, ingenio non multum invicem discrepent. Neque obstat, æmulationem aliquam aut odia inter istos hactenus intercessisse. Cum enim illa ex mutuis injuriis aut bellis ortum traxerint, hisce sublatis, paulatim quoque ista exolescunt. Porro uti rationis fuerit illos conjungi, qui eundem hostem omnibus pariter imminentem metuunt; ita imprudenter aliquis populus ultro cum eo sese copulaverit; cui multæ cum aliis controversiæ intercedunt; præsertim ubi is regionum est situs, ut ipse facilius ab hoste possit invadi, quam alter populus, quem peculiariter istæ controversiæ tangunt. Scilicet ubi me ipsum propriis viribus conservare possum, stolidum foret, alterius me turbis ultro immiscere, & ex iis redundantia damna in me derivare, alienisque bellis arenam præbere. Ast qui cavere vult populus, ne tali conjunctione libertatis suæ jacturam faciat, non temere se adjungat populo nimis potenti, nec adsciscet regem, qui alteri populo non possit non esse magis addictus quam sibi. Vid. quæ contra unionem Bearnij cum regno Galliæ disputantur apud *Barth. Gramondum hist. Gall. l. 3. p. m. 193*. Provideat quoque, ut omnia reip. suæ negotia, atq; munia per indigenas obeantur, utq; regi apud alterum licet populum moranti sit adjunctum consilium ex indige-

digenis constans, per quod ipsius negotia expediantur, nec unquam concedat, ut loca munita non in domesticis militis sint manu.

§. 14. Verum cautelæ istæ melius puto intelligantur, si earum unum atque alterum exemplum heic adducamus. Apud *Thuanum* l. 13. ordines Angliæ pactis connubialibus inter Mariam reginam & Philippum Caroli V. filium isthæc addenda censebant: *Ut Philippus nullum ad munus publicum aut dignitatem in regno admittere possit, nisi qui in Anglia natus sit, & regina subditus; non possit reginam ex Anglia, nisi ipsa roget, secum abducere, nec filios, quos ex ea susceperit, qui in Anglia adolescent & educabuntur in spem successionis, nec inde exire permittentur, nisi necessitas aut legitima causa inciderit, idq; ex Anglorum consensu. Philippus nihil in iis, quæ ad jura sive publica sive privata, immunitates, consuetudines regni spectant, innovet: antiqua regni jura confirmare & servare teneatur; nihil gemmarum & pretiosa suppellectilis ex Anglia alicui permittat; nihil ex regio patrimonio alienet, nares, machinas, & omnem apparatus bellicum conservet; arces & munita loca diligenter custodiri curet; postremo hujus connubii ratione nihil fœderi inter regem & reginam nuper inito derogetur, paxq; inviolata inter Gallos & Anglos maneat.* Huc quoque faciunt illæ conditiones, quas Philippus II. offert Lusitanis, si ultro ipsi regnum vellent tradere, apud *Connestagium de unione Lusitania cum Castilia* l. 4. quas inter sunt, ut

con-

conventus ordinum non habeantur nisi in Lusitania: omnia officia regni conferantur tantum indigenis; miles præfidiarius sit Lusitanus; ne aliis quam Lusitanis navibus navigetur ad extranea Lusitanorum loca; moneta in Lusitania cusa ejus regni tantum insignia præ se ferat: omnia beneficia Ecclesiastica, ut & feuda vacantia denuo conferantur in Lusitanos: si rex in Lusitaniam venerit, domicilium capiat admodum Lusitanis, non Castilianis, usitatum: regi ubicunque fuerit adsistat consilium ex Lusitanis constans, per quod ejus regni negotia expediantur, atque idem in literis decretisve utatur dialecto Lusitanica; omnes causæ justitiam spectantes intra Lusitaniam decidentur, & executioni dentur: rex ipse quantum potest in Lusitania sedem habeat, aut ipso absente Princeps filius, quo ibi educatus notitiam & amorem gentis concipiat: Gubernator regni semper sit unus è familia regia, &c. Etsi postea cum regnum istud per vim subegisset Philippus, complura ejus generis petentibus Lusitanis abnuît; uti refert *Idem l. 8. apud Hieron. Osorium de rebus gestis Emanuelis l. 1.* cum rex Emanuel postularet, ut ordines Lusitaniæ filio suo Michaëli ex Isabella, filia Ferdinandi Catholici, ( qui si superstes fuisset, Lusitaniæ simul & Hispaniæ rex futurus erat, ) fidem darent; hi vicissim postularunt, jurâto sibi promitteret, ut nunquam jurisdictiones, neque vectigaliû administrationes, neque arcium præfecturæ ad Portugalliæ ditionem pertinentes, sive citra sive ultra mare, ali-

alicui, qui non esset natura Portugallensis, ullo tempore aut conditione mandarentur. Cumprimis quoque adduci merentur præcipuæ leges unionis inter tria regna Arctoa sub Margareta regina factæ, prout referuntur à Loccenio *hisor. Sæcic. l. 3. in Erico Pomerano*: Ut hæc tria regna unum duntaxat agnoscerent regem. Singula tamen regna suis, & domesticis legibus, & immunitatibus uterentur: ut præfectura, judicia, & officia publica per indigenas cujuslibet regni, non externos administrarentur: ut nulla nova lex ferretur nisi consentibus omnibus: ut rex quotannis, duobus ex Senatu sibi adiunctis, circumiret provincias, & quatuor menses plus minus in quolibet regno subsisteret, ad audiendum cognoscendumq; desideria subditorum. Si quod bellum instaret, omnes conjungerent operam & vires ad illud propulsandum, ita tamen ut quodlibet regnum suis impensis aleret exercitum, donec ille ad destinatum locum pervenerit; ubi ex communi arario sumtus promentur. Nullum regnum alteri bellum inferat, nisi communi consensu. Non fas erit legere regem, nisi communi omnium autoritate. Prima verò suffragandi regemq; dicendi partes per vices ibunt. Regi non fas sit ex uno regno in alterum ejus facultates, thesauros, & archæum transportare. Sic apud Eundem *l. 4. in Stenone Sturio Seniore*, cum trium regnorum imperium Johanni deferretur, pares fere leges ipsi fuere dictæ. Quas inter sunt; ut administratio

trium



trium regnorum secundum leges singulorum & mores majorum instituatur. Ut nulli exteri in ordinem senatorum regni recipiantur. Nec ditiones, arces & fenda per extraneos, sed solos indigenas regantur. Ut beneficia ecclesiastica & paræcia nullis nisi indigenis committantur. Non emet rex aut pignori capiet pro se aut suis heredibus bona sola propria & hereditaria nobilium. Unum annum in Dania, alterum in Svecia, tertium in Norvegiaaget. Usque dum commoratur in regno, Marefcallum, Cancellarium, & magistrum aulae ex regni illius indigenis capiet. Absente rege qua ex illius regni senatu si præmam juris administrationem exercebunt. Quotannis ex singulis regnis tres convenient, qui an hac capita rite serventur, dispiciant. Proscripti ex uno regno justis de causis, in aliud non recipiuntur, &c. Conferri quoque possunt pacta Sigismundi cum Ordinibus Sveciæ ap. Eundem l. 7. quibus inter alia cavetur; ne quid Sveciæ demtum Poloniæ adjungat, ut minimū quolibet triennio Sveciam revisat: nihil Sveciæ regalium, thesauri, tormentorum, armorum, cancellariæ aut fisci rerum regno efferat: ne Svecus extra Sveciæ limites in jus vocetur, non nisi Svecis committendum exercitum Svecicum & munitiones, & ab isto occupata Sveciæ bono retinenda. Si rex in Svecia esset, regis Sveciæ titulum præponendum regis Poloniæ titulo, & vice versa, si in Polonia esset, &c.

§. 15. Dissolvuntur ejusmodi systemata extincto rege, in cujus solius persona unio fundata erat; aut extincta familia regnatrice, si singula regna ad eam jure

jure hæreditario pertineant. Tunc enim ad singula regna seorsum redit jus novum sibi regem constituendi, aut quam velint reip. formam introducendi, inconsultis reliquis. Ponimus enim nullo præterea vinculo ista regna fuisse conjuncta. Sic si contingat, regem unum quidem regnū possidere jure hæreditario, in alterum autem adscisci per liberam electionem, isthoc rege mortuo dissoluta quoque erit regnorum conjunctio; nec necessum erit, ut posterius regnum regis defuncti filium sibi imponat. Quod si autem unio ista nitatur fœdere, inter regna unita inito, apertum est, capitibus fœderis saltem præcipuis violatis, unionem quoq; abrumpi posse ab illis, qui per alios læsi sunt. Ubi tamen accuratè distinguendum est inter obligationem, qua singula regna regni tenentur, & qua ipsa regna inter se connectuntur. Rex semel à civibus electus, & cui fides data fuerit, destitui ob quævis prave facta, aut conventioni suæ contraria non poterit, quamdiu sese apertum regni hostem non tulerit. Nisi forte pacto inter regē & regnicolas clausula commissoria sit expresse inserta, ac omne subditorum obsequium ab impletione omnium & singulorum pacti capitum tanquam à conditione sit suspensum. Ast obligatio, quæ regnis unitis invicē intercedit, abrumpi potest ex parte ejus, in cujus fraudem leges unionis sunt violatæ, utut læsio nō adeò enormis fuerit; si modò alia regna ad eam læsionem concurrerint, aut illa in horum usum suscepta aut conversa sit. Unde rege defuncto regnum læsum unioni poterit renunciare, salva actione adver-

adversus autores, adjuutoresve læsionis rerumque  
 ablatarum vindicatione. Quin valde ignavum o-  
 porteret esse populum, qui, animadverso com-  
 munem regem in alia magis regna propendere,  
 atque id agere, ut iste adamati regni provincia  
 fiat, dato interregno abs noxia sese societate non  
 averteret. Quod si autem per matrimonia prin-  
 cipum utrinque hæreditariorum conjungantur  
 plures civitates, in quibus diversus succedendi or-  
 do publica regni lege est receptus, dissolvetur u-  
 nio, si talis emergat casus, ut eadem persona in sin-  
 gula regna succedere per leges publicas non sit  
 idonea. Ponamus unita esse duo regna, in quorum  
 uno sit recepta successio linealis agnatica, in alte-  
 ro cognatica, quarum illa quoque vocari solet Fran-  
 cica, hæc Castiliana. Heic si contingat, communem  
 regem mori sine prole mascula, relicta tantum fi-  
 lia, posterius regnum devolvetur in filiam, prius  
 in proximum agnatum. Et si unio heic facile pos-  
 sit instaurari, nuptiis inter hunc & illam conci-  
 liatis. Quod si autem unio, quæ ab initio oc-  
 casione matrimonii contracta est, postea con-  
 firmetur & perpetua esse jubeatur, fœdere  
 inter omnia & singula regna invicem inito,  
 aut sanctione communis regis, ab omnibus  
 & singulis regnis comprobata; eo ipso varie-  
 tas, quæ antea circa successionem deprehen-  
 debatur, sublata esse intelligetur. Princeps  
 autem sequendus erit ille succedendi ordo,  
 qui expressè in fœdere vel sanctione est desi-  
 gnatus, vel quem autorem unius maximè  
 pro-

probasse constat, aut qui rationi, & regnorum salutis maxime congruit. vid. *Grot. l. 2. c. 7. §. 12. seq.* *Hobbes. de Cive. c. 9. §. 12. seq.* Ast si contingat, ut unum regnum alteri tanquā provincia subjiçiat, unio ex fœdere resultans expirat, & in ejus locum arctior coalitio in eandem civitatem subit.

§. 16. Dispiciendum jam est de illis systematibus, quæ ex pluribus civitatibus constant, fœdere perpetuo inter se nexis, in quo conventum fuit circa exercendam communi consensu partem unam aut alteram summi imperii. In hoc enim fœdus systema produçens potissimum videtur differre ab aliis fœderibus, quæ alias frequentissima inter civitates iniri sœverunt, quod in hisce singuli fœderati proprio ex judicio sese determinent ad mutuas quasdam præstationes; ita tamen ut de cætero exercitium istius partis imperii, ex qua præstationes istæ fluunt, hautquāquam socii consensui velit alligare, nec de plenissima & illimitata sua potestate remp. gerendi quidquam delibare. Sicut & simplicia fœdera ut plurimū particularem duntaxat diversarum civitatum utilitatem, in unum conspirantem, sibi habent propositam; nec perpetuam aliquam conjunctionem in negotiis summæ rerum spectantibus produçunt. Quæ in fœderibus, ut ita loquar, systematicis secus sunt; quorum is scopus est, ut in perpetuum distinctæ civitates summam salutis suæ invicem habeant implicitam, atq; eo nomine exercitiū certarum partium summi imperii ex mutuo sociorum consensu suspendant. Longe aliud quippe est; ego tibi in illo bello

bello auxilia feram, & qua ratione hostis sit invadendus, communiter statuemus: &, nemo nostrum, qui societatem coivimus, jus belli & pacis exercebit, nisi de communi omnium consensu. Diximus autem, per istiusmodi fœdera certarum duntaxat partium summi imperii exercitium suspendi à consensu sociorum. Nam vix videtur contingere, plurium civitatum rationes ita esse invicem innexas, ut omnium & singularum intersit, nullam partem summi imperii nisi de consensu universarum exerceri. Aut si tales dentur, præstabat ipsas in unam civitatem coalescere potius, quam fœdereduntaxa necesse. Igitur conveniens erat, singulas civitates liberum sibi servare exercitium illarum partium summi imperii, quæ quomodo gerantur, reliquarum parum aut nihil, saltem directe, interest. Item, quæ circa negotia quotidiana occurrunt, aut quæ moram non patiuntur, ut superiis cum aliis consultetur. Enimvero illa negotia, ex quibus omnium sociorum salus conjunctim pondet, communi consilio tractari omnino par fuerit. Quæ inter primum videtur locum occupare bellum, tam quod ab aliis illatum propulsatur, quam quod aliis ultro inferitur; & qua istud finitur, pax. Cui adjungenda sunt tributa, quantum communi bello inserviunt: & fœdera cum exteris ad communem salutem spectantia. Quo & istud pertinet, ut si quid controversiarum inter ipsos socios oriatur, reliqui, quorum nihil interest, statim tanquam mediatores interveniant, nec ad arma rem pervenire patiantur.

Reli-

Reliqua autem, quæ communi consilio exerceri non adeo necessarium videtur, ut sunt fœdera commerciorum, tributa, quæ ad singularum civitatum necessitates requiruntur, constitutio magistratuum, leges, jus vitæ & necis in cives, jus circa sacra, & quæ sunt alia, in singularum civitatum arbitrio relinqui nihil obstat. Etsi & ista quælibet ita moderabitur, ut ne totum systema inde perturbetur. Ex quibus illud per se liquet, unum atque alterum sociorum à reliquis non posse impediri, quo minus pro suo arbitrio exerceat illas partes summi imperii, de quibus communi consilio exercendis in fœdere nihil fuit conventum. Facit huc illud *Grotii Apologet. c. 1. Trajectino fœdere de summo nationis cujusq; imperio nihil deminutum esse. Quanquam enim fert fœdus nationes omnes inter se & inciri colligariq; ac si una natio essent; hoc ipsum tamen quomq; se porrigat, sequentia indicare, ne scil. discellantur, sed auxilio sint alia alii. Neutiquam vero id fuisse propositum, ut misceretur summa imperii, patere ex ipsa & occ fœderis, (est enim fœdus multorum si summo imperio utentium pæctio,) dein quod non omnes nationes deinceps una natio futura dicantur, sed junctæ & sicut si una natio essent, &c.* Inde quoque Idem passim inculcat, cum singulæ nationes etiam post fœdus Ultrajectinum sibi inter alia jura summi imperii exceperint jus circa sacra publica, & jus vitæ ac necis in suos cives; non recte potuisse proceribus Hollandiæ à reliquis sociis negotium fa-  
cessi eo nomine, quod in sua provincia quadam

M

circa

circa sacra constituissent, quæ reliquis displicerent; nec si cujus criminis ipse argueretur, Ordines Generales esse judices competentes, sed vel magistratus oppidi Roterodamensis, vel Ordines Hollandiæ & Westfrisiæ. Sicut & late ostendit, absurde sibi fuisse impactum crimen læsæ majestatis, cum nihil sit abs sese actum, nisi jussu aut approbatione magistratus Roterodamensis, & Ordinum Hollandiæ, qui soli in ipsum supremam potestatem obtineant. Scrupulum tamen potest injicere, quod habetur in *l. 7. §. 1. ff. de captiv. & postlim. At sunt apud nos rei ex civitatibus federatis. & in eos damnatos animadvertimus.* Eum ut eximat operose satagit *Grotius de J. B. & P. l. 1. c. 3. §. 21.* quem tamen nihil agere, facile agnoscet, qui penitus locum inspexerit. Sane enim nihil ibi respondetur ad illud dubium, quomodo illa civitas libertatem seu possessionem summi imperii retinere queat, cujus cives alia civitas suo jure ad tribunal suum evocare, inque eos ibi nosset animadvertere. Et maximum detrimentum judicabatur cepisse libertas Achæorum, quando proditiōe Callicratis præstantissimi ejus gentis viri insimulabantur rebus Persei contra Romanos studuisse, iique Romanam ad causam dicendam evocabantur; occasione arrepta, quod Xenon conscientia recti fretus dixisset, se paratum esse, si quis ipsum accusare velit, in Achæorum confesso, vel ipsos apud Romanos judicium subire. Qua de re latius *Pausanias Achaicis*, eamque tangit *Polybius excerpt. legat. CV.* Nobis igitur planissima isthæ responsio vide-

videtur, cum in antecedentibus verbis dictum fuerit, quid natura foederum ferat, & quid debeat fieri, allegatis verbis exponi, quid factum fuerit posterioribus temporibus, quando Romani superbiam addente fortuna, socios, qui ultro ipsorum amicitiae per foedera ascefferant, pari modo tractabant, atque bello devictos. Qua de injustitia queritur ipse *Cicero Off. 2.* Addatur exemplum de Decio Magio ab Hannibale victo apud *Lisium l. 23. c. 7. 10.* & quod Scipio dissuadet, ne Romani delatores Hannibalis audiant ap. *Eundem l. 33. c. 47.*

§. 17. Cum autem in hisce systematibus debeant invicem communicari certa negotia, foedere expressa, atque id circummissis literis ita commodè fieri nequeat; necessum est certum locum, tempusque constitui agendis conventibus, & si quid extra ordinem inciderit, moram non ferens, unus pluresve designari, penes quos sit socios convocare. Quanquam longe compendiosius fuerit, si certo in loco resideat perpetuum aliquod concilium, ex delegatis singulorum sociorum constans, cui potestas sit, quotidiana aut minoris momenti negotia ex formula mandati expediendi. Si quid gravius inciderit, ab hoc ad singulos socios referendum, & quae ipsis placuerunt, promulganda atque executioni danda. Eidem quoque directe exponenda, quae abs communibus sociorum ministris apud externos agentibus referuntur. Idem cum exterorum legatis tractabit, & quae cum hisce concludentur, istorum nomen, ve-



lut omnes socios repræsentantium, præferet. Ne quid tamen mandati sui limites ab ipsis decernatur, nisi prius ad omnes socios super eo fuerit relatum. Cæterum quanta ejusmodi concilio deputatorum potestas competat, ex ipso fœdere, aut eorundem mandatis erit cognoscendum. Id sane constat, quicquid id est, alienum esse, & a sociis delegatum; & quanquam decreta ab eodem promulgata ipsius solius nomen gerant, vis tamen omnis atque autoritas à sociis, qui id constituere, promanat. Sic ut isti deputati sint duntaxat ministri sociorum, neque hiæ pro imperio magis aliquid possint injungere, quam legatus illi, abs quo mittitur. Illustrari possunt hæc ex illis, quæ *Grotius Apologet. c. 1.* tradit. *Apud nos summum imperiū non est penes illos legatos nationum, qui fœderati proceres dicuntur, sed penes cujusq; nationis primores, quæ quidem nationes ad opem mutuam fœdere connectuntur; ita ut in fœderatorum procerum potestate ea sint omnia, quæ ad communem defensionem pertinent, aut quæ nominatim ex fœderis formula, aut consensu peculiari ad eum consentum deferuntur; manentibus rebus cæteris penes singulorum nationum primores. Etsi exterorum quidam falso crediderint, summam rerum esse penes proceres fœderatos seu Status Generales, quod in eorum consentu audiuntur legati, responsaq; accipiant; quodq; nomine Fœderatorum maxime ad reges, principes atq; civitates litera præscribantur. Item, A proceribus nationis cujusq; leges conduntur & edicta super omni*

*omni negotio ciuili, inconsultis primoribus Fæderatis. At quæ leges à Fæderatis procedunt, ad nationum singularum primores diriguntur non jure imperii, sed cum rogatu: ut eas publicari sinant. Item, Primores nationum singularum, ubi ad Fæderatos primores scribunt, socios se vocant, non autem subditos, ut solent oppidani magistratus, quoties nationis suæ rectoribus scribunt. Simlerus de rep. Helvæt. l. 2. recte quidem facit, quod conventus istorum non habet pro pleno senatu aristocrat. cum illi non habeant liberam discernendi potestatem, sed omnia ex mandato civitatum suarum agant. Sed illud præstiterat omisisse: cum tota ciuitas Helvæt. constet ex his populis, qui non una eademq; reip. forma singuli utuntur, non una quoq;, sed mixta quadam est politia, quæ ex his conficitur.*

§. 18. Cæterum etsi illud satis manifestum est, singulis civitatibus in aliquo systemate competere liberum exercitium partium summi imperii, de quibus in fœdere nihil fuit conventum: dubitari tamen adhuc potest, an non universitati sociorum, aut majori parti sit potestas in singulos aut pauciores circa illa negotia, ob quæ societas fuit inita, & quæ ut communi consilio gerantur, expresse in fœdere fuit designatum; hætenus, ut ad id, quod majori parti placuit, pauci quoque dissentientes nolentes volentes teneantur. Id quod nobis negandum videtur, si quidem agatur de systematibus regularibus, & ubi singulæ civitates suam sibi libertatem reservant illibatam.

Nam quo minus tale quid obtineat in systemate aliquo irregulari, & quod propius ad naturam civitatis accedit, nihil impedit. Scilicet libertas civitatis, quæ nihil aliud est, quam facultas ex proprio judicio de negotiis ad conservationem sui spectantibus ultimato statuendi, nequit intelligi, ubi ipsa pro imperio ad aliquid suscipiendum invita ab alio possit adigi. Neque obstat, quod in foedere conventum fuit de certis partibus summi imperii non nisi communi consilio exercendis. Aliud enim est, si dicam; ego non exercebo meum jus, nisi vobis volentibus? aliud si dicam, vobis facultas erit, etiam invitum me adigendi ad jus meum exercendum. Prius duntaxat, non posterius in foedere continetur. Ea res, ut penitus intelligatur, probe observandum est, ut plurimum hominum voluntates in unum teneantur conspire, id oriri vel ex nuda conventionione, vel ideo quod unus voluntatem suam alterius voluntati submiserit. Conspiratio voluntatum ex nuda conventionione libertatem illam, de qua innuimus, hautquidquam tollit. Nam vel in antecessum communi consensu statuitur de negotiis junctim expediendis; vel si quid deinceps statuendum est, ad id singuli non imperio; sed per solas rationes volunt adigi. Ast vero quando voluntatem meam alterius voluntati submisi: etiam ad illa potero obligari, quæ mihi displicent. Non autem loquimur de illa submissione, qua partes litigantes per compromissum sese obstringunt sententiæ ab arbitrio pronunciatae: sed cum penes unum est statuere

tuere de negotiis, penes alterum exequi, quod ab isto statutum est, ob potestatem, quam iste in hunc ex submissione quæsit. Neque est, quod nobis aliquis occinnat decantatum illud jus majoris partis, de quo *Grotius Apologet. c. 8.* ita loquitur: *Non mos tantum omnium gentium, quæ sub institutis cæcilibus & sunt, sed & ipsa natura docet, ubi penes cætum est potestas aliqua. Veniendum ad illud legitimum: hæc pars major videtur. Nam neq; rerum in deliberationem venientium difficultas, neq; humanarum mentium varietas permittit, ut super re quaque eadem singulis placeant; tum & ro multa res nihil agendo fiunt deteriores, & ut pars major minori cedat, manifestam habet iniquitatem.* Nam primo major pars ad se trahit minorem in cœtibus duntaxat constitutis, non in iis, qui adhuc sunt constituendi, v. g. Sint in aliqua urbe centum mercatores, ex quibus sexaginta societatem volunt constituere, nemo erit tam simplex, qui credat, reliquos quadraginta omnino teneri sequi id, quod pluribus istis placuit. Deinde revera ex instituto & conventionem hominum, non à natura est, quod in cœtibus constitutis major pars obliget universos; etsi naturalis ratio illud tanquam convenientissimum sùadet recipi in cœtibus numerosis, & ubi varia, & quotidiana negotia sunt expedienda. Atque hoc ut fa; necessum erit singulos suam voluntatem submittere voluntati universorum aut majoris partis; hætenus ut illi etiam dissentientes teneantur omnino sequi, quod hi decreverint; id quod sine impe-

rio horum in illos intelligi nequit. Neque vero in conventibus sociorum jure illo majoris partis adeo videtur opus, cum & isti ex populis non ita multis soleant constare, & communi utilitate maxime jungantur, cui nemo sanus pertinaciter reluctari præsumitur. Quod si tamen alicujus malitiosa, & rationi cedere abnuens pervicacia cæterorum salubri consilio sese adjungere adspersetur, communemque salutem aut utilitatem hoc modo proditum eat, licebit adhibere illa media, quæ contra violatores pactorum natura indulget. Ni magis placeat ejusmodi intractabilem societate penitus excludere. Quid quod & sæpe magna cum iniquitate conjunctum foret, si in systemate sociorum suffragia numerarentur; quando scilicet socii disparibus sunt opibus, adeoque unus plura confert ad communem salutem, quam alius. Quanquam enim æqualia videantur conferre, qui pro ratione suarum opum conferant; sæpius tamen contingere potest, ut quis modicas suas fortunas periculo malit exponere, quam alter opimas. Sic ponamus in aliquo systemate unam civitatem ad defensionem communem plus conferre, quam reliquas omnes conjunctim sumtas, sane iniquum foret isthanc invitam per reliquas consentientes adigi posse ad aliquod negotium, cujus onus in ipsam maximè recumbit. vid. *Grot. Apologet. cap. 1. sub finem.* Quod si autem suffragia debeant valere, prout quisque ad societatem confert, eo ipso prævalide isti civitati in reliquis imperium dabitur. Ex quibus  
 omni-

annibus colligitur, sicubi negotia ex majori numero suffragiorum deciduntur, ita ut dissentientes quoque obligentur; discedi à regulari forma systematum, & vel irregulare corpus, vel civitatem unam proprie dictam effici. Unde civitatem potius, quam systema constituisse arbitramur urbes Lyciæ, de quibus *Strabo l. 14.* Sunt viginti & tres urbes, quæ in suffragiis dandis participant, & in commune collegium conveniunt, id decernentes, quod pars maxima comprobavit. Maximarum autem civitatum unaquæque ferre potest sua suffragia, mediæ duo, cæteræ unum. Sic etiam proportionem tributa pendunt, & alia munera. In concilio eligitur primum Lyciæ præfectus, post alii urbium magistratus. Judicia in communi fiunt. Hi prius de bello, de pace, de sociis consultabant, nunc id non licet per Romanos. Eodem modo & iudices & magistratus proportionem suffragiorum ex unaquaque civitate capiuntur. Idem putaverim judicandum de Cabyra, & tribus vicinis oppidis, quæ junctim Tetrapolis vocabantur: ex quibus trium posteriorum singulæ unum habebant suffragium, Cabyra vero duo: quia plus quam cæteræ pollebat. *Strabo l. 13.* Nec video, quare non idem de rep. Ætolorum sit pronunciandum, de qua *Ubbø Emmius Veter. Græc. tom. 3.* Concilium, quod Panætolum vocabant, quotannis conveniebat tempore statuto, aut alioqui quoties res poscebat. Eo in conventu præfectos aut magistratus toti societati communes eligebant, in primis prætorem seu *ὑπαρχον*, cui reip. cura do-

mi militiæque commendabatur. Ad hoc concilium coibant ex omnibus locis delecti cum mandatis, & agendi potestate. Id leges ferebat, & abrogabat, fœdera sanciebat, & tollebat, bellum pacemque jubebat, magistratus generales creabat. Ad id universæ reip. negotia referebantur. In eo legati audiebantur, & responsa iisdem dabantur, ab eo legati nomine Ætolorum ad externos mittebantur, literæ scribebantur, &c. Ubi observandum, quemadmodum civitas una esse non desinit, ideò quod populus in certas tribus sit distinctus; ita nec unitati ejusdem officit, quod populus diversas urbes incolat. Sicut neque illud democratiâ tollit, si in communi concilio pauci delecti nomine singularum tribuum aut urbium suffragia ferant, prout in mandatis acceperunt.

§. 19. Cæterum civitates aristocraticæ & democraticæ quam maxime sunt idoneæ, ut in systemata coalescant. Equidem apud *Herodotum Euterpe*, & *Diodorum Siculum l. i. c. 66.* memoratur, post Vulcani sacerdotem regem Ægyptios libertatem adeptos duodecim sibi reges delegisse, in totidem partes omnem Ægyptum distinguentes. Qui junctis inter se affinitatibus regnaverint, pactationibus initis, ne mutuo auferre imperium conarentur, nevé quis plus alio quidpiam obtinere quæreret, sed ut essent inter se quam amicissimi. Verum ista societas diuturna hautquidquam fuit, oppressis per Psammetychum reliquis. Scilicet fundamenti loco in systematibus est habendum,

ne

ne quis præ altero sese studeat efferre, & ut dispares licet inter opes par sit omnium libertas. At qui nescio quare non paucorum monarcharum ingeniis æqualitatis impatientia adeo familiaris sit; & quod *sua retinere privata domus; de alieno certare regiam esse laudem* credant. Tacit. *A. XV. c. 1.* Et qui adfueti sunt, ut omnes subjecti ad ipsorum nutus sese statim non citra trepidationem componant, fere indignantur, si cæteri non confestim in suam sententiam velint concedere. Et tamen in disceptatione negotiorum communium sæpe usu venit, ut dissidentes non nisi blandis modis corrigi queant. Multo ineptius ad diuturnitatem videtur, immixtas liberis civitatibus monarchias velle combinare, quas nunquam bona fide inter se coalescere tralatitium est. vid. *Polyb. excerpt. legat. 41. cap. 2.* Et potentissimas licet democratas tanquam plebejū quid olentes monarchæ fastidiunt; istis contra tristem gravitatem fastui propiorem averfantibus. Igitur quam maxime aptæ inter se jungi sunt democratiæ & aristocratiæ, quarum rectores jam antea siverunt alios dissidentes audire & ferre, rerumque decisionem magis per rationes utrinque ventilatas, quam autoritate & imperio invenire. Quos itidem, cum alienæ duntaxat rei sint administratores, minor fere ambitio agitat super alios sese efferendi. Inde recte Achæi eis, qui sese societati ipsorum erant adjuncturi, persuadebant, ut, quo ipsi utebantur, popularem statum in suas civitates introducerent. vid. *Polybium l. 2. c. 38.*



Quamquam iste gravis esset in rep. Achæorum morbus, quod ad consilium universorum sociorum multitudo plebis admitteretur: cum præstet ejusmodi negotia, quæ ferè vulgi captum superant, per paucos selectos tractari. vid. *Hobbes. de Civ. c. 10. §. 9. 10. 19.* Etsi aliquam, non tamen plenam medicinam illis incommodis afferret, quod ex sociorum universitate eligerentur decem prudentia insignes viri, qui super negotiis proponendis prius consultarent; & nisi ea majori parti probarentur, ad totum concilium non posset referri. Item quod externo legato concilium non daretur, nisi scripto editis prius suis mandatis, ut judicari posset, an talia rectè possent multitudini proponi. *Polyb. excerpt. legat. 41. c. 6.* Sicut & credo eum in finem, ne dissentientis multitudinis animi longa disceptatione exacerbarentur, apud ipsos receptum fuit, ne liceret aliquam actionem ultra diem tertium extendere; intra quod spatium nisi convenisset, concilium dimittebatur. Etsi frequenter arduæ deliberationes ejusmodi angustiis includi recusent. Plurimum porro ad concinnam systematum compagem, simulque ad alendam inter socios populos familiaritatem facit eandem linguam, moresque & instituta non multum discrepantia habere, nec non communibus sacris uti. Huc pertinet id, quod narrat *Polybius l. 2. c. 39.* Cum Crotoniæ, Sybaritæ, & Cauloniæ societatem Achæorum imitari constituissent, eos Jovi Homorio ædem posuisse, & locum in ea cepisse ad agendos conventus & concilia communia habenden-

enda. Eodem etiam fine Iones communibus  
antibus extruxere Dianæ fanum Ephesi, Dori-  
es Apollinis Triopii, quo statis temporibus conve-  
nientes post sacra peracta, si qua inter cives inter-  
esset offensio, iudices designabant, qui litem  
componerent: tum de bello contra barbaros ge-  
endo, deque mutua gentis concordia consuleba-  
tur in medium. Sic Servius Tullius Latinis per-  
suadet, ut communi pecunia extruerent templū Dia-  
æ in monte Aventino, ad quod quotannis con-  
venientes sacra facerent, & si qua offensâ inter po-  
ulos incideret, inter sacra deorum conciliaretur  
ex arbitrio aliorum populorum. vid. *Dionys. Hali-  
carnass. l. 4.* Neque parum ad firmitatem syste-  
ma faciet, si populi paribus fere inter se sint opi-  
us, nec unus potentia reliquos omnes multum  
mineat, ne istum libido subeat reliquos oppri-  
endi, his necessitas fiat formidolosum socium  
novis modo destruendi. Saltem inter dispa-  
res par omnium jus esse debet, nec insignis ali-  
qua prerogativa, quæ fœdus reddere possit inæ-  
quale, uni erit indulgenda. Unde in Achæorum  
societate laudat *Polybius l. 2. c. 38.* quod nullum  
privilegium iis fuerit reservatum, qui ab initio  
concediderant, sed ut quisque assumebatur, eo-  
dem penitus jure cum cæteris esse incipiebat.  
Quam maxime autem talia systemata continet  
conspirans in unam omnium & singulorum utili-  
tatem, quam singuli citra conjunctionem cum aliis  
minimo non, aut non æque facile possint obtine-  
re. Cum primis si accedat ejusmodi regionis situs,

ut oppresso ab exteris hostibus uno alterove, ad reliquos quoque opprimendos aperta via pateat. Et quod fere cum isto conjunctum est, si socii non diffusa nimis terrarum spatia insideant, ut incendium ab una parte ortum reliquos in opposita parte degentes parum tangere aut terrere videatur. Nimis enim quam verè *Franc. Baco de Verulam. de Sapient. Veterum c. 5.* Unum assumitur *Scrum* & proprium fidei firmamentum: ea est necessitas, magnum potentibus Numen, & periculum status, & communicatio utilitatis.

§. 20. Quæ ad diuturnam in ejusmodi systematibus concordiam maximè faciunt, isthæc fere videntur. Nullius socii, etiam cui modicæ vires, cura à cœteris insupere est habenda; sed quod unum tangit, reliquos omnes æque est tangere statuendum. Tum sua cuique libertas, sua jura salva persistent, nec ut illa à validioribus violentur concedendum, nec propter tenuitatem opum deteriore quis conditione habeatur. Si quid controversiæ inter unum atque alterum sociorum inciderit, interventu cœterorum id statim amice componatur, nec ut ferro res disceptentur, unquam concedatur. Quæ inter ipsos socios componi possunt, iis ut exteri, potentiores præsertim, se imisceant, non est ferendum. Nam quod nonnemo ad intestina dissidia tollendâ consilium laudat, id vanum videtur. Si *systema sociorum sit obnoxium discordiæ, saltem id esse non posse, nisi unus aliquis sit constitutus, qui velut supremus ex delegatione dissidiorum omnium arbiter sit.* Nam si idem simul  
magna

magna potestate aut opibus sit instructus, periculosum communi libertati erit, id autoritatis in ipsum conferri. Ut autem unus aliquis inter socios extet, qui bonis suis artibus & meritis tantum sibi autoritatis pepererit, (qualis apud Achæos erat Aratus & Philopæmenes,) id ab istis præstari non potest. Neque apparet quare unus potius quam plures esse arbitri debeant. Porro quanquam lex societatis non patiatur, ut illi sociorum opes jam partæ eripiantur aut minuantur, aut legitima earundem incrementa intercipientur; præsertim cum ad communia onera ferenda pro ratione opum fiat collatio: hautquidquam tamen propter opes uni permanens aliqua præ reliquis prærogativa fuerit danda, quæ gradum ipsi possit struere ad reliquos paulatim imperio subjugandos. Præterea nihil decernatur, nisi de communi omnium consensu. Nam is insignis morbus inter Achæos erat, quod à majore parte decretum posset fieri, & tamen dissentientibus liceret è concilio discedere, sicut illo decreto non tenerentur. vid. *Livius l. 32. c. 20. 22.* Oritur quoque convulsio & distractio in systemate, ubi aliqui sociorum peculiaria & arctiora fœdera inter se, exclusis reliquis sociis, ineunt. Nam tunc ad arctius illud fœdus omnia diriguntur, commune fœdus negligitur, & nova societas in vetere excitatur, quæ vix aliam quam factionis naturam potest obtinere. Sed nec illud ferri debet, ut quidam sociorum, exclusis cæteris, cū extraneis fœdera ineant, nisi forte illa nihil omnino communem sociorum

rem

rem tangant. Cui fini apud Achæos saluberrime cautum, ne cui Achaici concilii civitati seorsim legatos ad extraneos mittere fas foret. vid. *Panfan. Achaicis*. Sicut & illa lex eorundem commendari meretur: ne quis in societatem reciperetur, nisi scientibus & consentientibus omnibus sociis. vid. *Polyb. l. 4. c. 9*. Circa rem militarem cum primis magna cautione opus est, ne ex illa præbeatur occasio subruendi communem libertatem. Et duci quidem hautquidquam summam belli absoluto cum imperio committi expedierit; sed semper habeat sibi circumpositum consilium ex fœderatorum deputatis, citra quod nihil magnæ rei possit suscipere. Tum ne ille dux sit perpetuus, & qui inter fœderatos magnas privatas opes, aut factionem habeat, vel externa potentia sit subnixus: sed qui possit munere dimoveri, quandocunque è rep. esse videbitur. Neque in ducis verba, sed fœderatorum miles adigatur, extraneus præsertim & mercenarius, qui non difficilem alias se præbere solet in subvertenda indigenarum libertate. Præsidarius quoque munitarum urbium miles abs cujusque urbis magistratu dependeat. Nec temere duci circa ulla reip. negotia quid autoritatis concedatur; minimè omnium, ut jus habeat magistratus constituendi & deponendi. Magnus exercitus extra belli necessitatem uno in loco diu non teneatur, sed ubi eo non fuerit opus, exauctoretur, observato consilio, quod Carthaginensibus dabat Amilcar apud *Polybium l. 1. c. 66*. Qui retinetur pacis tempore passim per urbes disper-

dispergatur, ne unquam oppidanis formidini esse queat. Nec concedatur ut miles credat, plus se ulli mortalium, quam universitati sociorum, teneri; aut ullius præter horum auctoritatem quidquam apud ipsos debere pollere. Denique nec istud institutum inutile fuerit, ut quanquam singulæ civitates in suos cives summum retineant imperiū: si quem tamen civitas ob delictum in remp. admissum damnaverit, is ab omnium sociorum civitatibus excludatur; ne in vicinam sese civitatem conferens inter hanc & illam lites ferat, aut cives suos è propinquo in turbas concitet.

§. 21. Dissolvuntur ejusmodi systemata, ubi quidam socii à fœdere ultro resiliunt, suasque civitates seorsim administrant; quod fere ex ea ratione contingit, si plus utilitatis ex separatione, quam conjunctione sperant, & socios oneri magis sibi, quam subsidio judicant esse. Eadem quoque abrumpunt bella intestina, ni cum pace iterum leges fœderis renoveantur. Ubi bello externo systema infelicitè fuerit defunctum, quandoque inter artes victoris est, fœdus tantum dissolvere, singulisque civitatibus *αὐτονομίαν* imperare. Id quod Romani Achæis quondam faciebant. Conf. *Xenophontem* l. 4. & 5. *rerum Græcarum*, ubi de pace Antalcidæ agit. Est præterea observandum circa dissolutionem systematum, quæ per vim externam fit, quod ubi una vel altera sociorum civitatum ab hoste fuerit occupata, eo ipso haut quidquam is ad reliquas jus aliquod nanciscatur, aut statim ex vi fœderis, quo victa civitas reliquis

liquis juncta erat, in societatem sit recipiendus. Sed nova omnino conventionem opus est, ut quis in locum victæ civitatis de fœdere participet. Sicuti quondam Philippus decreto Amphictyonum, in eorum confessum loco Phocensium adscisciebatur, apud *Diodor. Sicul. lib. 16. cap. 61.* Quanquam enim fœdus, quo plures civitates in systema junguntur, videatur reale, & civitas mutata reip. forma eadem esse non desinat: tamen fœdus illud expirasse censetur, quando civitas vi sub jugum redacta, aut alterius imperii accessio fuerit facta. Cum enim fœdus sit initum inter civitates, igitur fœdere excidet, quæ civitas esse desierit. Et si vel maxime in fœdere sit cautum, ut ob mutationem reip. à fœdere quis non excidat: tamen illa mutatio præsupponitur debere fieri via legitima, per ultroneum consensum populi. Adeoque neque invasori injusto, neque hosti extraneo in concilio sociorum locus erit. In perfectam autem civitatem coalescere talia systemata contingit, si omnes socii summo imperio unius consilii, aut hominis ultro se subjiciant. Item si unus ex populis sociis potentia præpollens, reliquos tanquam provincias subegerit. Quod fere contingit, quando imbecilliores validiori permanentem aliquam prælationem deferunt, & inæqualiter fœderati fiunt. vid. *Grot. de J. B. & P. l. 1. c. 3. §. 21. circa finem.* Denique si unus favore militum, aut populari aura, vel per factionem præpotens imperium invadat. Hæc super systematibus regularibus in præsens commentari placuit. De irregularibus, & quæ velut inter

syste-

systema & perfectam civitatem nutant, vix commodius, quam proposito illustri exemplo, poterit agi. Sed quia multi nolunt suos morbos velut ostentui haberi, ab aliis ista tradi malumus, quam invidiam veritatis in nos derivare.

---

DE  
INTERREGNIS.  
PROOEMIUM.

**Q**uamquam pervulgato jactetur dictorio, Principes mortales esse, regna vero immortalia: non raro tamen contigisse adparet, ut & hec legis istius rigorem senserint, per quam constat positumque est, æternum ut sit nihil. Illud vero longe frequentissimum est, ut quemadmodum animantium corpora variis morbis infestantur; sic & civitates gravissimis concutiantur motibus, ex intestina velut intemperie, aut per violentiam extrinsecam obortis. Præcipue autem regna aliquando in talem devolvuntur statum, ut insignis pars ad perfectionem deficiat, extincto rege sine successore, in quem summa potestas statim & citra interruptionem trans-



*transcat. Sive enim Regem, penes quem summum est imperium, comparemus cum capite humano, quod sublimi positum loco in reliqua omnia videtur regimen obtinere; sive eundem malimus esse animam regni, vinculum, per quod resp. cohæret, spiritû vitalem, quem tot millia trahunt; (Seneca de Clement. l. i. c. 4. Hobbes de Civ. c. 6. §. 19.) videbitur sane regnum Rege orbum, truncum, dissolutum, aut exanime corpus. Enimvero cum in hunc statum delapsa regna non idem semper maneat fatum, quod animâ cassos mortales, quibus cum semel occidit brevis lux, Nox est una perpetua dormienda; aut quod apum examina, de quibus Maro Georg. IV. Rege incolumi mens omnibus una est: Amillo rupere fidem; (add. de la Cerda ad d. l.) opera pretiû puto fuerit paulo curatius rimari, quodnam sit vinculum velut succenturiatum, quo interea regnicola, ne in dissolutam abeant & confusam multitudinem, continentur. Qua occasione pleraq; erunt excutenda, quæ ad intrinsecam civitatum compagem faciunt. Simul ostendendû, quid pensi habuerint populi, qui*  
*rem*

*rem ultro ad interregnum redire voluerunt. Denique quid incommodorum interregna civitatibus adferant aut minentur, & quæ istis curandis aut antevertendis remedia adhibenda videantur.*

## §. I.

**I**Nterregna proprie dicta in regnis duntaxat existere, non autem in democratiis & aristocratiis, vel ipsum vocabulum satis præ se fert. Oriuntur quippe illa, quando moritur aut imperio cedit rex, non extante hærede aut successore, in quem immediate summum imperium transcat; sic ut illud velut interruptum videatur, ideo quod ad tempus subjectum imperii proprium deficiat. Ast ubi penes populum est summum imperium, cum iste idem maneat, extinctis licet singulis, & subeuntibus in eorum locum aliis, interrumpi illud non posse manifestum est. vid. *Grot. de J. B. & P. l. 2. c. 9. §. 3.* Et quibus casibus populus extinguitur, non interregnum emergit, sed civitas plane esse definit. Eodem modo senatus, surrogatis licet in deficientium locum aliis, idem manet. Quod si tamen contingeret, universum senatum simul extingui, ad eandem conditionem rediret ejusmodi civitas, quæ regnum manet, rege citra successorem extincto. Nihilominus fit, ut quandoque in democratiis & aristocratiis existat aliquid interregno analogum. Scilicet quia senatus aut populi voluntas non intelligitur, nisi

in

concilio; & vero ut singuli cives senatoresvè perpetuo in concione aut curia desideant, aut per brevissima intervalla coëant; neque ipsis commodum sit, & sæpe negotia repente incidentiâ etiam exiguan moram respuant: igitur in rebusp. liberis est receptum, administrationem summi imperii, aut saltem illarum partium, quæ quotidianum & frequens exercitium requirunt, uni pluribusvè committi; quos generali vocabulo magistratus solent indigitare. Hos ubi simul deficere contigerit, antequam alii in ipsorum locum sint surrogati, rectoribus tantisper viduata videbitur civitas. Quanquam autem in ejusmodi casibus subjectum summi imperii salvum persistat: fieri tamen potest, ut ex illa jactura non leve detrimentum capiat resp. non solum quando per unum atque alterum egregium virum universæ sese patriæ vires siveverant exserere, quod de Epaminonda memorat *Justinus* l. 6. c. 8. sed & ubi civitatem gravis extrinsecus hostis premit, aut intestinæ turbæ exagitant. *Florus* l. 2. c. 6. de prælio ad Cannas. *Ducum effugit alter, alter occisus est: dubium uter majore animo. Paulum pudit, Varro non desperavit.* Quo nomine & ipsi Romam revertenti à Senatu gratiæ sunt actæ. *Levi* l. 22. in fin. Sic & resurgence quam maximè nitentem Romanorum libertatem gravissimè afflixit mors duorum Consulum Hircii & Pansæ, quæ destitutos ducibus exercitus Cæsaris Octaviani corruptionibus præbuit, vid. *Appianum de bello ci&ili* l. 3. *Tacit. A. l. 10. Dion. Cass. l. 46.* Et sanè inter bella intestina aut externa legi-

legitimos duces perire cum magno sæpe civitatis  
 conjunctum est periculo, non modo quod non  
 semper adsit, qui clavo subeat, sed & quod miles du-  
 ce destitutus aliorum licitationibus pateat; & ubi  
 peculiariter in nomen ducis sacramentum fuerit  
 conceptum, illo defuncto apud multos obligatio  
 quoque, qua patriæ tenetur, simul expirasse credi-  
 tur. vid. *Grot. l. 2. c. 13. §. 18. Liv. l. 3. c. 20.* Sed  
 & in remotioribus provinciis rebellionibus po-  
 test præberi occasio, gubernatore defuncto, ni sta-  
 tim qui succedat præsto sit. Quamquam ne tale  
 quid accidat, caveri potest in antecessum designa-  
 to, qui in summi ducis locum succedat. Quæ  
 designatio interdum clausis literis committitur,  
 non prius resignandis, quam dux aut præses mor-  
 tuus fuerit. vid. *Arnif. relect. polit. l. 2. c. 2. Sect. 4.*  
*num. 100.* ubi ex *Linschotano* refert, Lusitanos  
 morem habere, ut tres, quatuor & amplius scyta-  
 las Goam mittant, quibus singulis singulos pro-  
 reges designent. Ut primum funus unius du-  
 ctum est, à Jesuitis, quorum custodiæ omnes con-  
 creduntur, aperitur prima, secunda, tertia, donec  
 ex nominatis inveniat, qui præsto sit, & in vi-  
 vis, sic ut nunquam illis provinciis desit caput.  
 Ratio autem occultatæ designationis hæc est, ne  
 forte designati ante tempus speratum honorem  
 moliantur invadere. add. *Tacit. A. II. c. 36. num. 4.*  
 Receptum quoque plerisque in locis est, ut capi-  
 te sublato, qui proximus habetur, ejusdem vices  
 suppleat. Aliquando res inter trepidas, cui plu-  
 rimum animi aut audaciæ, portor est, Quo per-  
 tinet

tinet exemplum L. Marcii apud *Livium l. 25. c. 37.* add tamen *Id. l. 26. c. 2.* Tranquillis reip. temporibus minor heic difficultas, ubi extraordinarium licet surrogare magistratum, aut extra ordinem convocatis comitiis novos magistratus creare, superiorum vicibus per inferiores tantisper suppletis. Quando Romæ libera adhuc rep. interreges fuerint proditi, & quæ ipsorum potestas, docet *Livius l. 8. c. 3. l. 9. c. 7. l. 22. c. 34. Ascon. Pedianus in orat. Cicer. pro Milone. Alex. ab Alexandro G. D. l. 5. c. 6.*

§. 2. Verum hisce missis ad interregna proprie dicta nos convertamus. Quorum natura ut penitus intelligatur, prius dispiciendum erit, quibus vinculis perfecta civitas intrinsece connectatur; ex quo manifestum erit, quantum interregna à perfectis regnis deficient. Si igitur animo concipiamus multitudinem hominum, naturali libertate & æqualitate gaudentium, qui ultro civitatem novam constitutum eunt, necessum est, ut primo omnium futuri cives inter se singuli cum singulis pactum ineant, quod velint in unum & perpetuum cœtum coire, suamq; salutem communi aliquo consilio ductuq; administrare. (Quamquam isthoc pacto ut plurimum singuli sibi reservent licentiam emigrationis.) Pactum hocce initur vel pure, vel sub conditione. Prius fit, quando quis sese obstringit adhærere isti cœtui, quæcunque demum regiminis forma pluribus, ariserit. Posterius, quando hanc conditionem adjecerit; siquidem introducatur forma regiminis

nis ipsi probata: Hoc porro pactum quando ini-  
tur, necessum est; ut omnes & singuli consentiant.  
Qui non consenserit, utut in eodem cum cæteris  
loco tantisper versetur, extra futuram civitatem  
manet, neque per reliquorum consensum, quan-  
quam plures illi sint, adstringitur, ut omnino cœ-  
tui sese isti adjungat: sed in libertate sua naturali  
persistit, in qua ipsi licebit de sua salute proprio ex  
judicio statuere. Postquam autem ejusmodi cœtus,  
rudimenta & primordia civitatis præferens, me-  
morato pacto coaluit, necessum ulterius est, ut de-  
cretum fiat, qualis forma regiminis sit introdu-  
cenda. De hac enim antequam constitutum sit, ni-  
hil constanter poterit expediri, quod ad commu-  
nem salutem faciat. Heic illi, qui absolute isti sese  
cœtui adjunxerunt, per consensum plurium tene-  
buntur adquiescere formæ regiminis, quæ pluri-  
bus placuit, licet ipsi aliam maluissent, siquidem  
velint in loco, quem cœtus iste insedit, persistere.  
Dum enim in pacto nihil exceperunt, intelligun-  
tur sese saltem hac in parte submisisse voluntati  
plurium; cum nullo prætextu postulare queant,  
ut reliqui omnes pauciorum judicium suo ante-  
habeant. vid. *1. Sam. X. & ult. c. XI. 12. 13.* Qui autem  
cum conditione ei cœtui sese adjunxerit, nisi ex-  
presse in formam regiminis consenserit, mem-  
brum futuræ civitatis non fiet, neq; majoris partis  
consensu obligabitur.

§. 3. Post decretum circa formam regiminis  
novo pacto opus erit, quando constituuntur ille  
vel illi, in quem vel quos regimen cœtus confer-

N

tur;

tur; quo hi quidem ad curam communis salutis, reliqui ad obsequium his præstandum sese obstringunt; cui simul subjectio illa & unio voluntatum inest, per quam civitatem una persona intelligitur. Ex quo demum pacto perfecta civitas resultat. Cæterum ubi democratia fuit instituta, non ita liquido posterius hocce pactum adparet, quippe cum iidem diverso respectu sint imperantes & parentes; in pacto autem duæ personæ distinctæ requirantur, neq; videatur sufficere diversus respectus. v. g. unus & idem Titius diverso respectu potest esse pater, & filius, & maritus, & gener, & socer, & mercator; ubi sane nullum erit pactum, si Titius qua mercator aliquid promiserit eidem Titio, qua est pater. Enimvero sciendum est, in rep. populari singulos cives & concilium, penes quod est summa rerum, non nudo duntaxat respectu differre, sed esse revera diversas personas (et si diversi generis) quibus distincta voluntas, distinctæ actiones & jura competant, Quod enim singuli cives volunt, id non statim vult populus. Et quod singuli cives agunt, non statim habetur pro actione populi, & vice versa. Neque singuli habent summum imperium, aut aliquam ejus particulam, sed populus illud habet. Aliud quippe est, habere imperium; aliud habere jus ferendi suffragium in concilio, penes quod summum imperium est. Ut hætenus nihil videatur ob stare, quo minus inter concilium populi, & singulos cives pactum intercedat. Illud fortasse non inepte urgeri posset, inutile fore tale pactum inter  
popu-

populum imperantem, & cives parentes, quod eo ipso, dum quis in formam democraticam consentit, suam quoq; voluntatem voluntati majoris partis intelligatur subjecisse, simulque jam cuius per amorem sui rerumque suarum sat necessitatis videatur injunctum, bono publico pro virili invigilandi, cui ipsius quoque salus est innexa. Nihilominus etsi fortasse in democratiis non ita necessarium est, uti in aliis rerum formis, illud pactum seu mutuam promissionem circa exercendum officium imperantis & subiecti expresse fieri: omnino tamen saltem tacite illud intervenisse est intelligendum. Nam siue decretum illud de introducenda democratia concipiatur per modum nudi placiti multarum voluntatum in unum conspirantium, siue per modum pacti singulorum cum singulis, submittam voluntatem meam concilio universorum, si & tu idem feceris: tamen ex hoc presse considerato nulla alia resultat obligatio, quam ut singuli teneantur adquiescere in ea reip. forma, quam diu ab universis eadem non fuerit mutata. Atqui in democratiis plus utique obligationis in civibus reperitur. Nam & singuli tenentur stare decretis & jussis à concilio universorum profectis, & simul in singulis est obligatio, curam reip. pro virili capeffendi, & privatum commodum post publicum bonum habendi. Quo enim prætextu alias reprehendi posset aut multari civis, ideo, quod in concilio infrequens deprehendatur? Adparente autem obligatione, necessarium est ejusdem quoque originem existere, quæ



nulla alia est præter pactum, quod iunimus. Ast vero ubi Aristocratiam aut monarchiam constitui placuerit, longe liquidius posterius isthoc pactum cernitur. Designatis enim optimatibus aut rege, fides utiq; mutuo datur & accipitur, mutuaque præstationes utrinq; oriuntur. Imperio quippe delato & acceptato non minus rex & optimates, quam cives ad munia antehac indebita adstringuntur. Ante istud pactum non magis cives ad parendum uni aut paucis tenebantur, quam iste aut hi ad salutem civitatis curandam. Mutua autem fides & ad munia antea indebita obligatio unde nisi ex pacto ortum traxerit? *Add. 2. Sam. IV. 3. 1. Reg. XII. 3:16.*

§. 4. Ad hæc illustranda aut confirmanda operæ pretium puto fuerit, sententiam *Hobbesii* paulo pressius expendisse; qui in generatione civitatum unum duntaxat agnoscit pactum singulorum cum singulis, ac passim inculcat, inter regem optimatesvè & cives nullum pactum intercedere. Equidem quid causæ istum ad talia adferenda moverit, satis colligitur ex scopo librorum ipsius politicorum, quem in *Leviathane* non obscure præ se fert. Scilicet oppugnatum potissimum it seditiosos illos homines, qui superioribus annis potestatem regiam in ordinem redigere, subiectisque subdicere, vel potius penitus extinguere laborabant. Quibus ut isthoc rebellionis prætextum eriperet; fidem inter regem & cives esse reciprocā, ubi ille quæ pacto promiserit non servarit, hos quoque obsequio liberari; nevé turbulenti

lenti cives quævis regis facta ipsis displicentia in crimen violatæ fidei trahere possent; negare instituit, ullum pactum inter regem & subiectos existere. Et cum in animum induxisset, omnibus regibus vere talibus absolutam & illimitatam potestatem adstruere; consequens erat omne pactum hinc exterminare, quippe quod præcipuum videbatur limitandæ potestatis instrumentum. Enimvero quanquam potestatem regiam sacrosanctam præstari, & ab importunorum hominum vellicationibus vindicari generis humani quam maxime intersit: non tamen ideo necessarium fuerit ea, quæ in manifesta sunt luce posita; abnegare, & pactum nolle agnoscere, ubi extat mutua promissio circa præstanda illa, quæ utrinque antea erant indebita. Dum ultro Principi me subjicio, obsequium ipsi promitto, defensionem mihi stipulor. Princeps dum me civem recipit, defensionem mihi promittit, obsequium à me stipulatur. Ante eam promissionem neque ego ipsi obsequi, neque iste me defendere, saltem ex obligatione perfecta, tenebatur. Quis ejusmodi actum ex classe pactorum velit excludere? Neque ideo tale pactum redditur supervacuum, quod inter eos, qui ultro sibi regem imponunt, prius conventio videatur extare de hoc vel illo in solum evehendo. Nam uti nuda electio citra electi acceptionem huic in eligentes nihil potestatis confert: ita ex negotii natura satis intelligitur, eos, qui alteri ultro in se potestatem conferunt, velle, ut hicce in ejus exercitio tendat ad finem isti po-

testati præfixum : & hunc quod delatum fuit ea lege suscepisse, ut ne per ipsum sine suo eligentes excidant. Igitur qui alicui imperium deferunt, uti ipsi simul promittunt, quæ natura subjectionis requirit; ita sibi contra stipulantur ea, propter quæ imperia civilia constituuntur. Quod quid aliud est, quam pactum inire?

§. 5. Neque verò admissio pacto inter regem & cives, illa incommoda, quæ *Hobbesius* videtur ob oculos habuisse; necessario consequuntur. Equidem id habent omnia pacta, ut ad certi quid præstandum necessitatem aliquam afferant. Verum quam maxime differunt illa pacta, quibus quis sese alteri simul subicit, ab istis, per quæ neuter in alterum imperium accipit. Pacto utique constituitur jus domini in servum, saltem qui ultro servitio succedit; potestas patria in filium, qui sese arrogandum præbet; imperium ducis in milites mercenarios. Et tamen hoc non obstat, quo minus illis imperandi facultas competat, his obsequii necessitas incumbat; neque his statim frenum licet excutere, si iussa imperantium parum arriserint. Scilicet in pactis, à quibus abest submissio, certæ & definitæ præstationes designantur, invicem exhibendæ ex intrinseco conscientiæ impulsu; & ubi quis ultro istas implere detræctaverit, nil nisi bellum, aut communis utrique domini coactio superest. Sed in pactis, quibus unus alteri subicitur, penes hunc est definire, quid ab illo debeat præstari; simulque facultas in eundem collata nolentem ad ista compellendi; qualis facultas hautquidquam recipro-

ciproce illi in hunc competit. Unde imperans violati pacti nequit argui, nisi aut omnem reip. curam abdicaverit, aut hostilem in suos animum induerit, aut manifestè à regulis gubernandi, abs quarum observatione tanquam à conditione ci-ves obsequium suum suspenderunt, dolo malo discesserit. Quæ cuivis imperanti in perpetuum evitare facillimum est, modò cogitare velit, ne summos quidem mortalium humanæ sortis legibus esse solutos.

§. 6. Examinemus paulo curatius rationes, quibus assertionem suam *Hobbesius* superstruit. Ac initio quidem arbitramur inconueniens esse, quod obligationem civium adversus imperantes derivatum it ex tali pacto, *quo unusquisque unicuique caterorum sese obliget ad non resistendum & voluntati illius hominis, cui se submisserit, de Cive cap. V.*  
 §. 8. Equidem qui inter se convenerunt de conferendo in aliquem imperio, intelliguntur quoque in id consensisse, ut omnes suam voluntatem isti subjiciant, seu ut istius voluntas voluntatem omnium in gerenda rep. repræsentet. Distincta tamen omninò sunt inter se conspirare de imperio in Cajum conferendo, & imperium Cajo deferre fide data acceptaque. Porro quo minus cives quoque mutuo inter se fidem dent de obsequio regi præstando, nihil repugnat. Ut tamen illud fiat non est necessarium, neque usu adeò frequentatū. Qui in civitatem recens recipitur, regi fidem dat; nullibi, quantum nobis constat, exigitur, ut cum reliquis civibus super obsequio regi præstando pa-

ciscatur. Neque minus incongruum videtur, quod *Idem cap. 6. §. 13.* tradit: *obligationem ad præstandam summo imperio civili obedientiam non immediate nasci ex eo pacto, in quo cives omne jus suum ad civitatem transferunt; sed mediate, nempe ex eo, quod sine obedientia jus imperii frustra esset. & per consequens civitas omnino constituta non fuisset.* Sed quid ambagibus opus, ubi recta & plana via licet incedere? Nam quæ ipsum movisse videtur ratio, inanis est. Scilicet tacite præsupponit; de quibus pacto fuit conventum, illa non posse jure detrectari. Atqui posse à rege aliqua jure juberi, quæ civis jure possit detrectare. e.g. si rex jubeat, ut me, aut ut ipsum regem, aut patrem condemnatum interficiam. Ergo ex alio fonte, quam ex pacto, obsequium civium derivandum. Enimvero nos examusim sibi invicem respondere asserimus potestatem regis legitimam, & officium civium; adeoque pernegamus à rege jure quid posse imperari, quod subiectus jure possit detrectare. Neque enim rex plura jure juberet potest, quam quæ cum fine societatis institutæ congruunt aut congruere judicantur. Siquid contra hujus finem dolo aut per vesaniam jusserit, haut quidquam jure id facere censëbitur. Verum an quibusvis ejusmodi jussis subiecti possint resistere, alia quaestio est, quam jam excutere non vacat. Quæ exempli causa afferuntur, ad rem nihil faciunt. Sane si contingeret, ut rex alicui talia jure possit injungere, i.e. ut tale quid à cive patrari ad salutem reipubl. facere videri queat, subditus jure jussa non detrectabit.

etabit. Ubi autem talia jussa ratione destituuntur, & ob ea recusata civis interfectus fuerit, nemo sanus puto jure istum cæsum dixerit. Quod porro *Idem c. 4. §. ult.* jus in regem a civibus collatum dicit per modum *donationis*, id ad ipsius quoque tradita non quadrat. Donatio est, cum ex una tantum parte jus in alterum confertur. vid. *Idem cap. §. 8. 9.* Atqui, quando in regem confertur imperium, est mutua juris translatio, seu reciproca promissio. Cives spondent obsequium, rex procurationem reip. ad quæ ante istum actum neuter tenebatur. Ut enim ante collationem imperii licebat civibus resistere jussis Caji, quem postea regem constituerunt; ita Caji iisdem defensionem aut curam sui postulantibus itidem poterat resistere, seu eandem ipsis denegare tanquam indebitam. Conf. *Luca XII. 13. 14.*

§. 7. Neque major efficacia ad tollenda pacta inter imperantes & subiectos inest illis rationibus, quæ adducuntur *cap. VII. §. 7. seqq.* Ubi probare primo vult, democratiam non constitui per pacta singulorum cum populo, sed mutuis pactis singulorum cum singulis. Argumento utitur, quia in omni pacto prius debent existere personæ paciscentes, quam ipsum pactum. Atqui ante constitutam civitatem populus non existit, utpote ubi non erat una persona moralis, sed multitudo personarum singularium. Igitur ante civitatem constitutam non potuisse pactum iniri inter populum & cives. Post constitutam autem civitatem tale pactum iniri fuisse inutile; quia populus vo-

luntate sua voluntatem civis illius, cui supponitur obligari, complectitur, ideoque liberare se potest arbitrio suo, & consequenter actu liber est. Enimvero patet tertium adhuc dari. Ante constitutam civitatem multi homines non sunt populus, id est, coetus democraticus. Ergo non potest cum ipso ut tali pactum iniri. Post civitatem constitutam frustra est iniri pactum, hoc sensu, ut unus vel alter civis velit peculiariter pacisci cum populo de administratione reipublicæ. Nam cui democratica forma probatur, is intelligitur eo ipso se obligasse ad parendum decretis à majori parte populi profectis; cui obligationi per peculiare pactum derogaretur. Ast vero in ipsa constitutione civitatis democraticæ potuit iniri, & est revera initum pactum mutuum inter populum & singulos; quod quale sit, supra fuit expositum. Pari modo nihil aget, qui sic colligit; maritis cum uxore nullum potuit inire pactum. Nam ante nuptias illa nondum fuit uxor; post nuptias pacisci frustra est, ubi jam suam voluntatem subjecit voluntati mariti. Potuit quippe pactum iniri eo ipso, dum uxor fit vel designatur. Deinde si vel maxime quis in democratica tale pactum non possit animo concipere, aut inutile id arbitretur; tamen exinde non licebit idem excludere ab aliis rerumpublicarum formis, ubi qui regunt, & qui reguntur, tanquam personæ naturales differunt. Nam hæc utique pactum requiritur, quo illi obstringantur curam reip. agere, & salutem populi pro summa lege habere: hi vero obsequium iisdem promittant. Inde

- con-

constat, quid sentiendum sit de illa thesi *Hobbesii de Cive* c. 7. §. 9. *Quoniam cives non paciscentes cum populo, sed mutuis inter se pactis tenebantur ad omnia, quæ populus faceret, tenebantur inde ad factum populi transferentis jus civitatis in optimates aut regem.* Neque enim sequitur; si consilio populi placuit summam rerum transferre in optimates aut regem, singuli eo decreto tenentur stare; ergo inter populum transferentem imperium & optimates aut regem, in quos idem transfertur, nullum pactum intercedit. Sed nec validius est alterum *Ejusdem* argumentum: regem quanquam à populo electum non potuisse ad quidquam ab eo obligari. Nam eo electo *populum* simul dissolvi, perireque rationem illam, quam habebat ut *persona*; quare perire quoque una & dissolvi, quæ ad personam facta erat, obligationem. Enimvero quod fundamenti loco heic subternitur; sublata persona tolli, quæ adversus illam erat, obligationem; intelligendum est de illis casibus, quando persona naturali morte extinguitur, aut quando qualitas illa, super qua obligatio unice fundabatur, expirat. Atqui quando populus liber in regem transfert imperium, neque ipse populus naturali morte extinguitur, neque obligatio regis est fundata in ea qualitate populi, qua liber intelligitur, sed qua deinceps erit cœtus civium unius imperio subjectus. Quemadmodum proci paciscens cum virgine post consummatum matrimonium non potest excipere, obligationem adversus eam perisse, quod non am-



plius talis sit, qualis erat, cum pactum iniretur. Nam obligatio proci non fundatur super qualitate virginitatis, sed contrahit cum virgine, quæ deinceps conditionem uxoris est subitura. Et rege constituto populus dissolvitur hætenus tantum, quod summum imperium non amplius sit pene concilium ex universis constans; haut quidquam autem dissolvitur in multitudinem nullo vinculo connexam, sed manet unus cœtus, quem unum imperium simulque primogenitum istud pactum continet. Scilicet imponit *Hobbesius* simplicioribus ambigua significatione vocabuli *populus*. In democratiis populus notat universitatem civium, quæ diverso respectu simul regit & regitur; In aristocratiis & regnis notat universitatem civium, quæ regitur. vid. *Idem de Cive* c. 13. §. 3. Atqui quis negare velit, adversus ejusmodi populum monarchæ aut optimatibus subjectum subsistere posse obligationem, etsi contracta fuerit eo tempore, quo ille adhuc liber erat, sed in eventum & intuitu futuræ subjectionis? Deniq; ipse *Hobbesius Leviath. conclus.* expresse dicit, Deum Judæorum regem fuisse factum vi pacti inter se ipsum & hos initum. Quare igitur pactum inter regem hominem & cives negare velit? Et paulo ante tradiderat, quando quis sese victori submittit, is necessario tanquam verus subditus obligatus tenetur: nam *contractus* legitime initus recte violari abrumpivé nequit.

§. 8. Postquam ergo constat, quibus vinculis perfectæ civitates contineantur, facilius jam licebit

bit judicare, quid sit interregnum in genere consideratum. Scilicet quia per posterius pactum, regem inter & cives initum, intrinseca civitatis perfectio, & summum imperium actu proveniebat; igitur subjecto proprio imperii sublato ad imperfectam formam regnum delabitur; sic ut primogenio duntaxat civitatum pacto cohæreat; quo singuli cum singulis ad constituendum unum cœtum intelliguntur conspirasse. Quanquam isti pacto circa connectendos cives tempore interregni non parum firmitatis addit vocabulum communis patriæ, & exinde resultans qualiscunq; cognatio; simulque quod plerorumque fortunæ isti loco sint annexæ, nec facile aliorum transferri queant. Quas ut conservent, atque in tuto collocent, locupletes cives ad concordiam interea agendam sunt proniores, & studiosius ad instaurandam civitatis formam incumbunt. Habet nimirum res familiaris magni instar pignoris, quo civitati de fide civium egregiè cavetur. Quæ ratio inter alias priscos Romanos movit, ut in milite legendo censum spectandum ducerent. vid. *Dionys. Halicarn. l. IV.* Haut temere quippe res inter duras pro aliqua civitate extrema quis subierit, qui omnia sua secum portate potest, patriamque ubicunque terrarum invenire. Et quid de rep. bene constituenda sit sollicitus *Furius* aliquis, qualem describit *Catullus*, pater esuritionum, quo necque sercus est, neq; arca, neque cimex, neq; aranæ, neq; ignis, cui sub quocunq; reip. statu esuriales feriæ sint celebrandæ; Cæterum quanquam

cū *Libio l. i. c. 17.* interregni tempore regnum possumus vocare *civitatem sine imperio*, & velut *exercitum sine duce*; tamen quia civitates, antequam imperium in unum aut paucos fuerit collatum, democratiarum instar habent; (vid. *Hobb. de Cr&e c. 7. §. 5. ab init.*) & præterea naturale est, ut quando universi curam sui alicui commiserunt, eo extincto ipsi sibi prospiciant: igitur regulariter interregna indolem democratiae alicujus temporariae præ se ferre videntur, saltem hæctenus, ut ex universorum consensu tantisper statuendum sit de communium rerum administratione, novoque rege creando, nisi aliam reip. formam introduci placuerit. Democratia tamen perfecta interregnum proprie non est, quatenus nondum decreto sanctum, summam rerum perpetuo esse debere penes concilium universorum, & quia leges atque instituta publica ad monarchicum regimen adhuc sunt adaptata. Quanquam & hoc possit contingere, ut ubi regnum ex insignibus partibus integrantibus constat, puta ex diversis gentibus, provinciis, ac magnis urbibus, per interregnum faciem alicujus systematis id videatur induere. Ex hisce patet, quem in sensum capiendum sit illud, quod à *Grotio. l. i. c. 3. §. 7.* aliisque traditur; rege citra successorem extincto imperium reverti ad populum. Scilicet quanquam hæctenus in interregno penes populum imperium non sit, quod nondum communi decreto in perpetuum summa rerum in concilium universorum sit collata; poterit tamen interim populus per se, aut certos delegatos exer-

exercere omnes actus summi imperii, qui ad conservationem ipsius facere videbuntur. Nam falluntur illi, qui extincta familia regnatrice negant potestatem imperandi ad populum reverti, sed duntaxat potestatem eligendi & designandi alium regem. Quasi vero interregno existentē, necessum sit populo omnino regem creare. Et quasi non possit deinceps imperium conferri in optimates, aut democratia in perpetuum stabiliri. Quo spectat deliberatio principum Persarum, qui Magos interfecerant, apud *Herodotum Thalia*. Et consultatio Bruti complicumque circa formam reip. post ejectos Tarquinio instituendam, apud *Dionys. Halicarn. l. 4.*

§. 9. Optime tamen tranquillitati suæ prospexerunt illæ civitates, quæ declinandis incommodis & interregno oriri solitis in antecessum constituerunt, penes quos, solio vacante, interea sit reipublicæ administratio. Qui sive interregum sive alio vocabulo insigniantur, sunt magistratus temperarii, & ut ita loquar provisionales, qui auctoritate universi populi actus summi imperii, saltem continendo tantisper cœtui necessarios, exercent; obnoxii tamen populo ad reddendas gestorum rationes, quas & aliquando novus rex velut nomine populi exigit. Horum potestas novo rege creato, aut ubi super alia reipublicæ forma fuerit constitutum, statim expirat. Ubi vero in aliquo regno extiterit perpetuus senatus, penes quem tamen rege vivo summa rerum non fuerit, in illum rege defuncto summa potestas proprio jure non

non recidet. Quamquam expeditissimum sit, ut incasum interregni administratio reip. vicaria tantisper eidem committatur; sicuti & antea abs rege in partem curarum tanquam minister vocabatur. Quicquid autem potestatis interregni tempore ille senatus exercuerit, id ab universo populo in eundem collatum intelligitur. Quam enim potestatem à rege tanquam magistratus obtinuit, illa rege citra successorem defuncto extinguitur; & si pristinam. continuare functionem conceditur, id non amplius defuncti regis, sed populi beneficium est. Hinc & ejusmodi senatui, interregis officium obeunti, hautquidquam licet diutius retinere potestatem, quam universis placuerit; multo minus sibi perpetuo imperium vindicare, aut propria auctoritate aristocratiam constituere. Penes universos enim est super forma reipubl. disponere, & quidem pro lubitu, nisi sorte de jure sint vincti. vid. *Liſius l. 11. c. 17.* & *Dionys. Halicarn. l. 2.* ubi memorat, cum crebra illa interregum mutatio populo Rom. displicuisset, & quod pro uno centum viderentur reges habere, senatum in populi arbitrio posuisse de ordinanda rep. dispicere, sive regibus, sive magistratibus annuis ejus curam mallent credere. Et si eam optionem populus in senatus judicium rejecit.

§. 10. Ad isthæc illustranda operæ pretium fuerit expendisse, quæ tradit *Hobbes. de Civ. c. 7. §. 15. 16.* ubi talem format casum. *Si populus tradiderit summum imperium uni alicui hominum, habendum pro tempore tantum & ita sua, idque cum fecerit,*

*cerit, unusquisque è cœtu ita discesserit, ut de loco, ubi post mortem ejus ad novam electionem congregentur, nihil omnino sit ordinatum. Heic ex ipsius mente populus non amplius erit persona una, sed multitudo hominum dissoluta, quorum cuilibet cum quibuslibet convenire diverso tempore & loco, quo libuerit, licitum erit. Igitur talem monarcham ex lege gratitudinis teneri cavere, ne post mortem suam civitas dissolvatur; idque vel statuendo diem & locum certum, quo cives, qui voluerint, convenire possint; vel successorem sibi nominando, prout reip. videbitur expedire. Heic fallitur Hobbesius, cum tradit, congregatos si discesserint, non constituto prius loco & tempore secuturi conventus, abire in dissolutam multitudinem; siquidem hoc intelligatur de illis, qui jam civitatem perfectam, rege electo, constituerunt, non de his, qui in civitate adhuc constituenda sunt occupati. Nam qui congregantur civitatis formandæ causâ, & discedunt non indicto in futurum conventu, illos manifestum est re penitus infecta dissolvi, adeoque singulos in priori statu permanere. At qui semel in perfectam civitatem coaluere, regi; se subjecerunt, cum fortunarum suarum sedem in ista fixerint, non possunt præsumi tam fuisse focordes, ut cum rege defuncto novellam civitatem extinguere, & in naturalem statum atque anarchiam voluerint abire, non citra stabilitæ jam salutis periculum. Igitur ubi in regem non collatum fuit imperium hæreditario jure, aut ut ipse pro lubitu de successore statueret; saltem tacite inter*

inter ipsos conventum intelligitur, ut statim à morte regis conveniant, idque eo loco, ubi alias conventus celebrari moris erat, aut ubi rex domicilium fixerat. Nec facile deerunt in aliquo populo cives eximii, qui tantisper autoritate sua reliquos contineant, & ad quamprimum consulendum reip. impellant. Ex hisce quoque perspicuum est, quousque admitti possit illud *Hobbes. Leviath. c. 21.* Quando monarcha pro se & liberis suis regnum reliquit, eique renunciat, subditi ad absolutam & naturalem libertatem revertuntur. Id enim hautquaquam in eo sensu verum est, quod isti in dissolutam plane multitudinem abeant, sed quod absolutum recipiant jus de statu suo denuo disponendi.

§. 2. Sed nec probari potest, quod *Idem d. l.* tradit: *Si populus ab electione monarcha temporarii, (i. e. in quem ad tempus vitæ imperium est collatum,) ita discesserit, ut decretum prius factum sit de consentiendo ad diem & locum certum post mortem ejus: tunc mortuo monarcha consolidatur imperium in populo, nullo novo actu civium, sed jure priore. Toto enim medio tempore summum imperium, ut dominium, in populo erat usus autem seu exercitium ejus tantum in monarcha temporario, usufructuario.* Enimvero isthanc sententiam oppido quam periculosam arbitramur omnibus monarchis, qui libera populi voluntate sunt constituti, & qui certis legibus, quas vocant, fundamentalibus sunt adstricti. Præsertim cum, si licuit illi temporarium vocare monarcham, qui  
ad tem-

ad tempus vitæ constituitur, etiam illi, tali nomine notari queant, qui imperium acceperunt in familia duntaxat sua continuandum, & cum eadem extinguendum. Equidem *Grot. de J. B. P. l. 1. c. 3. §. 11.* itidem utitur vocabulo usufructuarii. Verum non dicit, reges, qui constituuntur voluntate populi, habere duntaxat usumfructum summi imperii, aut imperium non esse ipsorum, sed populi, ipsosque alienæ potestatis gerere administrationem. Sed ista locutione modum habendi imperium duntaxat imminutum innuit, dum non, sicut qui regna sua in patrimonio habere dicuntur, regnum possunt alienare, & pro lubitu in quemvis transferre. Ultra hoc tertium qui comparisonem usufructuarii heic extendere, periculosus sese consecutionibus necessario irretiet. Cum enim dominium in se jus sit nobilius, quam ususfructus temporarius, ex *Hobbesii* sententia facile liceret concludere; populum rege esse superiorem, & hunc ab illo in ordinem posse redigi, si ad ipsius placidum regnum non administraverit. Quam ob causam rejicienda quoque sunt, quæ traduntur *Leviath. c. 19.* quod electivi reges non habeant summam potestatem. Item, qui habet potestatem rege defuncto successorem constituendi, illum summam quoque potestatem obtinere rege vivo; cum quis non possit alteri dare, quod ipse non habeat. Enimvero uti minus periculi ab interregnis imminet illis regnis, quæ in antecessum circa istum eventum disposuerunt; ita ad ipsam vim imperii in subje-



subjectos parum interest, quid circa casum interregni sit in aliquo regno constitutum. Nam & ubi heic nihil fuerit provisum, cives addictissime possunt parere, & ab omni reip. cura eosdem excludi nihil prohibet, nec de nova reip. forma, aut successore, rege vivo, agitare licebit. Ex eo autem, quod rex electitius successorem sibi pro arbitrio eligere nequeat, non sequitur; ipsi usumfructum duntaxat, & non dominium velut imperii competere, ipsumque rei alienæ esse administratorem. Nam ut ad aliquem redeat potestas prospiciendi suæ salutis, & gubernandi suas actiones ex proprio iudicio, (quæ potestas tantisper penes alium fuit,) non necessarium est imperium ira velut divelli, ut penes hunc ejusdem *κτῆσις* remaneat, *χρῆσις* duntaxat in alterum transferatur; cum extincto eo, cui etiam absolutum in aliquem imperium competeat, naturalis libertas ultro velut reviviscat. Quis enim v. g. patri *χρῆσιν* duntaxat imperii attribuire velit, ideo quod ipso mortuo liberi sui juris evadant; aut domino *χρῆσιν* imperii herilis ideo, quod servus ipso citra omnem heredem mortuo in libertatem abeat?

§. 12. Consequens est ut consideremus casus, ex quibus ad interregna devolvuntur monarchiæ. Isti casus emergunt populo vel volente vel nolente. Prius contingit in regnis electitiis, seu quando populus singulos reges peculiari electione voluit sibi adsciscere. Heic enim, quo minus veteri rege superflite electio susciperetur, non una potuit:

potuit causa subesse. Scilicet vix dabitur rex, tam ab omnibus affectibus aut necessitudinibus remotus, ut non habeat aliquem, cui præ reliquis regnum relinquere exoptet. Quod si igitur ipso vivo comitiis præsidente electio instituatur, facillimum est autoritate, gratia, ac nonnunquam terrore candidatum suum sublevare. Ita fiet, ut ubi tantus suffragator in diversum à populo nitatur, electio non sit satis libera, populoque juris eligendi gratia aut emolumentum intercipiatur. Deinde ut plurimum in regnis electitiis cives adversus flagitia dominationis, & ut ad genium populi regionisque resp. gereretur, sibi caverant legibus, in quas recentes adsciscere reges mos est. Hæ aliquando per pravam adulatorum suggestionem, aut ferociam regis, cujusvis vinculi impatientis, aperte solent perrumpi, aut callidis interpretationibus eludi. Cui malo tempore interregni obviam iri potest, abolitis contra conventiona introductis abusibus, & obstructis effugiis. conf. *1. Reg. XII. 4. seqq.* Sæpenumero quoque, quod male resp. geratur, in culpa est non tam rex, quam pravi ipsius ministri. Quos per interregnum, à præsidio regiae autoritatis destitutos, ad reddendas rationes licebit adigere, add *Diodor. Sicul. l. 1. c. 72. Tacit. H. IV. 42.*

§. 13. Invito populo existunt interregna, primo quando familia, in quam imperium jure hereditario fuit collatum: extinguitur. Nam etsi nulla particularis familia sibi æternitatem spondere potest: tamen ubi populus alicui imperium com-

committit, in familia ipsius continuandum, quamvis durationem isti non invidet, neque interregnum illud tanquam reformando suo statui idoneum ulcro procuravit. Deinde ad interregnum aliquando res redit, quando inter duos pluresve controversia oritur, utrius ad regnum jus sit potius, & casus emergens in legibus regni non satis liquido est definitus. Porro cum ad arma non sit decurrendum, nisi ubi causa est liquida, & alia via nostrum jus obtinere non possumus; inde non ignobilis oritur quaestio; quisnam in controversiis circa successionem in regnis non patrimonialibus sit idoneus iudex? Ubi illud initio certum est, indolem ejusmodi controversiarum non ferre, ut per modum jurisdictionis seu pro imperio decendantur, adeoque illas disceptandas esse modo inter eos recepto, qui in naturali libertate nullius jurisdictioni subiecti degunt. Quem in sensum est etiam explicandus *Grotius l. 2. c. 7. §. 27.* In naturali autem statu invicem vivere dicuntur illi, quorum unus alteri non paret aut imperat, & qui communem dominum non agnoscunt. Ac licet qui inter se litigant, quamdiu litigant, fortasse alicujus imperio subesse possint; ipsa tamen causa talis est, ut sententiam, tanquam a superiore profectam; non admittat. Extra illum populum, de cujus imperio ambigitur, nemo potest se ferre iudicem. Neque ipse rex, si ipso vivo ea controversia agitari coeperit, competens erit iudex: quippe cum in ejusmodi regnis praesupponatur, populum habendi imperii

modum sibi reservasse, regi que hautquidquam submisisse. In regnis autem patrimonialibus sine dubio amplior heic regi potestas competit. Inde cum Persarum reges eo modo regnum abs se teneri videantur credidisse, utpote à Cyro conditum : inter filios Darii exortam litem ipse pater decedit, ap. *Herod. Polymnia*. quanquam *Justin. l. 2. c. 10.* eandem à fratribus ad Artaphernem; *Secuti ad domesticum Judicem* delatam referat. Id quod & inter Arsidam atque Cyrum pater fecit apud *Plutarch. Artaxerxe.*

§. 14. Sed quod ne populi quidem sit tales controversias pro imperio definire asseri potest, non quidem ex illa ratione, quam assert *Grotius d. l.* quia populus à se in regem & regiam familiam omnem jurisdictionem transtulerit, neque ea durante aliquas habeat ejusdem reliquias. Nam causa successionis non pertinet ad objectum ejus jurisdictionis, quæ à populo in regem fuit collata : & exorto interregno jurisdictio saltem temporaria populo denegari non potest. Verum ratio ejus assertionis ex natura istarum controversiarum est petenda. Potestas enim judiciaria exercetur in subiectos cum hoc effectu, ut omninò teneantur in sententia lata acquiescere, & si nolint, pro imperio possint adigi; idque quia subjectionis civilis pars est, decisionem controversiarum, quæ sibi cum aliis civibus intercedunt, imperanti submittere. Atqui si omnes casus ejusmodi litium circa successionem, quantum quidem nobis occurrit, expendamus, patebit, nul-

lum ita esse comparatum,, ut pro imperio possit a populo decidi, sicuti civium lites à communi iudice solent. Si enim regi, qui volente populo possessionem regni adprehendit, post alius quidam è familia regia litem intendat, quasi propiori gradu regnum ad ipsum spectet; neque petitor populum poterit iudicem agnoscere, quippe cui iudicium suum, dum semel legitimum regem ipsum agnovit, est tuendum; & qui semel summum fastigium insedit, haut quidquam sese illorum arbitrio submittet, qui se ipsi subjecerunt. Multo minus populus competens iudex habebitur, si quis regni hæredem se venditet, quem ipse agnoscere detrectat. Quod si autem solio vacante duo sese competitores offerant, super potiori jure ambigentes, & populus sit paratus illum agnoscere regem, qui præ altero regnum sibi deberi demonstraverit; iudicio proprie dicto, & quali causæ subjectorum in civitatibus expediuntur, opus non est. Nam vel contròvertitur duntaxat, quoto gradu uterque velut à solio distet; vel dubitatur, utrius gradus sit potior. In priori quæstione facti litigantium erit prosapiam suam liquido deducere; ubi victoria ab illo stabit, cujus deductio populo clarissima fuerit visa. Quanquam autem iudicium populi heic ad victoriam momentum adfert; non tamen sententia feretur velut pro tribunali à iudice in sibi subjectos, sed per modum nudæ adprobationis; quomodo debitor ad solvendum paratus non nisi instrumenta sui creditoris recognoscere cupit. Quod si dubitatur, qui gradus, aut quæ linea sit

-potior,

potior, declarata voluntas populi finem liti imponet; cum quilibet quid agere voluerit, intelligere præsumatur; populus autem, qui nunc est, idem censeatur esse cum eo, abs quo successionis ordo est ab initio constitutus. Celeberrimum exemplum est in controversia Eduardi regis Angliæ contra Philippum Valesium, quæ coram ordinibus Franciæ disceptata fuit. vid. *Bussieres histor. Franc. l. 10. ab init. & Polydor. Vergil. histor. Angl. l. 19. ab init.* Quamquam & ejusmodi declaratio non magis naturam habet sententiæ judiciariæ, quam si donator obscura aut ambigua sua verba interpretatus fuerit. Ubi aliquis competitorum quæritur, studia populi magis in alterum quam in ipsum propendere, proximum fuerit ad arbitros rem deferre, neutri partium addictos, & quorum nihil intersit, hic an iste rerum potiat. Quia tamen ejusmodi controversiæ sæpissimè atrocibus bellis solent transigi, igitur omnibus regnis expedit, quam planissimè descriptam habere successionis seriem, ac in antecessum expressè definire controversias ancipiti disceptationi obnoxias. Quas inter est v.g. an filius, qui primus fuit natus patre regnum adeptus, sit præferendus fratri natu majori, sed in privata fortuna genito? vid. *Grot. l. 2. c. 7. §. 28. Arnif. relect. polit. l. 2. c. 2. sect. II. Petr. Gregor. de rep. l. 7. c. 9. Hotomann. quæst. illustr. 2. Guicciardin. hist. l. 1. p. m. 14.* Filius primogeniti ante patrem defuncti an sit patruo præferendus? vid. *Grotium d. l. §. 30. Arnif. d. l. sect. 10. Petr. Gregor. d. l. c. 10. Hotom. quæst. illustr. 3. Pandul-*

*dulfus Collenutius rerum Neapolit. l. V. p. m. 346.*  
 An fœminæ in univerſum à regnis excludendæ?  
 vid. *Arnif. d. l. ſect. 12.* An in regno ſucceſſio ſim-  
 plex hereditaria, an verò linealis fit conſtituenda?  
 Expendatur controverſia Luſitanica ap. *Conneſſag-  
 gium l. 3. & 4. de Unione Luſitan. & Caſtil.* ubi lu-  
 culenter quoque facieſturbulenti interregni de-  
 pingitur. An ad regnum fit admittendus in defe-  
 ctu legitimorum liberorum, qui extra matrimo-  
 nium eſt genitus? vid. *Id. ibid. Arnif. d. l. ſect. 13.*  
*Liſius l. 39. c. 53. Juſtin. l. 36. c. 2. & ſi quæ ſunt*  
*aliæ.*

§. 15. Exoritur quoque aliqua ſpecies interre-  
 gni in regnis ſucceſſivis, quando rex decedit, reli-  
 cta uxore prægnante, aut quam ſaltem prægnan-  
 tem ſuſpicatur. Equidem ex conſenſu plurima-  
 rum gentium in illos quoque, qui adhuc in utero  
 exiſtunt, juſ aliquod transferri poteſt, adeoque ii-  
 dem juſis quoad *πῆσιν* capaces ſunt. Exiſtente  
 autem ſubjecto proprio ſummi imperii interre-  
 gnum non datur. Unde neque minorennitas re-  
 gis, neque captivitas interregnum proprie dictum  
 facit. Eſſi captivi ſæpe à cognatis tanquam mor-  
 tui fuerunt habiti, cum potius regnum ipſorum  
 nomine tantisper debuiſſet adminiſtrari, quous-  
 que poſtliminio revertiſſent, aut in captivitate  
 obiiſſent. vid. *Juſtin. l. 36. c. 1. Trebell. Pollio in Gal-  
 lieno.* Partu autem regio nondum edito non ſatis  
 conſtat; vivus an mortuus ſit fœtus in lucem præ-  
 dicturus; & ubi à regno fœminæ excluduntur, mas  
 an fœmina ſit futura proles poſthuma. Quousque  
 ergo

ergo de ea re liquido confliterit, populus haut-  
quidquam jura illa, quæ in pleno interregno, nan-  
ciscitur; sed regnum interea erit administrandum  
eo modo, quo alias per minorennitatem regis so-  
let. vid. *Serranus inuentar. gener. hist. Franc. in  
Philippo Valesio ab init.* Et si quam periculosus sit  
ejusmodi nondum natorum status inter proceres  
enormi potentia, & exercitum corrumpi facilem,  
colligi potest ex iis, quæ habentur apud *Cur-  
tium l. 10. c. 6.*

§. 16. Denique ad interregnum aliquo modo  
accedit misera illa regnorum conditio, quando  
vel per dolum quis pro vero se regni herede ven-  
ditans ad solium adrepat; qualis erat Magus post  
mortem Cambyfis ap. *Herod. Thalia & Justin. l. 1. c. 9.*  
& Alexander ille ap. *Eund. l. 35.*; vel quando legi-  
timus rex ab invasore intestino per vim injustam  
regno ita sit depulsus, ut iste adversus cives regis  
munia obire nequeat; & tamen juri suo ad re-  
gnum nondum renunciaverit, sed circa recupe-  
randam ejusdem possessionem adhuc sit sollicitus.  
Heic cui jure competit imperium id exercere, ne-  
quit; qui idem actu exercet, legitima potestate  
destituitur. Sic ut ejusmodi regnum rege or-  
bum videri possit, quatenus vocabulum regis le-  
gitimam potestatem includit, quæ dum sese actu  
nequit exserere, tantisper sopita videtur. vid.  
*Grot. l. 2. cap. 16. §. 18.* Quo loco ardua valde  
quæstio oritur; qualis ejusmodi casu civium sit  
obligatio tam adversus expulsam legitimam re-  
gem, quam adversus injustum invasorem, qui so-



lium actu obtinet? Nam quamdiu iste jus suum non habet pro derelicto, aut eidem expresse renunciat, aut pacto inito invasorem pro legitimo principe agnoscit, non adparet, quomodo cives possint exsolvi à fide tam sancte ipsi data. Et tamen invasor sæpe à nolentibus fidem extorquet, & in præsens munia regis obit. Atqui quomodo quis simul fidem præstare queat duobus, in mutuum exitium imminentibus? Neque vero civium pactum, & fides invasori data legitimi regis jus atque prætensionem videtur tollere posse. Non magis quam jus domini extinguitur per pactum coloni, quod cum prædone avertendis à prædio ipsius vexationibus inait. Nam longe diversus est casus, quando in populo libero, & ubi nemini uni jus ad imperium fuit quæsitum, ei, qui ab initio per malas artes imperium arripuit, postea à populo tanquam legitimo principi fides datur. Heic enim per subsequentem populi consensum vitium tituli utcunque purgari, adeoque tali à populo deinceps non posse obsequium denegari etiam illi agnoscunt, qui aliàs professum adversus monarchas odium ostendant. *Grotii mens est l. 1. c. 4. §. 15. Invasoris dum possidet actus imperii, quos exercet, vim habere posse obligandi non ex ipsius jure, quod nullum est, sed ex eo, quod probabile omnino sit, eum qui jus imperandi habet, malle interim rata esse qua imperat, quam legibus judicisq; sublati summam induci confusionem.* add. *Idem l. 2. c. 6. §. 5.* Et sane omnino præsumendum, quemlibet principem ea humanitate esse, ut malit cives suos

suos quocumq; modo servari; quam dum nequidquam fato obluantur, & à viribus destitutum affectum intempestive ostentant, nullo cum fructu perire. *conf. 2. Samuel. XV. 25. 26. 1. Reg. III. 26.* Vix igitur adparet, quid magis probabile heic dici possit, quam hoc; si legitimus princeps in talem sit conjectus statum, ut neque ipse quam debet defensionem civibus suis præstare queat, neque tantæ sint civium vires, ut in valori citra præsens exitium valeant resistere; præsumi principem expulsum tantisper civibus remisisse obligationem ergæ se, quoad fata ipsi vitam ad regnum iterum pandant, & quidem in quantum id ad conservationem ipsorum, & declinandis periculis est necessarium. Et hætenus quoque duntaxat fides, quam in vafori cives dederunt, stringere videtur; ut illa sit velut temporaria, expirans ubi expulso sit facultas regnum suum recuperandi, quæque non tam intrinsicæ conscientiæ necessitate, quam præsentî metu contineatur. add *Grot. l. 3. c. 7. §. 6.* ubi si admittitur jûs & dominium extremum, non video, quare non etiam aliqua obligatio externa, quæ conscientiam non tangit, admitti queat. *vid. 3. Reg. XI. 2. Paralip. XXIII.* ad quem locum recte notat *Hobbes Leviath. c. 44.* Athalias fuisse regno dejectam, non ex jure, quod sacerdos ut talis habebat, sed ex jure regis pueri.

§. 17. Ex hisce etiam intelligi potest, quid sentiendum sit de eo, quod *Hobbes. Leviath. conclus.* inter causas intrinsece civitatem dissolventes refert, quod omnes reges velint justificare illud bel-

lum, quo ab initio ipsorum imperium fuit constitutum. Quasi ex eo non solum ipsorum possessio, sed etiam jus dependeat. Cum potius sufficere illis debeat, victos futuras suas actiones victoribus submisisse; supervacuum autem & noxium esse, quod hi ab istis velint exigere, ut omnes eorundem antegressas actiones adprobent. Ubi enim quis justitiam sui belli victis persuadere nequeat, eo ipso eundem obligationem horum erga se convellere, & rebelliones contra ipsum excitatas, quas felix eventus consequitur, justas declarare. Enimvero nobis certum videtur, per solam vim injustam non posse alicui solidum jus quæri, & cui ex adversum obligatio conscientiam stringens respondeat, nisi vitium acquisitionis purgatum fuerit per accedentem post novam causam, quæ per se jus parere idonea est. Qualis ex parte expulsi regis est cum victore transactio, aut derelictio; ex parte populi victi in novo imperio velut ultronea adquisitio; quæ eo facilius præsumitur, quando antiquus rex juri suo renunciavit, an ipse hæredesque non amplius supersunt. Et vero quantopere sua interesse judicent, qui recens regnum aliquod occupaverunt, non extare, qui antiquius ad id jus possint prætendere, infinita exempla docent. vid. 1. *Reg. XV. 29. XVI. 12. 2. Reg. X. 11. Tacit. H. IV. 11. 4. 11. 48. 6. Sæton. Domitian. c. 10.* Quod enim *Franc. Carron. & Bern. Varenus in descript. Japponia* tradunt de Japponensium Imperatore, qui Dayrum, legitimum regni hæredem, non solum incolumem patitur & magna veneratione pro-

prosequitur, id fortasse ex singulari quadam superstitione dependet, quam à plurimis nationibus nequidquam expectaveris. Caterum extincto ejusmodi invasore, ubi interea veri regis jus saluum permansit, sine dubio populus eundem in regnum revocare tenetur. Sed & ubi libera civitas nolens volens sub imperium unius, qui militari manu succinctus fuit, concessit, eo sublato antiquam libertatem recte sibi vindicare potest; ut ut miles de facto sibi arrogaverit licentiam principes constituendi. Ubi enim miles non ex obligatione omnibus civibus communi ad arma pro patria gerenda vocatur, sed stipendio invitatus ultro se conduci patitur, minister tantum est civitatis, neque ullo modo de statu reip. disponendi potestatem sibi sumere potest. Quo sensu capiendum est illud *Grotii* l. 2 c. 9. §. 11. *in vago nomine legionum jus certum eligendi imperatorem esse non poterat.* Unde arbitramur recte senatum Romanum extinctis imperatoribus antiquum sibi jus assertum ivisse; etsi, quod miles uni parere mallet, vano successu. vid. *Sveton. Claud. c. 10. Joseph. antiq. Judaic. l. 19. c. 2. 3. Fl. Vopisc. in Tacito ab init. Jul. Capitolin. in Gordiano tertio, & Maximo & Balbino.* Huc facit, quod cum exercitus Germanicus Galbam imperatorem fastidiret, *ne reverentiam imperii exuisse videretur, in S. P. Q. R. oblitterata jam nomina sacramentum advocavit.* Etsi quæ mens fuerit militum, mox apparuit, dum in Vitellium concedit; ut recte *Tacit. H. l. 1. 57.* dicat: *scires illum exercitum priore biduo non penes remp fuisse.*

§. 18. Dispiciendum jam est de commodis & incommodis per interregna provenientius. Et quidem de commodis valde sterilis est materia. Causæ, quæ moverunt populos, ut non nisi interregni tempore electionem novi regis vellent suscipere, superius sunt expostæ. Ubi invito populo interregnum emergit, magni commodi loco est habendum, si exinde civitas quam minime concutitur. Ex accidenti tamen interdum alicui regno utile fuit, familiam regnatricem fuisse extinctam, quando vel illa in degeneres planè mores abiit, ubi egregio principi adsciscendo locus est factus; vel copia præbetur eligendo diviti principi, cujus opes cum civitate ista junctæ possint eadem insigni incrementum afferre. Sicuti Polonia quondam magnum emolumentum attulit, quod per Jagellonem eidem Lithuania conjungeretur.

§. 19. Enimverò incommodorum ex interregnis provenientium uberrima datur seges. Ad quæ in universum perspicienda videtur facere illa lex Persarum, de qua est ap. *Stobæum serm. 42.* ubi rege mortuo per quinque dies *ἀνομία* foret, ut intelligeretur, quanti rex & lex essent. Illustri quoque exemplo mala interregnorum repræsentat Germania, cujus miseram faciem sub magno illo interregno inter alios depingit *Lehman. Chron. Spirens. l. 5. cap. 25.* Et quidem periculosissimus ferè status est interregnorum, ubi in antecessum non fuit constitutum, per quos interea vicaria debeat exerceri potestas. Quanquam enim fides de non turbando tempore interregni primogenio civitatum pacto

pacto inesse videatur; notum tamen est, quanto opere in dissolutam licentiam ingenium mortalium ruat, ubi præsens metus ab imperio legitimo imminens abfuerit. Inde incommoda illa, quæ plerunque democratas comitantur ab *Hobbes. cap. 10. §. 10. seqq.* enumerata, eò gravius interregna infestant, quo propius hæc ad naturalem libertatem accedunt. Ubi porro debile à legibus velut sopitis præsidium in propriis cuique viribus incolumitatis spes collocatur; quam proximum est per factiones firmari. Quæ sæpè, ubi diuturnum fuerit interregnum, tam altas radices agunt, ut postea à novo rege tolli nequeant, & sic non exiguo morbo in rep. fomitem præbeant. Sed & sæpe contingit, ut ipsa electio novi regis magnis moribus occasionem præbeat, per ambitum aut largitiones grassantibus candidatis, & proceribus populoque studiis in diverso inlinantibus, sic ut interdum comitia in atrocissimas acies desinant. Et frequentissimum alias est, ut magna hominum multitudo, quam frenum sat validum non coercet, etiam levibus de causis in gravissimos motus intumescat. Quo facit illud *Taciti H. II. 10: In civitate discordi, & ob crebras principum mutationes inter libertatem ac licentiam incerta, parva quoque res magnis motibus agebantur.* Istæc mala eo acrius fere civitati solent incumbere, quando familia, quæ diu rerum potita est, definit. Ubi eo fervidior tam vicinorum quam procerum indigenarum ambitio accenditur, quo magis in medio velut palma videtur exposita. vid *Pastorii Flo-*

*rus Polonicus l. 4. ab. init.* Sic ut sæpe ultimis suarum stirpium celebres nimis fiant ἀγῶνες Πυρρῶν. Quales sibi exhibitum iri Alexandro M. non falso animus præſagiebat, dum incerto, aut non ſatis capaci tantæ moli ſucceſſore decedit. Et quid aliud expectari poterat, ſtante exercitu validiſſimo, opinione inviſtæ virtutis ferociſſimo, & cujus avaritiam magnitudo prædæ non tam ſatiaverat, quam irritaverat; quippe inſuper bello civili duces ſibi obitoxios, ac libidini ipſius haudquidquam obviam ituros videbat. Procerum autem quo ſpectatior magnitudo, eo acrior cupido ſummum ſaſtigium invadendi, quam juſtus heres coercere hauſquidquam poterat. Et cum nemo unus tantopere emereret, ut reliquos omnes poſſet opprimere, nihil aliud ſupererat, quam ferro rem cernere; ut demum Alexander ſucceſſorem nanciſceretur ὁ ἀγῶν, id eſt, qui bello ſuperior fuſſet. Sicuti Pyrrhus à filiorum uno interrogatus, cui regnum relinqueret, reſpondit; *ei qui veſtrum gladium acutiſſimum habuerit. Plutarch. in Pyrrho.* Expendantur motus animorum, qui deſuncto Alexandro tam militum, quam procerum animos agitarunt. ap. *Curtium l. X. cap. 5. & Juſtin. l. XIII. c. 1. 2.* Quanquam & hoc periculoſior erat ſtatus poſt Alexandrum M.; quod tanta moles, quam iſte victoria complexus fuerat, nondum ſatis coaluerat, & Tros Tyriusque magno adhuc discrimine habebatur. Quæ res etiam ſtatum urbis Romanæ poſt exceſſum Romuli valde reddebat  
lubri-

lubricum. vid. *Liv. l. 1. c. 17. Plutarch. Numa. Dionys. Halicarn. l. 2.* Quæ cum ita sint, tantum non miraculi instar habere, videtur interregnum post Aurelianum Cæsarem, de quo est ap. *F. Vopiscum in Tacito ab init.*

§. 20. Superest ut dispiciamus, tum quæ prohibent, ne interregna existant, tum quæ, faciunt ad eorundem sponte populi aut eo nolente existentium reprimenda incommoda. Ut familia regnatricis non extinguatur, penes cives non est præstare, quod si tamen familia ad unum, cui nulla amplius prolis spes, sit redacta, declinari interregnum poterit designato successore, dum rex adhuc superstes est. Quanquam hoc invito ejusmodi comitia haberi posse vix crediderim. Potest tamen populus malle rem redire ad interregnum, si vel formæ monarchicæ fuerit perturbatum, vel abusus quidam prioris regiminis videantur abrogandi, aut in certas leges novus rex adigendus. Et in universum, quibus per electionem deferre regnum placeat, cavere debent, ne vivo rege successor designetur, saltem qui isti sit conjunctus, quique mox in possessionem & administrationem regni admittatur. vid. *Arnif. relect. polit. l. 2. c. 2. sect. 4. num. 49.* Ne super successione controversia moveatur, prohiberi potest conscripta lege liquida, notatisque præcipuis casibus, qui ancipitem habere disceptationem videntur. Ne posthumus sit expectandus præstare quidem non est penes populum. Quod si tamen stirps regnatricis ad unum redacta fuerit, consultum erit ipsius nuptias matura-



rari; neque permittendum, ut idem in periculo-  
sam aliquam expeditionem proficiscatur, nisi pro-  
le antea suscepta. Quod dum facere neglexit A-  
lexander, domui suæ pessime consuluit. vid. *Dio-*  
*dor. Sicul. l. 17. c. 16.* Huc facit lex Persarum, qua  
non licebat regi in expeditionem ire, nisi declara-  
to regni succellore, ap. *Herod. Polymnia. add. Arnif.*  
*d. l. num. 99.* Invasori denique [avertendo] maxime  
facit, si & rex & populus officium suum religiose  
obeant; & ille cum primis caveat, ne apud suos in  
contemptum incurrat, neve factiones inter cives  
coalescant, aut unus & alter è proceribus enor-  
mem potentiam colligat. Add. *Paulus Piasecius*  
*ad an. 1632. p. m. 526. seqq.*

§. 21. Ast ubi interregnum volente populo pro-  
venit, ne inde civitas nimis convellatur, utilissi-  
mum fuerit in antecessum esse constitutos, penes  
quos interim sit vicaria reip. administratio. Nam  
quod recte monet *Bodin. de rep. l. VI. c. 5.* si de-  
mum in interregno creandus sit moderator comi-  
tiorum ac reipub. procurator, non minor in hoc  
quam in ipso rege oboriri potest difficultas. Sed &  
præstare videtur, ut plures potius sint vicarii,  
quam unus, ne si iste militari præsidio sit stipatus,  
vel invito populo imperium retineat. Quod ta-  
men *Bodin. d. l.* in hujus rei exemplum adducit  
Gustavum I. id oppido quam imperitum est. add.  
*Arnif. relict. polist. l. 2. c. 2. sect. 4. n. 83.* Ad eun-  
dem finem facit, vicariorum potestatem ad certos  
duntaxat actus, quos proprio arbitrio expedire  
queant, restringere, ut sunt quotidiana negotia

ac mo-

ac moram non admittentia; quæ summam rerum spectant, cum consensu omnium decernantur. Expendatur quoque potestas Vicariorum S. R. Imperii in *Aurea Bulla tit. V.* & quare collatio feudorum Principum sit ipsis expresse adempta. Tutius tamen *Arnifans d. l.* judicat, si administratio vacantis reip. ad senatum universum recidat, ejusque autoritate, lege regni perpetua committatur duobus pluribusve principibus, qui se mutuo metu intra limites justitiæ contineant. Per interregnum maxima cura prospiciendum, ut audaces homines compescantur, & ne ulla factio possit coalescere. Huc facit etiam lex Polonorum ut pœnæ, quæ à legibus irrogantur, interregno duplicentur. *Bodin. d. l.* Tum quantum fieri potest, exiguo tempore finiatur interregnum, novo rege, aut alia reip. forma constituta. Adeoque comitia imperii mature indicenda, & citra necessitatem non diu extrahenda. Quo collimat *Aurea Bulla tit. 2.* ut ubi ab Electoribus post præstitum juramentum intra 30. dies Imperator non fuerit electus, panem modo manducent, & aquam bibant. Id quod tamen austeritatem prisci seculi sapit. Eidem fini introductum in ecclesia Romana conclave, de quo præter alios vid. *Historia electionis Urbani VIII. & Innocentii X.* edente *Conringio*, & quæ ibidem sunt adjunctæ super conclavi constitutiones. Comitiam quoque præ se ferant faciem potius coetus togati, quam exercitus, neque in iisdem miles peculiare & distinctum à reliquis civibus corpus constituat. Tempore autem inter-

regni miles si quis est perpetuus, divisus per regnum habetur, neque ut in unum coire possit locum concedatur. Quamquam in universum circa militem perpetuum sit observandum, ut non nisi per expeditionem contrahatur, reliquis temporibus quantum potest spargatur. Denique si dissidii quid oboriri contingat, omnibus, qui momentum aliquod in rep. faciunt, incumbit, ocyus ad incendii initia accurrere, ne dum otiosos spectatores velut alienarum turbarum agunt, malum alant. Dum enim omnes boni simul conspirant ad succurrendum reip., malorum audacia frangitur, quam, ubi à mora vires traxerit, frustra convellere nitaris: & vel præstat celeri pugna defungi, quam per minutos & lentos ictus lacerari. Quo portinet decantata illa Solonis lex, quæ cum in seditione, qui fuisset neutram partem secutus, infamia notat. *Vult enim neminem non permoereri, vel sentire, rebus in tuto collocatis suis, incommoda publica, neque eo se venditare, quod patria dolore vel morbo non tangatur, sed ut illico partibus se melioribus & justioribus associet, cumque his periculo offerant se potius & succurrant iis, quam operiantur ex tuto, unde stet victoria.* Plutarch. Solone. Qui tamen, de sera Numinis vindicta eam legem vocat *ἡ δὲ λογιστικὴ*, p. m. 550. B. add. *Idem præcept. resp. gerendæ p. m. 823. 824. Vid. quoque Gellius l. 2. c. 12. & Bodinus de republ. l. 4. c. ult. p. m. 760,*

DE  
REPUBLICA IRRE-  
GULARI.

## §. I.

**Q**uanquam plerique, qui res naturales, aut hominum industria arbitrio inventas & institutas contemplantur, circa id quam maxime soleant esse solliciti, quod in quovis genere est perfectissimum; cum semper manca habeatur scientia, quæ nondum genuinam & plenam objecti sui constitutionem sit complexa: non tamen ideo spernendum est eorum studium, qui defectus quoque rerum, & quæ velut ab primaria sua idea discedere soleant, curatius observant. Cum enim plurima, naturæ aut artis opera infra absolutam perfectionem subsistant, horum quoque indoles à nobis debet intelligi, siquidem illas usibus nostris utcumque velimus adplicare. Nec vitium aut aberrationem emendare norit, qui non intellexerit, quousque à rectitudine quodlibet abfuerit. Ne longe abeamus, in exemplum abunde poterit sufficere nobilissimum inter humana instituta civitas. Illa quibus legibus sit informanda, ut numeris omnibus absoluta, & producendæ civium felicitati maxime idonea reddatur, multi operose inquisiverunt, ingenio magis ostentando, quam, quod mortalium mores ad tam accuratas fingi regulas queant. Sed & quæ structura regulares civitates consent, passim traditur.

Neque

Neque minus tamen utile fuerit considerasse civitatum aberrationes; & si qua forte occurrerit res, quæ disparem planè a reliquis faciem induerit, æque curiose rimanda, ac naturæ scrutatores inusitatas animalium, plantarumque aut lapidum formas solent. Unde & nobis jam in argumentum dissertationis Academicae, qua isthoc exercitii genus in nova hacce Carolina auspicaremur, placuit Respublica Irregularis; idque eo magis, quod quæ ab eruditis operose heic disceptantur, non usque quaque ad liquidum videntur deducta. Veritatem investigare unicè nobis propositum. Et uti in gratiam alterius sententiam, quam falsam judicaveris, propugnare mercenarium est; ita abjecti fuerit, & libertatis philosophicæ favorem ignorantis, solo contradicentium numero terreri. Quod si conviciis & maledictis rem agere quis instituat, observandum erit illud ap. *Marcum Antoninum* l. 6. §. 6. ἀριστος τρόπος τὸ ἀμυνέσθαι, τὸ μὴ ἐξομοιᾶσθαι. *Optimus injuriam ulciscendi modus est, inferenti ne sis similis.*

§. 2. Civitatis igitur proprie dictæ natura uti in unione sub uno summo imperio consistit; ita tres dari ipsius species regulares, monarchiam, aristocratiam & democratiam, tralatitium est. Singulæ vel integra velut sanitate gaudere, vel morbo vitiove gravi aut levi laborare intelliguntur. Sanam monarchiam illam dicemus, ubi rex quidem fidelem populi sui curam agit, disciplinamque & leges ad ipsius indolem dextre attemperat, nec per  
ina-

inanem ostentationem, luxuriam, aut largitiones viribus opibusque publicis abutitur; contra autem populus facile ac promptum obsequium præstat. Optimatum resp. tunc bene se habet, quando senatus sit particeps, prout quisque virtute, ac rerum gerendarum dexteritate pollet; & ubi optimates citra respectum privati commodi, nec in factiones distracti junctis studiis bono publico invigilant; subjectis itidem prompte officium obeuntibus. Popularem civitatem laudaveris, ubi in æquabili omnium libertate omnibus pro virili resp. cordi est, & ubi bona consilia facile locum inveniunt, ac præstantissimus quisque muneribus præficitur, cæteri modeste parent. Et quæ alia sunt, ex quibus civitatum bona velut habitudo æstimatur.

§. 3. Enimverò humanarum conditio rerum non fert, ut in omnibus civitatibus ejusmodi status deprehendatur. Morborum atque vitiorum multis in rebus p. non minus, quam in singulis hominibus uberrima seges, & minimis urgeri instar felicitatis ac perfectionis habetur. Porro morborum, quibus civitates infestantur, alios videmus oriri ex malitia hominum, alios ex prava dispositione ipsius civitatis. Inde alia vocari audias vitia hominum, alia vitia status. Speciminis causa nonnulla tangemus. In regno vitium hominum est, si quem fors nascendi, aut infelicia civium suffragia folio admovent, regnandi artibus destituitur, nullaque aut exigua reip. cura tangitur, eamque pravorum ministrorum ambitioni aut avaritiæ lace-

lacerandam prostituit ; si sævitia aut iracundia idem est terribilis ; si citra necessitatem reip. in casum dare gaudet ; si quæ ad tolerandos reip. sumtus conferuntur, luxu aut per inconsultas largitiones dissipat ; si pecunias civibus extortas præter rationem accumulât ; si contumeliosus, si injustus est, & quæ sunt alia, per quæ mali nomen principis comparatur. Vitia hominum in aristocratia sunt, si per ambitionem, pravasq; artes via in senatum pateat viris improbis aut ineptis, exclusis melioribus ; si optimates factionibus distrahantur ; si plebe tanquam mancipiis uti, & bona civitatis augendo privato patrimonio intervertere studeant. In democratia vitium hominum est, si inepti homines turbulenter & importune sententias suas incongruas tueri velint ; si egregiæ virtutes per invidiam opprimantur ; si per levitatem leges temere figantur atque refigantur, & quæ modo placuerunt, mox citra rationem displiceant : si sordidi aut inepti homines rebus gerendis præficiantur. Vitium porro hominum, quod in quamvis civitatis speciem cadere potest, est, si quibus imperii administratio incumbit, officio suo negligenter aut prave fungantur, & si cives, quibus sola obsequii gloria relicta, frenum mordeant. Ast vitia status in universum dicere possis, ubi leges & instituta civitatis non sunt attemperata ad genium populi aut regionis : aut ubi eadem cives disponunt ad turbas internas, aut ad odia vicinorum incurrenda ; aut ubi eosdem reddunt ineptos ad obeundas functiones, quæ reipub. servandæ sunt

sunt necessariæ ; puta si per leges civitatis non possunt non in imbellem segnitiam resolvi, aut inidonei ad ferendam pacem reddi. Qualia plura observabit, qui singularum civitatum instituta atque indolem accurate norit expendere.

§. 4. Cæterum etsi plurimū interfit inter remp. sanam atque morbidam; non tamen ideo multiplicandæ sunt species rerump. simplicium, & singulis formis rectis una aut duæ vitiosæ tanquam species propriè dictæ sunt opponendæ. Scilicet speciem reip. simplicis propriè constituit subjectum summi imperii, prout illud est una persona physica, aut unum corpus ex paucis, aut universis civibus constans. Vicia imperantium aut parentium, aut pravitas legum peculiarem speciem non constituit; uti morbi, & membra prave conformata, non statim alios specie homines efficiunt. Per isthæc quippe vicia neque natura potestatis in se, neq; subjectum ejusdem proprium variatur. Et hætenus recte Hobbes de Civ. c. 7. §. 2. negat, *anarchiam oppositā democratiæ, oligarchiam aristocratiæ, tyrannidem monarchiæ esse tres alias species civitatis*. Et in *Leviath.* l. 2. c. 19. *neminem puto credere, vitium regiminis novam & peculiarem speciem reip. esse*. Illud tamen non in universum, sed aliquando duntaxat verum est, quod subjungit: *anarchiam, oligarchiam & tyrannidem esse tria nomina diversa, quæ illis indidere ii, quibus vel regimen, vel regentes displicuerunt*. Solent quippe homines per nomina non res tantum sed & proprios affectus, puta amorem, odium, iram & quanti illas æstiment,



*una significare.* Scilicet quod in aliis rebus contingit, ut unus amet, abs quo alter vehementer abhorret; ita & eidem forma reipub. uni arridet, alii fastiditur. Idque non ideo tantum, quod aliqui ex una magis quam alia reip. forma utilitatem capiant; sed & ob peculiarem ingenii inclinationem. Sicut in universum probari nequeat illud *Lysia orat. 24. nemini à natura insitum esse, ut aut popularem statum, aut paucorum principatum amet; sed quicunque reip. status cuique maxime confert, hunc quemlibet conari stabilire.* Eadem sententia extat apud *Isocratem de Pace p. m. 361. in fine.* Sane superbo homines ingenio, & quibus æqualitas popularis invisa est, ubi in democratia pari omnes jure de rep. suffragia ferre vident, cum tamen in quavis fere civitate plebis maximus sit numerus, ochlocratiam id vocant, quasi dicas statum, ubi vilis turba rerum potitur, nec egrègiis viris, quales ipsi se ducunt, alia relinquitur prærogativa. Et tamen id vocabulum contemptum notans, non inmerito imponetur civitati, qualis quondam Ephes. erat, qui cum Hermodorum civitate expellerent, ita locuti sunt: *ἡμέων μὴδὲ εἰς ὀνήϊς* ☉ *ἔσω, εἰ δὲ τις τοιῶν* ☉ *ἄλλοι, μετ' ἄλλων.* Nemo de nobis unus excellat, sed si quis unus extiterit, alio in loco ☉ apud alios sit. Quos universos eo nomine morte multādos Heraclitus aiebat. *Cicero Tusculan. V. Diogen. Laert. l. 9. in Heraclito.* Sic cui dolet senatu se excludi, cum tamen aliis senatoribus inferiorem se haut quid-

quid quam arbitretur, per contemptum & invidiam  
 ὀλίγους illos vocat, quasi dicas paucos quosdam,  
 qui cum nulla re ceteros emineant, in pares tamen  
 aut meliores imperium exercent. Sic gentes ere-  
 ctiores juxta ac teneriores indole heros & dominos  
 vocant reges populorum, qui strictiori sunt obse-  
 quio adfveti; cum tamen eadem specie potestas pa-  
 tria præfracto puerum ingenio asperius, tenero  
 mollius tractare siveverit. Idem judicandum de ty-  
 ranni vocabulo, quod indelebile odium comitatur  
 ex Græcorum usu, queis summa civitatum felici-  
 tas in libertate populari fere consistere judicaba-  
 tur. Unde apud *Lucianum in Phalaride* I. dicitur;  
*in universum populi non perpendentes, qualisnam*  
*ille sit, qui summa rerum præest, siue justus, siue*  
*injustus, αὐτὸ ἀπλῶς τὸ τυραννίδος ὄνομα*  
*μισῶσι, simpliciter ipsum tyrannidis nomen odio*  
*prosequuntur.* Hinc quoque *Mnemon. c. 5. de*  
*Heraclea tyrannis* apud *Photium* memorat de Dio-  
 nyfio, quarto Heracleæ tyranno: ἔτιως γὰρ εἰς  
 μέγα δόξης ἀνελθὼν, ἔτὶ τυραννον ἀπα-  
 ξιώσας, τὸ βασιλέως ἀντέλαβεν ὄνομα.  
*Sic igitur magnam gloriam adeptus, tyranni no-*  
*men dedignatus, regis assumpsit.* Scilicet quod hoc-  
 ce nominis minus invidiæ, & plus dignationis ha-  
 beret. Haftenus igitur recte *Hobbes d. l. non est,*  
*quod quis credat, formam regiminis aliam esse,*  
*quando cælibus placet, & aliam, quando displicet,*  
*aut si ab imperantibus iidem duriter habeantur.*  
 Et nemo tamen est, quin intelligat, aliquando  
 non

non immerito invidiosa ista vocabula adhiberi, ut adeo pravorum principum & procerum regimen à bonorum, turbulentæ & levis plebeculæ à modesti regimine populi ipsa appellatione discernatur. Neque ab hisce multum diversus abire videtur *Arist.* qui tyrannidem, oligarchiam & democratiam (nam sanam remp. popularem ipse πολιτικήν vocare sive vit,) παρεκβάσεις, seu aberrationes & degenerationes regni, statusque optimatum & popularis adpellat. vid. *polir. l. 3. c. 7. & 8.* Quis autem nudam παρεκβάσιν ad peculiarem speciem constituendam sufficere judicaverit? Quanquā cum vocabulum εἶδος laxius possit accipi, super eo non adeo pertinaciter litem alicui movendam putamus.

§. 5. Enimverò ubi occurrerit aliqua resp. quæ neque ad regulares sanasque referri, neque tamen discrimen, quo ab istis discedit, per nudum morbum aut παρεκβάσιν possit explicari, operosior inter eruditos oritur disquisitio. Plerique brevissimam judicant rationem hac difficultate defurgendi, si tales respp. vocent mixtas, & ex simplicibus formis velut refractis & inter se temperatis compositas. Ejusmodi mixtarum rerum. nonnulli recentiorum complures species fingunt, ut tamen plerisque tanquam incongruis rejectis, duos cum primis miscendi modos commendent. Unus est, cum partes summi imperii divisim & independentes sunt penes diversas personas, & corpora ejusdem reip. ita ut singula, quam partem habent, eam suo jure obtineant, & proprio ex judicio

dicio administrent ; quod ad reliquas imperii partes subditorum instar sint. Alter, cum summum imperium, quod majestatem vocari apud multos invaluit, indivisum est penes plures uno, ut tamen neque plerique sine paucis, neque cæteri omnes sine uno dissentiente quid efficaciter statuere, partesque imperii exercere possint. Idque iterum dupliciter, vel ut omnes heic sint æquales, vel ut uni alterivè eximia quædam jura competant, quæ ipse sine cæteris exercere possit. Citantur insuper multi antiquorum, apud quos mixturam rerump. frequens est mentio. Circa quos illud monendum, plurima, quæ illi super mixtura rerump. tradunt, hautquidquam ad dividendas summi imperii partes inter diversas personas aut concilia pertinere, sed vel ad rite temperanda requisita personarum, ex quibus concilium imperans componitur, vel ad instituta diversarum rerump. probe combinanda. Deinde putaverim nonnulla mixtionum exempla commode posse explicari ope distinctionis inter ipsum imperium, & modum administrationis. Ut illæ respp. ex aliis quid admixtum habere dicantur, quarum modus administrandi ex alia reip. forma petitus videtur : puta si in civitate, ubi summa rerum est penes populum, pleraque per principem aliquem, aut senatum expediantur; aut si in aristocratia unus magistratus insigni autoritate polleat, vel super multis populus consulatur; aut si in regno ardua negotiorum ad senatum populumvè referantur. Quod si hæc duo ad aliqua veterum, quæ afferuntur, lo-

ca non quadrent, ista, quæ sequuntur, rem expedient. Scilicet ostensum est alibi, ad essentiam civitatis perfectæ & regularis requiri, ut in ea sit talis unio, per quam omnia, quæ ad ipsam regendam faciunt, velut ab una anima proficisci videantur. Igitur manifestum est, per priorem mixturæ modum constitui corpus, quod non vinculo unius imperii, sed pacto duntaxat contineatur, quodque adeò hautquidquam inter civitates proprie dictas, sed inter irregulares resp. sit censendum, sat debile, & internis convulsionibus valde obnoxium. Circa alterum mixtionis modum considerandum putem, an illi, penes quos ita indivisim est summum imperium, constituent senatum perpetuum, qui universam civitatem, tanquam unum & quasi continuum corpus gubernet. Quo casu aristocrazia erit, sed ad negotia expedienda valde inconcinna, dum unus paucive refragantes reliquorum placita reddere inania possunt. Quod si autem ad singulos istos, de cætero pari jure gaudentes, singulæ partes reip. integrantes peculiariter pertineant, sed actus summi imperii nemini liceat exercere, nisi universis unanimiter consentientibus; erit systema proprie dictum, sed quod propter nimiam & supervacuum arctitudinem ad res gerendas itidem sit satis inhabile. Verum ubi unus reliquis auctoritate, & nonnullis summi imperii particulis insigniter præpolleat, erit irregularis respublica inter monarchiam ex procerum mole laborantem, & systema velut interjecta.

Eo

Eo major autem erit irregularitas, si plures uno reliquos emineant.

§. 6. Enimverò uti nemini, cui mordicus mixtæ reip. vocabulum retinere stat, constantiæ laudem invidemus; ita commodius nobis, & ad doctrinam planius, simulque ad demonstranda in certis rebus publ. quædam quasi phænomena expeditius videtur, si respublicas in universum dividamus in simplices & compositas. Ad compositas referimus systemata civitatum. Simples iterum dispecere licebit in regulares & irregulares, (quanquam & hæc distinctio ad systemata adplicari potest.) Regulares sunt tres illæ notissimæ civitatum species, ex subiecto summi imperii proprio resultantes. Quibus sæpe accidunt *παρεκβάσεις* & morbi, per quos non tam forma intrinsece alteratur, quam modus administrandi vitatur. Si quæ supersint, quæ ad neutram harum classium quadrent, inter irregulares numerandæ sunt. Caterum irregularium reip. formarum neque certus iniri numerus, neque certæ constitui species queunt, propter magnam varietatem, quæ heic reipsa occurrere, aut animo fingi potest. In universum id tantum observetur, irregulares resp. & *παρεκβάσεις* ac morbos rerump. in eo differre, quod morbus semper velut illegitimam & erubescendam faciem præ se ferat, quippe qui ex commodæ formæ prava administratione, aut ex male concinnis legibus atque institutis proveniat. Verum irregularitas non ipsam solum formam intrin-

sece afficit, sed & publice ac velut legitime sancita palam sese & citra verecundiam ostendere audent. Adeoque morbus ex intentione eorum, qui rempublicam constituerunt, abesse debebat, & semper tanquam pravum quid in rep. adparet; irregularitas autem voluntate aut adprobatione eorum ex quibus resp. componitur, emerfit, aut confirmata est. Sicuti alia est ratio ædificii, cujus designatio quidem regulis architectonicis congruit, sed ipsa materies vitiosa, aut socordia incolentium, tectum hiât, parietes ruinam minantur, trabes gemunt, fundamenta labant; & cui per ipsum architectum à communibus discedens regulis ultro forma est assignata, aut ingruens vitium extraordinario quodam modo solidatum. Deinde irregularitatum aliæ ab initio constitutæ reip. statim extiterunt; aliæ successu temporis, & tacitis momentis irrepserunt. Scilicet contingere potuit, ut ab initio reip. conditæ, aut circa insignem ejus mutationem, per conditores, aut mutationis autores, regularis forma non potuerit introduci, inscitia, aut quia res præsentēs non ferebant de statu rite concinnando cogitare. Sæpe quoque socordia imperantium. aut alia occasione morbus in rep. irrepit, qui ubi tantas radices egit, ut sine exitio reip. expelli nequeat, nihil reliquum est, quam ut sanctione publica vitium velut exuat, & quod hætenus usurpatio, factio aut contumacia erat, deinceps jus aut privilegium audiat.

§.7. Verum præstiterat in singulari aliquo exemplo naturam irregularitatis rimari, ne quis frustra  
fingi

finigi cavilletur, quæ nunquam reipsa existerent: modo inveniri ita facile possit respublica, quæ irregularem se agnoscere, aut pro tali haberi velit. Sane in Imperii Germanici statu aliquid irregulare latere nonnulli viri hautquidquam rerum imperiti dudum censuerunt. Et si alia in hanc rem argumenta deessent, sufficere posset discordia scriptorum ejus nationis, qui Germaniæ statum in media Germania anxie quærunt, neque tamen post tantam librorum molem rem satis ad liquidum perduxisse multis cordatis judicantur. Quamquam enim pleriq; pro statu mixto ex monarchia & aristocratia, in quo hæc præponderet, pugnant: dantur tamen, quibus illa mixtura ad palatam non est. Ne longe abeamus, non ita pridem in lucem prodiit libellus super statu Germaniæ, cujus autor se fert *Severinum de Monzambano Veronensem*, quod nomen tamen pleriq; fictum judicant, verumque autorem variis conjecturis ac suspitionibus indagant. Ejus sententiâ si firmo staret talo, jam in promptu foret Reip. irregularis illustrissimum exemplum. Ita autem ille dicti libelli *cap. VI.* postquam prolixè aliorum tradita examinaverat, demum concludit: *Germaniam esse irregulare aliquod corpus, & tantum non monstro simile, si quidem ad regulas scientiæ civilis exigatur, quod lapsu temporum per socordem facilitatem Caesarum, ambitionem principum, turbulentiam sacerdotum ex regno regulari in tam male concinnatam formam est provolutum, ut neq; regnum etiam limitatum amplius sit, licet exteriora simu-*



*lacratale quid præ se ferant, neq<sup>3</sup> exacte corpus aliquod aut systema plurium civitatum fœdere nexarum, sed aliquid potius inter hac duo fluctuans.* Istihæc etsi multis non imperitis rerum viris sese adprobarunt: non paucos tamen nova istihæc & monstrosa, uti credunt, opinio ita irritavit, ut certatim ad eam oppugnandam provolarint, & non pauca velut de hoste jam prostrato tropæa excitare festinarint. Nobis uti tantæ litis arbitria hautquidquam suscipere placet; ita ad argumentum nostrum illustrandum cumprimis facere videtur, si quæ rationes contra Severini sententiam prolatae sunt, curatius examinentur. Non quod eandem, saltem quatenus ad statum Germaniæ applicatur, ex assè nostram facere, aut cum tanta turba scribaciū ut adparet hominū in certamen velimus descendere; sed quod credamus, ejusmodi singularium exemplorum discussione, colligi non nulla posse, ex quibus scientia civilis in universum reddi locupletior queat.

§. 8. Inter eos igitur, qui publice, quantum nobis constat, in Severinum calamum strinxere, postremus esse non voluit *Martinus Schockius*, conscriptis in *promulsidis* *Vicem XII. exercitationibus*, etsi iusta, quæ minari videbatur, volumina mors erudito orbi invidit. Iste *exercit. VI. §. 12.* statum Germaniæ monarchicum, & Imperatorem monarcham declarat, hisce potissimum argumentis ductus: quia *ipsi competit jus primum precum*, (atqui plurima per Germaniam canonicorum collegia suo jure, non per modum precum aut

aut commendationis, canonicos creant,) *cujusvis generis & dignitatis gradus confert.* (atqui præmia & dignitates conferre non semper cum summo est imperio conjunctum.) *ab ipso solo obtinetur investitura & collatio feudorum principalium* (quo cum effectu, infra patebit.) *Academias constituit,* (atqui ille Status, cui Academia subest, quid publice doceri debeat præscribit.) *facultatem indulget condendæ urbis.* (Atqui etiam sine Cæsaris indultu principes Germaniæ locum aliquem munitionibus possunt circumdare, incolas eodem collocare, privilegia iisdem concedere, saltem in ipsorum ditione valitura; quorum deinceps parum credo interest, rustici an urbani audiant.) Non autem omissam à *Severino* fuisse *postremam* *provocationem ad Cæsarem*, patet ex c. V. §. 4. & 8. *seqq.* An tamen à summis Germaniæ judiciis ad Cæsarem provocari soleat, inquirere jam non vacat. Porro *in statu monarchico non esse necessarium*, ut nemo sua jura cum regis potestate comparare audeat, utq; adeo omnes proceres ab arbitrio regis dependeant, eiq; ad rationem reddendam sint obstricti, id solide, si diis placet, ostenditur exemplo Romanorum Consulū adducto. *Idem exercit. VII. absolutam Imperatori cum imperio considerato potestatem adstructum it.* Atqui non erat quæstio, quid potestatis universo imperii Germanici corpori competeret, sed quid Imperatori Statibus contradistincto. Isti *absolutam* potestatem in remp. Teutonicam competere, nescio an gratis quis sit crediturus. Nam facile accuratam

*absoluta* potestatis definitionem quis ab illo expectaverit, cui *absolutum summum & perfectum* unum & idem sunt; cum tamen summum aliquid limitatum & perfectum in suo genere dari queat. Eo quoque nomine *Severinus* Germaniam verum regnum negaverat, quod etiam *in limitato regno nemo sua jura, & libertatem suam cum regis potestate comparare audeat; in Germania autem nemo statum admittat, suas ditiones magis ad Cæsarem, quam ad se pertinere.* Heic *Schockius* regerit; atqui dixerit mihi, *quinam siue Principes, siue Electores* sese comparent cum ipso Imperatore. Verum non de dignitate, autoritate, eminentia, aut potentia sermo est; sed annon recte Princeps aliquis Germaniæ potestatem illam, quam in suam ditionem habet, possit, saltem quoad effectum, comparare cum ea potestate, quam Imperator in universum imperium obtinet; & annon efficacius sibi subiectis imperet, quam Cæsar solus universo imperio. Ab Ordinibus autem, *si vis major ingruerit, & Imperio & Imperatori munus afferri aut pecuniarum, aut loco illius subsidium militare; item Imperatori, consultis Imperii ordinibus (addendum & consentientibus) jus esse, aliquem Imperii hostem, si meruerit, declarare. atque a suis quoque possessionibus deicere; id vim vinculi fœderalis non excedere, Severinus* ratione, & exemplis ostendi posse arbitratur. Argumentatur deinceps *Schockius*: *Si rex nullus agnosci debeat, nisi jus habeat in bona subiectorum; na multo magis jus habebit alienandi & permutandi bona regni;*

gni; atqui cum posterius non concedatur regi Galliæ, absoluto licet, patebit sane nihil obflare, quo minus rex detur, qui nihil juris in bona subjectorum suorum habeat. An isthæc sequela firma sit, Logici, Jureconsulti, & Politici dispiciant. Denique cum in *exercitat. VIII.* contra *Severinum* debuisset ostendere *remp.* Germanorum ad systema aliquod sociorum non accedere; ad isthæc convellenda satis credidit dixisse: *non est hic cogitanda confœderatio, sed socialis unio.* Huic ergo si vixisset, an trîumfum de *Severino* eruditi fuerint decreturi, dubito.

§. 9. Majorem operam circa *Severinum* consumpsit *Philippus Andreas Oldenburg*, qui se modo *Burgoldensem* aut *Burgoldium* modo *Pacificum à Lapide* appellare sœvit. Cujus variationis causam aliquam hanc esse suspicantur, ut minus putide ad propriam provocare auctoritatem, & seipsum exscribere posset. Iste ergo formam hodiernam Imperii Germanici sic designat, in *Monzambano restricto & illustr. dissert. 12. p. m. 387.* duplici regimine illud administrari, *universum communi aliquarep.; singulas regiones proprios principes & magistratus, atq; adeo peculiarem quandam remp. superiori illi subjectam habere.* Et ut intelligatur, qua ratione istæ singula regiones universæ reip. subjiciantur *p. 406.* dicit: ditiones Austriacas subordinatam cum cæteris Germaniæ territoriiis *remp. seu regnum* constituere. Et ad *Instr. Pacis disc. 10.* Quoniam tamen, inquit, pleraq; sum-

*ma potestatis munia Principes exercent, illudq;  
beneficiarium Vinculum, quo ipsi casari sunt ad-  
stricti, respiciat sit exiguum, quippe cum hereditario  
jure, atq; plene, si pauca demas, ditionibus pra-  
sint; hinc Principes in ditionibus suis prope regia  
potestate fruuntur; ac proinde Germanici prin-  
cipatus, si non omnino, ex parte tamen atq; adco  
imperfecta regna sunt. Jam ex ipsius mente habe-  
mus remp., cujus partibus integrantibus, quo  
minus perfecta regna sint, parum deest. Ea resp.  
communis, seu civile corpus Germanicum, quod  
in comitiis Imperii plenissime repraesentatur, ex  
regno, & aristocratia mixtum est. Mixturam ita  
explicat; quod summa potestas circa jura maje-  
statis (notetur locutio) sit diversim penes plures u-  
no, penes Imperatorem & Statum, & inter hos ita  
communicata, ut nec rex sine statibus, nec hi sine  
illo eam obtineant: Ubi observandum, homines,  
qui accurate loquuntur, plures uno diversim ali-  
quam potestatem habere dicere, quando istius  
potestatis partem unam hic, aliam alter proprio  
jure obtinet. Quorum autem jura ita sunt com-  
municata, ut ea unus sine altero non habeat neq;  
exerceat, illi ista jura diversim possidere feruntur.  
Deinde indivisa illa potestas, quam Cæsar & Sta-  
tus in universo Imperio obtinent, puto clarius ita  
explicabitur: Si statutum sit promulgandum, quod  
universam Germaniam obligare debeat, id ab uni-  
versis est condendum; si bellum sit sumendum, si  
pax concludenda, ad universam Germaniam spe-  
ctans, si pecuniæ ad totius corporis salutem im-  
pen-*

pendendæ conferri debeant, universorum consensus, non solius Cæsaris, aut solorum ordinum, requiritur, decreto comitiorum per modum pacti concepto expressus. Atqui hoc sane est systema aliquod delineare, singulis in sibi subiectos summam fere potestatem transcribere; sed quæ universos tangunt communi consensu expedienda relinquere. Quod autem Imperatoris autoritas in comitiis Statibus singulis præponderet, universorum tamen consensu minor, id inæqualitatis aut irregularitatis indicium est, quam vocabulo *mixtura ex monarchia & aristocratia* haut recte expresseris. Nam alios quacunque ratione eminere, ni imperium in eosdem habeat, monarchiam non constituit; & conventus eorum, quorum singuli parvis præsunt, non senatus aristocratici, sed concilii sociorum speciem habet.

§. 10. Antequam autem accedamus ad examinandas rationes, quibus ille *Severus* sententiam convellere nititur, utile fuerit prius monere, formam reipub. Germanicæ, quæ nunc est, haud quidemquam originem trahere ex aliquo fœdere expresso, & in antecessum assignatis cuique juribus, descriptoq; regiminis modo; sed paulatim ex degeneratione à statu monarchico, morbisque invalescentibus provenisse. Iste porro status, cum publicis jam constitutionibus & conventionibus sit confirmatus, vitii aut *παρεξέβασις* nomine amplius venire nequit, quatenus hæc vocabula ab usum proprii, aut illicitam usurpationem alieni juris notant. Enimvero cum illæ sanctiones pu-

blicæ neq; ad regularem monarchiam Germaniam  
 reducerint, neque Status in perfectas omnino ci-  
 vitates provexerint, sed præsentem ipsius faciem  
 confirmarint; vix videmur effugere posse, quin  
 Germaniam dicamus remp. irregularem, quæ ne-  
 que regnum, neque systema sociorum sit, sed ali-  
 quid inter hæc duo interjectum, & de utroque  
 participans, de posteriori tamen plus, quam de  
 priori. Degenerante porro forma monarchica,  
 non potuit quoque non vinculum illud, quo ab  
 initio rex cum civibus, & hi inter se connecteban-  
 tur, simul ita degenerare, ut vix majorem vim  
 quam foederis systematici retinuerit. Cæterum  
 cum omnes fateantur, resp. regulares paulatim  
 posse degenerare in aliam formam simplicem, aut  
 ejusdem *παρέκβασις*; qua de re vid. inprimis  
*Polybius l. 6. Aristot. polit. l. V.* quid obstat, quo mi-  
 nus degeneratio procedere possit non versus aliam  
 simplicem formam, sed versus systema; aut quo  
 minus velut in medio subsistat, antequam alteru-  
 trum extremum perfecte attigerit? Et facit huc  
 illud *Aristot. Rhetor. l. 1. c. 4. præter optimam*  
*remp. alia omnes, tum si remittantur, tum si in-*  
*tendantur, corrumpuntur; quemadmodum demo-*  
*cratia non solum si remittatur, fit debilior, ut tan-*  
*dem perveniat ad oligarchiam, sed etia si inten-*  
*datur nimis* Et subjungit: *ὥς ὥς ἔ ἡ χρευσί-*  
*της ἔ ἡ λιμότης, ἔ μόνον ἀνιέρμενα ἔρχε*  
*εἰς τὸ μέσον, ἀλλὰ καὶ σφόδρα χρευσί γ-*  
*νόμμενα, ἢ σιμὰ, ἔ τῷ διατίθεται ἔ ῥίνα, ὥς*  
*μηδὲ*

μηδὲ μυχῆς δοχεῖν εἶναι. Ut & grypas & simitas, non solum si remittantur, perveniunt ad medium, sed etiam si nimis grypa fiant, vel sima, ita disponunt, ut ne nares quidem videantur esse. Uti autem res, ita quoque significatio vocabulorum degenerare solevit. Quam in rem insignis est locus ap. Procopium histor. Vandal. l. i. ex versione Grotii: *fœderatorum nomine soli olim dicebantur, qui non servilem in modum, neque enim armis victi, sed pari cum cæcis jure sub imperium venerant, à fœderibus, quæ pepigerant, sic nominati. At nostra ætate in hoc nomen venire nemo vetatur, ut mos est temporis, non in quo primum reperta sunt sensu vocabula servare, dum pro suo arbitratu res ipsas immutant homines, quibus ea primum vocibus nuncupata sint nihil solliciti. Quæ annotasse in sequentibus utile fuerit.*

§. II. Porio citra oppugnandam Severini sententiam varium se plane gerit Oldenburgius. Post prolixam enim declamationem, in qua, præter superflua convicia, nil nisi mixtura ingeminatur, tandem ita concludit: *Imperium Germania ex pluribus pusillis ac subalternis rebusp. arctissimo nexu in unum summum σύνμα colligatis extrui. Ast quid aliud vult Severinus? Nam ubi plures distinctæ & perfectæ civitates in unum corpus concesserunt fœdere æquali, fit systema regulare, quod illis hominibus vocari solevit corpus civile constans ex rebusp. coordinatis.* Ubi



autem unus reliquos eminet, neque singulæ partes plane perfectas civitates constituunt, & alio quam fœderis proprie dicti nexu continentur, emergit respublica seu systema irregulare, focius inæqualiter fœderatis simile; quod isti malunt appellare corpus civi'e ex *rebuspub. subordinatis* constans. Sic non minor *Borgoldio* cum *Borgoldensi*, quam cum *Severino* dissensio. *Adinstrum. enim Pacis disc. XX. §. 18.* ita scribit: *Principes feudi vinculo inæqualiter Imperatori esse confederatos Severinus de Monzambano hanc falso existimare videtur: utpote cum Vasallus non sit subditus: & inter Vasallum, & feudi dominum ultro citroq; obligatio intercedere, nec hic respectu illius majestatem habere dici queat.* Et tamen *Notis ad Severinum p. 384.* hunc erroris arguit, quod *Imperium ex multis. Velut fœderatis rebuspublicis constare innuerit.*

§. 12. Sed & hoc mirum videtur; quare, qui antea magnam *Severini* partem in *discursus ad Instrum. Pacis* transcripisset, & jam ex professo in eundem *notas & stricturas* dare voluerit; talia tamen eidem affingat, quæ ipsi fortasse nunquam in mentem venerunt. *Non sequitur, ait, Ordines Imperii ditiones suas tanquam feuda ab Imperatore & Imperio recognoscunt, ipsiq; juramentum fidelitatis præstant. Ergo Status sunt Imperatori fœdere inæquali juncti.* Vellem scire, ubinam hancce consequentiam. necteret *Severinus*. Nam in alleg. §. 28. c. V. ita iste tradit: *Neq; tam Principum potestatem, quam habendi modum afficit, quod ditiones,*

*nes suas tanquam fenda ab Imperatore & Imperio recognoscant. Furamentum intelligitur salvis cujusq; juribus, & socios quoq; invicem juramenti vinculo adstringi tractatum est.* Heic sane non ducitur argumentum à nexu feudali, ad fœdus inæquale. Sed hoc duntaxat dicitur; non statim alterius subditum proprie dictum fieri, aut in sibi subiectos summi instar imperii non obtinere, qui nexu feudali aut juramento alteri est devinctus. conf. *Grotium de J. B. & P. l. 1. c. 3. §. 11. & 23.* Enimvero uti ista, quæ in hac controversia super nexu feudali disputantur, clariora fiant; probe observandum est, uti feudorum constituendorum non una & eadem ubiq; fuit ratio; sic etiam omni vinculo, quod feudale audit, una & eadem ubique tribui non potest natura & efficacia. Equidem qui ab initio viris militaribus & bene meritis certa prædia sub feudi vocabulo assignarunt, illos hautquidquam crediderim vel ditiones suas voluisse diminueri, vel viros egregios à subjectionis vinculo eximere; sed potius per ista prædia tanquam insigni præmio aut mercede eorum virtutem remunerare, aut in futurum sibi pignorarè instituerunt. Tales sane vasalli nihil aliud videntur fuisse, quam honoratiores subditi, qui à plebisque oneribus civilibus erant exempti, ut eo alacrius muneribus militaribus vacarent; eoque nomine certa prædia à principe obtinebant. Successu tamen temporis fieri potuit, ut vasalli auctis opibus ad meliorem proveherentur conditionem, & vinculo subjectionis plane, aut ex parte sese

exuerent, domino consentiente ultro, aut quia corrigere id nequibat. Sed & ultro quis imbecillior validiori cuipiam sese adjungere potuit hac lege, ut deinceps suas ditiones tanquam feuda ab ipso recognosceret, & munia militaria præstaret, ab eodem sibi vicissim protectionem stipulatus. Aliquando huc descendere coëgit imminens hostis; cui quis solus resistere nequibat. Aliquando cum potentiori hoste in ejusmodi leges pax componitur. Quandoque etiam victor victo ditiones suas tali conditione relinquit. Interdum recens devictæ terræ bene meritis conceduntur, ea lege, ut perpetuo aliquo vinculo concedenti obstricti maneant. Exemplorum in eam antiqua non minus quam recens historia affatim suppeditat. In omnibus hisce casibus nihil aliud actum fuisse censendum est, quam ut inëatur perpetuum fœdus inæquale, cujus leges sint ab una parte inferiori protectionem præstare, ab altera superioris majestatem comiter colere, & militaria munia postulanti exhibere. Quo ipso ille, qui vasallus deinceps audit, hautquidquam jus in sibi subjectos, aut bona sua vult abjicere. Etsi hoc fieri soleat, ut & juris istius exercitium reddatur restrictius, dum ad superioris rationes subinde se attemperare necessum habet; & modus habendi fiat ignobilior, ubi isthæc sanctio fœderi sit addita, ut commissæ intelligantur vasalli ditiones, si certo tempore investitura non fuerit petita, aut in leges fœderis sit peccatum. Sic etiam contingere potuit in magno aliquo regno, ut qui antea provincias tanquam

quam meri magistratus nomine regis administra-  
bant, successu temporis. gliscentibus ipsorum opi-  
bus, & regis potentia diminuta, easdem tanquam  
propriis sibi vindicarent. Et tamen ne penitus ab  
antiquo sese corpore avellerent, eidem sub vasa-  
llorum nomine innexi manere vellent. Quod vin-  
culum quousque velint valere, penes ipsos est; præ-  
sertim ubi antiqua regum familia extincta, no-  
vum reip. caput ab ipsis constituitur. Cui ut ad  
modum duntaxat sociorum inæqualium subjun-  
gantur, nihil sane prohibet: quicquid demum sit  
de vocabulo, quo illud vinculum exprimitur, aut  
de ritibus, dum fides datur, adhiberi solitis. Unde  
imperitum valde foret, omnes, qui vasalli dicun-  
tur, uno modo velle metiri; & quod de una aut  
primæva velut specie vasallorum, & certo tempore  
recte dicitur, ad omnes & omni tempore adplicare.  
Nihil autem frequentius, quam ut antiqua voca-  
bula, ritusque & insignia maneant, etiam post-  
quam ipsa res dudum aliam naturam induit.

§. 13. His positis crediderim, *se & gerinum* ad mo-  
tas sibi difficultates aliqua non absurde posse re-  
ponere. Sane ubi quis de suo alteri quid in feu-  
dum concedit, *investitura feudalis habet & im & ge-  
ra collationis*. Sic & in feudis, quæ primævam na-  
turam retinuerunt, ubi Seniore aut vasallo muta-  
to renovatur investitura, isthæc renovatio ponit &  
implet conditionem, sub qua feudum in hæredem  
erit transiturum. Nil tamen impedit, quo minus  
quæ renovatio investituræ dicitur, vim dunta-  
xat habeat cujuscumque ritus, & velut inaugura-  
tionis.

tionis. Sic vix putaverim Imperatorem credere, se Principibus Germaniæ, dum eos investit, ditiones istas *verè & quasi de suo conferre*; aut hos judicare, se easdem vi istius investituræ accipere, eo-que nomine Imperatori magnopere obstringi. Verum non minus ante quam post investituram *Dei gratia* sese esse, quod sunt, profitentur, & omnes imperii actus in suos pari vigore exercent. Neque sequitur; etiam ista feuda ob non petitam intra tempus legitimum investituram, (nisi gravis causa impedierit) possunt committi. Ergo per investituram illa revera conferuntur. Sicuti non sequitur: mercator ubi de suis mercibus vectigal non solverit, illæ cadunt in commissum. Ergo dum vectigal persolvit, dominium suarum mercium acquirit, aut idem solutioni vectigalis tanquam conditioni superstruebatur. Aliud enim est, tu hoc accipies, si hoc vel illud feceris: Aliud, tu hoc amittes, si hoc vel illud intermiseris. Denique id video *Severinum* docere, cum nexus feudalis ordines ad conditionem subditorum non redigat, sed vix amplio-rem vim habeat, quam foedus aliquod inæquale perpetuum; hinc eundem non impedire, quo minus Germania dici possit resp. irregularis, quæ ad systema sociorum inæqualiter foederatorum prope accedat. Ab hac sententia nescio quam longè abeat Severini notator, dum ita ipsum argumentari jubet: *Status Imperii provincis ab Imperio in feudum traditis libera potestate praesunt, & dein summi Imperii cives existunt, i. e. sunt membra magnæ istius reip. Ergo Imperium*  
tan-

*tanquam vere una res.* sed irregularis, complectitur in ventre suo (lepidè dictum!) multis minores ac subalternas civitates, summum imperium quoad regimen imitantes. Ubi non possum, quin notem supersticiosam plane reverentiam, qua adversus præceptorem suum ducitur *Severini notator*, dum conditionem Statuum imperii non alio quam *civium* vocabulo exprimere amat, idque *discurs.* VII. §. 2. 3. mordicus defensum it. Quid enim hoc est philosophiæ: *civitas denotat societatem quandam, cujus partes essentielles (id est, imperantes) sunt cives?* Ut video, in monarchia populus non est essentialis pars regni, sed accidens duntaxat aliquid, & levis momenti appendicula; & dabitur regnum partibus essentialibus absolutum, ubi solus rex est, licet nullibi populus extet. Antehac credideram, posse in regno privatum quoque jus civitatis nancisci; nunc nemo in regno civis fieri potest, nisi idem rex fiat. Id quod saltem olim secus erat, quando Cæsares plurimos cives Romanos faciebant, quos hautquidquam in fastigium imperatorium provehebant, nec suffragia ipsorum circa negotia reip. valde requirebant. Nam quod urget, *omnem civem esse socium civilis societatis; esse autem veri socii suffragium ferre, & sententiam de rebus ad societatem pertinentibus;* id vanum est. Status enim civilis, & civitas non ideo societatis vocabulo venit, quod omnes ea comprehensi sint æquales, & æquali jure ad rem communem administrandā concurrant; alias enim regna & aristocratix è civitatum numero forent excluden-

dendæ. Et annon filius cum patre, servus cum domino in societate vivit? & tamen neuter à patre-familias super negotiis familiæ in suffragium vocatur. Sed nimirum ne Aristotelicam civis definitionem ad solas civitates democraticas adplicandam concederet, admittit *in monarchia unum & solum civem regem esse, cui juxta Aristotelem in regno suo sit potestas fungendi magistratu vel deliberativo, & vel judiciali; sive qui senatus, magistratus, ac judiciorum in rep. sit particeps; quique obtineat jus suffragii, quod civium verorum ita proprium est, ut essentiam eorum unice constituat.* Ubi id fortasse curiosi quærent, si in regno veri cives in suffragium mittantur, quis diribitoris vice fungatur; an numero, aut pondere ista suffragia valeant. Enimvero civis esse potest, qui hautquam jus suffragii habet, & possunt in conventu aliqui suffragium ferre, quos eo nomine tamen cives rectè non dixeris.

§. 14. Cæterum ex superioribus id quoque constare potest, frustra esse, quæ contra Severinum circa *foedus* disputantur. Ipsi enim mens non est, remp. Germanicam foedere expresso contineri; sed id duntaxat vult, vinculum civile eousque degenerasse, ut vix virium plus habeat, quam foedus aliquod systematum sociorum inæqualium. Quo unico etsi quæ objiuntur pleraque elidi queant, carptum tamen nonnulla notabimus. Negat, eos qui cum capite reipublicæ *in comitiis universalibus de negotiis belli, pacis & foederum consultant, ac jura majestatis imperii dissim exercent, posse foede-*

re tantum inter se connecti, sed necessario  
 nisi mixtam rempublicam constituere. Quod  
 em gratis ipsi non crediderim. Mendose  
 que dicitur, eos qui communi consensu statu-  
 de negotiis totam rempublicam concernen-  
 s, *disissim exercere jura majestatis. Disissim*  
*Joſe imperium Caſarem habere* Poëta adu-  
 r dicebat, quod *nocte plueret tota, redirent*  
*ſacula mane.* Et inter Imperatorem & Status  
 que ipſa negotia, ſaltem præcipua, neque nego-  
 rum tempora, neque de negotiis ſtatuendi po-  
 tas eſt diviſa, ſed indiviſim & conjunctim ab iſtis  
 exercetur. Porro *ſæderati inæquales unam &*  
*communem remp. conſtituere non poſſunt, ſi reſp.*  
 o civitate accipiat: at quo minus id vocabu-  
 m laxius acceptum alicui ſyſtemati adplicetur,  
 nil obſtat. Præſertim cum manifeſtum ſit, in ali-  
 uo ſyſtemate v.g. Belgarum, longe feliciter ex-  
 ediri negotia publica, quam in Imperio Germa-  
 ico. Quod indicio videtur, validius, quoad effe-  
 tum, quandoque eſſe fœdus bene compoſitum,  
 quam vinculum civile, quod à juſta ſua natura de-  
 generavit Incaſſum quoque jactatur, à Statibus  
 Imperii Germanici non potuiſſe fœdus ſociale  
 miri, nec actu eſſe initum; quippe cum *ſædera in-*  
*cantur à ſeparatis & diſtinctis rebusp. ſumma*  
*potestate gaudentibus.* Nam Severinus fœdus ali-  
 quod expreſſum non ſtatuit. Et miror tamen,  
 quare Statibus Imperii juſ ineundorum fœderum  
 detrahatur, quod expreſſe ipſis in pace Osnabru-  
 genſi fuit confirmatum. Quod juſ haudquaquam  
 ideo



ideo insigniter imminuitur, quod semper in fœderibus debeat excipi Imperator & Imperium. Nam id regulariter est in omnibus fœderibus, ut non liccat cum novo socio pacisci in fraudem prioris socii. Multo magis in fœderibus inæqualibus addi potest, ut inferior eisdem cum superiori hostes aut amicos habeat. vid. formula fœderis inæqualis inter Romanos & Ætolos initi apud *Polybium excerpt. legat. 28.* Sed & frustra quæritur, ubi *fœderis istius inæqualis tabula extent.* Nam degeneraciones & exorbitaciones, quæ tacitis momentis contingunt, publicis sanciri tabulis non solent, nisi forte quando quietis interest, qualemcunque præsentem statum tanquam legitimum confirmari, postquam ad primævam rectitudinem reduci nequit.

§. 15. Denique ex hætenus dictis adparet quoque nequidquam constringi Severinum illis quæstionibus, quæ *discurs. XI. s. 3. & disc. XII. c. 10.* tanquam insolubiles ipsi proponuntur. Quærit, *an fœderatus à confederato potentiori ac majori, seu fœderis capite dignitates, honores, regalia aliq., privilegia accipere possit.* Id quod affirmare absurdum ipsi videtur, cum fœdera ineantur inter eos, qui summo utrinque sunt imperio præditi, quique adeo talia ab altero nequeant accipere. Enimvero ego non video quid obstet, quo minus quis ab alio honores & privilegia possit accipere, & successu temporis tantas opes nanscisci, ut respectu ejusdem instar fœderati inæqualis habeat. Sic quare non rex aliquis insignem ditionem alteri possit concedere

a lege, ut deinceps ipsi sit inæqualis socius. enim isthæc sibi adeo repugnant, sua jura, tatem ac statum alteri in acceptis referre, & eps ipsius socium evadere. Quo possis ad- e illud *Taciti Agricola. Quadam civitates uno regi donata. Is ad nostram usq; memo- fidissimus mansit, & etere ac jampridem re- populi Romani consuetudine, ut haberet umenta servitutis & reges.* Deinde nescio principes Germaniæ sint admissuri, sibi suam titatam, honorem, jura regalia & privilegia *estatica seu jure majestatico* ab imperatore cedi. Quid enim aliud notet ista locutio, *ma- tice seu jure majestatico concedere*, quam vi mi imperii subiecto aliquid concedere, non vicio. Sic & inanis est altera quæstio: *An sæ- atus confæderato, licet inæquale sit sædus, ho- gium prestare ex natura fæderum proprie di- rum possit*; Id quod affirmare ipse quidem ab- dum credit, dum fædera inire sit eorum, qui unum obtinent imperium; hoc autem cum imago in eundem cadere nequeat. Verum si l maxime concederetur, quemvis nexum feu- lem, aut quamlibet homagii speciem subiectio- em proprie dictam seu statum subditi introdu- re, quod tamen concedere non est necessum: cebit tamen, Severino reponere, vim istius inculi lapsu temporum multum imminuisse, cet antiqua vocabula, formulæque & ritus re- nanferint.

§. 16. Sed nec ultima quæstio Severinum ju- gula-

gulatura videtur: *An inter fœderatos unus præcensior in reliquos jure majestatico juris dictionem seu judicariam potestatem exercere possit? Jure majestatico jurisdictionem exercere interpretamur, ex vi summi imperii subjectis jus dicere. Atqui isthoc soli Imperatori non attribuit Severini notator, sed reliquos Status tanquam pares curiæ ipsi in causis principum adjungit, & jurisdictionem Imperatori & Imperio junctim competere asserit. Quin nec naturæ systematum repugnat, extare aliquod concilium, in quo cognoscantur tam super arduis sociorum controversiis, quam super atrocibus delictis in leges societatis admissis, executione sententiarum per modum belli facta. In fœdere autem inæquali plerunque controversias disceptari apud eum, qui superiori est in fœdere, neque id ipsum tamen imperium aliquod involvere, expresse docet Grotius de J. B. & P. l. 1. c. 3. §. 21. Quin non ita pridem celsissimo loco natus scriptor tanquam reni Europæ Christianæ saluberrimam publice proposuit, ut Lucernæ apud Helvetios concilium aliquod institueretur, in quo controversiæ principum ac rerum Christianarum disceptarentur, & definirentur. Quo ipso tamen non crediderim aliquid eum de summa cujusq; potestate voluisse detrachere. Si quis tamen contendat, communia Germaniæ tribunalia, aut comitia, vel ipsum Imperatorem in Statuum singulorum causis plus exercere potestatis, quam quantum natura systematis fœderatorum patiatur; is considerare debet, præsentem Germaniæ*

niæ statum non ex fœdere aliquo expressio, sed ex degeneratione à forma monarchica profluxisse, & aliqua monarchiam sapientia adhuc retinere. Unde non mirum, non omnia ad systematum regulas congruere, adeoque hinc inde occurrere aliquid irregulare. Cæterum si quis sit, qui litigantes insigni potentia subnixos amanter per literas aut missis quoque legatis, & excitis in parem operam aliis, ad pacificam compositionem adhortetur; qui ad decidendos controversias, aut comprimendos quietis publicæ violatores, non tam eo ine accedat, ut suo quisque jure patiatur, aut deicta ne sint impunita, quam ne ista occasione belis tota resp. involvatur; qui circa ferendas sententias non tam consideret, an causa sit liquida, quam num eam hoc tempore pronunciari ratio ulicæ tranquillitatis admittat; qui denique executiones vix aliter quam per modum belli aliis faciendas deleget: an hunc potestatem judicariam, qualis in civitatibus regularibus cernitur, exerce credemus? Porro uti qui imperium modo habendi imminuto obtinet, id admittere potest, deiciente conditione, abs qua ipsius jus fuerat sumensum; ita socium importunum & hostili modo blice turbantem à cæteris bello compesci, & non aus, ac quivis alius hostis solet, ditione sua exui nil prohibet. vid. decretum Amphictyonum in ocentes latum ap. *Diodor. Sicul. l. XVI cap. 61.* itequam ab hoc discedamus non possumus non tate, quod idem Severino tale argumentum o impingit; *sociis invicem juramenti vinculo con-*

*constringuntur ; & socii in conventibus propriis sumtibus comparere tenentur ; ergo Status sunt Imperatoris socii.* Sed ita collegerat Severinus ; non statim ordines Imperii sunt subditi proprie dicti Imperatoris, quia ipsi jurant , aut quia ad comitia suis sumtibus comparere tenentur. Nam & hoc inter socios fieri sivevit, quorum tamen unus alteri subiectus non est. Credo autem differre hæc duo ; *non omnis, qui alteri jurat, est ipsius subditus ; & quicunq; alteri jurat, est ipsius socius.* Sicut arbitror multos admittere hanc thesin ; non omnis, qui libros scribere aggreditur, est ad eam rem idoneus ; qui tamen hautquidquam id concesserint ; Quicunq; libros scribere aggreditur, ad eam rem est ineptus. Quæ cum ita sint, vix credo ullum mortalium Severino persuasurum, ut isti quantumvis non superfunctorie esurienti *herbam porrigat.*

§. 17. Circa *Bruggemannum* quendam, qui itidem Severini sententiam in *tractatu de statu & scopo reip. Germanicæ* publice damnare voluit, eo minus est negotii, quod ipse obiter duntaxat, & *ne reliquum quod esset chartæ, otiosa Vacua* litaret, id egerit. Et ipse quidem, quid de forma reip. istius censeat, exposuit *d. tr. scet. l. c. 6.* ubi eam corpus quoddam civile ex distinctis rebus *sp. mixtum* pronunciat. *Compositum* debebat dicere. Nam quæ proprie miscentur, singula speciem, quam antea habuerunt, amittunt, novamq; à prioribus formis discrepantem induunt. Particulares autem illæ respp. ex quibus magnum corpus componitur, haut-

hautquidquam ita invicem miscentur & confunduntur, ut quod prius erant, post videri desinant. Sic ædificium ex lignis ac lapidibus, collegium ex Cajo, Sejo, Titio non misceri, sed componi dicimus. Compositionem porro istam duplicem facit, unam per modum *coordinationis*, alteram per modum *subordinationis*. Priori modo sunt systemata regularia sociorum æquali fœdere nexorum. Ast ubi plures distinctæ resp. posteriori modo sunt combinandæ, siquidem neque in unam civitatem proprie dictam coalescant, neque reliquæ in formam provinciarum reductæ, uni subjiciantur, nil amplius videtur superesse, quam ut dicamus, fieri systema sociorum inæqualiter fœderatorum, ubi reliqui istius, qui caput est fœderis, majestatem comiter tenentur colere, atque is aliquod instar principis proprie dicti gerit. Quod si autem in isto capite præter autoritatem & majestatem, prout Latini istud vocabulum accipiunt, aliquid sit potestatis, per quam tamen cæteri ad subjectorum conditionem non redigantur, quid aliud quam systema irregulare talem remp. dicemus? In hoc igitur præcipuè Severini sententia videtur abire, quod hic irregularitatem adpellet, qua resp. Germanica tam à legibus monarchiæ, quam systematum abit; iste vero mixturam ex monarchia & aristocratia omninò vocandam contendat. Inde minus laboris in appendicula sua circa adstruendas mixtas rerump. formas ponere poterat. Nam illam esse civitatem perfectam, ubi partes summi imperii divisim

Q

&amp; in

& independenter sunt penes plures homines, aut concilia, vix aliquis credet, qui, quid civitas sit, intelligit. Aliquid autem plusquam humani patiuntur illi, qui pro istiusmodi mixtura allegant locum *Aristot. IV. polit. VI.* ὅσω δ' αὖ ἄμεινον ἢ πολίτεια μίχθῃ, τοσούτω μονιμώτερά. *Quanto melius temperata fuerit res, sc. popularis, tanto erit stabilior.* ut & *d. l. c. 9.* δεῖ δ' ἐν πολιτείᾳ τῇ μεμιγμένῃ καλῶς, ἀμφοτέρω δοκεῖν εἶναι, & μηδέτερον. *in rep. autem optime temperanda, utrumque & neutrum ut inesse videatur oportet.* Optandum sane foret, ut qui tali modo ad Aristotelis auctoritatem provocant, oculos probato aliquo collyrio prius inungant, quam ad illius lectionem accesserint. Neque crediderim rem literariam multum damni fecisse, quod iste *in presentiarum ad charta incitas redactus* nihil agere ita cito desierit.

§. 18. Idem argumentum in Academia Tubingensi declamare aggressus est adolescens quidam, qui tamen parum abest, quin favorem ætatis consumserit, dum & coram illustri auditorio recitare, & typis publicare sustinuit: *Imperium, ejusque caput in Statu subditos non patrociniū saltem, ac ob dignitatem potiorem ab iis reverentiam habet. Quemadmodum in Veteri historia Amphictyones in Medos habuerunt, & hodie præfectura Hollandiæ in reliquas habet.* Ad hoc quidem specimen multis carminibus gratulatoriis opus non videbatur. De cætero ad ista, quæ pro asserenda Impe-

Imperatoris summa potestate adfert, paucis reponi potest; vel facultatem tribuendi gradus quarumlibet dignitatum, & erigendi Academias non excedere mensuram ejus, qui inter socios inæqualiter fœderatos tanquam caput eminet; vel, si isthæc omnino aliquid summi imperii habent, ex primævo jure regio ista remansisse, cum cætera longe majoris momenti dudum aliò concessissent. Quo ipso irregularitas in ea rep. producitur. Quod porro Germania speciem systematis sociorum inæqualiter fœderatorum habere non possit, ex eo probat, quod socii licet inæquales summum tamen imperium suum retineant integrum. Id quod de Statibus Imperii Germanici dici nequeat: quippe *qui non in fide tantum, sed & in ditione sint Imperii & Imperatoris.* Heic si quid agere voluisset, ostendendum erat, sub *Imperatoris ditione* Status esse. Quod cum falsum intelligeret, vocabulum *Imperii* adjunxit. Sed heic nondum liquet, quo sensu ipsi veniat hæc locutio, *esse sub ditione Imperii.* Si enim iste sensus; nunc v. g. Ducatum Imperium Germanicum in e complectitur, vel hic Ducatus ejus Imperii partem constituit, nihil dixit, quod ad rem facit. Nam hoc modo Berna in ditione Helvetiorum, Transilvania in ditione Belgarum fœderatorum dici posset. Verum si propriè id vocabuli accipias pro *potestate & Imperio*, vix crediderim aliquem Statum concessurum, sese *sub ditione Imperii esse*, i. e. esse omnium Statuum conjunctim sumtorum esse subditum, & universos Status in ipsam habere



imperium & potestatem proprie dictam: sicut quædam urbes Brabantiæ & Flandriæ sub ditione Belgarum fœderatorum sunt. Nam hoc modo tantum provinciæ in alicujus regni aut reip. ditione dicuntur esse. Quæ de *jurisdictione Imperii in ordines*, de *potestate legislativa*, de *jure puniendi* subjunguntur, ex jam dictis, aut infra dicendis, qualia sint, judicari poterit. Inde ut eluderet tritum illud, (quod tamen quam verum sit, heic non disputabimus,) *Status in suis territoriis posse, quæ Caesar in Imperio, discrimen comminiscitur inter jura majestatis, prout referuntur ad illos, qui ipsi summam habent potestatem, & prout ad illos, quibus eadem sint communicata majestatem habentibus. Hos enim dependenter hæc jura habere, ac idcirco summam potestatem sibi vindicare non posse.* Ubi primo nescio an digesturi sint accuratiores politici istam locutionem, *jura majestatis, prout referuntur ad eos, qui habent summam potestatem.* Inferre enim illa videtur, quasi jura majestatis à summa potestate diversum quid sint; cum tamen ea jura majestatis, quæ vocant, summæ potestatis partes potentiales existant. Sicuti & incongruam judicabunt hanc locutionem philosophi; intellectus & voluntas humana, prout referuntur ad eos, qui habent animam rationalem. Deinde *communicari aliquod jus* ab altero mihi potest duplici modo, vel ut illud deinceps meum quoque sit, vel ut idem deinceps nomine & vice istius exerceam. Priori modo si rex cum altero jura majestatis commu-

nicet,

nicet, vel collegam eum sibi faciet, vel jure suo in aliquam partem regi sese abdicabit, & illud in alterum conferet, sic ut iste deinceps in eam summum imperium obtineat. Quo casu ejusdem potestati nihil decedet, quod eam alteri in acceptis referat, seu quod ea ab alio dependeat in origine. Posteriori modo si fiat communicatio, nil aliud efficitur, quam summus aliquis vicarius & præses totius regni aut alicujus partis. Aliter enim non adparet, quomodo quis jura majestatis cum altero communicare queat, ut tamen iisdem se non abdicet, sed ut iste perpetuo ab hoc dependeat. Atqui nescio an Status Imperii Germanici sint concessuri, sese hoc modo jura majestatis obtinere, aut quod tanquam vicarii, & præsidēs provinciarum à Cæsare dependeant. Enimvero ne alterutrum horum admittere necessum habeat, *non majestatem* quidem, sed *superioritatem* Statibus tribuit. Heic non ita in proclivi est liquidam invenire definitionem superioritatis, quæ aliquem quidem constituit supra conditionem subditi & magistratus, & tamen majestatem seu summum imperium non tribuit. Nam dubito an ullis antiquorum aut recentiorum cognita fuerit ea species potestatis, præterquam Germanis, quos fallor an iam comminisci coëgit singularis suæ reip. forma, postquam viderunt principes, qui plerasque summi imperii partes in sibi subjectos suo nomine exercebant, & tamen inter titulos suos curiales majestatis vocabulum non usurparent. Neque tamen everinus valde rejecturus videtur illud nomen

men superioritatis, à majestate distinctæ, modo definiatur per potestatem, quæ in ordine ad subiectos vim habet summi imperii, paucis exceptis; quæ tamen cum reverentia adversus aliquem dignitate in eadem rep. eminentiorem, & paucis reliquiis antiquæ subjectionis est conjuncta. Sic enim non absurde videretur describi conditio membrorum principalium irregularis alicujus reip. quæ ex regno versus systema sociorum inæqualiter fœderatorum degeneravit. Vanum autem est, quod addit; detracta licet *majestate libertatem* tamen Statibus Germaniæ salvam adhuc persistere, quippe *qua bene sine summo imperio intelligi queat. Sicut enim libertas privata non illico facit hominem sui juris, cum filius fam. liber quidem sit, non tamen summum in familia teneat imperium: ita & status liberi esse possunt in contradistinctione servitutis, nec tamen propterea summum imperium habeant necesse est.* Atqui hoc modo Statibus German. non plus tribuitur, quam ordinibus in aliis regnis, aut quibusvis civibus, qui sese *liberos in contradistinctione servitutis* dicere possunt. Cæterum uti libertatis diversi sunt gradus, & libertas quandoque vocatur mollior & laxior subiectio; ita *libertas civilis*, quæ populis, aut, populorum capitibus tribuitur, *sine summo imperio intelligi nequit*, quod *Grotius* tradit lib. 1. de J. B. & P. cap. 3. §. 21.

§. 19. Est denique *nescio quis*, qui contra eum, quem sub Severini persona latere sibi persuasit, plusculum ingenii, sed & affatim fellis expromere voluit.

luit. Ejus in scientia civili peritiam; qua sibi plus quam par erat placere videtur, hac vice paulo curatius excutiemus; simulq; an ipse talis sit, qui Severinum ad retractandam sententiam adigere valeat, considerabimus. Initio igitur præmittit distinctionem inter civitatis formam *essentialem* & *accidentalem*, quarum illa ex summo imperio, hæc ex numero personarum, penes quas summum imperium hæret, oritur. Circa priorem supponit illud axiomata, unius rei unam tantum esse formam; id quod etiam de monstris verum sit. Ejus axiomatis hæc est ad rem præsentem applicatio; cum Imperium Germanicum unum sit, nonnisi unam idem posse habere formam, adeoque in illo unum duntaxat summum imperium existere posse. Inde posito, alicubi in Germania summum esse imperium, jam investigat, *ubinam loci totum & numeris omnibus absolutum in Imperio imperium sit?* Ad quod expediendum opus est prius dispicere, an Germania sit una civitas proprie dicta, an vero ex multis civitatibus perfectis tanquam systema aliquod componatur. Posterius si quis asserere velit, ei fuerit demonstrandum, omnes partes summi imperii penes unumquemque Ordinem ita residere, ut nullius alterius potestatis humanæ arbitrio illius actus rescindi possint, nec ipsi Ordines subsint, nisi Deo. vid. *Grot. de J. B. & P. lib. 1. cap. 3. §. 7.* Atqui liquido constare, *ne unum quidem majestatis jus ordinibus seorsim consideratis plene, absolute, ac independenter competere*; quin extare potestatem superiorem, si non

in solo Imperatore, saltem in toto Imperio & comitiis, per quam de ipsorum vita, fama, dignitate, possessionibus statuatur, & malefici proscribantur. Siue leges; siue vectigalia, tributa, fœdera, bellum, pacem, sententias ac supplicia irrogent Ordines, si præfinitos limites privilegiorum ac iustitia excedant, decretis, mandatis, executionibus Imperialibus urgeri. Et privilegia ipsorum intelligi salvo jure Imperii. Nec obstare amplitudinem privilegiorum, aut quod de facto, quadam contra leges Imperii, aliorumq; Ordinum consensum & approbationem interdum suscipiuntur, aut negliguntur. Distinguendum quippe inter resp. ipsas & rerump. declinationes, quæ non statim perimunt ipsas respub. sed alterant, nec ex morbo & luxatione faciendum esse monstrum. Aliud esse ἀπόκλιση & παρέκβαση, aliud informe monstrum, quod partim resp. est; partim non est Germaniam nunquam in tot particulas dilapsam, ac in fœdus aliquod aliud à civili recollectum vel transformatum, aut utrinq; reductum. Demum concludit, quoniam singulorum Ordinum actus & judicia ab Imperatore & Imperio. universo si legum & exemplorum possunt reformari, & reformantur tota die, ibi (in Imperatore & Imperio) quarendum complementum ac terminum summa potestatis, & putandum, singulos Imperii Status per se hauri satis firmos, ac sibi sufficientes, & quantum ad majestatis rationem, utique imperfectos: universos autem & eam, integram & proprie dictam civitatem constituere, & hoc

& hoc omnium consiliorum fundamentum debe-  
 re credere. Neque esse, quod quis regerat, si  
 ad aliqua præstanda ordines teneantur, id non es-  
 se ex lege aut imperio, sed ex pacto, abs cujus im-  
 plendi necessitate ne summum quidem imperium  
 absolvit. Respondetur enim heic primo, ipsam ci-  
 vitatem societate & pacto contineri. Deinde ob-  
 servandum esse discrimen inter pacta civilia, &  
 alterius generis conventiones, quæ utique objectis  
 longe differant. Illis enim conveniri de civilibus,  
 seu de summi imperii jurbus usuque, hæc alia  
 comprehendere, quæ non nisi remotius & ex parte  
 ad civitatem & imperium pertinent. Jam vero  
 pacta Imperii prioris generis esse, quæ versentur  
 circa civilia, circa summam potestatem, ejusque por-  
 tiones: per quæ non quaecunque impedimentum  
 obijciatur voluntarium, ut in aliis conventioni-  
 bus, sed per quæ portiones summi imperii in status  
 omnes tanquam in corpus membris singulis trans-  
 lata, & velut anima usque quaque diffusa, & vi-  
 coacti & armata deprehenduntur. Argumento  
 esse Imperii sanctiones, quæ de negotiis civilibus,  
 de criminibus omnifariis, eorumque pænis, de re-  
 judiciaria, sumtuaria, testamentaria, denique pu-  
 blica & privata agunt. Quæ omnia civitatem ar-  
 guant; neque ullam societatem, sive bellicam, sive  
 circa commercia tam late patere; non Belgium fæ-  
 deratum, non Helveticos Cantones. Denique quod  
 longe alia hujus reip. facies quam cæterarum mi-  
 um non esse, quot enim resp. tot differentias, sicut  
 in cultibus humanis inconciliabilis diversitas ad-

pareat. Hæc eo prolixius recensere volumus, ut singulorum argumentorum vis eo clarius possit percipi. Et sine dubio simpliciores in suas partes pertraxerat, modo de privilegio aliquo sibi prospexisset, ne quis ipsi contradicere auderet.

§. 20. Hujus rationes antequam examinemus, diligenter velim observari, civitatem proprie dictam tale corpus esse, cujus omnia & singula membra circa omnes actiones ad bonum publicum dirigendas ab uno principio per modum imperii dirigantur. Tunc enim civitas uno imperio velut una anima contineri intelligitur, cum per illam omnibus & singulis membris necessitas affertur, à superiori proficiscens, & in se vim obligandi continens, præstandi & omittendi, quæcunq; ad ejusdem bonum ab ipso facere judicantur. Ubi id necessario existit, ut penes unum quidem hominem aut concilium sit potestas jubendi; reliquis omnibus, universis & singulis parendi necessitas incumbat. Et quanquam non necessum sit, ut omnes cives paris sint conditionis, neq; uni præ altero aliqua prærogativa, aut à quibusdam oneribus exemptio competat: non tamen alicujus privilegia eousque evalescere possunt, salva civitatis natura, ut conditione subditi is fiat superior. Jam si consideret quis illa, quæ à Severino passim de potestate Imperatoris, jure Ordinum, indole comitiorum traduntur, & quæ in illa republica tota die fiunt, jure fieri dicuntur: valde dubio an deprehendere possit, omnes & singulos Status suas actiones ad bonum totius reipublicæ dirigere ex

vi alicujus imperii : omnia videri velut ab uno principio proficisci , penes quod arbitrium judicandi & præscribendi , penes externos omnes necessitas obsequii : jura & Privilegia Ordinum cum conditione subditorum posse consistere ; unum denique hominem aut concilium, cui summa potestas tribuitur , in omnes & omnia radicaliter imperium obtinere, singulorum nemini quid potestatis competere, quod supra magistratus proprie dicti mensuram sit. Contra cum singulis Imperii Statibus nonnihil videatur deesse, quo minus absolutæ & independentes civitates haberi possint ; Severinus judicavit, nil accuratius, & ad rei veritatem aptius dici posse, quam irregularem esse reipub. Germanicam, quæ neque una civitas proprie dicta, neque systema sociorum examussum sit, sed ut utriusque natura aliquid ipsam trahere ; eumque statum ab initio non per expressam aliquam constitutionem, sed ex degeneratione induisse.

§. 21. Sed nec deest, quod reponi queat his, quæ *nescio quis* adfert. Demus *unius rei non nisi unam esse formam*. Aft formam illam non semper simplicem aut regularem esse oportet. Unde non sequitur : Germanicum Imperium est tantum unum ; ergo habet regularem formam unius civitatis. Neque statim ubi extat imperium summum, id est, ubi extat corpus civile neminem alium in terris superiorem agnoscens, ibi idem extat eo modo, quo illud ex natura civitatum regularium resultat. Et quanquã de essentia est civitatis regu-



laris, ut summum imperium indivisum sit in uno subiecto; nihil tamen repugnat, in rep. aliqua existere talem irregularitatem, ut neq; singula membra, neque concilium universorum omnes & singulas partes summi imperii, seu *totum & numeris omnibus absolutum* imperium habeat; sed ut plerasque partes singula reip. membra obtineant, reliquæ in concilio universorum, aut uno eminente membro cernantur. Adeoque fieri potest, ut detur corpus civile, abs nullo alio extrinsecus dependens, cujus membra singula summum imperium numeris omnibus absolutum non habeant, neque tamen in capite istius reip. aut in concilio universorum membrorum sit summum & absolutum imperium, in singula membra exercendum. Sic & ad illam assertionem, *ne unum quidem majestatis jus Ordinibus, seorsim consideratis plene, absolute, & independententer competere*, à Severino regeri posset; sibi non fuisse propositum, ex Germania regulare systema sociorum æqualiter aut inæqualiter fœderatorum exstruere; persuasum sibi tamen esse, tantum de juribus istis possidere Germaniæ Ordines, ut saltem pro subditis, quales in civitate regulari dantur, haberi nequeant. Deinde illud, *absolute & independententer competere*, subtilius est explicandum. Vel enim accipi potest de *κτῆσθ*, sive dominio velut istorum jurum; vel de *χρήσθ* & exercitio eorundem. Non statim summum imperium habere desinit, qui illud, vel sub conditione, habet, vel alteri in acceptis refert.

refert. conf. *Grot. l. 1. c. 3. §. 11, 16. in fin. 23.* Ut autem aliquis non omnes & singulas partes summi imperii pro lubitu possit exercere, sed ad certas leges easdem teneatur attemperare, id etiam in systematibus sociorum frequentissimum est. Sed & nondum liquido probatum fuit, omnes & singulos actus illius imperii, quod Ordines in suos subiectos exercent, ab alio per modum imperii posse irritos reddi, aut ita ab alio dependere, ut inde omnem suam vim, & auctoritatem mutuentur. Sane domui Austriacæ, quo minus in ditiones suas hæreditarias plenum, absolutum & independens imperium competat, quantillum deest? Ab Electorum tribunalibus provocatio non datur. Nec constat, quis tributa, quæ subditis suis Ordines imponunt, moderetur; aut quis prohibeat, quo minus magistratus in suis ditionibus, quos velint, constituent. Quin nec in systematibus sociorum inusitatum est, ut quas singuli suis ferunt leges, nihil contineant, quod totius corporis harmoniam turbet; ne vectigalia singuli instituant nova, aut vetera intendant cum pernicie commerciorum; ne fœdus ineant in fraudem totius reip. ut in dicundo jure certas leges sequantur. Sed nec illa potestas, quæ Imperio asseritur in *Vitam, famam, dignitates & possessiones* Ordinum, eosdem ad subditorum conditionem deprimit. Inter socios quoque existere posse concilium, ubi super factis enormiter in leges societatis impingentibus cognoscatur, executione per modum belli facta, supra ostensum. Addi potest, quod ap. *Platonem de LL.*

*l. 8.* in fœdere, quod tres civitates, Argi, Messene, Lacedæmon, earūq; reges inierant, hæc quoq; clausula legatur; *ut duæ simul contra unā insurgerent, quæ positas leges transgrederetur.* Modum quoque cum Statibus Germaniæ agendi, si non tam formulas vocabulorum, quam vim & effectum respicias, nō abhorre ab illo, quo socii, inæquales præsertim, invicem uti possunt, in aprico est. An porro Ordines Germaniæ, *gratiam Dei* præscribentes, jura ac dignitatem suam possideant ad modum privilegii, quale princeps sibi subdito tradit, nondum liquet. Saltem non usque adeo hæc duo sibi videntur repugnare; privilegia Ordinum intelligi salvo jure Imperii; & Ordines ad modum subditorum Imperio non subesse. Multa à quibusdam *de facto* suscipi, hautquidquam argumento est eā, quæ jure Ordinibus competunt, tanta non esse, ut cum subjectione civili stare nequeant.

§. 22. Quæ ulterius afferuntur de *inclinationibus, morbis & luxationibus* rerum, rem non conficiunt. Potest quippe inclinatio aliqua eousque procedere, ut non quidem ipsa *resp. perimatur*, i. e. in dissolutum cœtum civitas dissipetur, sed tamen aliam à priori formam demum induat. Monstruosam vocari formam, quæ enormiter est irregularis, inusitatum non est; nec per se contumeliam aut injuriam ea adpellatio habet conjunctam, modò sua culpa faciem pudendam sibi quis non conciliaverit. Et illud fateor *informe monstrum* foret, si quis rempubl. fingeret, quæ partim *resp.* esset, partim non esset. Ast forma utique non definitur *resp.*

resp. quæ neque exacte civitas regularis, etiam morbida, luxata aut declinans est, neque exacte systema sociorum; sed quæ ex utroque aliquid trahit. Neque illa, si recte memini, Severini est assertio; remp. Germanorum in plures civitates *dilapsam, ac post in fœdus aliquod aliud à cœsili recollectum & renovatum*: sed hæc; vinculum civile eousque degenerasse & laxatum fuisse, ut vix majorem amplius vim, quam fœdus systematicum habeat, licet pristinum vocabulum, & inania adhuc persistent. Porro *Germania Ordines omnium consiliorum fundamentum credere debere, singulos se habere satis firmos, & sibi sufficientes*, recte dicitur; & idem fortasse non absurde occinitur Belgis fœderatis, atque Helvetiis. Sed quod universi ideo *veram, integram, & proprie dictam civitatem constituent*, id credere necessum non habent. Germaniam expresse aliquo pacto contineri Severinus puto nuspiam scripsit; sed quaecunque sit id vinculum, quo eadem cohæret, vix majorem habere efficaciam, quam fœdus aliquod systematicum sociorum inæqualium. Inde quæ contra jactantur, nihili sunt. In ipsâ civitatis constitutione *pacta* incervenire verum est. Sed quis dixerit, cives non alio modo teneri ad præstandum officium, quam illos, qui solo pacto tenentur. Sic quis credat, in fœderibus systematicis non conveniri *de cœsilibus*, i. e. de exercitio & usu partium summi imperii. Nisi forte pauciora negotia civilia in conventu Ordinum Generalium apud Belgas agitantur, quam in comitiis Germanorum.

rum. Desiderant tamen eruditi videre illa *pacta Imperii, per quæ portiones summi Imperii in Status omnes tanquam in corpus membris singulis translata, & velut anima usquequaque diffusa, & si coactiva armata deprehenduntur.* Illa enim ad rem hanc decidendam non parum momenti adferre possent. Sunt denique multæ rerump. *differentia*; sed aliquæ earum tantæ, ut quasdam resp. regulares non amplius videri patiantur:

§. 23. Videamus jam, quid iste *nescio quis* circa *formam reip. Germaniæ accidentalem* disputat. Ubi præmittit, *necessum esse omnem remp. aut ab uno solo, aut à pluribus, aut ab omnibus & in omnibus gubernari: aut quadam unus, quadam plures, quadam omnes tripartita, aut bipartita saltem ratione (quod mixturam communiter vocant) poterunt ac efficient: aut nemo aliquid poterit.* Hinc subsumit, Cæsarem neque omnia solum in Imperio, neque tamen nihil plane solum posse; quippe *reservata*, quæ vocantur, ipsi competere, & *judicium aulicum* ab ipso solo dependere: Ordines autem omninò in partem imperii venire. Ex quo planissimè sequitur, *imperium esse compositum ex monarchia, respectu eorum, quæ Cæsar solus habet, & aristocratia, quæ ipsum quoque Cæsarem, respectu illorum, quæ cum reliquis Ordinibus decernit, complectitur, ita tamen, ut hac illi pondere & numero juris utique prævaleat.* Hocce carmen sexcenti jam cecinerunt: Id tamen hic singulare habet, quod ejusmodi mixtam formam irregularem dici posse concedit, & Cæsarem ex parte

parte monarcham, ex parte unum ex optimatibus facit, ex parte Ordinibus imperantem, ex parte iisdem subiectum; quippe cum singuli Optimatum, ut tales, subditorum omnino rationem in ordine ad universos habeant. Cui conditioni exprimendæ non video, quale vocabulum sit procu- dendum. Quid si tamen aliquis contendat, subtiliorem adhuc divisionem debere institui, ut Germania inter respublicas convenientem locum inveniat? Ubi enim concinnatur resp. mixta ex divisione partium summi imperii, ut istæ sint penes diversa subiecta, singulæ istarum partium vim suam super universam remp. extendent, adeoque quilibet, cui pars aliqua summi imperii tribuitur, eam partem per universam remp. jure suo pro imperio exercebit. v.g. Ponamus regem habere jus armorum, senatum potestatem legislatoriam, populum jus tributorum. Heic sane quæ ad bellum spectant, per universam remp. rex administrabit, senatus leges per totam remp. valebunt, populus ubique tributa exiget. Ad hanc mixturæ modum si revocetur Germania, Cæsar quidem per universam Germaniam reservata sua exercebit, iudicii que aulici jurisdictio ad omnia Germaniæ loca, causasque se extendet. Universi autem Ordines junctim per omnes & singulas Germaniæ partes leges ferent, pacem & bellum moderabuntur, tributa imponent, magistratus constituent, &c. sicut omnes & singuli circa isthæc omnia illorum decreto stare teneantur. Et uno verbo, ut in omnibus & singulis provinciis Ger-  
ma-

mauix, quoad omnes & singulas partes summi imperii voluntas universorum Ordinum praevaleat voluntati singulorum in sua cujusq; ditione; utque adeo singulorum Ordinum subditi quoad omnes & singulas summi imperii partes magis à nutu universorum Ordinum, quam suorum principum dependeant. Hoc modo praesides provinciarum & magistratus nudos ex Principibus Germaniae efficies. Ac frustra occinitur, ex privilegio esse, quod multae summi imperii partes à singulis Ordinibus suo arbitrio exercentur, citra impedimentum ab universis allatum. Non enim juris alicujus origo, aut vocabulum, sed vis atque effectus est spectandus. Ac ubi status aliquis nudo privilegio superioris nititur, vix crediderim, tam temerarium ipsum fore, ut *Dei gratiam*, non modestiae, sed eminentiae causa sibi praescribat, quo ipso dependentiam ab homine saltem in duratione sui fastigii, & tanquam ab imperante, non obscure abnuat. conf. *Limn. de jure publ. I. IV. c. 6. & in additament. d. l.* Igitur valde fallor, an supra dictae partitioni hoc quoque membrum erit inferendum; aut capita singularum partium integrantium, ex quibus resp. componitur, singula in sua parte pleraque poterunt; quae superiunt, caput reip. aut universi poterunt.

§. 24. Reliqua, quae in Severino carpit, exigui sunt momenti. Negatur de essentia aristocratiae esse *senatum perpetuum*. Eadem ergo opera negabimus, in aristocratia summum imperium habere penes concilium optimatum. Et quanquam,  
ut

ut perpetuus vocari possit senatus, non requiratur, ut perpetuo consultet, & in ipsa quoque curia pernoctet; saltem tamen ita erit dispositus, ut semestric spatium mora coeuntium non sit absumentum. Imperatorem porro & universos Ordines instar perpetui ac statim senatus habere tunc credemus, quando omnes, qui in qualemcunque conventum coiverint, senatorum faciem induent. Ac si vel maxime in rep. aliqua existat concilium perpetuum, tamen non statim erit senatus aristocraticus, cum & in systematibus ejusmodi concilia perpetua reperiantur. Qui autem dicit: penes universos esse summam potestatem, sed quod singuli suas ditiones ad instar fere monarcharum obtineant, *ad modum administrandi* pertinere; is ex principibus Germaniæ meros præfides facit. Crediderat quoque Severinus, speciem magis systematis, quam aristocratiae habere illud corpus, quod, ut tale, nulla bona obtinet, singuli autem amplis ditionibus gaudent. Heic regerit *nescis quis, in Germania instar perennis araris, & patrimonii communis esse jus tributorum. Ast quantillum instar in isto est?* Ægre fert, quod Severinus dixerat, *qualemcunque mixturam* (qualem recentiores vulgo fingunt) *non nisi monstrum aliquod civitatis, (non monstrum civile) producere aptam esse.* Putaverim Severinum hoc velle dicere; extent sane resp. mixtæ, sint durabiles, sint non injustæ, habeant aliquem locum inter resp. generalissime dictas; modo inter civitates proprie dictas non postulent censeri, i. e. inter cœtus perfectos,



fectos, qui uno imperio velut una anima indivisa & indivulsa continentur. Ut mulus sit animal nemo prohibebit. Sed si pervicaciter inter equos velit censerī, puto injuria ipsi non fiet, si quis *monstrum equi* eundem vocaverit. Cæterum nisi rationibus constringatur Severinus, dubito an auctoritatibus magnopere possit terri. Saltem sperare potest, *scholarum regem Aristotelem*, ( et si melius diceretur unicus scholarum *civis*, ) non omnes læsæ majestatis reos peracturum, qui alicubi ab ipso disenserint; non magis quam *majestates blasphemasse* dici potest, qui in liberæ etiā urbeculæ timeta jocatus fuerit. Denique & illum sic satis sibi constare putaverim, qui dicat, *remp. aliquam inter regnum limitatum, & systema plurium fœderatorum fluctuare*, ideo, quod reip. caput illuc, reliqui huc eandem trahere nitantur; quod si autem *illa rententia tollatur*, si quilibet jure præfenti adquiescat, eandem in effectu *revera fore systema sociorum inaequali fœdere nexorum*, i. e. quanquam ea respub. per fœdus aliquod non sit constituta, sed ex degenerante vinculo civili in hanc formam sit provoluta; revera tamen potestatem ejus, qui caput reip. audit, vix excedere auctoritatem superioris fœderati, cujus majestatem inferiores socii comiter conservare tenentur. Sic igitur & hicce vires in ventum effudisse videtur. Enimvero isthæc nos hactenus disseruimus, non quod Severini sententiam, saltem in hypothesi, ex asse velimus facere nostram; sed ut ostenderemus, solidiora debuisse afferri ab iis, qui istum ul-

tro laceffere instituerunt. *Christiani à Teuteburg, Nobilis Franci* libellus paulo serius in nostras manus incidit, ut ei discutiendo tempus jam non superfuerit. Qui etsi non satis æquus Severini adversariis videatur, dum *ejusmodi* illorum *scriptis*, qualia hactenus examinavimus, *Severino pondus magis addi* censet: (p. 69.) crediderim tamen illos utut contemtim habitos, sibi gratulari, quod dum is communem causam nihilo melius, quam ipsi, egit, magnam sibi ruboris partem abstergere licuit. Sane enim equestris politica altius ingredi, & gressus glomerare superbos debebat. Annæ philosophia quidem fortuna discernitur? Sed nec operæ pretium videtur plura addere de Anonymo quodam notarum ad Severinum scriptore, *Eleutheropoli* editarum; qui catelli ad morem passim morficat & vellicat, ut nihil aliud agere voluisse videatur, quam supercilium, animiq; malignitatem apricari. Denique illi eruditissimo Viro, qui de *Notitia Romani Imperii titulos memoriales* edidit, ac ipse quoque Severini sententiam rejicere videri voluit, ex hactenus dictis plene potest satisfieri; præsertim cum controversia non in eo vertatur, an Imperium Germanicum sit *una respublica*, sed an idem regularis sit respublica. Quorum prius nequaquam propositum est Severino impugnare; cum etiam Systemati alicui unius reip. vocabulum tribui soleat, & multo magis tribui possit reipublicæ, quæ per degenerationem à regulari forma discessit.

§. 25. Sed quicquid de Germania sit, sufficit nobis

bis concepisse imaginem reip. irregularis, quæ per nimiam potentiam procerum, & magnarum urbium à regno tantopere discesserit, ut regi vix potestatis plus supersit, quam capiti alicui sociorum inæqualium competere potest. Ejusmodi enim resp. neque regnum; amplius erit, quia potestas regia paulatim exolevit, & præter suadendi auctoritatem parum remansit: neque systema sociorum proprie vocari poterit, quia non fœderi suam debet originem, sed ex degenerante civili vinculo istam formam induit. Oritur autem ejusmodi irregularitas, si in magno aliquo regno procerum opes civilem modum fuerint supergressæ; aut urbes, munitæ præsertim, nimia incrementa sumserint. Equidem solæ opes per se neminem à necessitate fidem datam implendi, adeoque nec à subjectione civili eximunt. Nota tamen est mortalium indoles, ut imperii in alios avidorum, sic aliorum in se potestatem dedignantium; ubi tantæ fuerint vires, ut contra quoscunque se defendendi fiducia exsurgat. Et qui per imbecillitatem singulorum adactos se credunt, abdicatâ libertate naturali aliorum sabire imperium; facile lubidinem concipere possunt, eodem iterum se subtrahendi, ubi alterius patrociniò non amplius opus habere videntur. Urbes porro, ut deinceps non nisi precario alium sibi præesse velint, facile animare potest sua magnitudo, situs opportunitas, per quem commeatu, aut aliorum auxiliis ægre excludi queant, opulentia per commercia cum primis parta, munitiones natura aut per artem

tem circumpositæ, quarum custodia penes oppidanos solos est, incolarum multitudo, feroxia, & in tractandis armis peritia. Sed ut singuli proceres eousque pertingant, vix alia commodior videtur via patere, quam si ipsis ad longum tempus, aut ad liberos quoque derivanda committatur administratio magnarum provinciarum, & quidem ut ab uno solo & jurisdictio, & res militaris ac pecuniaria tractetur. Talibus militum & provinciarum animos sibi adjungendi prona occasio, ut regis paulatim exolefcente autoritate istos tanquam immos dominos venerari incipiant. Sane enim ad eos maxime solent respicere homines, ab quibus proxime in ipsos conferuntur bona. Paulis & rarius de primo eorundem autore cogitare abit. Si ergo populus videat, beneficia illa, quæ rege in subiectos solent proficisci, perpetuo pernum dispensari, & huic facultatem esse ista vel expromendi vel intervertendi, quid propius est, quam ut hic in vicem regis colatur? Si curas imperii ab sese in ministrum devolverit rex, iste, non c imploratur ab iis, quibus auxilio est opus. Sic interfamilias, licet famulis suis de necessariis abunde prospexerit, si tamen alteri claves commiserit, huic servos esurientes, non sibi, adulari cernet. Erro qui dignas principe opes, & quæ civitatis istar habent, possidet, varias; per occasiones leginum sibi titulum circumponere potest, ne perpetuo alienæ potestatis aut rei usurpator, aut inceptor audiat. Quandoque rex, ubi ejusmodi præem abs se in ordinem redigi non posse videt,

ac metuit, ne aperte secessionem faciat, aut ad  
 lium deficiat, satius iudicat ipsius fastigium ul  
 confirmare, ac molliori aliquo & honorifico v  
 culo sibi adjunctum retinere. Aliquando ubi  
 bellum intestinum res eruperit, confirmatio ej  
 modi status inter leges pacis est. Minus invid  
 sum est interregnum captare, ut quomodocunq  
 parta potentia in juris speciem evalescat. Post  
 tinctum enim eum, qui aliquid de potestate sua  
 usurpationem decerptum queri poterat, nihil  
 detur obstare, quo minus præpotentes ejusm  
 procures, ubi consenserint reliqua reip. membra  
 qui ipsis præcipue sunt subjecti, novum sibi cap  
 in tales leges adsciscant, ut ab eodem deinceps  
 tanquam inæquales focii habeantur; quicquid  
 vocabulis, aliisque inanibus fiat.

§. 26. Ne oriatur ejusmodi irregularitas, ab i  
 tio præcaveri potest, observatis diligenter sta  
 monarchici regulis, quæ quidem huc spectant.  
 in regno nemo unus sit, aut pauci, pluresvè, qu  
 rum vires regis viribus æquiparari queant, quo  
 que adeo frenum mordentes rex metuere cog  
 tur. Cæterum quanquam prægraves monarchis  
 ves fieri possint ex amplitudine pecuniæ, aut ex  
 ctione, aut ex insignibus pacis belliq; artibus:  
 nil tamen horum facile præbere potest occasi  
 nem degenerationi monarchiæ, & irregulari  
 producendæ, de qua jam agimus. Nam neq; m  
 simul facile in una rep. existere possunt; hisce  
 bus adeo instructi, ut singuli aliquod instar mo  
 cæ saltem civitatis facere possint; neque adeo

biles sunt eadem, ut his potentia ad hæredes continuanda firmiter superstrui queat. Pecunia dissipatu facilis; factiones lubricæ; artes animi non emere heredem sequuntur. Quod si aliquis hisce rebus fretus bellum regi faciat, & rex eundem vii ordinem redigere ultro aggrediatur, si rex occubuerit, resp. non divelletur, sed dominium duntaxat mutabit. Ubi transactione res componitur, tri potest, ut regnum dividatur, & quidem ut partem illam, quam rebellis accipit, obtineat plene, vel tanquam inferior socius. Quanquam rarior contingat; & adjunctus licet unus tanquam socius inæqualis, remp. non statim facit videri irregularem. Quod si rebellium procerum plures sint, regem oppresserint, vix contigerit tam multos inter eos esse æquales, ut regnum inter se velint dividere. Si pari Marte usi cum rege transegerint, isthanc, de qua agimus, irregularitatem periri non potest, nisi provincias sibi validas proes perpetuo jure, aut ad longum tempus gubernandas inter leges pacis fuerint stipulati. Ergo non pronissima sit ad hanc irregularitatem via, si perpetui præfides magnis provinciis citra frænum quod præficiantur, præsertim ubi istæ quoniam peculiare civitates constituerunt, & discent nationum nondum penitus exolevit; hac arte potissimum cautione opus est. Id quod his modis fieri potest, puta, si provinciæ fiant licæ; si præfides frequenter mutantur; si eam provinciam pater filio de manu in manum tradat; si universæ provinciæ administratio

R

non

non sit penes unum, sed inter plures dividatur; si quando administratio belli uni sit committenda, ab ipso tamen præsidia munitorum locorum non debeant; aut si in universum præsidarii locorum munitorum non à præside, sed immediate à rege mandata accipiant. Sed & subinde regi licebit specimina edere, penes se summam rerum esse; istos autem abs se dependere, & alienæ potestatis precarios esse administratores, ne provincialibus unquam regis reverentia aut memoria excidere possit. Ne autem magnæ urbes ad sociorum conditionem paulatim adrepant, præcavetur, si nimia ipsarum incrementa sistantur, coercitis intra certum numerum ædificiis, aut civibus, si nullis munitionibus circumdantur, aut ubi hoc propter externos hostes necessarium sit, si arce premantur, cujus præsidium à rege unice dependeat; si non permittatur, ut plures inter se fœdere aut factione nectantur. Nonnulli prævalidas urbes ad tenuitatem redigere conati sunt, excitata non procul alia urbe, quæ insignibus privilegiis istarum incolas, aut commercia ad se allicere posset.

§. 27. Cæterum vix est, ut ejusmodi irregularitatem non comitentur graves morbi & internæ convulsiones, per mutuam renitentiam capitis & membrorum, dum illud imperfectum imperium, hæc imperfectam libertatem dedignantur. Ingenio ambitionis humanæ, ut eo majore exardescat cupidine rei amatæ, quo propius eidem se admotam videt. Certe tanto imbecillior est ejusmodi resp. irregularis civitate regulari, quanto infirmius

est ad afferendam hominibus necessitatem  
 lum nudi pacti, quam imperii. Imo credide-  
 egulare aliquod systema, saltem quoad effe-  
 arētius cohærere, quam ejusmodi irregula-  
 empubl.; quod illud deliberato consilio, &  
 tutis ab initio legibus coiverit; hæc autem  
 oribus politicis provenierit, & confirmata  
 , non tam quod utilis esset, quam quod cor-  
 mplius non posset. Inde maximum cuique  
 o statu servando aut augendo studium; in  
 um frigida & lenta consilia. Nec dilatandæ  
 olicæ cura, aut facultas, quod recens parta  
 omnes æqualiter dividi vix queant, nec ut  
 t paucis ista accrescant, reliqui facile patian-  
 r invidiam, aut quod unius aut paucorum  
 eliquis periculosa sint. Quin & defensio  
 us invasionem exterorum heic fere languet,  
 qui ab hoste paulo remotior est, istas clades  
 alienas adspicit, & tarde demum, ac post lon-  
 icitationes maligna auxilia molitur. Sic  
 aquam vires suas recte æstimare, aut exfere-  
 int validissimæ quoque nationes, quæ ad  
 rregularitatem reciderunt.

3. Tollitur hæc irregularitas, si vel penitus  
 patur vinculum perpetuum, quo ejus reip.  
 ra uterunque cohærebant, & quilibet suas  
 seorsim administret, aut reliquis non nisi  
 rario vinculo jungatur: vel si in regulare  
 a refingatur, forma reip. denuo per expres-  
 das sancita. Quorum utrunque facile fieri  
 extincta familia, quæ diu principe in ea re-



publica locum obtinuit. Sed ut in regularem regnī formam velut postliminio retrahatur, difficillimū videtur. Non enim, si unus omnibus pro arbitrio imperitare vult, sequitur ut omnes æquo animo servitutem accipiant. Bello rem tentare injustum & anceps; nec astu, nisi lente admodum, multum profeceris. Ad regulare tamen regnum via sternitur, si ejus, qui caput reipublicæ audit, vires insigniter gliscant, reliquorum minuantur. Id quod contingere potest, si isti bello partæ ab exteris provinciæ accedant, aut devoluto ad eundem extinctarum in republ. principum familiarum patrimonio; his vero per luxuriam, sumtus iramodicos aut inutiles, ac socordiam opes dissipentur, aut si in plures particulas ditiones suas discerpserint. Urbes tunc maxime ad recipiendum jugum sunt idoneæ, quando intestina discordia laborant. *Tacitus A. VI. c. 42. de Seleucensibus: quoties concordēs agunt, spernitur Parthus: ubi dissensere, dum sibi quisq. contra amulos subsidium vocat, accitus in partem, adversus omnes valet. Cæterum quid observandum sit, ut status iste irregularis conservetur, ex jam dictis non difficulter colligere licet.*

---

## DE FORMA REIPUBLICÆ ROMANÆ.

### §. I.

**Q**uemadmodum universi orbis memoriam revolventi vix ulla occurrit urbs, ex tam obscu-

iris initiis ad tantum eluctata fastigium,  
 a Roma; quæ pastorum primo fugitivorum,  
 atronum fere colluvies, post insignem orbis  
 rum partem imperio est amplexa: sic ipsa quo-  
 admiratores, gloriæque suæ præcones invenit  
 nitudine sua non inferiores. Sane enim ad  
 indendam, aut propagandam istius famam in-  
 ere non domestica duntaxat ingenia, mas-  
 odam vigore enitescunt; sed & Græcorum  
 ti Romana celebrare gesta non citra ambitio-  
 fategerunt, postquam ipsi memoratu digna  
 re defierant. Inde licet istius imperium jam  
 am communem rerum humanarum legem su-  
 it: tamen antiqua illa Roma adhuc memoria  
 inum, fama rerum immensum floret. Ipsius  
 quam per Europam pleramque sapientia, & bo-  
 literæ, vulgari usui subductam, sibi velut pro-  
 m adoptarunt; qua addiscenda multi floren-  
 mam ætatis partem conterunt; sic ut vulgo  
 spernendum eruditionis specimen habeatur,  
 ni sensa vocabulis, Latinis utcunque sarcina-  
 posse exprimere. Plurimi militarem Romano-  
 disciplinam ac virtutem cælo æquant, quæ  
 patiat, ut magnitudinem Romanam inter  
 ra sua ostentare fortuna queat. Nec pauci ve-  
 attoniti mirantur istius populi mores, artesq;  
 gregia instituta, per quæ domi forisque vene-  
 ilis quædam majestas eidem sit conciliata; quin  
 ubjecto orbi nitidior facies, exterminata passim  
 barie, inducta. Quo nomine *Plinio Nat. Hist.*  
*c. 5.* Italia dicitur *omnium terrarum alumna,*

*eadem & parens, numine. Deum electa, qua cælum ipsum clarius faceret, sparsa congregaret imperia, ritusq; molliret, & tot populorum discordes ferasque linguas sermonis commercio contraheret ad colloquia, & humanitatem homini daret.* Quanquam credo liquidius politura ista morum lætaturæ fuissent subjæctæ Romanis nationes, si saltem posterioribus temporibus parcius adversum hæc superbiam, crudelitatem, & avaritiam adhibuissent. Plerosque, dum imperii molem, opesque, & tot facinora bello patrata defixi circumspectant, in admirationem rapit reip. forma, velut quæ non potuerit non ad ista producenda plurimum adferre momenti; cum non videatur præclaris facinoribus foris efflorescere posse civitas, quæ prave domi fuerit disposita. Ex tam copiosa rerum sylva placuit nobis potissimum formam Reipublicæ Romanæ seligere, super qua in præsens aliquid meditaremur; non quidem in comparisonem curæ ingeniivæ, cum à multis antiquorum juxta ac recentiorum de eadem fusc sit actum; sed quia non infimam studiorum juveniliū partem historia Romana sibi vindicat, eoque ipsam argumenti velut familiaritatem non citra gratiam fore speramus.

§. 2. Expensuris, quam formam respublica Romana obtinuerit post ejectos reges, quousque summa rerum denuo ad unum fuit devoluta, ante omnia curatius dispiciendum, quis prior ipsius status, quæ instituta civitatis, qui mores civium, isti aut alteri formæ peculiariter habiles. Cum enim

ulla mutatio saltem repentina, in republica  
 tere possit, quæ omnia prioris administrationis  
 igia funditus deleat; ita de futuræ formæ sta-  
 tate aut aptitudine sperare licebit, prout priora  
 tuta ad hanc quadraverint, aut facili negotio  
 ti potuerint. Urbem igitur Romam à prin-  
 o reges habuere, quibus venerationem conci-  
 at opinio potius virtutis, quam antiquitate  
 splendore insignis prosapia, aut civilem mo-  
 i supergressæ opes. Quos cogitantibus omnia  
 sunt sequestranda, quæ alias in regum fortu-  
 culos vulgi advertunt. Heic quippe testum  
 nineum, vilis supellex, mensa tenuis, vulga-  
 servitia, insignia dignitatis modica. Sed nec  
 istis, aut satelles robore formidabilis, qui in-  
 m civium obsequium pignorare posset. Popu-  
 ex colluvie pastorum, obscuræque aut infamis  
 is convenarum fere coalitus, & vicinorum dein-  
 ssione auctus, rudis, incultus, ferox, martem-  
 spirans, intra unius urbis pomœria, & modi-  
 i circa tractum coërcitus. Ipsi urbi ex merca-  
 i modica opum augendarum occasio. Ager  
 ita laxus, nec fertilitate insignis, tantæque  
 inum multitudini sat maligne alimenta præ-  
 s. Ex quo tantum non necessaria aliena inva-  
 di libido; & qua pauperiem per commercia,  
 manuarias artes non licebat dispellere, vici-  
 um terras involare quæstus erat.

. 3. Hujusmodi populi regibus necessum vide-  
 ar imperium aliqua popularitatis specie ten-  
 ere, nec sub facie nimis austera illud expro-

mere. Equidem novimus dispares inter opes parem esse potestatem posse: nec qui debiliori imperat regno, minus ideo in suos obtinet juris, quam latissimarum terrarum dominus. Sic neque fulgor inanium, aut modestia ipsam imperii naturam afficit. Et tamen non modicam hæc vim in animis vulgi obtinent; & prout vires regni, genius populi, indoles regionis, aut peculiaris regis firmamenta sese habent, ita exterior imperii facies adornanda. Pari jure in famulum suum gaudere potest rusticus aliquis, & vir splendidus; & longe tamen dispar apud hujus atque illius subjectum obsequii schema. Sed & in eadem potestate mollius, aut securius servum suum tractat cautus dominus, prout isti amplior, aut restrictior nocendi vis, si quando fidem exuere malitia subegerit. Igitur uti sumtuosos adparatus tenues regni opes abnuebant; ita ut sancte simul & moderate exerceretur imperium, suadebat urbs ampla, civium bellicosorum multitudine referta, quos in furorem prolapsos neque arx premebat, neque addictior regi miles coercere posset; quibusque adeo, ubi frænum momordissent, ipse numerus ferociam, & securitatem adderet. Sed & pleraque negotia summam rerum spectantia non cum senatu solum, sed & cum populo communicari sæpe consilii videbatur, intra eadem cum ipso mœnia degentibus; ut eo facilius nova instituta reciperentur, & libentius tolerarentur militiæ labores, quos circa stipendium ipsi cives obibant.

§. 4. Haut quidquam tamen videntur reges Romani

uni aliquam sibi summæ potestatis partem adesse, & in patres, aut populum transtulisse. In statu qui arduorum momenta negotiorum exendi curat princeps, non is imperium suum mittit, sed ut eo feliciore successu vires id suas excet, cavet. Qui autem in concione populi denata sua exponit, rationibus & autoritate votatem ipsius in assensum flectit, quique id efficit, ut subjecti prius parere velint, quam jubeantur; potestatem cum populo non partitur, aut summum rerum judicium eidem tribuit; sed alacriora progressum imperatis suis conciliat. Neque abrupta jussa locum inveniunt inter eos, qui docendi sunt; qui mos civilis; quæ indoles veri, quod civium officium. Equidem apud *Dio-Halicarn. l. 8. Mæcius Coriolanus: Ρωμαίοις δερχῆς πολίτευμα ἦν ἐκ τῆς βασιλείας ἰδεύουσα.* *Romanis ab initio erat respublica aristocratta: Idem distinctius rempublicam à mulò ita constitutam fuisse tradit, ut senatus rebus; quæ à rege referrentur, decerneret, & solum ferret, ita ut semper obtineret plurimam sententiam. Id quod desumptum fuerit à rep. Laconi ubi reges non erant sui arbitrii; ut quicquid esset, facerent; sed penes senatum erat tota publicæ administrationis facies. Plebi autem tria hæc omnia fuisse, magistratus creare, leges sancire, bello decernere. Quod posterius repetitur p. 224. edit. Sylburg. Enimvero quare in re, quæ ad formam reip. spectant, Dionysii au-*

torirati non statim assurgamus, rationum nobis abunde est. Neque Romulum, dum novellam suam civitatem deformat, de exprimenda rep. Iaconica magis cogitasse crediderim, quam Alexandrum M. de urbe Veneta destruenda, Quin & in ipso *Dionysio* considerandum, quod circa jura plebis statim addit, *εάν ο βασιλεύς ἐΦῆ, si rex permisisset*; & quod patrum quoque accedere debuerit autoritas. Idem, quod paulo ante dixerat; regis fuisse, senatum & concionem populi cogere, *καὶ γνώμης ἀρχὴν, & primo loco sententiam dicere*, quod pluribus placuisset ratum habere. Verum talia non ad aliquam Imperii divisionem, sed ad prudentem ejusdem administrationem referenda sunt. Qui solus convocandi jus habet rex, qui primo loco declarat, quo ipse inclinet, facile obtinebit, ut in ipsius sententiam maxima pars discedat. Et frustra major pars in diversa abit, si, ut ratum sit decretum, ex regis arbitrio pendet. Regis, patrumque autoritate ad populum proposita, non erat magnopere metuendum, ne plebs refragaretur. Et sane regum arbitrio omnia fuisse gesta, vel id argumento est, quod prout ingenium regis fuit, ita Civitas Romana vel bellis exercita, vel pacis negotiis fuit. vid. *Florus l. i. c. 8.*

§. 5. Neque vero exinde, quod sororis interfector Horatius a populo absolutus est, colligere licet, extremam provocationem a rege Tullio in populum collatam. Res enim illa ideo ad populum rejecta, ne rex ipse tam tristis, ingratusque  
ad

*Sulgius* iudicii, aut secundum iudicium supplicii  
 tor esset. *Livius* l. 1. c. 26. Aut, uti *Dionysius* l. 3.  
 iubet, quia hærebat rex incertus, quonam modo  
 nienda esset lis. Neque enim fas videbatur, con-  
 fsum sororis homicidam absolvere, ne piaculo se  
 amque domum obstringeret: & durum tamen  
 rat necare, qui tam egregiam patriæ operam  
 restitisset. Sed ex hoc nimis liberaliter *Dionysius*  
 asfert: *populum R. tunc primum capitalis iudicii*  
*potestatem nactum*. Eo quippe facto invidiam dun-  
 axat abs sese rex devolvere, non jus suum inimi-  
 nuere instituerat. Nam apud *Liv.* l. 8. c. 33. *M. Fabius*  
 manifeste causæ servit, dum reprimendæ dictatoris  
 severitati jactat, regem quoque *Tullium* provoca-  
 tioni cessione.

§. 6. Sed & fallitur *Dionys.* l. 4. dum *Servium*  
*Tullium de regia potestate dimidium detraxisse*  
 pronunciat. Cum enim priores reges ad se revo-  
 carent iudicia omnium litium, & de omnibus cri-  
 minibus, tam ad privatas injurias, quã ad remp. per-  
 tinentibus, suo more (*ἡ δὲ ἑαυτῶν νόμον*)  
 decernerent; (*Tacit.* A. 3. vocat, ad libitum impe-  
 ritare,) ille separavit hæc, læsæq; reip. criminum  
 se fecit iudicem, privatorum querelis alios consti-  
 tuit iudices, quib9 reges à se conditas ceu limites ac  
 regulas præscripsit, quas sequerentur in iudiciis.  
 Enimvero valde simplex est credere, potestati regis  
 aliquid decedere, si privatæ causæ per iudices à re-  
 ge constitutos juxta leges ab ipso latas decidatur,  
 etiã ubi in privato iusto jure à rege nihil temere  
 mutatur. Nam ejusmodi iudices non suo jure ju-  
 risdi-



risdictionem exercent, sed velut à Rege delega-  
 sic ut ipsorum sententiæ ab imperio regio v-  
 mutuentur. Quin & rex in eos iudices suprema  
 retinet inspectionem, ipsorumque sententias  
 quæ abs justitiæ tramite aberrare sint visæ, cor-  
 git. Id quod de Romulo expresse *Dionys. l. 2.* ipsu  
 de gravissimis delictis decrevisse, leviora senato-  
 bus judicanda permisisse, providendo interim,  
 quid in judiciis peccaretur. Deinde pestilenti-  
 ma est persuasio, potestatem judicariam eo ins-  
 vire regibus, ut ipsi justitiam cauponari quea-  
 Scilicet hoc vellet aliquis Tarquinio similis; de q  
*Liſius l. r. c. 49.* *Eo accedebat, ut in caritate ci-*  
*um nihil spei reponenti metu regnum tutand-*  
*esset: quem ut pluribus incuteret, cognitiones*  
*pitalium rerum, sine consiliis per se solus exer-*  
*bat: per q<sup>3</sup> eam causam occidere, in exilium age-*  
*bonis multare poterat: non suspectos modo &*  
*visos: sed unde nihil aliud quam pradam sper-*  
*posset.* Paria *Dionys. l. 4.* Controversias liti-  
 non ex jure dirimebat, sed ex suis morib  
 ( *Ἰνὶ τῆς ἐαυτῆς τοῦ πῶτος ἀναφύεσθαι*  
 Qui etiam saluberrimas Servii leges ideo abro-  
 vit, ut ipsi omne jus ex suâ libidine liceret met  
 Enimvero ista præcipua regii officii pars est, pro-  
 dere, ut suo quisque jure potiatur; utque ex  
 diciis non nisi nocentibus condigna noxa pro-  
 niat. In quæstum vertere justitiam, & sub ist  
 obtentu pravas libidines expromere, est in ci-  
 tatibus latrocinandis, & rapiendi licentiam pub-  
 cæ sancire, fructumq; civilis societatis penitus

tervertere, & potestatem sceleribus abolendis institutam iisdem fovendis adhibere. Add. *Tacit. Ann. XI.* de Claudio principe stupido, quemque judicia & affectus per uxorem, aut ministros inditi regebant: *Cuncta legum & magistratum munia in se trahens princeps, materiam pradandi patefecerat.* Ast conditis legibus, & cognitione causarum saltem non gravissimarum, aliis delegata, non solum laborem molestissimum, & cui unius hominis vires nequidquam pares sunt, abs sese amolitur rex: (vid. *Exod. 17. & 13. seqq.*) sed etiam magnam iniquissimarum offensionum materiam caute declinat. Nam ubi regis arbitria pro legibus sunt, si qui causam suam apud eum obtinuerit, juri suo, non gratiæ regis id in acceptis referet. Quæ causa ceciderit, in regem tanquam alteri, quam sibi, æquiores sæpe offensam concipiet. Ne quid de importunis intercessionibus, & ambiosis precibus dicam, quibus rex, ipse jus dicens, nullis scriptis legibus velut alligatum, sit obtundendus; quas neque refutare, neque admittere semper in promptu est. Quæ incommoda facillime effugiuntur, si jurisdictio ita constituatur, ut rex profiteri possit, abs suo arbitrio pauca dependere, nec sibi vas ab introducto semel ordine discedere.

§. 7. Isti hunc tam mollem regiminis genium invertit Tarquinius superbus, qui imperium scelere quæsitum non dispares per artes exercere instituebat. Primores patrum interfecti, quod Servii rebus favissent; aut quæ hac calumnia non per-

tingeret, quævis alia ad damnationem sufficiebat apud eum, cui iustitiæ vocabulum inter crudelitatis, & avaritiæ instrumenta disponebatur. Inde horum numero viribusque accisis, ab iisdem publicorum consultatio negotiorum intra privato parietes revocata. Nec plebem parum alienaverant superbia morum, libidini obnoxium jus, & præter militiæ labores attrita struendis vastissimis operibus corpora. Etsi contra iras civium circumponerentur validus satelles, & affinitatibus conciliatæ vicinorum opes. Occasionem expulsi regis, mutataque reip. præbuit flagitium filii Sexti in Lucretiam admissum; atrox sane, & insecuta foeminæ nece invidiosissimum; privatum tamen, non in universam remp. commissum, & quod saltem innoxia familiæ pars luere non debebat. Præsertim cum facinoris ultio à rege patre nondum foret postulata; & ille pœnas alieni delicti prius inciperet exsolvere, quam de eodem patrato ipsi constaret. Sed nimirum operam ludit, qui in omnibus imperiorum acquisitionibus, & rerumpubl. mutationibus cuncta exanimè ad regulas privatæ iustitiæ exigere satagit. Non semper usquequaque laudaveris modum, quo nonnulli solum invaserunt; quid mirum, si sæpe sceleris quid, aut iniquitatis intercurrit, quando eodem iterum dejiciuntur?

§. 8. Videamus jam qualem reip. formam, qui reges exterminarunt, voluerint surrogare; quam idonea eidem recipiendæ Roma fuerit; an, & quid peccatum sit, quo minus illa exquisita, ac diuturna

exti-

extiterit. Apud *Dionys. l. 4.* memoratur, quid inter autores conspirationis in Tarquinium super nova reip. forma tumultuario fuerit consultatum. Ubi demum omnes in sententiam Bruti concessisse dicuntur, ut illa quidem potestas, quam Romulus instituisset, sequentes reges cum incremento patriæ continuassent, retineretur; substituto duntaxat in locum regii tituli modestiore vocabulo, & temperatis honorum insignibus. Sed ne quis deinceps ea potestate posset abuti, placuit pro singulis binos esse pari jure, ut si unus in transversum abire conaretur, ab altero in viam revocaretur; utque præterea illa potestas esset duntaxat annua. De cætero populo idem jus, quod sub regibus habuerat, deinceps quoque relinqueretur. *Idem l. 5. in princ. Introducto optimatum imperio consules, qui primi regiam potestatem sumserunt, &c.* Nec multum abit *Livius l. 2. c. 1. Libertatis originem inde magis, quia annum imperium consulare factum est, quam quod deminutum quidquam sit ex regia potestate, numeres. Omnia jura, omnia insignia primi consules tenuerunt.* Nobis uti absurdum videtur, imperium regium velle continuare in duobus, pari potestate, eaque duntaxat annua, præditis: ita illud manifestum est, cum nobiles ejiciendorum regum fuerint autores ipsos non plebi, sed suo ordini summam rerum voluisse vindicare: adeoque post abolitum regnum non democratiam, sed aristocratiam constituere in animo habuisse. Neque vero adparet, quare ad isthanc formam recipiendam minus idonea fuerit Roma. Jam tum  
enim

enim ab urbe condita autoritate reliquos eminuerant patres, in consilia reip. gerendæ adsumti. Plebs parere semper sœta, ut ipse suo arbitrio omnia gereret, velut momento vix videbatur libidinem potuisse concipere; ac satis habebat, summa negotiorum, ut olim, cum ipsa humaniter communicari. Asperæ quoque sub Tarquinio tractationis pertæsa, æquo animo justum ac moderatum imperium latura videbatur. Neq; enim adeo refractario erat ingenio ista plebs, ut si prudentia rectoribus adesset, ad decorum obsequium non posset componi. Enimvero quod accidit in omnibus mutationibus, quæ impetu potius suscipiuntur, aut necessitate, quam re prius mature deliberata, & designato in antecessum futuro statu; id Romæ quoque contigit; Scilicet nonnulla relinquenda aut concedenda erant, magis quia præsentium temporum rationes aliter non ferrent, quam quod ad decus aut firmitatem novi status apprime congruerent. Nonnulla quoque per socordiam admissa, quæ deinceps in gravissimorum motuum materiem evaluerunt.

§. 9. Cæterum quod *Livius & Dionysius* ll. cc. sentiunt, initio nomen magis regium, quam potestatem sublatam, in eo non possumus non in alia omnia discedere. Neque enim concludere licet, primos illos consules eandem potestatem cum regibus habuisse, aut quidquam aliud quam magistratus proprie dictos fuisse, quia eadem fere insignia gesserunt, & eadem negotia par. cum regibus modo tractarunt. Nam & præles aliquis magna

gnæ provinciæ, & à sede regia remotæ, eodem cum rege adparatu potest uti; & omnes imperii regii actus ibi exercere. Et ingens tamen erit discrimen inter regem, qui propriam, & præsidem, qui delegatam sibi à rege potestatem gerit. Potestatem porro regiam sive monarchicam hæreere tãquam propriam in duobus æquali jure præditis, & quorum neutri in alterum quid imperii competit, contradictionem puto implicat. Neque est, quod quis nobis occinat exemplum Romuli, & Tatii, qui utique simul Romæ regnum gesserunt. Præterquam enim quod horum potestas non, uti Consulum, certo temporis spatio fuit circumscripta, etiam qui statum Romanæ urbis eo tempore rectè velit concipere, cogitare debet duos exercitus socios, quorum utriusque suus dux, sed qui duntaxat iisdem castrorum munitionibus sint inclusi. Scilicet superstiti Tatio duo erant populi, Romani, & Sabini, communi tantum domicilio, fortunarumque sede juncti, quousque extincto isto in unum corpus rite coalescerent. Quid autem de Augustis, qui bini aut terni quandoque imperium Romanum obtinuerunt, sit judicandum, alio loco à nobis fuit expositum. Sic & frustra regeritur, binarium numerum non eo fine sumtum, ut potestati monarchicæ quid decederet, sed ut minus injuriosi, ac graves essent imperantes, dum mutuo se reverentur, ac vicissim à licentia révocare se possunt, adjuncta æmulandæ virtutis necessitate. Neque enim intentio sola efficere potest, ut quod per sui naturam non nisi in uno hæreere potest,

test, quando in duos diffunditur, priorem indolem non exuat. Sic si bigamus contendere velit, se ductis simul duabus uxoribus haut quidquam legem monogamiæ voluisse infringere, sed duabus tanquam uni cohabitare; nescio an defensionem suam iudicibus sit adprobaturus. Caterum quando magistratui alicui amplissima potestas demandatur, sæpe rationis est, ut adjuncto pare unius licentiæ fibula injiciatur. Quanquam istam collegarum paritatem felicius in pace, quam bello adhiberi deprehensum sit; juxta tritum illud, *multitudo imperatorum Cariam perdidit*. Add. *Livius l. 22. c. 38. seqq. & c. 27.*

§, 10. Sed & illud indicio est, consules non nisi magistratus fuisse, quod ipsorum potestas annuo spatio finiretur, nulloq; ipsorum facto antecedente expiraret. Non enim adparet, quomodo non alieni imperii, sibi tantisper commissi, administrator queat dici, qui illud ex nudo alterius arbitrio accepit, idemque præfixo tempore elapso deponere cogitur, nulla circa successionem deferendam relicta potestate. Præsertim ubi extat concilium aliquod perpetuum, quod non solum post elapsum illud spatium suo jure coire possit, sed etiam eo durante potestate abusum coercere, aut depositis fascibus in jus vocare queat. Add. *Hobbes de Civ. c. 7. §. 16.* Equidem *Grotius de J. B. & P. l. 1. c. 3. §. 11.* modum habendi imperii summi facit etiam temporarium; uti habetur id quod definito temporis puncto, (non incerto vitæ humanæ curriculo,) expirat. In cujus rei exemplum allegatur

tur dictator Romanus; quem pro semestri monarcha venditat eo argumento, quod intra tempus suum omnes actus summi imperii exercuerit eodem jure, quo rex qui est optimo jure; neque ejusdem actus petuerint ab alio reddi irriti. Atqui rerum moralium naturam ex operationibus cognosci; adeoque quæ facultates eosdem effectus habeant, eodem quoque nomine esse nuncupandas. Quanquam dubium non sit, quin major dignitas imperium perpetuum, quam temporarium comitetur; quippe cum solidiore veneratione prosequi soleant homines, quos nunquam ad privatam conditionem redactum iri norunt, quam quos paulo post in æquo sunt conspecturi. Enimvero & ante istum *Bodinus de republ. l. 1. c. 8.* & post eruditi viri dictatorem non monarcham, sed magistratum duntaxat extraordinarium fuisse ostenderunt. Neque vero illud principium usque adeo firmo stat talo, quod illæ facultates sint eadem, quæ videntur eosdem effectus producere. Sed considerandum quoque est, an quis facultatem eam exerceat tanquam suam, an tanquam alienam, sibi delegatam. Hinc & minus recte in classem monarcharum temporariorum à *Grosso d. l.* referuntur illi, qui antequam reges in suam tutelam pervenerint, aut dum furore, aut captivitate impediuntur, curatores regni ita constituuntur, ut populo non subsint, neque ante legitimum tempus eorum potestas sit revocabilis. Hi enim summum imperium exercent non suo, sed alieno nomine; adeoque non magis monarchæ vocari possunt.



possunt, quam tutor dominus bonorum pupilli. Sed & dictatori omnes & singulas partes summi imperii simul ita commissas, ut intra semestre suum pro arbitrio illas exercere potuerit, nemo historiae Romanae gnarus admisit. Neque absurdum est, dari magistratum, abs quo, saltem in certo negotiorum genere, provocatio non concedatur. vid. *Genes. XLI. 40. 44. l. 19. C. de appell. & consultat. l. 8. C. de Episcop. audient. l. un. C. de sentent. pras. prat. l. 18. D. de minoribus. Addatur quoque *Livius l. 8. c. 33. & l. 22. c. 25.**

§. II. Sed regiam potestatem consulibus detrhere in proclivi est. Illud altioris est indaginis declarare, utrum à populo, an à patribus, populo contradistinctis, originarie, & non per modum nudæ præsentationis aut adprobationis, consules potestatem suam acceperint? Idque eo difficilius videtur, quod alibi ostenderimus, licet rex ad senatum aliquem omnia negotia referre solitus sit, huncce tamen, interregno emergente, summam rerum suo sibi jure vindicare non posse; licet vicariam reip. administrationem ad eundem devolvi convenientissimum sit. Rege autem jure an injuria expulso, saltem ex intentione illorum, qui expulerunt, interregnum intelligitur. Ubi ante omnia sciendum, quando mutatio in rep. per tumultum instituitur, non omnia exacte solere, aut posse geri ad illum modum, qui observatur in colatione jurium, tranquilla republ. & omnium, quorum interest, consensu deliberato facta. Sed heic fere tanto plus opum quemque acquirere, quan-

quanto solertius in turbido piscari novit. Quo rerum statu facile est, ut audax usurpatio reliquorum patientia, tacitoque consensu brevi in jus evalescat. Isthæc posita ad dissolvendum huncce novum viam nobis monstrare possunt. Scilicet à patribus mutatio status cœperat, ipsique summam reip. curam, quæ tunc circa arcendos reges maxime vertebatur, statim arripuerant. Eorum destinata plebs adprobabat, neque contradicebat, quo minus isti exercerent ea, quæ modesti reges antea solebant; contenta eo haberi modo, quo ipsam ante Superbum reges tractaverant. Quo ipso intelligitur, plebem saltem tacite consensisse, ut autores novi status potestatem summam deinceps obtinerent, ad eum modum temperatam, quo sub bonis regibus fuerat. Quem consensum eo facilius præsumet, qui noverit, quanti vulgo soleat imputari, duriores dominum depulisse: etsi postea sæpe adpareat, magis alios homines, quam alios mores successisse. Neque in tali casu, ubi possessio in oculis omnium exercetur, nec quo minus contradici possit, ullus metus à possessore intentatus obstat, opus est, ut abs longo demum tempore confirmatio juris petatur. Aceedit, quod cum postea in montem sacrum secessisset plebs, haut-quidquam imperium in se injuria à patribus usurpatum quæstæ sit, sed quod in his nullum adversus sævitiam fœneratorum subsidium foret. Sicuti autem sub regibus, quod populo ardua reip. negotia communicarentur, potestas regia ideò non tollebatur, aut mutila reddebatur: ita patrum summa pote-

potestas cum isto jure populi facile stare poterat. Novas leges persuadere prius, quam sancire, plerumque utilissimum est. Humanum quoque videtur super bello suscipiendo prius ad eos referri qui citra stipendium, suo sudore, ac sanguine gesturi sunt. Nam belli arbitria non penes plebem, sed priscos illos patres fuisse, satis arguit quod hisce inter artes fuerit plebi defatiganda bella ex bellis serere. Cujus abusus obtentu cum post tribuni plebis intercessionem sua etiam necessarias expeditiones sufflaminare instituerent, à dictatore petita remedium; quem creare in patrum manu erat. Denique ab initio magistratus quidem creabat plebs, sed ita, si patres auctores fierent (conf. *Livius l. 1. c. 17.*) & ut non nisi patricii solum summi honorum essent capaces. Et verum penes patres istis temporibus revera fuisse, cui magistratus mandarentur; satis constat ex *Dionysio l. 1. p. m. 553. 556. 557. l. 9. p. m. 599. l. 10. p. 643.* Conf. tamen *Idem l. 2. ab. 171.*

§. 12. Ne summam potestatem diu illibatan conservare possent patres, à multis non minimè culpa in Valerium Poplicolam conjicitur. Cujus ambitiosum circa captandam popularem auran studium inter alios taxat *Paulus Paruta disc. 1.* dum ne populo suspectæ essent in summa Velitæ ædes, in infimo clivo, delata statim materia domum extruxit; dum populo fasces submisit, eo quod ipso confessionem fecisse visus est, populi quam consulis majestatem, vimque majorem esse; dum legem de vocatione adversus magistratus ad populum

pulum tulit. Quanquam enim ista lex eo spectaverit, ut & populus aliquam partem civitatis facere videretur; simulque contra injurias nobilium eidem foret prospectum: debuisse tamen ipsum in formando novo statu aliqua ferre incremento patribus cedentia, allectisque ex equestri ordine, ac reliquo populo potissimis istorum numerum insigniter augere. Ac in universum gravi potius ac severo, quam remisso modo cum plebe agendum: quæ nisi timeat, terreat. Quibus addi potest, populum tunc non tam regni; quam regis odium cepisse. Igitur non necessarium fuisse plura in ipsum jura conferre, quam sub regibus habuerat, dummodo oppressiones, & injuriæ ab eodem arcerentur. Addatur quoque *Arniseus relect. polit. l. 2. c. 6. sect. 3. §. 10. 11. 12.* Neque tamen desunt, quæ pro excusando Valerio possint adferri. Scilicet non usque adeo intolerabilis plebi fuerat Tarquinius. Nam quos imposuerat labores, in maximum usum, aut ornamentum urbis cedebant. Autoribus patribus rex erat ejectus, qui excitis undique auxiliis regnum suum vi erat repetiturus; cui repellendo sanguinem suum plebs commodare debebat. Ille victor in proceres æque, ac plebem erat sæviturus: ab ultero recepto isti duntaxat, sibi quod metuerent, habebant. Quibus obsequii necessitas incumbit, pari onere unius, aut plurium imperia tolerant; nec a fini multum interest, quo imponente saccos ferat. Imo uni facilius satisfieri posse quam pluribus, ostendit *Hobbes de Civitate c. X. §. 6.* Sic cum extincto Romulo per interregni tempus inter

ter patres fasces in orbem irent; *tremere plebem multiplicatam servitutem, centum pro uno dominos factos. Livius l. i. c. 17.* Quin & in hac ipsa mutatione, cum omnia insignia regum primi consules tenerent, *id cautum est, ne, si ambo fasces haberent, terror duplicatus videretur. Liv. l. i. c. 1.* Igitur necessarium videbatur plebem paulo diligentius coli, ut novum statum vel cum periculo tueri ne refugeret: ac saltem per speciosum inanum illi persuadendum erat, conditionem suam longe, quam sub regibus, meliorem factam.

§. 15. Neque vero illa, quæ Valerius fecerat statum optimatum per se subvertebant. Ædes humiliori in loco extruere privata popularitas erat. Insignia honoris alicui submittere non semper confessionem subjectionis habet: ac humanos inter viros ex istorum usu non semper discreveris, quis altero sit superior. Ac multis inter lenocinia conciliando amoris est, signa cultus adversus subiectos præ se ferre, speciemque comitatus ac civilitatis inter instrumenta potentiae disponere. Provocationem autem ad populum concessam non necessum est interpretari velut ab inferiori ad superiorem factam, quique pro imperio istius sententiam rescindere, aut corrigere possit; cum quis ea intentione damnatis provocationem indulgere queat, ut iustitiæ, & æquitatis fiduciam constentet, velut omnium iudicio sententiam absolutam approbaturus. Atque eo minus per istam provocationem potestati patrum decedebat, quod ut super ea cognoscere posset populus, per mag-

str

stratum patricium erat convocandus, qui siquidem rite res gereretur, concioni præsidebat. Ubi non arduum videbatur efficere, ut cum sententia judicum populus conspiraret, siquidem reum pœnas dare omnino ex usu reip. foret. vid. *Livium l. 6. c. 20.* Aut si absolvebat populus reum, quem magistratus damnaverant, colorem adhibere in proclivi erat, quasi non tam potestati, quam intercessioni aut gratiæ populi iste concederetur. Quomodo apud *Livium l. 6. c. 35.* Papyrius dictator dicebat: *non noxa eximitur Q. Fabius: sed, noxa damnatus, donatur populo Romano, donatur tribunitia potestati, precarium non justum auxilium ferenti.* add. *Matth. 27. & 15.* Quanquam fatendum sit, abusum istius sive juris, sive indulgentiæ facilem viam ad dissolvendam Magistratum auctoritatem dare potuisse. Integra tamen sic satis perstabat patrum potestas, quamdiu peculiare plebi caput non existeret, quod suo jure eam convocare, actusque imperii exercere, ac decreta condere, etiam invitis patribus, valeret. Capite enim legitimo destituta plebs non nisi per modum seditionis obvertere cornua illis, penes quos imperium est, valet. Quo adplicari potest illud *Hobbes. de ciive c. 7. §. 5.* *Si discedant congregati, solvaturque conventus, neque quidquam ante constitutum sit de tempore, & loco se denuo congregandi, non amplius est dñe seu populus, sed multitudo dissoluta, cui nulla actio, neque jus attribui potest.* Idem d. l. §. 16. *Populus qui monarcha temporario imperium commisit, ita ut injussu ejus non possit*

*iterum consentire, penitus dissolutus est, manetq;  
imperium penes electum.*

§. 14. Enimvero putaverim graviores adfuisse causas, quam popularitatem Valerii, quare patrum imperium mature declinare cœperit, & factio plebis, illis opposita, emerferit. Jam primum ipsa magnitudo urbis, numerusque civium bellicosorum etiam à regibus imperium prudenti quadam ratione temperari jubebat. Id quod in statu optimatum eo magis videtur necessarium, quo facilius venerationem vulgus concipit adversus unum, cui perpetua potestas, quam adversus multos, quos saltem per exteriora parum abs se differre videt, & qui post breves honores privatam sortem nacti parum judicantur eminere. Equidem passim à Romanis legas extolli sapientiam Romuli, qui plebsque populos eodem die hostes, post cives habuit; cum Lacedæmoniis & Atheniensibus hoc exitio fuerit, quod victos pro alienigenis arcerent.

*Tacit. A. XI.* Et sane vanum est sperare, unam urbem, myriadem quasi civium complexam, latos terrarum tractus violento imperio diu continere aptam esse. Sed tamen uti sub ejusdem complexum imperii victos recipere, eosque ad antiquorum instar civium habere, utile fuerat; ita intra eadem mœnia tantam multitudinem compingere, militarem fere, nemini consultum videbitur, qui intelligit, ejusmodi urbem rastrorum instar habere; quæ ubi imminetia extrinsecus pericula aut domesticæ calamitates animos non conjunxerint, aut fregerint, facili momento in vastos

sed-

seditionum fluctus intumescere possunt. Nam mercatorum & opificum imbellem numerum in officio continere munus arduum videtur. Add. *Aristot. polit. VII. c. 4.* Igitur ad stabilitatem aristocratiae id cumprimis videbatur facere, cum ita repente numerum & opes patrum, ut plebi præponderarent, augere vix liceret, saltem tenui plebe urbem, quantum poterat, evacuare, deductis coloniis, quæ Romæ imperium agnoscerent. Nam per agros, aut vicina oppida dispersæ plebi de summa rerum in se trahenda conspirare haut in proclivi futurum erat. Et agris suis intentam, ac probe nutritam neque otium, neque fames ad res novandas impellere poterat.

§. 15. Cum ergo numerum incolarum urbis non nisi pedetentim, & ex occasione carpere daretur, interea duo cumprimis patribus erant observanda; tum ne per insolentiam ac superbiam plebi insultaretur; tum ut ipsi suppeteret, quo se commode posset alere, ne contra inopiam, & æs alienum ex turbis reipub. remedium quærere institueret. Injuriis irritare plebem numerosam, bellicosam, non per agros dispersam, aut colonias, sed intra unam urbem conclusam, quæque solo reverentiæ vinculo contineatur, quanto cum periculo conjunctum sit, nemo cordatus non intelligit. Quid enim si exulceratis animis turbulentus aliquis occinat, qualia Manlius apud *Livium l. 6. c. 18.* *Quousq; tandem ignorabitis vires vestras, quas natura ne belluas quidem ignorare soluit? numerate saltē quot ipsi sitis, quot adversarios habeatis. Quat-*



*clientes circa singulos fuistis patronos, tot n  
adversus unum hostem eritis. Aut qualia Per  
nius apud Tacitum A. 1. Cur paucis tribunis, p  
cioribus centurionibus in modum servorum obe  
rent? Illud autem satis constat, Romæ hautq  
quam ita religiose servatam illam legem aristoc  
tiis saluberrimam, qua internam apud Vene  
tranquillitatem non minima ex parte stare pro  
tetur Cass. Contarenius l. 5. de Venet. rep. Apud  
netos, inquit, constantissime hoc observatum fu  
ut, omnibus æquum jus esset, neque ulli impune  
ceret vel hominem ex infima plebe injuria affi  
re: patricium vero hominem contumeliam sac  
plebejo, pro sacrilegio ac scelere maximo sem  
habitum fuit. Quod si quis temerarius hujusm  
quidpiam perpetrare ausus unquam fuit, null  
quoque ei fuit impunitatis locus: sed tanto g  
viores pœnas dedit, quanto majoris existimatio  
dignitatisque extitit.*

§. 16. Illud vero perniciosissimum fomitem  
ditionibus præbebat, quod tanta turba eger  
rum civium Romam stiparet, quæ cum non  
beret, unde se aleret, ære alieno pressa, publ  
semper ac locupletiorum bonis inhiabat, ac o  
lemcunque ducem nacta in tumultus pronissi  
rapiebatur. Equidem plebem alere de suo aut  
blico rex aut senatus hautquidquam tenentur.  
Numer. XI. 11. seqq. Et recte Tiberius apud Ta  
A. 2. Si quantum pauperum est, venire huc, & l  
ris suis petere pecunias caperint, sin\_uli nunqu  
exsatiabuntur, resp. deficiet. Si ærarium an

*tione exhausserimus, per scelera supplendum erit. Languescet industria, intendetur socordia, si nullus ex se metus, aut spes; & securi omnes aliena subsidia expectabunt, sibi ignavi, nobis graves. Non potest quippe non fatiscere ærarium, ad quod evacuandum tanta pauperum colluvies, hirundinum instar, incumbit; aut cui alias enormis turba civium obtentu superfluatorum munerum imminet. Illud tamen summi est imperii, prospicere, ut occasio civibus suppetat, unde per propriam sese industriam alere queant. vid. Hobbes. de ci&e c. 13. §. 14. & Le&iath. c. 24. Qua quidē in re eo gravius peccasse censendi sunt patres, quo prioniorem videntur habuisse facultatem & sentinam urbis exhauriendi, & egestati civium subveniendi. Scilicet tot hostium oppida, agrosque ceperant Romani. Horum partem egenæ plebi tradere expeditissimum erat. Nam etsi quod bello acquiritur oppidorum atque agrorum, publico adquiratur; datur tamen modus, ut per talia bello capta & ærarium fiat locupletius, & singulis civibus consulatur. Equidem magna cum contentione super agrariis legibus Romæ semper fuit disceptatum. Qui istas afferebant, valde plausibiliter jactabant: verum esse agrum eos habere, quorum sanguine & sudore partus sit. Indignum ac miserandum esse, non exiguam plebis partem velut extorrem aris ac focus agere. Feras etiam Italiam incolentes lustra habere, & cubilia; illis verò, qui arma ferrent pro Italia, & sanguinem profunderent, nihil præter aëra & lucem concedi, sed sine tectis sedibus-*

que cum liberis & conjugibus vagari. Ludibrio haberi ab imperatoribus milites, quum eos adhortantur in acie, ut pro aris & focis dimicent, nemini enim in tanto numero civium vel aram paternam esse, vel domum avitam; verum pro alienis deliciis opulentiaque belligerare & emori. Nominari magni dominos imperii, qui ne glebam quidem, ubi pedem ponant in suo, habeant. Tenuibus dandum esse aliquid, ne velut necessitatem sentiant aliis invidendi. Eorum, qui patrimonio careant, sobolem tolli in spem mendicitatis. Accedere, quod magnam partem agri, qui publicus dicatur, impudentissimus quisque patrum aut divitum per conniventiam magistratuum invaserit; quos enormibus turgescere opibus iniquum sit, magna civium parte vix famem repellente. Si publicus ager ab istis gratis detineatur, favorabiliores esse, qui inopiæ remedium, quam insolentiæ alimentum quærunt. Modicum pro istis censum pauperes æque, ac divites illos persolvere posse. vid. *Florum lib. 3. cap. 13. Livium lib. 2. cap. 48. Plutarch. Gracchis, Dionys. lib. 9.* His reponebatur: Non videri è republica, ut plebs largitione, & publicorum bonorum divisione corrupta, ad inertiam & improbitatem assuefiat. Dulcedine largitionum inescatam, flagitandi finem prius non facturam, quam nihil ex publico patrimonio supersit. Et inducto semel exemplo etiam reliquis libidinem subituram, ut ex publici potius boni dissipatione, quam propriam per industriam rem augere velint. Satius esse, ab injustis possessoribus

agros

agros publicos vindicari, ex quorum redditibus plebi frumentum & stipendium, si in militiam eundum fuerit, præbeatur. vid. *Dionys.* l. 8. & 9. Hæ rationes quanquam non sint spernendæ; ad statum tamen urbis Romanæ videbatur maxime accommodum illorum consilium: *priusquam quisquam agraria legis autor tribunus existeret, occuparent patres ipsi suum munus facere.* *Liſius* l. 2. c. 48. Et licet demum post creatos tribunos res agraria publice agitari coëpta sit; cum tamen jam tum eorum motuum semina in rep. Romana extiterint, mature de talibus cogitare eorum fuerat, qui diuturnitatem status aristocratici cupiebant. Idque eo magis, quod citra hoc nunquam radicitus extirpari potuisse videbatur funebre malum, quod proximam corruptionis reip. causam præbuit. Quamdiu enim tanta multitudo egenorum urbi incubabat, cui exigua aut nulla rei augendæ facultas; neque essent, qui gratis pecunias mutuo dare vellet; non poterat non æs alienum perpetuo gliscere, quum modicæ quoque usuræ legibus sancirentur. Et si non deessent temporaria remedia, suspendendo tantisper malo, ne in tam perniciosos motus erumperet; postquam ipse eventus docuit, abrupta Appii consilia haut bene cessisse. vid. *Dionys.* l. V. Nam uti *Κεῖναι ἄβειαν*, sive tabulas novas Solonis iniquitate non carere arbitramur: (vid. *Plutarch. Solone*) ita molliora ostenduntur remedia apud *Liſium* l. 7. c. 21. & *Tacitum Ann.* VI. Sicuti & hodie alicubi non spernendum usum adferunt montes pietatis, & Lombardiæ, quas

vocant æquo duntaxat compendio exercitæ. Ante omnia autem prohibendum fuerat patribus, ne ita crudeliter a fœderatoribus tractarentur inopes debitores, neve hidebita corpore aut libertate luere cogerentur. Quæ res eo majorem habebat invidiam, quod magna pecuniarum pars, quam danistæ exercebant, patrum esset. vid. *Liſius lib. 6. c. 36.* Et vero potuisse patres ultro & tempestive quædam concedendo plebe uti obsequentissima, satis adparet ex *Liſii lib. 2. c. 24. lib. 4. c. 59. 60.* Tunc demum autem quædam concedere, quando jam seditionem induerat plebs, erat beneficio suo gratiam demere, & timoris confessione eandem ad majora molienda animare.

§. 17. Sic igitur plebs paupertate & ære alieno oppressa, ac fœneratorum sevitia irritata demum aperte secessionem facit, postquam patres semel, atque iterum remedium malo polliciti, eandem frustrati essent. Quo ipso gravissime peccaverant patres, dum & fidem in posterum promissis suis detraxerunt, animosque plebis penitus abs sese averterunt, tanquam qui nulla hujus malorum cura serio tangerentur, eaque plane debilitata & afflicta gauderent. Ubi enim semel illa persuasio subiectis hæserit, imperantes id tantum agere, ut ipsi perpetuo miseri sint, nec ullam sese apud hos malorum suorum medicinam invenire; non possunt non eosdem averfari, & ubi occasio arriserit, tam iniquos dominos amoliri, aliosque sibi protectores circumspicere. vid. *1. Reg. XII. 14. 16.* Sicuti & plebs Romana, patrum fidei diffusa, non prius cum illis

in

in gratiam redire voluit, quam ex suo corpore annuos liceret creare magistratus, tribunorum vocabulo, qui plebi contra vim & injuriam præsto essent. Hi ut inviolabiles forent, sacrata lege cautum; ac ne nobiles in iis creandis deinceps quid possent, tributis comitiis eos creari institutum. vid. *Livius l. 2. c. 56. 60. Dionys. l. 9.* Cæterum hoc ipso evenit, quod caute valde monebat apud *Dionys. lib. 6.* Menenius, quaudò de tali magistratu creando mentionem injiciebat plebs: *δέῃ ἡμεῖς εἰσέρχεσθαι, μή ποτε δύο πόλεις ποιήσωμεν ἐν μιᾷ.* Timor etiam & cura quadam nos subit, ne forte duas in una faciamus civitates. Scilicet dum demum multitudo peculiaris speciem corporis incipit induere, quando suo jam jure in concilium coire potest, caputque habet ab aliis non dependens, neminique obnoxium; cum antea velut immobilis, & sine nomine truncus foret. Igitur ex illo tempore Roma in duas partes distrahi, & quæ antea imperantium & subjectorum vocabula fuerant, jam factionum naturam induere. Et, quæ humanæ est indoles ambitionis, id deinceps patres atque plebs præcipuum sibi credebant negotium dari, ut illi quidem, quod potentia amiserant, velut postliminio recuperarent; hæc ei, quod partum jam erat, plura subinde adjiceret. vid. oratio *Appii* apud *Dionysium lib. 7. p. m. 454. seqq.* Equidem prima fronte non adeo invidiosum videbatur, miseris civibus contra injurias & oppressionem patriciorum magistratuum

tribunis subveniri. Sicuti nec insignium splendore iidem enitescabant, aut præter intercessionem imperii quid initiô exercebant. Et satis accisa videbatur potestas, quæ extra urbem nihil valebat, *Dionys. l. 8. p. m. 454. seq.* Et quod unus dissentiens ceteros impedire posset. vid. *Lælius l. 2. c. 44. c. 6. c. 37. 38. Plutarch. Tib. Graccho, Dionys. l. 9. p. m. 560. 562. l. 10. p. m. 657. 658.* Enimvero postquam semel velut legitimum, & à patribus separatum corpus plebs constituisset, neque huic duces deerant, qui ad majora capeffanda ipsam agitarent, neque libido post primam victoriam patribus invitis extortam plura invadendi. Et cum penes tribunos esset, concionem plebis quotiens placuisset convocare, jam apertum semper campum habebat, quicumque odio aut invidia in patres, ingeniivè turbulentia, aut potentia studio populari se dare auræ vellet.

§. 18. Quibus gradibus ad majora subinde connixa fuerit tribunorum ac plebis potentia, nemini, qui vel de limine historiam Romanam salutavit, ignotum est. Jam primum ut metuere plebem discerent patres, specimen fuit editum; in jus ad plebem vocato & damnato Cn. Marcio; quia patribus svaserat, annonæ caritate uti ad jura sua plebi iterum eripienda. Cui quidem neque inusitata virtus proderat, neque quod exciperet, auxilii non pœnæ jus datum illi potestati; plebisque non patrum tribunos esse; neque quod patres vel nocentem sibi donari peterent. Qua quidem in re plebis, quam patrum conditio reddebatur potior.

Nam



Nam ab his damnato apud plebem patebat refugium : plebi infensæ, qui reum eriperet, nemo erat. vid. *Dionys. lib. 7. p. m. 440. 448. 457. 469. lib. 9. p. 586. 596. 610. lib. 10. p. 632. 633. 637. 661. 667. Livius l. 2. c. 34. 35. 61. l. 3. c. 11. 12. 31. 53. sub fin.* Plebem vero sua potestate non abusurâ non magis sperari poterat, quam modetatos semper tribunos creatum iri. conf. *Dionys. l. 7. p. 470.* Sicuti & mox intercessionem ad quævis jussu magistratuû, quæ ipsis displicerent, tribuni extenderunt. In eo tamen æquissimum postularunt tribuni, ut, cum antea jus ex arbitrio fere magistratum patriciorum diceretur, perpetuæ ac æquabiles leges scriberentur, ex quibus deinceps civium controversiæ dirimerentur. Quin potius ejus rei gratiâ ultro suam debebant facere patres. Et qui obnixè contendit magistratus, non nisi ex suo arbitrio jus dicere, haut obscuram suspicionem movet, quasi sub justitiæ vocabulo libidines suas cauponari velit. Poterat tunc per decemviros, qui ex patribus omnes erant, (*Livius l. 3. c. 31. 32.*) plebis licentia non mediocriter compesci, ni vesania ipsorum effecisset, ut per tumultum à plebe excitatum iterum dejiciendi forent. Sed & mox non parum opibus patrum decessit lege L. Valerii, M. Horatii ; *Ut quod tributim plebes jussisset, populum teneret.* Qua lege tribuniciis rogationibus telum acerrimum datum pronunciat *Livius l. 3. c. 55. add. Dionys. l. XI. p. 725.* Nam quæ senatui placebant, plebis adprobatione indigebant ; cum etiam invitis patribus plebs ferre leges posset, quas ex suo usu duceret. add. *Tacit. Ann. 3.*



§. 19. Sed nec diu quievit plebs, quo minus illa quoque invaderet, quibus sese patres hactenus insigniter efferebant; nobilitatem generis, & quod soli consulatum obtinerent. Ubi super miscendis connubiis agitari incipiebat, fremere patres: *Canulejum collusionem gentium, perturbationem asspiciorum publicorum privatorumq; afferre; ne quid sinceri, ne quid incontaminati sit: ut discrimine omni sublato, nec se quisquam, nec suos noverit. Quam enim vim aliam connubia promiscua habere, nisi ut ferarum prope ritu vulgentur concubitus plebis, patrumq;? ut qui natus sit, ignoret, cuius sanguinis, quorum sacrorum sit: dimidius patrum sit, dimidius plebis, ne secum quidem ipse concors.* *Liuius l. 4. c. 2.* Ad quæ sane inania, & cum magno plebis contentu conjuncta, regerebat Canulejus: Connubium etiam finitimis externisq; dari solere. Romanos civitatem, quæ plus sit, quam connubium, hostibus etiam victis dedisse. An esse contumeliam maiorem posse, quam partem civitatis velut contaminatam, indignam connubio haberi? Patrum plerosque nobilitatem non genere, & sanguine, sed per cooptationum in patres habere. Eam si omnino sinceram servare placeat, privatis id consiliis fieri debuisse, non ducendo ex plebe, neq; filias sororesq; enubere sinendo è patribus. Enimvero lege id prohiberi contumeliosum esse. Privatorum ubique semper consiliorum fuisse, ducere aut nubere, quam & cui velis. Neque juris quid turbari; nempe patrem liberos sequi. Nec quid aliud se petere, quam ut hominum, ut civium numero sint.

*sint.* Post longem disceptationem in connubia promiscua demum consensere patres; & ut peti-  
tum super communicando consulatu differrent,  
loco consulum tribunos militum consulari pote-  
state tantisper creare visum, promiscue ex patribus  
& plebe. Etsi hoc ipso propius jam consulatui plebs  
admovebatur. vid. *Livius lib. 4. cap. 6. Dionys. lib.*  
*XI. p. 732. 735.* Demum C. Licinius, L. Sextius,  
occasionem præbente muliebri superbia, (*Livius*  
*lib. 6. c. 34.*) obtentuique sumtis miseriis plebis, in  
eam rem acerrime incubuerunt; præter dudum  
jactata clamitantes: *non posse aquo jure agi, ubi*  
*imperium penes patres, penes tribunos plebis au-*  
*xilium tantum sit; nisi imperio communicato*  
*nunquam plebem in parte republ. fore. Consula-*  
*tum superesse plebejis: eam esse arcem libertatis,*  
*id columen. Si eo pergentum sit, tum populum Ro-*  
*manum & ere exactos ex urbe reges, & stabilem li-*  
*bertatem suam existimaturum. Neque sufficere,*  
*si plebejorum ratio duntaxat comitiis consularibus*  
*habeatur. nisi alterum consulem utique ex plebe*  
*fieri necesse sit, neminem fore.* Ad isthæc cum  
multa alia, ac in primis de auspiciis, quæ penes  
plebejos negabant esse, patres opponerent; (*Li-*  
*vius lib. 4. cap. 6. c. 41.*) victi tandem plebejo quoque  
consuli creando auctores facti sunt. Quin succes-  
su temporis factum, ut non modo penes populum  
fuerit, quem ex plebe vellent consulem creare,  
sed & quem ex patribus. Utq; adeo autoritas pa-  
trum circa creationem magistratuum fere inter  
inania esset, dum in incertum comitiorum even-  
tum

tum autores fierent. Consulatu plebi parto, in reliquorum quoque magistratuum partem eadem citra magnam contentionem admissa. Sicuti & vix ulla summi imperii pars adparet, quam deinceps plebs non solum pari jure cum patribus, sed & majori fere vi atque efficacia non exercere visa fuerit. Etsi multa quoque à tribunis non velut ex legitima potestate, sed per violentiam gesta deprehendantur.

§. 20. Hucusque progressæ reipublicæ quæ forma sit assignanda, inter eruditos non satis convenit. Equidem *Polybio l. 6. respublica Romana* (quam ipse vocat καλλιστον ὄργανον τῆ κατ' ὅμας πολιτειῶν, pulcerrimum corpus omnium, quæ fuerint ipsius tempore rerump.) ita æqualiter ex tribus formis simplicibus judicatur temperata, ut ad quam earum referri debeat, non adpareat. Cum enim, inquit, ad consulum potestatem oculos referimus, prorsus monarchica videtur ea esse, cum ad auctoritatem senatus, regimen optimatum: cum ad populi imperium, liquido putet aliquis statum popularem esse. Inde particulatim enumeratur, quæ consulibus potestas, quod senatui, aut populo jus; & quomodo ista sint ita inter sese implicita, ut nō facile sine uno alter se movere queat. Consules, quamdiu in urbe sunt, in omnes habere imperium, præterquam in tribunos plebis: ab iis omnia negotia ad senatum referri; sed & populum ipsos convocare posse, & ex suffragiis majoris partis populi leges ferre. Penes ipsos quoque omnem belli administracionem esse: illos auxilia

omnem

fociis imperare, delectus agere, duces inferiores constituere, animadvertere, publicas pecunias ad belli usum pro arbitrio impendere. In senatus porro manu esse ærarium, ac judicia; ab illo discerni legationes ad externos, exterorum legationes ab eodem expediri. Populi denique esse honores mandare, ac in cives summo supplicio animadvertere, leges, bellum, fœdera jubere. Enimvero nullius potestatem ita esse absolutam, ut non alterius subsidio habeat opus, & ab altero impediri queat. Consulibus ad bellum egressis aquam hærere, si senatus frumentum & stipendium submittere detrectaverit; qui etiam anno elapso imperium prorogare, aut alteri provinciam mandare queat. Ad bella finienda senatus populiq̃ autoritate esse opus: eiq̃ue abs domum reversis rationem rerum gestarum reddendam. Senatui porro magnam populi habendam rationem, penes hunc enim capitalia supplicia esse; tribunos plebis senatus consultis posse intercedere, latisq̃ue ad populum legibus ipsius jura premere. Denique neque à populo senatum posse negligi, quod plurimi ex conductione bonorum & reddituum publicorum rem faciant, quæ sub senatus directione; & quod in plerisque causis ex illo ordine judicentur. Sic ut pleraque pars populi senatui non temere audeat obluſtari, metuens, ne forte ejus auxilio opus sibi futurum sit.

§. 21. A Polybio plerique veterum ac recentiorum in eo duntaxat abeunt, quod consulum potestatem ad ipsum quoque senatum referunt, adeoque

que rempublicam Romanam ex aristocratia, & democratia mixtam, temperatam, aut compositam tradunt. *Grotius* tamen *lib. 1. c. 3. §. 19.* relicta Polybii autoritate, illo tempore remp. Romanam mere popularem asserit, si non actiones ipsas, seu administrationem, sed jus agendi respiciamus; cum & consulum & senatus potestas populo subdita fuerit. In quo ipso aliqui eum sibi parum constare arguunt, dum *d. l. §. 20.* non solum sub primis consulibus mixturam ex populari & optimatum potentia admittit; sed & serius mixturæ quid mansisse ait, quamdiu *imperium* penes patricios, penes tribunos *auxilium* tantum fuerit. *Livius lib. 6. c. 37.* Etsi pro excusando *Grotio* dici queat, posteriora esse capienda de illis temporibus, quæ communicatum cum plebe consulatum antecedeabant: priora de statu, qui Polybii ævo erat, cujus initium ipse ducat à consulatu inter patres plebemque diviso. Sed & *Arniseus relect. polit. l. 2. c. 6. sect. 3. §. 2.* id sibi proponit, ut ostendat errare omnes, qui *aliam resp. formam Romanos secutos fuisse disputant, quam simplicem democratiam.* Quanquam si quis accuratè velit rem considerare, nescio an illa simplici democratix satis quadrent, quæ *d. l. §. 41.* addit; à momento promulgationis legis *Horatiae*, anno ab U.C. 306. quo plebs ex *Acventino* in urbem revocabatur, remp. ita evasisse popularem, ut eo sensu, quo *Aristoteles* accipere solet, omni jure dicenda sit democratica, plus enim *salutis autoritas plebis, quam patrum; plus roboris habuerunt plebiscita quam S.C.Ta.* ideoque ad plebem

*bem magis quam patres res inclinata fuit. Nec hoc dico, quod res prorsus fuerit plebeja, quodq; patres in univēsum à consiliis abstinnerint, sed quod plebis potestas plus valuerit, quam patrum.*

§. 22. Istorum si hic est sensus; Romæ summum imperium fuisse penes concilium vniuersorum, ita tamen, ut res fere ex libidine inconsultæ ac levis turbæ fuerit administrata; cui concilio ipse senatus fuerit subiectus, qui non nisi consultandi, & à populo commissæ exsequendi jus habuerit: tunc fatemur hujus sententiæ nos in historia Romana nondum liquidam invenire demonstrationem. Scilicet id nunquam præ se tulit plebs, quod senatum sibi subicere, suæque potestate penitus exuere vellet: sed ut plebei quoque non minus quam patricii reip. & honorum essent participes, utque plebs, si magistratus patricii ac senatus sua potestate abuterentur, contra ipsorum injurias præsidium haberet. Apud *Licinium l. 6. c. 35.* cum de consulatu plebejis conciliando consultarent Fabius Ambustus, Licinius, & Sextius, ita destinata sua exprimunt: *conando agendoque jam eo gradum fecisse plebejos, unde si porro annituntur, peruenire ad summam, & patribus aquare tam honore quam virtute possent.* Sic apud *Dionysium l. 7. p. 440.* cum Cn. Marcio diem ad populum dicere instituerent tribuni, ita inter alia disseruit Decius: *postulamus, ut plebi non plus nec minus juris sit, quam vobis, qua non minima causa fuit, ut non aliorum imperata faciatis, sed ipsi aliis jura præ-*

*præscribatis, Sic autem effeceritis, ut non deteriore conditione simus, P.C. si eos, qui corporibus nostris, & libertati conantur injuriam facere, proposito judicii metu cohibeatis. Ab injuriis esse liberum, & si quis intulerit, in eum jure vindicari, omnibus in eadem republica versantibus ex aquo commune ducimus. Neque vero legis Horatiæ ea videtur fuisse intentio, ut plebs patribus velut sibi subjectis leges pro libidine posset præscribere. sed ut hi quoque illis tenerentur, quæ plebs, ut sua libertati caveretur, scivisset. vid. Livius l. 3. c. 55. Sed neque senatus unquam confessus est, sese plebi tanquam superiori subjectum, suamque in rep. potestatem à plebe, tanquam ipsi ministrantem & obnoxiam habere. Verum ita plebem ad participationem regiminis concordie causa admisit, ut tamen eo sese penitus exuere haudquidquam vellet. Sic apud Dionys. l. 7. p. 441. Minutius ita ad plebem loquitur: Vos plebeji cum in gratiam cum senatu rediretis, satis putabatis as alienum remitti vobis; & in auxilium pauperum, ne si opprimerentur, & magistratus petiistis creari ex vestro corpore: & imperato utroque magnas nobis egistis gratias, magistratum autem consulum abrogare, aut senatus regimen rerum adimere, partiumque reip. ordinem pervertere nec petiistis, nec unquam petetis. add. Liv. l. 6. in fin.*

§. 23. Cæterum si quando tribunorum audacia ulterius ad convellendum senatus jus progressa est, hic mascule restitit, non eo modo, quo inferior contra superiorem jus precarium utcunque tuctur,

tuetur, supplicando, deprecando, obtestando; sed quo velut ab æquali injuria propulsatur. Et multa per vim à tribunis constituta, post occasione data patres iterum irrita reddidere. Neque ad rem facit, quod *Arniseus d. l. §. 32.* addit; *questionem facti esse, non juris: non quari, quo jure in possessionem majestatis populus pervenerit, sed quantum de majestate reipsa ad se traxerit.* Nam id nondum liquido probatum est, plebem unquam saltem præ se tulisse, quod universum senatum sibi vellet subjicere, ita, ut deinceps ille non nisi administrator esset potestatis, quæ radicaliter in plebe hæreret; aut senatum unquam in ejusmodi subjectionem consensisse. Neque semper si quid conor, id de facto quoque obtineo. Neque unus aut alter actus per violentiam exercitus, & ab altero pacis causa toleratus statim potestatem ac jus meum probat. Sic quando cerebroscæ uxori indulget maritus, in effectu quidem fit, quod uxor, non quod maritus vult. Et tamen exinde illa jus suum in hunc haut quidquam demonstraverit. Inde qui certo modo ad partem alicujus juris admittitur, ubi id quidem integrum ipse ad sese trahere molitur, alter autem semper contradicat, omnibus modis reluctetur, per vim extorta iterum convellere satagat; is sane nondum de facto jus illud in solidum possidere recte dicitur. Equidem vi solet quandoque parari imperium; sed qui eo parto gloriari vult, necessum est, ut vel alterum, cui id extorsit, civitate expulerit, aut in civitate manentem adegerit, ipsum.



sum deinceps superiorem agnoscere. Quousque plebs Romæ nunquam contra patres evaluit. Cum porro fere per seditiones atque violentiam, præterque civilem morem ad consentiendum in petita sua senatum plebs adegerit, neque hic antiquo suo jure sese penitus abdicaverit, ac subiecti conditionem adsumserit: facile adparet, strictæ admodum plebis jura esse interpretanda, & ut senatui quoque libertas sua relinquatur: utque adeo partes summi imperii patres ac plebs velut æqua potestate tractasse intelligantur. Inde per intercessionem tribunitiam non est credendum, saltem ex intentione concedentium patribus ademptum fuisse jus statuendi de negotiis reipublicæ: sed hoc tantum actum censebitur, ne jura jam plebi parta, suaque iudulta deinceps directe aut indirecte tollerent patres, aut alia premendæ plebi introducerent. Quo obtentu sæpe delectus impedierunt tribuni, quod bella ex bellis à patribus feri defatigandæ plebi arguerent. Sic in creandis magistratibus ( præter tribunos plebis ) in ferendis legibus, in suscipiendo bello, pace, fœderibus, potestas jubendi plebi tributa, ita debebat intelligi, ut ne patrum autoritas plane inter inania esset, utque adeo senatus populiq; potestas pari saltem passu heic ambularet; præsertim cum in comitiis centuriatis non mediocrem partem facerent ipsi patres. Sic per provocationem ad populum haut quidquam penitus extorquebatur senatui potestas in fontes animadvertendi; sed per eam id spectabatur, ne quis per libidinem magistratum & judicium

dicum opprimeretur. Nam apud *Livium l. 3. c. 52.* ipsi patres non adeo inique tribunos peti à plebe agnoscunt; cum præsertim nec nos temperemus imperiis, quo minus illi auxilii egeant. Abusus autem & violentæ extensiones juris, quibus ab altera parte strenue repugnatur, hautquidquam pro acquisitione universi imperii sunt habendi. Denique non adparet, quomodo pro simplici democratiâ possit haberi illa resp., in qua præter conciliû plebis extat conciliû optimatum, seu senatus, qui auctoritate, splendore, dignitate longe eminet, iisque opibus pollet, ut si ad vim descendatur, alteri non multum concedat; qui suo jure omnia reip. negotia tractat; suo jure est perpetuus, & non ex plebis arbitrio suppletur; qui denique destinata aut decreta sua cum altero communicat, potius ut conjunctis animis omnia agantur, quam quod eidem sese subiectum agnoscat. vid. *Cicero Catilin. II. & Philipp. III.* Quod si quis dixerit, comitia centuriata esse concilium illud universorum, penes quod summa potestas fuerit; eoque nomine remp. Romanam vocandam esse popularem: ei reponendum, istis comitiis, quando primitus instituebantur, haudquaquam summam rerum commissam: ac plebem non id contendisse, ut illorum potestas comitiorum augeretur, sed ut plebs, prout patribus contradistinguitur: aliqua jura adquiret; denique nec omnes summi imperii partes in istis comitiis tractatas.

§. 24. Nobis nihil expeditius videtur, quam ut remp. Romanam ex eo tempore, quo plebs peculiares

liares sibi magistratus accepit, inter respublicas irregulares referamus, & quidem ad earum genus, quas bicorpores aut bicipites possit vocare. Scilicet in duas partes discesserat resp., patres ac plebem, postquam hæc peculiare sibi caput nacta est; quarum neutra alteri sese subiectam agnoscere volebat, & utraque plerasque partes summi imperii sibi vindicabat, parique fere potestate eadem administrabat. Ita tamen ut ad factionum instar fere inter se partes istæ egerint, & tantum non continuis contentionibus luctatæ sint; dum senatus gliscentes plebis vires atque audaciam compefcere, hæc istam magis magisque in ordinem redigere niteretur; etsi plebis viros fere exsuperare visæ sunt, præsertim postquam multi nobilium, deserta optimatum factione, plebi sese venditare instituerent. Atque istæ partes non tam communi imperio iunctæ videntur, quam conventionibus quibusdam, ac insuper caritate patriæ necessitate propria defendendi, & aliena invadendi cupidine. Ad isthæc confirmanda, aut illustranda cum primis facit considerare dictum Menenium supra adductum ex *Dionysii l. 6. p. 409.* quo metuere se dicebat, ne si peculiaris plebi magistratus concederetur, duæ civitates ex una fierent. Apud *Livium l. 2. c. 44.* Etrusci jactant: *duas civitates ex una factas: suos cuique parti magistratus, suas leges esse.* Id. *l. 2. c. 57.* Dum tribuni consulesque ad se quisque omnia trahant, nihil relictum esse *Sirium in medio, distractam laceratamque remp. per magistratus.* Apud *Eundem l. 3. c. 67.* *Quintius: Quis finis erit discordiarum?*

rum? *Ecquando unam urbem habere, ecquando communem hanc esse patriam licebit?* Salustius in orat. ad Casarem de rep. ordinanda: *In duas partes ego civitatem divisam arbitror, sicut à maioribus accepi, in patres & plebem. Antea in patribus summa autoritas erat, &is multo maxima in plebe. Itaq; sapius in civitate secessio fuit; semperque nobilitatis opes diminuta sunt, & jus populi amplificatum.* Deinde si quando inter patres plebemq; seditio fuit orta, hautquidquam plebs quæsta fuit, obsequium, quo patres ipsi forent adstricti, violatum, aut imperium populi ab ipsis fuisse imminutum; sed pacta secum in monte sacro, & post ejectos decemviros in Aventino inita non servari. Ad illa pacta, tanquam fundamenta sui juris provocabant tribuni, non ad obligationem, qua se patres ipsis subjecissent. Inde apud *Dionysium l. 7 p. 435.* quando Marcius ad tollendam potestatem tribunitiam patres incitat, eo prætexto uti ipsos posse dicit, quod non violent pacta, sed in violatores eorum animadvertant. Plebem enim *λύειν, τὰς ὁμολογίας, & ὥσπερ πονδεῖν, solvere fœdus, & pacta violare*, cum non contenta sit illis, quæ in reditu ex monte sacro obtinuit. Et mox *ibidem p. 438.* tribuni patres vicissim accusant *ὡς ἐψεύσμενων τὰς συνθήκας, quod pacta sefellissent, fœdusq; & jusjurandum plebi de superiorum offensarum oblivione datum violassent.* Sic in eadem Marcii causa tribunus ad patres: *nunc stare debetis pacis conditionibus, τηρεῖν τὰ συσχείμενα.*

Deos

Deos enim nobis dedistis sponsores fœderis, multa & dira imprecati ejus transgressoribus. Apud Eundem l. 9. p. 601. Lectorius tribunus: non vim factam senatus; nec bello acquisitum reditum: rogatos ut reciperent relicta, cessisse senatus precibus. Tum commemoravit jusjurandum, & leges reditus, in quibus erat offensarum oblivio, deinde proprius plebis magistratus, qui subveniret pauperibus, & oppressores eorum reprimeret. Apud Eundem l. X. p. 661. quidam arma à plebe sumenda svadent adversus patricos, qui pactum cum plebe fœdus violassent. Denique, si quando tribuni consulibus concordēs extiterunt, non ea species fuit, quasi hi istorum, aut isti horum imperio obtemperarent, sed velut utriq; ex benevolentia, aut communi utilitate in eadem consilia conspirarent. Discordēs sese mutuo velut æquales oppugnare. Facit etiam huc cumprimis illud L. vii l. 3. c. 65. Alter semper ordo gravis alterius modestia erat. Quiescenti plebi à junioribus patrum injuria fieri cœpta. Seniores patrum, ut nimis feroces suos credere juvenes esse; ita malle, si modus excedendus esset, suis, quam adversarius superesse animos. Adeo moderatio tuenda libertatis, dum æquari velle simulando ita se quisq; extollit, ut deprimat alium, in difficili est; cadendoq; ne metuant homines, metuendos se ultro efficiunt, & injuriam à nobis repulsam, tanquam aut facere, aut pati necesse sit, injungimus aliis. Et ibid. c. 67. Discordia ordinum est venenum hujus urbis; patrum ac plebis certamina; dum nec nobis imperii, nec

vobis

*Vobis libertatis est modus, dum tadet vos patriciorum, nos plebejorum magistratum.*

§.25. De habilitate, præstantia, ac velut sanitate istius formæ alii præclare, alii secus judicaverunt. *Polybius l.6.* postquam ostendisset, quomodo singulæ civitatis partes & incommodare, & commodare sibi invicem queant, addit; inde evenire, ut adversus omnes casus apte sint concinnatæ; adeoque meliorem hac remp. neminem posse instituire. Periculo quippe ab exteris ingruente concordare cives, opemq; sibi invicem ferre; consulta factaque pari vigore obiri. Et inde remp. invictam per ipsam qua constat formam. Rursus ubi externo metu vacui rebus lætis in superbiam, & injurias mutuas convertantur, ipsam tamen remp. ex se malis suis remedium parare. Ubi enim pars aliqua se efferens jurgium movere, & majorem, quam oporteat, potentiam sibi cœperit vindicare; quia nullius potentia omnibus numeris in se sit perfecta, sed consilia omnium ab obsistentibus mutuo impediri queant; hinc nullam offerre se partem supra cæteras valere, neque impotentia superbire. Omnia quippe in suo statu manere, cum aliorum cohibeatur impetus, alii ne in se quoq; insurgatur perpetuo metuant. Enimvero cum *Idem paulo ante* conversionem rerump. regularium, & illum velut necessarium orbem, uti ipsi videtur, sat argute démonstraverit; (quem tamen magis de rebusp. intra unam urbem conclusis, quam de diffusis imperiis agnosceamus: ) non levibus argumentis opus erat, ut cordati crederent, metum ab ex-

T

teris,

teris, & mutuam inter membra reip. renitentiam validiora ad diuturnitatem vincula esse, quam imperium, prout illud in regulari aliqua rep. existit. Aut valde fallor, aut proprium iudicium de rep. Romana sub persona Valerii expromsit *Dionysius* l.7.p. 460. *Vix aliud, inquit, est utilius ad salutem hujus reip. tuendamq; libertatem ejus, & potentiam, atq; concordiam conservandam, quam adsumi plebem ad publica negotia, & administrationem rerum ita temperari, ut nec penes solam plebem sit imperium, sed mistum ex his instituatur regimen. Nam facillime ad injurias prolabitur unaquaq; ex reip. formis, si per sola sit. Quod si mediocriter misceantur, pars quæ consuetum ac decentem modum excedere videbitur, in ordinem cogetur ab altera magis sobria, retinenteq; mores pristinos. Paucorum quippe potentia penes optimates sita, ubi discitis & factionibus elata, justitia ceterarumque virtutum nullam rationem habuerit, plebis prudentia corrigitur. Plebs ipsa ubi à modesto & legitimo regimine ad immodestam, & iniquam dominationem deflectere cœperit, ab uno quopiam optimo viro compescitur, & vi retrahitur ad officium. Enimvero isthæc oratio longe plausibilior foret, si satis cautum esset, in tanta hominum multitudine, propriis aut alienis libidinibus tumente, modestiam, & sana consilia furori viribus succincto semper prævalitura.*

§.26. Ex recentioribus *Macchia Belli* circa formam reip. Romanæ vestigia Polybii pressè sequitur, disc. ad *Livium* l.1.c.2. Inde cum eam remp. prædi-

prædicasset perfectissimam, ad id demonstrandum  
et supponit, omnes homines esse malos, eosque  
malitiam semper velle exserere, ubi occasio com-  
moda arriserit. Quod si illa malitia quandoque la-  
teat, id ex alia causa provenire; quam tamen tem-  
pus demum in lucrum protrahat. Inde quod no-  
bilitas Romana post ejectos Tarquinius aliquan-  
tis per pravitatem suam tectam gesserit, plebi que  
sat æquam & tolerabilem sese exhiburit, causam  
fuisse metum à Tarquiniis adhuc vivis imminen-  
tem. Hisce extinctis, eaque depulsa formidine,  
nobiles virus suum ubertim in plebem effudisse.  
Sic ut plebi necessarium fuerit de tali cogitare in-  
stituto, quod æque, ac Tarquini, nobilibus timo-  
rem posset incutere. Adcoque demum inventos  
tribunos, quorum potestas insolentiæ istorum fi-  
bulam injiceret. Enimvero uti illud facile conce-  
dimus, malitiam plerorumque mortalium non nisi  
metu intentato satis coerceri; & non paucos li-  
bertate potentiæ suæ ad eadem abutendum cor-  
rumpi; ita illud oppido quam absurdum remedi-  
um videtur frænandæ imperantium prævæ libidi-  
ni, in eadem civitate exadversum isti opponere  
potestatem æquæ validā, quæque suo jure terrorem  
ipsis cominus intentare queat, ubi extra limites  
officii evagari eidem judicati fuerint. Id quippe  
est, ne imperii abusus contingat, imperii vim dis-  
solvere, & in una civitate perpetuo velut castris ca-  
stra opponere. Sane commodiore ratione injurias  
nobilitatis illa sistit optimatum respublica, quæ  
lèges non minus in nobiles quam plebejos exer-



ceri facit. Id quod lubenter admittent nobiles, qui diuturnam & quietam, quam brevem & turbidam potentiam malunt. Sed nec illud nobis persuadet *Macchia&vellus disc. seqq. 4. 5. 6.* dissensionem ordinum internam magnitudinis Romanæ causam ita fuisse, ut citra hanc ad id fastigii Roma eniti non valuerit. Equidem fatemur, senatum bella ex bellis, si ultro non surgebant, texuisse, ut distenta foris per expeditionem magna populi parte, reliquis domi posset uti magis tractabilibus. Quam causam callide dissimulat *L. Quintius* consul apud *Livium l. 3. c. 19.* *Nescio quo fato magis bellantes, quam pacati propitios habemus deos.* Apud *Dionysium l. 9. p. 590.* *Servilius*: propter internas turbas sit, ut bellum pace nobis potius videri possit, quando in bellis inimicis male facimus, in pace amicis. *Idem l. X. p. 659.* Hic jam consueto circuitu in urbe recurrebat mos, ut in bellis concors, in pace discors esset. Quo animadverso, quotquot ad consulatum exherentur, nihil magis quam externos motus optabant: & quoties foris pax esset, quarebant incursionem, & bellorum occasiones; quippe qui viderent, felicitatem urbis externis bellis crescere, at intestinis seditionibus imminui atque enervari. *Idem l. 8. p. 549.* In omnibus locis tam Gracarum quam barbararum gentium usu venit, ut cessantibus externis periculis intestina domi seditiones exoriantur: sed maxime id accidit in populis bellica arumnosæque vita affectis, partim libertatis, partim imperii desiderio. Agere namque se continere possunt ingenia cupiditatibus

asfve-

*asſuefacta, ſi prohibeantur à conſuetis exercitiis: Et ideo prudentes rei publicæ præſides ſemper alunt aliqua externorum bellorum ſeminaria; ſatius ducentes foris conſictari, quam domi. Atqui præterquam quod de felicitate civitatis non ſemper ex magnitudine ditionis eſt judicandum, nondum ſat liquido probatum fuit, ad idem culmen Romanam citra ejusmodi divulſionem ordinum aſſurgere non potuiſſe. Præſertim cum eam incrementorum, quæ ſub regibus ex tam tenuibus principiis fecerat, pœnitere non poſſet.*

§. 27. Longe propius ad veritatem acceſſiſſe videtur *Paruta diſc.* 1. qui plurima notat vitia, quæ imperfectam, aut ad diuturnitatem inhabilem rempublicam Romanam reddiderint. Inter alia ipſi notatur enormis poteſtas quibusdam magiſtratiſbus, ac inprimis extraordinariis, quales erant dictatores, conceſſa. Plebs nimis potens, & ad quælibet reip. negotia promiſcue admiſſa. Ordines neque muneribus, neque gradu potentix rite diſtincti; ex quo non prava ſoluni, ſed & contraria ſibi inſtituta provenerint. Quibusdam magiſtratiſbus imperium diu nimis prorogatum. Nec privatorum opibus certus modus præſcriptus; cum tamen, ut civis quis fieret, nullus cenſus per leges requireretur. Quorum hoc uti ſtatui populari congruit, ita iſta eidem quam maxime adverſantur. Nobilium opes tum privato velut Marte, tum ex publico inſigniter auſtæ; magna ex adverſo plebis parte ad egeſtatem devoluta. Unde hæc invidia flagrans facile aures præbere his,

qui in istos eam incitare moliebantur. Ipsa porro Roma tanquam corpus biceps ac biforme internis dissidiis perpetuo distracta; unde non potuerint non magna in rebus deliberandis aut gerendis provenire impedimenta. Utraque pars summam rerum ad se trahere, utraque ad alterius opes minuendas mutuo incumbere. In justitiæ administratione magis vocabula factionum, quam causa attendi. Tum inde maxima optimatibus incommoda, quod ex ipsorum ordine multi ad plebem transirent, auraque populari turgidi, & istis formidati volitarent. Jam legum exigua autoritas, quæ ambitu, vi, aut levitate populari facile per rumpebantur. In senatu multæ corruptiones. Instituta popularia uti primo ad spectu libertati favorabilia; ita ad diuturnitatem haut quidquam valida & tyrannici viam sternentia. Jam id quoque vitiosum, quod pleraque instituta reip. fecerint ad alendam virtutem militarem; pauca aut nulla huc spectaverint, ut tranquillam & decoram pacem bene ferre cives possent. Hinc bellum Romæ proficuum, pax domesticis turbis fœda; quas cum exterorum metus hostium non amplius utcunque reprimeret, extrema demum mala reip. attulisse adparet. Et cum id tantum egisse Roma visa fuerit, ut cum oppressione aliorum fines suos proferret; non potuisse non in civibus quoque ambitionem immensum gliscere. Educatio nimis libera, & quæ mores civium non satis ad observantiam legum, uti Spartz, formaret. Nam, uti *Aristoteles Polit. l. 2. c. 6.* tradit: ὁ νόμος ἰσχυρὸς ἐδευρίαται  
εἰς χυλόν

ἔχουρος τὸ πείθεσθαι, πλὴν ὧσαυτ' ἐθέλει.  
*Lex nullam habet firmitatem uti ei pareatur, nisi  
 ex assuetudine.* Demum postquam multos erro-  
 res ac defectus enumerasset, qui in formando  
 istius reip. statu fuerint commissi, nec post occa-  
 sione data mature correcti, concludit: eam sem-  
 per fuisse corpus male temperatum, & pravis hu-  
 moribus scatens, eoque nunquam firma satis va-  
 letudine gaudens: quam discordiæ civiles misere  
 exercitam longe citius exitio admoverint, quam  
 alias vires ipsius pollicebantur. Nec diversa heic  
 sentit *Armsæus d.l. §. 118. seqq.* Quibus & nos cal-  
 culum nostrum addimus. Neque enim cordatus  
 quisquam bene dispositam pronunciaverit rem-  
 publicam, quam intestini motus non potuerunt  
 non perpetuo agitare, quousque in male formatam  
 monarchiam mutaretur, cujus vitia demum ener-  
 vem molem misera ruina præcipitarunt.

## DE LEGIBUS SUMTUA- RIIS.

### §. I.

**Q**Uam non vulgaris sit operæ, tantam ho-  
 minum multitudinem, quanta civitate  
 continetur, rite temperare, ut huic vi-  
 gor sanitasque constet; vel id luculen-  
 to est indicio, quod mortales non multis solum,  
 sed & sæpe repugnantibus inter se libidinibus

agitentur, quæis tamen par fere circa perturbandam societatis civilis tranquillitatem efficacia inest. Ut de aliis jam taceamus, quantas turbas dare solet insatiabilis habendi libido? Quam variis legibus velut aggeribus iste torrens coercendus est, ne, dum in aliorum facultates sese diffundit, atrocibus rixis cives committat? Quanto vigore quoque sæpe opus est, ut homines quæ debent, erogare velint, & ad explendam suam obligationem velut medullitus affixas sibi pecunias depromere? Neque minus tamen apud plurimos conspicitur vesana libido per inania opes dissipandi, gravissimis & ipsa malis remp. involvere idonea. Quæ pestis eo malignior est, quod apud multos contrarium sibi vitium accepit, ut eo infensius alienis bonis immineant, quo dissolutius propria perdidderunt. Hoc malum qua ratione commodissime sisti posse videatur, nonnulla in præsens meditari sedet, ansam nobis præbente epistola Tiberii, quam super eo negotio ad senatum scripsit, apud *Tacitum Annal. 3.*

§. 2. Initio igitur videndum, in quasnam potissimum res tum quondam Romæ, tum hodie in multis Europæ partibus enormes aut superflui sumtus sese gaudeant effundere. Apud *Tacit. d. l.* primo tanquam maxime invidiosi tanguntur *mensa ganeaq; paratus*. Ad hanc itaque classẽ referimus superfluas domesticorum ciborum strues, & gementes sub patinarum pondere mensas; domestici liquoris nimiam ingurgitationem; rariorum epularum ambitiosam affectationem; cibos præ-

terea

terea exoticos, longæque petitos; vina exotica; condimenta terris alio calentibus sole nata; & similia. Quibus sumtibus imprimis obſtetricatur ſolennium epularum velut publica neceſſitas; natalitiæ, ſponſalitiæ, nuptiales, funebres, collegiales, ex conventione in urbem euntes, & quæ aliæ tantum non vim legis luxuriæ circumponunt, nec quemlibet ſuo arbitrio ligurire patiuntur.

§. 3. Inde perſtringuntur *Villarum infinita ſpatia*. Sub qua claſſe comprehendendi poſſunt omnes ſuperfluxæ ſubſtructiones, & ædes, oſtentationi tantū aut voluptati inſervientes, nulli uſui; præſertim ubi illis exornandis acceſſerint peregrina marmora, aulæa, & alia modestam elegantiam & ſobrium uſum ſupergreſſa ſupellex. Horti itidem ſumtuofi, iiſque meri voluptuarii, piſcinæ, vivaria, nemora, ambitioni miniſtrantia.

§. 4. Succedit *familiarum numerus, & nationes*. Quo ſpectant omnes miniſtri & ſervi, non neceſſariis aut utilibus miniſteriis, ſed pompæ duntaxat deſtinati; quos ſplendidis excolere veſtibus inter leges elegantis luxuriæ eſt. Hiſce exuberantem pretioſorum equorum, & rhedarum numerum aſſociare poſſis.

§. 5. Sequitur *auri argentiq; pondus; tabularumq; miracula*. Huc referimus vaſa aurea & argentea multitudine, aut magnitudine & pondere enormia, per quæ materia pecuniæ ſubtrahitur; vel etiam artificio conſpicua: nec non cujuſvis generis vaſa non ad uſum, ſed oſtentationem comparata, nec materiæ pretio, ſed raritate æſtimata.

Item pocula vitrea & cristallina artificiose cæ-  
lata, porcellina, & similia, quorum accendit  
fragilitas pretium, & quæ possunt statim tota pe-  
rire. Item tabulæ pictæ, quæ antiquitas, fama arti-  
ficum, aut elegantia iminensum apud multos pre-  
tium posuit.

§. 6. Inde taxantur *promiscua viris mulieribus-  
que vestes*. Quo ipso præcipue notatur mollities  
virorum, abs talibus vestibus non abhorrentium,  
quæ etiam graviores fœminas parum, decebant:  
ventus textilis, & per quem impudicæ ne adulte-  
ris quidem plus sui in cubiculo, quam in publico  
ostendunt, & quo sumto mulier parum liquido nu-  
dam se non esse jurabit, nequam commento, ut ve-  
stis non tegeret. Sub hanc classẽ tamen revoca-  
bimus omnem superfluum vestium splendorem, &  
quicquid in iis non usui, sed superbix subservit. In-  
primis auro & argento intextas vestes, quæ dupli-  
ci nomine damnosæ sunt, & tales, ubi ipsa vestis  
minima sui pars est; sed præcipuam ejus partem  
constituunt pretiosa assumenta & ornamenta, ac  
singularum exercitus ingens. His adde plumas, pel-  
les exoticas, Zobellinas; item cæsariem factitiam  
magni pretii, & similia.

§. 7. Denique peculiari classe censentur *illa  
fœminarum propria*. Etsi enim natura ad rem  
magis servandam, quam adquirendam istas idone-  
as finxerit; sæpe tamen in jam dictis luxuriæ ge-  
neribus paria cum viris faciunt, quin & sæpe no-  
lentes sumtibus exhauriunt. Sed & peculiari fero  
ardore feruntur in margaritas & gemmas, quæ  
per

per mortaliū libidinem principium culmenq; omnium rerum pretii tenent. De qua re *Tertullianus de habitu muliebri*: *Brevissimis oculis patrimonium grande profertur. Uno Lino decies sestertium inseritur. Saltus & insulas tenera cervix fert. Graciles aurium cutes Kalendarium expendunt, & sinistra per singulos digitos de saccis singulis ludit. Ha sunt vires ambitionis, tantarum usurarum substantiam uno & muliebri corpusculo bajulare.*

§. 8. Expendamus jam damna, quæ ex ejusmodi sumtibus tum in singulos, tum in privatas domus, tum denique in totam civitatem redundant. Et per illam quidem luxuriam, quæ in epulas, viniq; ingurgitationes insanit, quid noxæ animis corporibusq; singulorum inferatur, in apico est. Hebetudo mentis, fractus animi vigor, laboris impatientia, infinita morborum lues, præcox aut debile sensum, properatæ mortes.

§. 9. Quantopere porro singulas domos affligant supervacui isti, enormesq; sumtus, subruto censu, nemini obscurum est. Quas majores per industriam & parsimoniam cumulaverant opes, primum absumuntur. Inde æs alienum contrahitur, quod per usuras quotannis intumescens demum avitos fundos & prædia absorbet, saltem debitore defuncto, si forte ipsius vivi autoritas & potentia creditorum importunitatem tantisper repressit. *Plutarchus de vitando ære alieno*: *Si contenti solvissemus esse rebus ad vitam necessariis, tam non esset sæceratorū genus, quam non est Cen-*



*taurorum atque Gorgonum. Caterum luxuries uti aurarios, argentariosq; fabros, & unguentarios, ac preciosorum colorum tinctorum, ita fœneratores etiam produxit. Non enim panis & vini pretium debemus; sed pradiorum, mancipiorum, mulorum, tricliniorum, mensarum, & ea, quæ effuse in publicum faciendo sumtus, aut ambitiose, inutiliterque magnificentiam, affectando prodegimus. Ipsa porro tot Dictatorum, tot Consulum stirps & progenies cum ob inopiam dignis sese artibus excolere nesciat, ad pudendam ruditatem redacta sibi ipsi rubori, aliis oneri evadit, ac demum illustres familias obscuro fine claudit. Nonnulli, qui rei familiaris vulnera per scelus, pravasque artes solidare aggrediuntur, nil aliud efficiunt, quam ut aliis negotium facebant, sed sibi maturius exitium inveniant.*

§. 10. Circa expendenda autem incommoda, quæ ex sumtibus illis in totam civitatem redundant, distinguendum est, utrum pecunia, quæ ita prodigitur, intra civitatis fines maneat, an vero hac occasione extra eandem migret. Equidem sunt, qui incommoda luxus, quatenus illa totam civitatem tangunt, elevare conantur, si duntaxat consumantur, quæ intra civitatis terminos proveniunt, nec opes nostræ ideo ad externos transferantur. Isthoc modo enim, quæ majorum aviditas corrasit, per nepotum prodigalitatem iterum in populum spargi, numisque inutili carcere detentis libertatem donari. Omnem velut fecunditatem pecuniæ ex motu provenire. Quo  
major

major ergo pecuniæ motus in aliqua civitate existat, eo uberiores lucri materiam singulis adesse, & eo plus quoque in ærarium redundare; præsertim ubi in ea, quæ consumuntur, certa sint onera imposita. Parum interesse civitatis, si per luxuriam aliquot familiæ pessum eant, cum ex earundem velut fractis tabulis aliæ incrementa possint capere; & nunquam ita in universum furat aliquis populus, quin nonnulli cæterorum stultitiam in emolumentum suum vertere norint. Addunt, fuisse principes, qui ultro luxuriam populo suo immiserint, ut hoc modo ejus ferocia frangeretur, quo minus nervorum deinceps ad jugum excutiendum foret. Eo medio Cyrum usum ad effaminandos Lydos. Sic cum multis opes suæ animum addant ad res novas moliendas, dum per luxum ac immodicos sumptus illæ attenuantur, simul quoque vires ad turbandum præsentem statum subtrahi.

§. II. Enimvero talia fortasse qualicunque cum colore jactari possunt ab illis; queis per vim partum imperium non disparibus artibus stabilitur. Sed ut princeps, qui legitima via & volentibus civibus ad imperium pervenit, corruptelis & vitiis civium firmando statui suo uti velit, id neque fas neque proficuum fuerit. Sane enim ad robur civitatis cum primis facit, si cives animis corporibusque vigeant, quæ utiq; luxus in languorem & desidia dat. Neque bono principi etiam à frugi civibus difficile erit impetrare, ut tantum conferant, quantum publicis necessitatibus sufficit.

Quid autem tributi expectes ab illis, qui patrimoniū suū intra ventrem condiderunt? Neq; statim, proscripto luxu, velut circulatio pecuniæ sistitur. Cum porro per luxuriam multa alia vitia proveniant, illa extincta & hisce radix succiditur. Atqui non potest non ex re legitimi principis esse, ut sui cives quam paucissimis vitiis urgeantur.

§. 12. Cæterum quod gravissimum est, qui bona sua consumserunt, quā maxime solent principi & civitati, esse molesti. Aliqui enim ex principis liberalitate deinceps victitare instituunt. Atqui *si quantum est pauperum, venire huc, & sibi petere pecunias ceperint, singuli nunquam exsatiabuntur, res publica deficiet.* Ac si *erarium ambitione exhauriatur, per scelera supplendum erit.* Ex iisdem, si qui muneribus publicis præficiantur, plane venales se præbent, ac omnia in quæstum suum vertunt, publicis æque ac privatorum opibus imminentes. Qualem Varum Quintilium describit *Vellejus Paterculus: Pecunia quam non contemtor? Syria, cui præfuerat, declaravit; quam pauper dñitem ingressus, dñes pauperem reliquit.* Verum quia paucis admodum contingit ex largitionibus principis; aut expilatione civium peculatuve, aut justitiam cauponando rem afflictam instaurare; plurimi, audaciam addente desperatione atque inopia, ex turbis reip. malis suis remedium quærunt, & privatum incendium publica ruina restinctum eunt. Nam civibus, qui in re lauta & integra sunt, quieta civitate opus est. Ast qui adefis bonis ære alieno premuntur, turbas reip.

reip. optant, aut quærunt; per quas aut lacunas rei familiaris explere, aut creditores saltem tantisper eludere queant. Aut si fortuna adversa fuerit, satius habetur in acie cadere, quam per creditores nexum trahi. Ad quæ illustranda facit expendisse, quas causas conjurationis Catilinæ, quosque ipsi socios adscribebat *Salustius & Cicero Catilinaria* 2. *Sætonius Julio* c. 27. Tum reorum, aut obaratorum, aut prodiga juventutis subsidium unicum ac promptissimum Cæsar: nisi quos gravior criminum, vel inopia luxuriæ & eis urgeret, quam ut subveniri posset à se. His plane palam bello civili opus esse dicebat. Facit & huc aliquo modo locus *Aristotelis polit.* V. 6. Fiunt etiam mutationes in oligarchia, quando prodigaliter & scientes qui gubernant per luxuriam patrimonium, consumserunt. Optant enim res novas hujusmodi homines, tyrannidemq; vel sibi ipsis vel alteri affectant. Et paulo post: Hi homines consumitis patrimoniis aut res novas commovent, aut remp. surjis expilant. Apud *Tacitum Hist.* 1. Othonem, cui compositis rebus nulla spes, omne in turbido consilium, multa simul extimulabant: luxuria etiam principione-rosa, inopia & privatio toleranda. *Famianus Strada* l. 2. de bello Belgico, quando causas tumultuum Belgicorum recenset, inter alia addit: Aliis ad tuendam dignitatem, profusis jam domesticis opibus, turbata publica res opus erat. *Grotius Annal. Belgic. lib. 1.* Etiam eo tempore nobilitas magnifica, dignitate eximia, sed attritis opibus erat, suo luxu, an Principum dolo, qui specie honorum pra-

pra-

præstantissimum quemq<sub>3</sub> sumptibus exhausserant. Et mox: Dum dignitati student, & cum Hispanorum fastu concertant, magnam rei familiaris jacturam fecerant: itidemq<sub>3</sub> primores reliqui, ne utique pari opulentia: minorum autem gentium pleriq<sub>3</sub> luxu aut inopi militia etiam fidem consumserant. Contra infrugī homines accommodari potest dictum Epaminondæ apud Plutarchum Lyncurgo: Τὸ τοιῶτον ἄριστον ἔχωρεῖ περὶ οὐσίαν. Tale prandium non capit conditionem.

§. 13. Sed & maximum in civitatem redundat commodum, quando lapidum causa, & ad reliquam luxus materiam parandam pecunia nostra ad externas aut hostiles gentes transferuntur. Egregius in eam rem est locus apud Dionem Chrysostomum orat. 79. Numquid animadvertitis, quod hi homines (dico autem Celtas, & Indos, atq<sub>3</sub> Iberos, ac Arabes; Babyloniosq<sub>3</sub>) Φόρος παρ' ὑμῶν λαμβάνουσιν, ἔτ' ἡ χώρας; ἔδῃ τ' βωσκημάτων, ἀλλὰ καὶ τ' ἀνοίας τ' ἡμετέρης, tributa à vobis accipiunt; non pro regione, neque pro pecoribus, sed pro cupiditate vestra atq<sub>3</sub> dementia. Non enim, si qui armis facti superiores, cogunt victos sibi argentum dependere, id solum dicitur tributum: neq<sub>3</sub> hominum est admodum feliciū, neq<sub>3</sub> fortium, tributa præstare aliis: si autem quidam, nemine invidente militibus, neq<sub>3</sub> cogente ob fatuitatem & delicias argentum, quod plurimi æstimant præ omnibus, sponte mittant per magnā viā atq<sub>3</sub> maris intervalla alii, nonne plane pejus

pejus est, turpiusq<sub>3</sub> factum? Atq<sub>3</sub> hoc magis, quod illi parvos infirmosq<sub>3</sub> lapillos, atque hercle etiam bestiarum ossa dantes, accipiunt argentum & aurum, pro utilibus inutilia permutantes. Sic Scriptores rerum Gallicarum memorant, antequam ab Henrico IV. textrinæ serici in Galliam essent introductæ, quotannis 40. tonnas auri, & amplius extra Galliam fuisse exportatas. Add. *Petrus Matthæus histor. l. 4. p. m. 88.* Et sane pecuniam esse nervum rerum gerendarum nemini non constat. Ac si vel maximè viris polleat aliqua civitas, tamen si pecuniæ inopia laboret, poterit in eam dici, quo Flaminius quondam Philopæmeni Achæorum prætori, multis equitibus, ac gravis armaturæ militibus instructo, pecuniæ autem inopi, illudebat: *manus eum habere, & crura, sed ventre carere*, apud *Plutarch. apoph.* Neque enim bellum semper seipsum alit, & cum alii quoque non debile ferrum spargant; inde incrementis divitiarum, ex bello quæsitæ, rationes superstrui minime possunt. Est quippe, quod ad lucrum spectat, militia sicut alea, qua plurimi rem suam labefaciunt, paucissimi ampliorem reddunt. Cum autem in genere omnium civitatum status inter se sit pax satis infida; multæ etiam peculiari æmulatione sibi invicem immineant: inde nihil aliud agit, qui quacunque ratione exterorum opes augeat, quam ut illos in sese armet, sibiq<sub>3</sub> vires resistendi detrahat. Nec sufficit excusatio; non pecuniam ad externos transferri, sed merces apud nos copiose provenientes; quarum permutatio-

ne ista

ne ista luxui inservientia adquirantur. Nam sæpe ea permutatio similis est illi Glauci & Diomedis, dum pro mercibus utilissimis, & quibus alii populi carere non possunt, nugæ adquiruntur; & materia aliorum pecunias attrahendi inutiliter perditur. Eo certior autem civitati paupertas imminet, si quæ importantur pluris sint, quam quæ exportantur. Juxta dicterium Hispanorum: Qui plura erogat, quam recipit, illum ne Deus quidem divitem facere potest: qui autem plura recipit, quam erogat, illum ne diabolus quidem pauperem facere potest.

§. 14, Antequam autem ad remedia hujus mali investiganda accedamus, occurrendum prius est objectioni nonnullorum, qui luxui speciosa vocabula splendoris, dignitatis, magnificentiæ circumponunt. Quibus advocatum sese fert Asinius Gallus apud Tacitum Ann. II. Cum enim decretum à Senatu Romano fuisset, *ne Casa auro solida ministrandis cibis fierent, ne Vestis serica viros sætaret*: Fronto modum quoque postulavit argento, supellectili, familia. Adversus quem iste ita disseruit: *Auctu imperii adolevisse etiam præcætas opes. Cuncta ad remp. referri: quæ tenui, angustas civium domos; postquam eo magnificentia ceciderit, gliscere singulos. Neque in familia & argento, quæque ad usum parentur, nimium quid aut modicum, nisi ex fortuna possidentis. Ideo census distinctos, ut quia clarissimo cuique plures cura, plura pericula subeunda, eorundem quoque delinimentis ad requiem animi, aut salubritatem*

cor=

*corporum uti possit. Cui orationi assensum dedit  
sub nominibus honestis confessio vitiorum, et simi-  
litudo audientium.* Enimvero huic reponi debet:  
Quæstionem non esse de modo possidendi, sed  
consumendi. In eo nihil esse vitii, si gliscentibus  
publicis opibus etiam privatorum patrimonia  
augeantur. Haut quidquam tamen eum solum di-  
vitiarum fructum habendum, multa posse per ina-  
nem ostentationem consumere. Neque privatos  
usque adeo rerum suarum esse dominos, ut à civi-  
tate ipsis non possit præscribi, ne in certas res pe-  
cunias suas erogent. Ut privatorum adparatus  
publicam magnificentiam æmuletur, necessarium  
non esse. Quin nihil repugnare, imo utilissimum  
esse, ut publica sit opulentia, privata parsimonia.  
Sed nec semper modum familiæ, argenti supelle-  
ctilis ad fortunam possidentis referendum. Id e-  
quidem vesaniæ proximum, splendoris affectatio-  
ne viam sibi ad mendicitatem struere. Neque ta-  
men illud salva rep. privatis semper concedi posse,  
ut tantum consumant, quantum fortunæ ipso-  
rum ferunt. Quod alius equiti, alius senatori cen-  
sus sit assignatus, id argumento non esse, senatori  
utique per inania plus consumendum, quam e-  
quiti. Sed è republ. videbatur esse, qui istis ordini-  
bus censi vellent, patrimonium habere, cujus  
fructibus honeste sustentari possent, ne vel sordi-  
dam per pauperiæ reip. dignitatem prostituerent,  
vel negotiis publicis relictis rei familiari augen-  
dæ curam impenderent, vel ex rep. quæstum fa-  
cere instituerent. Ac demus civitate non invita  
fru-



fructus præscripti census consumi? tamen cum multi sint, quorum opes mensuram communis census longe excedant, si quidem hi pro ratione opum suarum magnificentiam aut luxum intendere velint, cæteri, quibus par dignitas, minus patrimonium, æmulatione accendentur: & dum hi istis cedere, isti ab hisce exæquari nolunt, non possunt non hi demum bonis everti. Denique neminem esse, qui illis, quæ multæ curæ, multaque pericula pro rep. exhaurienda, invidet, quæ ad honestam animi requiem, aut salubritatem corporum inserviunt. Verum in eo nihil ad hunc finem faciens deprehendi, si immenso argenti pondere mensæ gemant, si inutilium turba servorum domus stipetur, si suppellex ad superfluum fastum adornetur. Indignum denique esse, amplitudinem munerum in republ. licentiâ pecunias inutiliter disperdendi metiri.

§. 15. Sunt alii, qui plene negant profusos illos sumtus per leges sisti posse: eoque arbitrantur, satius esse nihil esse heic tentare, quam irriti conatus ludibrium subire. Quo etiam spectat epistola Tiberii: *omittenda potius prævalida & adulteravitia, quam hoc adsequi, ut palam fieret, quibus flagitiis impares essemus. Si quis legem sanciat, pœnas indicat, civitatem verti, splendidissimo cuique exitium parari, neminem criminis expertem. Ist hoc, si cetera respicias, in legi habendum. Eisdem intra animum medendum, Principes pudorem, pauperes necessitatem, divites satietatem in melius*

*lius mutaturam.* Add. *Seneca de clementia l. 1, c. 22.* Ubi arbitramur, tunc quidem Tiberium ingruentes accusatores recte repressisse, qui opulentissimi cujusque fortunis jam imminebant obtentu criminum, quæ tot per annos immensum accumulata erant citra pudorem metumve, legibus sumtuariis velut in soporem datis. In continuo quippe vigore legum executionem retinere debet princeps, si omnem super asperitate pœnarum quærendi causam civibus vult adimere. Alias enim, si longum ad tempus dissimulet leges violari, & inde civibus in securitatem datis repente velit insurgere, non corrigere suis legibus homines voluisse videbitur, sed laqueorum in vicem easdem adhibuisse, irretiendis incautioribus. Qui enim aliquid diu sub oculis suis quotidie patrari dissimulat, impunitatem eidem tacite indulgere præsumitur, ubi tempora reipublicæ nullam in diversum rationem suppeditant. Quare enim, si sacrosanctas volebat leges, tamdiu patiebatur impune iis insultari? Quare non primos quoque legum violatores pœnis mactavit, ut terror in alios dispergeretur? Cur in publicos mores vitium abire passus est? Nunc dum uno velut impetu obsoletarum rigorem legum revocat, id agit, ut occasione vitii, quod ipse aluerat, cives fortunis evertat. Inde ubi per diuturnam principum conniventiam aut negligentiam vitium aliquod invaluit, utique par videtur antea actis in universum veniam indulgeri; & futura duntaxat pœnis sancienda. De cætero inconveniens judicamus, principem, cui mo-

res

res civium cordi sunt, circa reprimendum hocce malum non alia velle adhibere mediâ, quam quæ hæc à Tiberio proponuntur. Quantocumque enim ea ingenii probitas est, ut vitio alicui blandienti intra animum ultro mederi velit? Quin *corruptus & corruptor, ager & flagrans animus hant le&ioribus remediis restinguendus; quam libidinibus ardescit.* Aliqui exemplo; & quadam æmulationis necessitate alliciendi. Equidem pudere principes merito debebat; cum opibus ac dignatione reliquos tanropere emineant, animos vanissimis rebus obnoxios gerere. Sed tamen vix adparet, quomodo pudori tandiu locus esse possit circa rem, cui opinio præstantiæ & splendoris vulgo adhæret. Neque vero pauperes semper necessitas in melius mutat: quin aliqui ære alieno, aut per scelera luxuriæ pabulum suggerere instituant; ac postquam omnia defecerunt, demum acrioris viri habetur, merito perire. Tardum quoque est expectare quousque divites satietas emendet; quæ multis ne tunc quidem venit, quando nihil superest, quod consumant.

§. 14. Ad reprimendum igitur isthoc malum sine dubio plurimum faciunt leges sumptuariæ, vigilantissimi semper executione servatæ. Quibus adjungi possunt leges, quæ exoticæ deliciæ & instrumenta luxus importari prohibentur. Fortasse etiâ aliquid momenti huc adferret illa lex *Platonis de L.L.I. XI. Quacumque emendo & vendendo commutantur, in statuto fori loco permutentur dando accipiendoque ultro citroque rem, & rei pretium illico, nec alicubi alibi.*

*alibi, nulla vero emptio venditioq. ad terminum fiat.* Saltem si eadem ad res luxui intervenientes adplicetur, addito, ut si quis talium rerum quid alteri crediderit, ex eo non actionem habeat. Enimvero hisce legibus succenturiari debent alia remedia, quæ ipsas radices mali penitus evellere citra violentiam sint idonea. Nam cum non quibusvis pateat, quantum reipublicæ interfit ejusmodi sumtus circumcidi, multis legum rigor heic supervacuuus habetur, & instar puerilis disciplinæ ex morositate superiorum profectæ videtur, ad molestiam civibus facessendam, non permittere, ut quisque de pecunia sua pro lubitu disponat. Sicuti apud *Valerium Maximum* l. 2. c. 9. n. 5. *Duronius loquens introducit: frani sunt injecti vobis Quirites, nullo modo perpetiendi: alligati & constricti estis amaro vinculo servitutis: lex enim lata est, qua vos frangi esse jubet. Abrogemus istud horrida vetustatis rubigine oblitum imperium. Et enim quid opus est libertate, si volentibus luxu perire non licet?*

§. 17. Quodnam autem sit remedium, legibus succenturiandum, intelligetur, si primariam scaturiginem ejusmodi profusorum sumtuum investigaverimus. Circa sumtus ergo mensæ ac gæneæ negari non potest, apud multos eorum causam esse gulæ ac palati delicias. Apud plerosque tamen tum heic, tum in quovis reliquo sumtuum genere primarius fons est ambitio, opum ostentatio, splendorisque ac magnificentia affectatio. Gaudet enim mortalium superba indoles in eo sese

se jactare, in quo aliqua præstantiæ indicia esse judicantur. Inter hæc autem non postremo habetur loco, opibus abundare, animumque habere opibus superiorem, sic ut illas lubenter velis & dextre possis erogare in talia, quibus magnificentiam vulgus metitur. Quamdiu isthoc egregium habetur, quantumvis severæ leges pœnæque malum penitus non tollent: sed semper prava hominum solertia fraudem legum inveniet, & hoc ipsum inter specimina maximæ generositatis habebitur, pœnam legum floccifacere, ejusque periculum ultro in se arcessere. Quam ob causam quoque sola vectigalium magnitudo sumtus in res exoticas fieri solitos non reprimet. Nam & hoc est ambitiosæ luxuriæ ingenium, contra sumtuum magnitudinem animosè luctari: & in multas res eo acrius luxum insanire facit enormitas pretii. Ex quibus adparet ratio, quare scopum non attigerint legislatores, qui per leges sumtuarias dignationem addiderunt illis rebus, quarum usum tollere aut circumscribere volebant: puta ut hoc vel illud nobilibus tantum gestare fas esset, plebejis non item. Hoc modo enim præstantiæ opinio rebus istis velut publico decreto fuit addita, simulque libido hominum in easdem immensum inflammata. Quanto sapientius Zaleucus, cujus ejusmodi leges sumtuaræ memorantur apud *Diodorum Siculum l. XII. c. 21.*: *Mulier ingenua, nisi forte ebria sit, non sit unâ ancilla comisator. Extra urbem noctu pedem non efferto, nisi cum mæchum forte accedit. Aureum ornatum, & in-*

*sertextas auro vestes ne circumdato, nisi meretricem agere velit. Vir anulum subaureum, aut scutem Milesia parem ne gestato, nisi qui scortatione vel adulterio se contaminat. Proinde sædis pænarum exceptionibus, seu probrosis conditionibus pæna annexis, à noxio cives luxu & intemperantia studio facillime advertit. Nemo enim tam turpis probri confessione se ludibrio civium exponi sustinebat.*

§. 18. Cardo igitur negotii hujus in eo vertitur, ut opinio præstantiæ ejusmodi sumtibus adimatur, & contraria opinio vanitatis, stoliditatis, ineptiarum, ἀπειρηγαλίας iisdem concilietur. Id quo minus fiat, nihil sane repugnat. Nam id utiq; præstantiæ signum haberi potest, adparatum suum sobrie adornare, nihil temere profundere, futuri non incautum esse, patrimonium suum conservare aut augere, ita rem familiarem administrare, ut ubi difficilia tempora ingruant, & tibi sufficere, & reip. succurrere queas. Cæterum unde isthæc opinio promanare primo debeat, quo efficax sit eradicandæ contrariæ opinioni, mutandisq; civium libidinibus, non difficile collectu est. Nimirum penes rectores civitatum est, uti valorem personis, numis aut mercibus ponere; ita & dignationem certis rebus addere aut demere. Non possunt quippe cives non plurimum deferre judicio illorum, penes quos summum in se imperium est. Cum enim alicujus judicium adspernari, eidemque contraniti offensæ materiam præbeat; nemo non civium, qui principem habere propitium

tium optat, id aget, ut quæ isti probantur, sibi quoque placere videantur. Cum prava quoque & ingrata principis instituta multi per adulationem, aut vitandæ offensæ, vel invitati soleant exprimere. Ergo tunc demum pudor cives subibit ejusmodi suntus faciendi, si princeps constanter res ipsas, in quas fiunt, nec minus qui istos faciunt, contemnere, & vilipendere sese ostenderit: simulque si exemplo suo, quid ab aliis fieri velit, ipse expresse-  
*Præcipuus adstricti moris, inquit Tacitus, autor Vespasianus fuit, antiquo ipse cultu victuque. Obsequium inde in principem & amulandi amor, & audior quam pœna ex legibus & metus. Et si magnas ejus mali reliquias Romæ remansisse, aut post iterum invaluisse ex illo Tertulliani apologet. c. 9. colligitur: Quonam illa leges abierunt, sumtum & ambitionem comprimentes, quæ centum ara non amplius in cœnam subscribi jubebant? nec amplius, quam unam inferri gallinam, & eam non saginatam? quæ patricium, quod decem pondo argenti habuisset, pro magno titulo ambitionis senatu submocebant? (vid. Valer. Max. l. 2. c. 9. n. 3.)*  
 Video enim & centenarias cœnas à centenis jam sestertiis dicendas, & in lances argentaria metalla producta. Enimverò orbem illum, cujus Tacitus d. l. meminit, expectare, ut ultro morum vices vertantur, serum nimis est. Nam in orbem quidem ire videmus v.g. vestium materias atque formas; Sed ut citra aliud remedium luxus ultro in frugalitatem desinat, tunc demum eveniet, quando nihil amplius superest, quod consumi queat

§. 19. Sed operæ pretium puto fuerit pressius considerasse, qua ratione isthæc remedia circa singulas luxus species commodissime videantur temperari posse. Luxum igitur mensæ facillime reprimet exemplum principis, si ipse intra aulam suam sobria elegantia gaudeat; & ubi ab eminentibus civibus invitetur, modestum paratum adprobet, immodicum adspernetur. Convivia, seu helluationes potius publicæ severe prohibendæ: aut quatenus multis populis persuasum est, non posse certorum negotiorum auspicia rite nisi à convivio sumi, saltem ferculorum ac convivarum numerus circumscribendus. *Plato de LL. l. VI. ad nuptias non nisi decem ex propinquis, & à ditissimis supra minam impendi non vult. Add. Gellius l. 2. c. 24.* Exemplo autem juxta ac legibus nitendum principi, ut domesticis gaudere copiis, quam exoticis deliciis malint cives. Quas eliminare facillimum est, si importari prohibeantur. Per intensiorem vectigalis certam speciem arcere licet, ubi alia, quæ istius vicem subire possit, vectigali minus oneretur. Sed si unica tantum sit species, quæ publice magni æstimetur, magnitudo vectigalis ejusdem dignationem apud luxuriosos accendit.

§. 20. Ædificandi libido non ita facile in publicum morbum ubique invalescere posse videtur: & multos populos indoles regionis suæ prohibet Romanorum hæc furorem imitari. Igitur sufficere poterit, si peregrina ædium materia, & supellex, ornamentaque exoticâ importari vêtentur. Si



unus vel alter ædificandi studio censum suum subruat, civitatis id parum interesse potest.

§. 21. Coërcendo inutilium fervorum numero non parum videtur facere, si civibus non concedatur ejusmodi ministrorum genere uti, quod fortunam principis tantum decet; aut cui tales tituli tribuuntur, qui potius publica civitatis, quam privatae domus ministeria præ se ferunt. Si præterea certus modus præscribatur pedisequis & similis farinae famulis, ad inanem pompam adscitis. Quorum exuberans multitudo id quoque mali gignit, quod dum nulla re seria occupantur, nequitia fere tempus fallant, utili alicui opificio longe melius impendendum. Si denique prohibitum simul sit, & stolidum habeatur, pecunias splendide vestiendis istis homuncionibus profunderere. Sed & illud publico expediet, si civibus non concedatur rhedis uti, nisi domi confectis, nec plures, quam binos equos in urbibus jungere, nec ulla pretiosa & supervacua ornamenta iisdem applicare.

§. 22. Circa supellectilem auream argenteamque, & alia vasa id judicaverim expedire, si princeps ipse talia, quæ propter raritatem aut pretium inter cimelia ostentari merentur, quotidianis usibus non adhibeat. De cætero aurifabris gravissima sub pœna interdicator, ne ex conflata pecunia ullum vas conficiant: neve opus materiae sextam partem pretio superet. Sanciatur quoque, ut omne aurum argentumque factum pupillorum monetariis vendatur, ut inde numi cudantur; nec

nec non reliqua omnis supellex eorundem, quæ quotidianas necessitates excedit, auctioni subji-  
ciatur. Sic enim non temere, qui liberos suos  
amat, in ejusmodi rebus comparandis modum  
excedet; quia illæ cum dispendio fere non me-  
diocri distrahuntur.

§. 23. Circa rem vestiariam hoc quidem utilissi-  
mum foret, si id effici posset, ut cives nullis utantur  
vestibus, quæ intra civitatem ex materia ibidem  
proveniente non sint confectæ, omnesq; adeo exo-  
ticæ telæ panni que proscribantur. Utque indige-  
næ ad excolenda istius generis opificia quavis ra-  
tione alliciantur: aut si illi non sufficiant, extranei  
opifices quantiscunque privilegiis invitentur. In-  
terdicendum quoque fuerit, ne rudis qualiumcun-  
que telarum materia exportetur. Si in civitate  
sufficiens materia non proveniat, ea aliunde non  
nisi rudis importetur, si fieri queat.

§. 24. Enimvero quia plerunque vestium elegan-  
tiam & decorem ad usum aulæ populus solet exi-  
gere, omnino è re fuerit, à principe introduci per-  
petuam aliquam vestium formam, qua & ipse con-  
stanter utatur, ministrisq; aulicis eandem gestan-  
dam pro imperio injungat: & qui illo habitu non  
comparuerit, ab aula excludatur. Aut si hoc du-  
rum nimis videatur, vilissimi servulorum, coquo-  
rum pueri, & qui pavementum verrunt, vel etiam  
moriones in aula eo habitu superbi circumambu-  
lent, quem contumaces aliqui aut vani in gratiam  
principis mutare detrectant. Pari ratione mulie-  
bres vestes uxor principis & gynæceum aulicum

temperabit. Nec est quod aliquis dicat; hoc modo elegantiam nationis deformari, eamque inter barbaros referri, politionibus ludibrium debituram. Nam primo hæc convicia tanti non sunt, ut ideo pecuniâ exteros per vanitatem locupletare, & nos ad paupertatem redigere debeamus. Deinde plurimi fuerunt & sunt populi utique cultissimi, quibus nemo sanus ob habitus constantiam barbariæ notam impegit: cum illa potius gravitatem, & institutorum patriorum amorem arguat. Cur enim nihil elegans sit, nisi quod peregrinum? Aut cur una natio arbitrium elegantiarum suo velut jure sibi vindicet? Denique cum nostra memoria textorum non minus quam vestificum ingenia infinitis iuventionibus luxuriaverint, & omnis fere tam telarum quam vestium varietas in orbem iverit; non video, cur ex tanto numero aliquis habitus eligi, aut ex diversorum habituum partibus peculiaris aliqua forma componi nequeat, quæ perpetuo pro eleganti haberi possit. Isti habitui postquam auctoritatem principis & aulæ usus addiderit, valde superbø fuerit, qui unquam isto erubescere vellet. Facit huc quod memorat *Mich. Montaigne essais l. i. c. 43.* cum post excessum Henrici II. vix per annum in aula ex panno laneo vestes gestaverint, tantus mox contemptus seriei extitit, ut apud medicos solum & chirurgos istæ vestes remanserint; & si quispiam alius serica veste indutus conspiceretur, statim pro rustri aliquo, aut minoris oppidi cive habitus sit.

§. 24. Ejusmodi autem stabili habitu introducto plurima in civitatem & singulos redundare possunt commoda. Nam ne de eo dicam, quod utiq; ex dignitate alicujus nationis sit alterius nationis non videri simiam; elegantiores homines hautquaquam singulis mensibus de nova vestium forma cogentur esse solliciti; & infinita illa varietate proscripta facilius erit tantum textorum in civitatem numerum introducere, quantus usibus civium sufficit. Aut si quid utique ab exteris sit petendum, multo parcius erit, & quod minore cum dispendio permutatione nostrarum mercium parari queat. Neque est quod aliquis metuat, ejusmodi perpetuo habitu introducto id inconimodi proventurum, ut nobilis à cerdone aliquo in publico per exterius signum dignosci nequeat; id quod tamen utique confusio*n*i vitandæ videtur necessarium. Nam ut istud discriminis ex pretio & luxu vestium dignoscatur, necessarium non est; sed heic facile est alias notas comminisci, parum sumtuosas, quibus cujusque dignatio cognosci queat. Sic Romæ calcei lunati, & latus clavus senatores, angustus clavus equites à plebejis fernerbant.

§. 25. Denique si sit quæpiam species vestibus exornandis inserviens, quæ nulla ratione apud nos provenire apta sit, v. g. pelles Zobellinæ, neque à foeminis impetrari possit, ut istis deliciis libenter carere velint, ne ob pilorum illorum mollitiem tantundem fere tribut*i* principi extraneo, quam vostro regi à multis exsolvatur, nostræque pecuniae

cuniæ ad eos transferantur, quos prægraves vicinos nostra civitas semper experta fuit: judicaverim isti rei tali fortasse ratione occurrî posse. Scilicet in aula mos introducatur, istis pellibus non aliter uti, quam suffulciendis vestibus, adeoq; pilis introrsum versis; ac paupertina ostentatio judicetur, ex nigella pellicula fœminas forinæ suæ commendationem velle querere. Sane enim ubi istæ pelles à conspectu aliorum removeantur, & calori tantum fovendo, qui usus earum maxime naturalis est, destinentur, ultro expirabit luxus, cujus maximus habetur fructus, conspici.

§. 26. Supersunt illa fœminarum propria lapillis unionesq; Quorum usum si interdicto sistere aggrediaris, infinitas querelas ejus sexus excitabis; cum credituræ sint, ad miserrimam sese conditionem redigi, si magnam patrimonii sui partem minutæ cistellæ amplius includere nequeant. Nec deerunt ex viris, qui omnibus modis pugnaturi sint, ne matronarum mundus maritorum rem affligere desinat. Videantur contentiones super abroganda lege Oppia apud *Livium l. XXXIV*. Igitur ne iratas Junones nostras experiamur, subtiliori modo ipsarum morbo medeamur. Recipiatur in aulam mos factitiis aut ignobilioribus gemmis ac margaritis sese ornandi, idq; aperte, non quasi pro genuinis istæ haberi debeant. Istis non nobiles tantum fœminæ, sed & deinceps ancillæ jubeantur onustæ incedere. Sic aula quidem istis auctoritatem conciliabit, sed vile earundem pretium plebejis quoque ea ornamenta familiaria reddet. Quo facto aut

Et o aut minoris deinceps micabunt fœminæ : aut nobilissimæ quæque pervulgatum ornatum adspernatæ, istud demum in se decus elegantissimum ducent, quod natura dedit, & quod detractis omnibus ornamentis adscititiis superest. Ist hæc in universum super coërcendo luxu temperandisque legibus sumtuariis disputata, pressius ad singulas civitates adplicare in proclivi fuerit illis, qui cujusque civitatis conditionem penitus perspectam habuerint.

DE

# CONCORDIA VERÆ POLITICÆ CUM RELIGIONE CHRISTIANA.

§. I.

**Q**Uam salutare ac plane necessarium sit institutum civitas, quæ summo imperio velut animatur, in ista malitia generis humani, præsertim postquam hoc in tantam excrevit multitudinem, nemo est tam imperitus rerum humanarum, qui ignoret. Ne quid enim de commoditate dicam, de cultu, amœnitate, ac rerum sufficientia, quæ ex vita civili provenit; sane intutam penitus, quotidianis insidiis & periculis obnoxiam ac longe miserrimam acturi essent mortales vitam, pravitate hominum adversus alios potissimum homines expromere se gaudente, nisi in civitatibus degeremus, ubi sub protectione

V §

sum-

summorum imperantium, qui viribus omnium ad communem defensionem utuntur, quietam & tranquillam vitam degeremus, quantum quidem rerum humanarum conditio fert, in quibus nihil ab omni parte perfectum deprehenditur. Nam & ubi una civitas se alterâ paulo validiorem sentit, facile eam libido subit debiliorem invadendi & opprimendi; & in ipsis civitatibus præsentaneæ pœnæ metus non sufficit, quo minus civis civem injuriis laceſſat. Quæ tamen inter rariora sunt habenda, & nequaquam comparari idonea cum illis malis, quæ mansura nos essent, si singuli extra societatem civilem viveremus. Cæterum uti hoc beneficium, quo per civitates fruimur, merito magni est æstimandum: Ita istud bonum, quo per Religionem Christianam potimur, tanto majoris est faciendum, quanto felicitas immensa & nunquam desitura, commodis sat imperfectis hujus vitæ cito transeuntis præstat. Utrum autem doctrinæ illæ, ex quibus utrumque istud bonum fluit, illa nempe, qua felicitatis æternæ consequendæ ratio traditur, & quæ modum gubernandæ civitatis ad legitimum finem docet, mutuo repugnent, an vero amicè inter se conspirent, quæstio est non exigui momenti. Quorum quidem prius non paucis è vulgo persuasum est, quibus politica solet vocari sapientia hujus mundi, quæ sapientiæ divinæ repugnat, & politici homines filii hujus sæculi audiunt, quasi sine pietate & Religione, à veris Christianis toto cœlo differentes. Ast uti non abnuimus, magnum inter homines inveniri politicæ abu-



abufum; & apud multos actionem politicam, aut artificium politicum vocari, quod summum scelus & flagitium eft: ita nobis certum habetur, veram politicam, ex genuinis fuis principiis deductam, & legitime adplicatam, nequaquam repugnare Religioni Chriftianæ, sinceræ illi, & prout à Salvatore noftro atque Apoftolis promulgata fuit, citra affumenta & corruptelas humanas confideratæ: Sed cum ea potius amice confpirare hanc ipfam Religionem Chriftianam; ac ubi in ipsis cordibus hominum radices egerit, & non fola intra labia verfetur, plurimum conferre in civitatibus, ut politica fcopum fuum eò facilius & felicius poffit aflequi. Id quod paulo distinctius deducere, differtationis hujus argumentum erit.

§. 2. Ad demonftrandam autem iftam concordiam duplicis generis argumenta adhiberi poffunt; quorum quædam velut in genere eam favent; reliqua distinctæ magis & figillatim eandem repræfentant. Ex priori claffe primo habetur loco, quod ad eundem autorem utraque doctrina fuam referat originem. DEUS O. M. qui Religionem Chriftianam, miffio fuo Filio, orbi promulgavit, idem quoq; civitatum imperiique civilis Autor ac Stator merito vocari poteft: Quem repugnantia fibi dogmata condidiffe, quorum tamen obfervatio generi humano tam neceffaria foret, omnes pii ultro adfpernantur. Societatis porro civilis Deum effe Autorem, & divinæ literæ paffim infinuunt, & ipfa ratio firmiter evincit. Equidem



præceptum expressum in divinis literis non extat, quo Patresfamilias, qui antea seorsim suam quisque familiam rexerant, à Deo in societatem civilem coire jubentur: nec tale quid extitisse sat idoneis rationibus videtur demonstrari posse. Multo minus extat ex peculiari Dei revelatione profecta doctrina de natura & constitutione civitatis in genere, de partibus summi imperii, de regulis imperii administrandi tam circa cives, quam circa externos observandis. Talia enim ex professo tractare, extra scopum est divinarum literarum. Nihilominus passim in Scripturis dicitur, Reges à Deo esse, qui per sapientiam divinam regnent, ac ministerium divinum in hisce terris exerçant; quibus ut cives Christiani pareant, pro iisdem preces ad Deum fundant, quæ ipsis ex ratione sui muneris debentur, exsolvant, inter officia Christiani hominis insertum legitur. Neque ob defectum aut ignorantiam expressi præcepti circa constituendas civitates statim dicendum est; Deum tantum ex postfacto imperium civile adprobasse. Sed etiam antecedenter Deus civitatum Autor dicendus est, quatenus saltem ex tacito dictamine rectæ rationis voluntatem divini Numinis homines collegerunt. Cum enim in genere humano, tanta malitia infecto, post ejus multiplicationem, pax, tranquillitas & incolumitas obtineri non posset, nec ullus fere exercitio legis naturalis relinqueretur locus, nisi societates civiles instituerentur; liquiddime infertur, quod qui Deus voluit, ut homines hancce vitam pacifice & honeste inter sese degerent,

gerent, idem quoque voluerit, ut necessaria pro conditione temporum ad eum finem media adhiberent. Instituta autem & probata civitate, probari quoque Deo censentur omnia illa, quæ ad eam rite & legitime gubernandam ac defendendam observanda sunt.

§.3. Ad priorem quoque classẽ pertinet, quod Servatori nostro, & Apostolis nuspiam propositum fuisse legatur, civitates tunc exstantes evertere, & in aliam formam commutare, aut nova axiomata politica, regulasque gubernandi civitates tradere; sed obsequium & honorem Rectoribus civitatum à Christianis fideliter exhiberi mandant. Dum etiam Servator noster discipulos suos quaquaversum mittit, ut omnes homines ad amplectendum Evangelium invitent; sub illis omnibus utiq; Rectores civitatum, & qui publice istis sua ministeria præstant, complectitur, & his quoque ut Ecclesiæ nomina dent, mandat. Atqui istos, ubi fidem Christianam amplexi fuerunt, nequaquam coronas, imperia aut Magistratus suos exuere jubet, aut nova quædam precepta politica observanda ipsis promulgat, diversa ab illis, quæ antea ex rationis lumine, aut indole societatis imperiique civilis intellexerant. Quod tamen utique fieri par erat; nisi vel ipsum genus vitæ istorum hominum Salvatori probaretur, aut si doctrina ipsius veræ politicæ quid repugnans complecteretur.

§.4. Enimvero distinctius paulo, & rationibus ex ipsa utriusq; doctrinæ indole petitis ea concordia est demonstranda. Ac illud quidem ex scitis

veræ politicæ non est postremum, ad salutem civitatum, ac earundem legitimus finis obtineatur, plurimum facere, si Rectoribus civitatum szlus populi suprema lex sit, si gregem sibi commissum ament, ad ejusque incolumitatem ac felicitatem omni cura ac diligentia incumbant, legesq; sui muneris, prout illud ex lege naturali, aut peculiari constitutione suæ civitatis promanat, religiose observent. Si semper cogitent, se non ideo ad tantum esse provectos fastigium, ut ipsi cæteros per fastum proculcent, aut bonis, operaq; civium abutantur ad inanem ostentationem, luxuriam aut voluptates; sed ut sint bonis præsidio, malis terrori, oppressis levamento, miseris solatio. Quos cives non velut publicam pestem detestentur, sed tanquam beneficium aliquod situs & tutelare Numen ament ac venerentur. Si denique semper cogitent, se non homines solum esse, sed & hominibus præesse, se propter populos, non populos propter ipsos esse: detestantes insolentiam Cæsaris, qui apud *Lucanum* ita dicebat libro V: *Nunquam sic cura Deorum se premit, ut Vestra morti, Vestraq; saluti Fata vacent. Procerum motus hac cuncta sequuntur. Humanum paucis sis sit genus.* Si denique cogitent, quemadmodum per ipsos civium atque bona adversus aliorum injurias tutæ præstantur; ita & eadem sibi ipsis pretiosa haberi debere, & circa quæ nullo modo sibi prodigis esse liceat, nisi quantum civitatis ea pro communi defensione periculis exponi, aut impendi postulat. Cum hisce conspirat, imo iisdem efficaciter succentur.

enturiatur Religio Christiana, quæ & in genere suum cuique officium cum fide ac diligentia obsequium præcipit, tanquam partem obsequii, quod ipsi DEO debemus: & omnes homines ad tribunal divinum sistendos docet, ubi nullus personarum respectus habetur, ubi nihil eorum, quibus dignitatem & magnitudinem mortales metiti somnus, attenditur: sed ubi quilibet, secundum id quod vivens egit, accipiet, siue bonum fuerit, siue malum. Imo ubi multum ab eo reposcetur, qui cultum accepit. Quæ sane omnia apud pios civitatum Rectores maximum habent pondus, ut possint se sua non efferant, & ut ita officium suum exerceant labore, quo sibi ejus ratio apud horrendum illud tribunal constare possit.

§. 5. Nec minus illud ad incolumitatem civitatis extrahitis veræ politicæ facit, si vice versa cives civitatis Rectores ament, tanquam patres patriæ, & quorum cura ac sollicitudine publica postea salus stat, cui etiam singulorum felicitas inest: si nemo istis fastigium suum invidet, ut ad illud subvertendum & in se transferendum incumbat; si omnes promptum ipsis obsequium deferant, & quæ iisdem debentur, citra tergiversationem & alacriter præstent; si denique illorum ubi incolumitas, quam propria magis cordi sit. Ista ut civibus eo diligentius observentur, plurimum confert Religio Christiana, quæ magistratus à Deo, ipsiusque ministros esse dicitur; quibus qui resistit, Dei ordinationi resistit; quibus parendum est non solum propter iram, aut ad evitandam poenam

nam fori humani, sed & propter conscientiam, sive ad declinandam pœnam tribunalis divini: quibus qui resistunt, sibi ipsis condemnationem adferent. Inde apud eos, quibus ut Deo placeant curæ est, nō potest non augeri veneratio & obsequii promittitudo adversus tales, qui magnitudinem & potestatem suam non solis civibus in acceptis referunt, sed & quibus ipse Deus auctoritatem addit; cujus offensa sane omnium terribilissima incurritur, ubi quis ipsis debitum honorem rite non exhibuerit.

§. 6. Habetur quoque in vera politica salutare medium ad internam civitatis firmitatem & tranquillitatem conservandam, si cives præsentem statum ament, eidemq; acquiescant, nec per ambitionem, impatientiam, aut libidinem privatas suas opes augendi, ad res novandas sint proclives. Ad hoc ut animi civium disponantur, plurimum confert Religio Christiana, dum Christianis plenam felicitatem post hanc demum vitam expectandam proponit, eoque desideria nostra ibi defigere jubet; heic autem viatorum nos esse conditione pronunciat; qui cum sibi in hospitio non perpetuo habitandum, sed per noctem tantum unam aut alteram morandum intelligunt, illius si quæ videntur incommoditates facile digerunt, nec de istis corrigendis magnopere laborant. Et cum præterea gloria opesque mundi cito transeant, fumi aut umbræ iustar, imo multis occasionem præbeant, quo minus de æternis, uti par erat, sint solliciti: Ista prohibet talia magnopere affectare, & si ultro velut affluant, eadem possidere jubet velut non

non possideas, & nunquam animum iis velut affixum habere. Quæ dogmata qui rite imbiberit, & in animum suum penitus demiserit, potius præsentem Reipublicæ statum etiam cum aliqua incommoditate conjunctum tolerabit, quam ad res novas moliendas sese adplicabit, etsi exinde honoris sibi atque opum spes ostentetur; nec ulla fortunæ suis incrementa affectabit, nisi quæ velut ultro divina allubescente gratia sese offerunt, iisdemque nunquam ad inanem fastum, atque arrogantiam abutetur.

§. 7. Circa illud quoque politica est sollicita, ut cives inter se concordēs, & ab injuriis invicem abstineant, ac humanitate, officiis ac beneficiis invicem certent, nec incrementa sibi ex aliorum oppressione & ruina quærant. Id quod legibus, præmiis, pœnisque, ac proba disciplina in civitatem introducta obtinere laborat. Et sane quid Principi gratius esse potest, quam si videat devotissimis ipsi civibus bene inter se convenire; quorum lites eidem non parum molestiæ ac tridii, ac quandoque etiam detrimenti & periculi conciliant? Quid ipsis civibus, qui probo quidem & sano sunt animo, lætius contingere potest, quam si citra rixas & contentiones inter amicos, aut saltem non infestos vitæ hanc transire queant, & quod in aliorum hominum societate degant, lætandi potius, quam dolendi causam habeant? Atqui hac in parte Religio Christiana politicæ quam maxime concors est, imo ad istum scopum utramque velut paginam facit, & qua civiles leges pœnæque pertinere

gere non valent aut solent, felicissime supplet. Sane enim metus poenæ per leges civiles intentatæ animi humani malitiam nequaquam corrigit; sed eam duntaxat paulisper reprimat; quæ, quæ libido & occasio invitat, erumpere gaudet, ubicunque spes arriserit latendo, aut vi, gratia, muneribus humani fori severitatem eludendi. Et quanquam disciplina à puero adhibita, & in firmam consuetudinem audita insitam mortalibus malitiam non parum corrigit: tamen facilis in prava relapsus est, ni divinitus allubescens gratia probitati velut firmamentum addiderit; qualis gratia utique Religionem Christianam comitatur apud eos, qui eandem in pectus rite dimiserunt. Sane enim divino auxilio sublevantur fidelium animi, ut vitia refugiant, & honesta sectentur, etiam ubi nullus humanæ motus poenæ urgere videtur. Deinde leges civiles satis crasse circa reprimenda vitia versantur, & tollunt astutias, quatenus manu rem tenere possunt: magnam partem malitiæ humanæ dissimulant, & impunitam dimittunt. Graviores duntaxat injurias poenis prohibent: minutas fere prætereunt, quasi non dignas, quibus cognoscendis Prætor defatigetur. Quæ tamen non parum molestiæ afferunt, & continuatæ inprimis sat acriter mordent; præsertim cui ad ista spernenda animus non satis obfirmatus est. Eadem quoque vix auxilium suum accommodant, actionemq; largiuntur, quam circa præstationes magni momenti, & quidem fere quæ ex contractibus resultant; in quibus ipsis tamen non enormes fraudes dissimulant,

lant, & publicam velut licentiam illis indulgent: sic ut plausibilis feratur Juris Romani sententia: *In pretio emtionis & venditionis naturaliter licet contrahentibus se circumvenire.* Id quod ad alios quoque contractus sæpius quam opus erat applicatur. Reliquas præstationes fere in cujusque arbitrio & pudore relinquunt. Cujus quidem rei variæ causæ traduntur. Nam & sic satis tranquilla societas inter homines citra quædam officia videbatur posse consistere; unde eadem intelligebantur seposita velut materia peculiari benevolentia alios sibi homines devinciendi. Quippe cum tantam vim conciliandi aliorum animos non habent, quæ actione in foro humano intentata poterant extorqueri, quam quæ citra istius metum licebat denegare. Multis quoque officiis maximus splendor videbatur decessurus, & non nisi mercenaria habenda erant, si lex civilis vim suam iisdem applicaret. Denique & multa inextricabilem videbantur habitura disceptationem, & immensa litium segete tribunalia erant obruenda, si omnia legibus civilibus fuerant sancienda. Quanquam autem Legislatores civiles excusari possint, quod desperarint, solis humanis mediis benevolentiam inter cives arctius conjungere; manifestum tamen est, hoc modo unionem inter cives satis laxam fuisse relictam, ac multis actionibus publicam velut impunitatem concessam, quibus tamen animi hominum non mediocriter irritari solent. Denique quia in foro humano non potest & solet pronunciari, nisi secundum acta & probationes; inde malitiosi



litiosi homines facile solent impelli ad lædendos alios, aut detrectandum debitum, si fraudem suam nullis idoneis argumentis demonstrari posse arbitrentur. *Multum quippe licentia prævis ingenis adjicit illa fiducia, quis enim sciet?* Sic ut revera sat angusta res sit ad legem civilem bonum esse, ac illa omittere, aut præstare, quæ per istam pœnis humanis sancita sunt. Sic igitur per leges civiles plerorumque populorum impune est, clandestinis modis alteri insidias struere, damnumque conciliare, tacitis susurris & calumniis alterius famæ detrahere, superbia sese & fastu præ cæteris efferre, humanitatis & misericordiæ officia negligere, post accepta beneficia ingratum sese exhibere, per pollicitationes, ex quibus actio non datur, alteri illudere, mendacia spargere, aliud clausum in pectore, aliud in lingua promptum habere, in contractibus modicas fraudes miscere, aliumque modice circumvenire, avaritiæ, remque augendi studio in infinitum fræna laxare, ambitioni velificari, superfluis litibus & quæ facile per amicam transactionem componere erat, alios fatigare, vindictæ libidine ardere, immortales inimicitias gerere, per aliorum tacite procuratam ruinam ad famam & ampliorē fortunam grassari; & quæ alia quotidie exerceri videmus: quibus prætor remedium afferre vel negligit vel desperat. Per quæ omnia tamen concordia & benevolentia inter cives non mediocriter turbatur.

§ 8. Hac igitur in parte cum politica amice conspirat Religio Christiana, dum quia ista, optimam  
habi-

habitudinem civitatum valde deformantia, solis suis artibus tollere nequit, aut gravioribus velut districta negligit, emendare & ex fundamento curare, quantum humana pravitas in hac mortalitate corrigi idonea est, laborat. Nam primo, ut jam supra tetigimus, Religionem Christianam divina quædam comitatur gratia apud illos, qui non nomine solo eam profitentur; per quam animi ita imbuuntur, ut deinceps ad officium suum faciendum incumbant, non respectu pœnæ aut emolumenti temporalis; sed ex amore & reverentia erga Deum, & ut eidem obsequium suum approbent. Deinde Religionis Christianæ decretis non satisfecit, qui externis tantum & crassioribus vitiis sese abstinuit; sed illa quam maxime internam cordis puritatem, affectuumque & cupidinum compositos motus requirit. Nec illi aliquod minutum aut contemnendum peccatum videtur; sed etiam de otioso verbo apud tribunal divinum rationem reddendam docet. Neque illi satisfecit, qui alterum non læsit, aut contractus explevit; sed beneficentia quoque, humanitas, misericordia, quantum in cujusque viribus, exercenda injungitur, etiam ubi nulla recuperandi spes arridet. Neque illi sufficit, vanis litibus alteri molestiam non facessere; sed & ad injurias condonandas, ad remittendum aliquid de summo jure pronos esse eadem jubet. Nec alteri sua eripuisse, aut per alterius stragem ad honorem grassatum non fuisse satis est: sed etiã per innoxia media avaritiæ aut ambitioni litasse inter vetita habetur. Deniq; Christiani homi-

hominis officium nequidquam implevisse judicatur, qui utcumque vitæ suæ innocentiam civili judici adprobare potuit, & si non caste tamen cautè agere, suæque facinora dextre negare & obtegere calluit: quique adeo probitatis suæ hoc palmarium habet argumentum; hujus vel illius facinoris nemo legitime convicerit. Sed ex scitis Religionis Christianæ Deus etiam arcana pectoris cogitata arbitratur, qui & illa, quæ hominum notitiam subterfugiunt, in apertum protrahet, & ad tribunal suum aliquando evocabit, ubi maxima, minima, intricata, plana absque ullo judicis tædio aut errore decidentur. Inde est, quod tam assidue à Salvatore nostro & Apostolis inculcatur caritas, quæ longanimis est, benigna, non invida, non inflata, quæ non quærit sua, non exacerbatur, non cogitat malum, non gaudet injustitia, gratulatur autem veritati; quæ omnia tegit, omnia tolerat. Quod tantopere commendatur beneficentia, humanitas & misericordia adversus illos maxime exercenda, quibus minima facultas est paria reponendi. Quod tam graviter taxatur avaritia, tanquam radix omnium malorum; & ambitio, cui nullum scelus grave videtur, si ad finem ipsius judicetur facere. Quod subinde mansuetudo ingeritur & patientia, ne ex male temperata animositate alios laceffamus, aut ob quamvis offensam in rixas & pugnas erumpamus. Quod denique tam severe proscribatur odium, invidia, & vindictæ ardor, illæ pacis & tranquillitatis pestes nocentissimæ; & ex adverso præcipitur, ut alios æstimemus tanquam

quam fratres, ut potius alter alterius felicitatem, quantum potest, promoveat, ut ad remittendas injurias & reconciliationem, si forte offensâ inter venerit, simus proclives. Quod quidem possimum tam rigide à Christianis exigitur, ut & ipse Deus delictorum illis veniam sit delegaturus, si isti proximo offensas condonare abnuant. Cujus rei causa sine dubio est hæc, quod vix ulla in parte affectus tam contumaciter, quam hic, resistent, ac apud plurimos speciem generositatis mentiatur, non impune lacesse, mala pro malis ubertim & cum scœnore reponere, immodumque non minus, quam silex aut Marpesia cautes animum gerere. Sicuti & illi, qui olim, & hoc seculo variorum mores populorum observarunt, notant; utut multorum Ethnicorum mores quibusdam in partibus non sint spernendi, in quibusdam etiam Christianis pudorem incutere queant; apud plerosque tamen strenue injurias ultum ire, virtutem fere haberi, & quid ignoscere sit, ignorari. Cum igitur observatio horum officiorum, quæ hætenus tetigimus, à Religione Christiana tanto opere probatorum, animos hominum ad concordiam & tranquillitatem immane quantum disponant; quis non intelligit, quantum subsidii per Religionem Christianam politicæ circa internam civitatis pacem & firmitatem stabiliendam accedat.

§. 9. Cæterum uti quæ hætenus deduximus sat plana videntur, ita nunc circa promovendam civium virtutem bellicam politicæ conspiret Religio

gio Christiana, paulo altioris est indaginis. Quæ sane ut alatur, veræ politicæ quam maxime curæ est: quippe cum ad finem civitatum non sufficiat, ut cives inter se tranquille & citra injurias agant, ni ab exterorum quoq; invasionibus & oppressio- nibus tuti sint. Quomodo autem tuti erunt, nisi in armis probe exercitati, & ad pericula fortiter repellenda, hostemque strenue profligandum cives sint dispositi? Quod ipsum frustra speratur, ni in hoc ipso vera quædam præstantia & virtus inesse judicetur. Jam autem non statim adparet, quomo- do hæc locum invenire possit apud eos, quibus in- junctum est, ne ipsi sese ulciscantur, sed vindi- ctam Deo committant; qui si in ulla maxilla cæ- dantur, alteram quoque obvertere debeant, & tu- nicam capere volenti, etiam pallium dimittere; quibus deniq; ex patientia & condonatione inju- riarum, inimicorumq; dilectione gloria petenda sit. Tangit hanc rem etiam *Macchiavellus discursus ad Livium l. 2. c. 2.* ubi rationem reddere conatur, quare antiquis temporibus civitates libertatem acrius, quam hisce defenderint, adeoque fortitu- dine magis olim, quam nunc floruerint. Causam refert in diversitatem educationis modernæ ab an- tiqua, quæ ex differentia Religionis Christianæ ab ethnica promanarit. A Christiana enim reli- gione minus æstimari honorem mundi; in quo cum ethnici summum bonum collocarint, eo ad feroces actiones fuerunt stimulati. Ab hisce Divo- rum numero adscriptos non nisi Duces exercitu- um & Principes reipublicæ. Christianos autem homi-

homines humiles & contemplativæ potius quam activæ vitæ ad id gloriæ provexissè : ac summum bonum collocasse in humilitate, abjectione, & despectu rerum humanarum; ethnicos contra in magnitudine animi, robore corporis, & omnibus aliis rebus ad fortes reddendos homines idoneis. Et sicubi religio Christiana fortitudinem requirit, illam magis patiundo, quam fortiter agendo exferendam. Accedere diversitatem rituum circa sacra ; cum Ethnicorum sacra splendida cum pompa, & multarum victimarum effuso sanguine peracta ferociam hominibus addiderint : Christianorum autem sacra cum humilitate, & aliqua pompa magis delicata quam magnifica, nulla tamen cum actione feroci aut alacri peragi. Illum igitur vivendi modum mundum reddidisse debilem, ac dedisse eum in prædam hominibus sceleratis : quibus facile sit ipsum pro suo lubitu tractare, dum vident, quod homines ut cælum obtineant, magis circa verbera sufferenda, quam vindicanda sint solliciti. Addit tamen iste scriptor : *Quamquam autem mundus effaminatus, & cælum exarmatum videatur, id tamen sine dubio magis ortum fuit ab ignorantia hominum, qui interpretati sunt Christianam Religionem secundum otium, & non secundum virtutem. Nam si considerassent, quomodo illa permittit exaltationem & defensionem patriæ, vidissent, quomodo eadem velit, ut nos istam amemus & honoremus, & præparemus nos, ut simus tales, qui eam possint defendere.* Quæ ultima verba omisit Anon-

*xymus Autor Gallicus, qui Vulgo Anti-MachiaVel-*  
*lus* vocatur, nescio an sat bona fide; cum priora as-  
 perrime castigaret, *part. 2. cap. 8.* Ubi primo ob-  
 servandum est, militiam Italicam illa ætate, & quæ  
 eam antecedeabant temporibus, tam corruptam &  
 effæminatam fuisse, ut ludicra potius exercuisse,  
 quam serio rem gessisse isti Itali mercenarii mili-  
 tes videri potuerint. Sicuti ipse *MacchiaVellus de*  
*Principe c. 12. & Guicciardinus histor. lib. XV.* la-  
 tius tradunt. Deinde recte sese videtur habere il-  
 la ratiocinatio: quia Religio Christiana permit-  
 tit exaltationem patriæ (per licita nimirum me-  
 dia,) ejusq; defensionem; igitur eadem vult, ut ci-  
 ves ament patriam, & præparent sese, ut strenue  
 possint ipsam defendere; i.e. Religionem Christia-  
 nam non repugnare fortitudini bellicæ ad legiti-  
 mum incrementum & defensionem patriæ impen-  
 dende. Ergo aut omnia me fallunt, aut Florentino  
 Scriptori non religio Christiana, sed corruptelæ o-  
 tiosorum monachorum accusantur, qui invento à  
 se vitæ generi ignavissimo, & absurda pietatis lar-  
 va adornato eximiam quandam sanctimoniam tri-  
 buerunt, sic ut sese καὶ ἐξοχήν Religiosos voca-  
 rent, ac cætera vivendi genera velut longe infra  
 jacentia despicerent; ac id sibi meritorum parari  
 jactarent, quod non suæ tantum salutis sufficeret,  
 sed quod aliis quoque multis modis admetiri pos-  
 sent. Qui & in divorum numerum adscribere,  
 templisque ac festis coluere ex suo ordine, prout  
 quisque nova devotionis imitamenta invenit, &  
 minimum suum optime agere calluit. Ex laicorum,  
 ut

ut illi vocant, numero pauci valde illorum suffragio hoc honore potiti, & fere, qui proxime ad monachorum superstitionem accesserant, aut immensis opibus inutile mortalium genus cumulaverant. Unde multis facilius ad salutem via fuit visa, exuta seculari dignitate monasterio sese includere, aut ut defunctorum corpora monachorum habitu vestirentur, mandare. Ejusmodi persuasiones ubi invaluerunt, non potest non plurimum de dignatione vitæ civilis & militaris decedere, ac multis potius videri, in altissimo cœnobiorum otio explorata salutis fiducia ætatem exigere, quam inter civilis ac militaris vitæ fluctus jactatum de anima sua periclitari. Atq; hoc tantum si voluit Machiavellus, non video, quare eo solo nomine hostis Religionis Christianæ haberi debeat. De cætero uti per mactationem victimarum veræ fortitudinis parum accessisse arbitramur; quippe cum alias ex laniorum ordine Duces bellici forent legendi: ita non video, quare per Religionem Christianam non maxima quoque laus manere possit ac debeat pium bellatorem, qui pro defensione patriæ, ac iusta causa magno animo, pari ac successu decertavit. Quanquam enim, si omnes homines Religionem Christianam amplecterentur, & secundum ejus præcepta exacte vitam instituerent, vix ullus bello locus fore videatur: tamen cum magna generis humani pars eandem non profiteatur; & inter eos, qui verbo se Christianos jactant, non pauci habendi & dominandi libidine in bella injusta rapiantur: fas sane erit veris etiam



Christianis istorum injustam vim à vita, libertate, fortunisque suis propulsare. Nam dicta S. Scripturæ, quæ obvertere maxillam, & dimittere palium jubent, ex confessione omnium orthodoxorum Theologorum non pertinent ad eam protectionem, quam Rectores civitatum suæ civitati adversus violentiam aliorum debent. Imo ne privatis quidem vel legitimam defensionem, vel jus suum subsidio magistratus asserendi adimunt. Studium autem vitilitigandi, & prurigo lite disceptandi, quod amica via componi poterat, & ardor vindictæ, i.e. dira libido ægre faciendi iis, qui nos læserunt, eorumque dolore animum nostrum satiandi, non in privatis solum, sed & in civitatum Rectoribus Religio Christiana improbat, & vera politica nequaquam commendat, quin potius veræ generositati, & magnanimitati repugnare judicat. Ipsa quoque virtus patientiæ legitimam sui defensionem, & jurium suorum asserionem nequaquam excludit. Inconsulta autem & cæco impetu ruens ferocia bellis ut plurimum exitiosa est; nedum ut vera politica civium animos ea imbuendos censeat. Nam modesto & composito animo qui sunt, non minus strenuè pugnare possunt, ubi res poscit, quam feroces, & periculorum propter ipsa pericula cupidi. Virtus autem humilitatis, Christianis tantopere commendata, non magis veræ fortitudinī adversatur, quam ad hancce aliquid facit ineptus fastus, & jactantia Thraſonis alicujus aut Pyrgopolinici. Porro ad condonandas injurias homo Christianus semper quidem para-

paratus & pronus esse debet : sed si alterum injuriæ non pœniteat, neque is veniam petat & satisfactionem offerat, sed potius malum malo cumulare pertendat ; sane non prohibeor per Religionem Christianam asperis remediis furorem ejusdem frangere ; præsertim cum virtutes Christianorum non debeant esse alimenta malitiæ in aliis. Denique & in hoc fortitudinem militarem insigniter promovet Religio Christiana, quod ea de immortalitate animæ, & piorum post hanc vitam felicitate securos nos reddit : Sic ut pro justa causa bellanti eo minus jactura hujus vitæ metuenda sit, quod per eam ad meliorem conditionem transferatur. Ad quod illustrandum facere potest, quod *Lucanus l. 1.* persuasionem immortalitatis animæ & metempsychoseos populis Celticis quondam metum mortis demississe ait : *Inde rucndi in ferrum mens prona viris, animæque capaces mortis ; & ignæcum reditura parcere vita. Caesar de bello Gallico l. VI.* de Druidibus loquens : *In primis hoc solunt persuadere, non interire animas, sed ab aliis post mortem transire ad alios : atque hoc maxime ad virtutem excitari putant, metu mortis neglecto.*

§. 10. Illud etiam in gerenda Republica necessarium habetur, ut non omnia aperte præ nobis feramus, quæ animo destinavimus, nec quævis nostra consilia velut in mensa solis exponamus : quin & sæpe quasi obliqua velificatione utamur, quando rectum cursum tuto secare non licet. Et cui ignotum est tritum illud, quod Ludovico XI. Gal-

liarum Regi subinde in ore erat : nescit imperare, qui nescit dissimulare. Cujus rei causa est, quod sæpe consilia nostra irrita, imo pernicioſa nobis sint, si ante tempus evulgentur. Sæpe autem illa per nudum & obſignatum ſilentium non ſatis teguntur; quippe quo importuna hominum curioſitas magis ac magis ad eadem investiganda accenditur. Igitur quo arcanis noſtris improbe imminentes alio avertantur, sæpe neceſſum eſt, ut iſtis velut inane ſimulacrum objiciatur. Sicut apud *Virgilium Æneid. X. Tunc Dea nube caſa tenuem ſine viribus umbram In faciem Æneæ, (viſu mirabile monſtrum) Dardanis onerat telis, clypeumque jubarque Diſini aſſimulat capitis, dat inania verba; Dat ſine mente ſonum, greſſusque effingit euntis.* Multi quoque ſunt ingenio ita refractario, ut ſi aperta ratione cum iis velis agere, nequidquam eos ad placitum tuum deducere poſſis. Hos ergo obliqua via ad ſcopum imperantium & rei publicæ deducere neceſſum eſt. Multa quoque sæpe altiffima diſſimulatione premienda, & diverſus plane vultus fingendus ab eo, quod animo agitaſus. *Spem vultu ſimulat, premit altum corde dolorem.* Quæ omnia jure naturali licita habentur, quatenus nullius alterius jus lædunt, & ad noſtrum aliorumve commodum ſpectant. Iſthunc quoque agendi modum, quatenus ad legitimum uſum & finem civitatis tendit, nec alterum injuria afficit, Religioni Chriſtianæ haut quidquam repugnare arbitramur. Cum enim ei probentur imperia civilia, probari quoque cenſebuntur

tur illi artes innoxias, quæ posita malignitate, contumacia, ac stoliditate hominum utiles aut necessariæ sunt. Et huc applicari posse videtur, quod Salvator noster discipulos suos, quos ut oves in medio luporum mittebat, jubet esse simplices ut columbas & prudentes ut serpentes. Nec dubitavit *Paulus 2. Cor. IX.* aperte profiteri, adhibitum à se velut stratagemata politicum, dum apud Macedones jactavit, Achajam ante annum fuisse paratam elemosynæ, ut istos æmulatione ad promptius dandum accenderet. Cæterum cum pravis dominandi artibus mediisque injuste partum imperium stabilendi, aut legitimum alias imperium injustis amplificandi nobis nihil negotii est.

§. II. Ad illustrationem hujus argumenti, simulque commendationem majorum nostrorum, qui Religionem Christianam à corruptelis humanis repurgatam dedere, plurimum faciet, si expendamus, quam multa dogmata veræ politicæ repugnantia foveantur inter sectas Christianorum, qui à primæva Religionis puritate degeneraverunt. Eorum aliqua speciminis loco heic tangemus. Ex scitis veræ politicæ constare, omnia illa, quæ unionem, qua civitas connectitur, dissolvunt, exitiabilem morbum in Republica producere, ac ad convulsionem & ruinam civitatis gradum struere. Talis autem dissolutio emergit, si præter summum imperium civile fingatur aliqua potestas sacra, cujus subiecta, modusque ejus potestatis exercendæ nulla ratione à summo imperio civili dependeant; quæque adeo absolutam sese Dominam religionis ani-

marumq; ferat : inprimis si illa sacra potestas ullo modo sese extendat ad actiones civium ; quæ ad finem civitatis faciunt , adeoque summi imperii civilis directioni subfunt. Hoc enim modo civitatem fieri bicipitem, imo imperium civile potestati alteri subjici , & ab illa velut precario dependere manifestum est. Cum æque imo efficacius impetret, qui est Dominus animarum, quam qui est Dominus corporum ; & qui jussis suis vim per comminationem pœnæ æternæ addit , quam qui temporalem duntaxat pœnam repræsentat. Quamquam enim nemo sanus asseruerit , imperio civili fas esse pro lubitu Religionem formare aut interpolare, secus quam clarum Dei verbum tradit : datur tamen via circa Religionem ita in republica disponendi, ut & hæc ex solo Dei verbo constitutur ; & summum imperium civile persistat illibatum. Multo major autem proveniet convulsio, si ille Rex sacrorum extra civitatem sit constitutus , ac non sola pietatis opinione, sed etiam mundanis opibus nitatur. Tunc enim universus sacerdotum ordo, qui in civitate vivit, ejusque opibus alitur, & civium animos ab se habet dependentes, subditus est Principi isti extraneo : id est, externus ille rex sacrorum alias civitates prædiis suis premit , & tot ibi arces possidet , quot templa & monasteria sunt extracta ; & ubi vel paululum ipsius libidini & commodis obviam iverint, in ipsis visceribus periculosissimum iisdem bellum movere potest. Quadrare hæc in potestatem Pontificis Romani, quam sibi hautquaquam suffragante sacra Scriptura

ptura arrogavit, nemo est tam imperitus rerum qui nesciat. Huic enim primum fuit, absolutum sese arbitrium Religionis, & authenticum interpretem divinæ Scripturæ ferre, solique sibi potestatem leges circa sacra ferendi asserere; abs quo quicquid est sacerdotum per orbem Christianum dependeret. Ex hoc fonte quid malorum in civitates Christianas profluxerit, tot sæculorum historiæ loquuntur. Inde enim ipsi usurpatum sacris interdicare Regibus & integris civitatibus, easque prædæ quorumvis exponere; subditos fide & jramento exsolvere, eosque in legitimos Principes armare, regna in alios transferre, sicarios Regibus immittere, per sacerdotes Principum destinata oppugnare, omnes denique ad suam libidinem temperare. Et licet hoc sæculo multum de antiqua impudentia remisisse videri velit; manet tamen eadem radix, manent eadem fundamenta, & ad eundem finem licet mediis paulo tectioribus, & modo minus violento tenditur. Ex quibus non postremum est, quod Jesuitæ, quos recte militiæ Papalis triarios dixeris, juventutis informationem magna ex parte ad se traxerint; qui id potissimum negotii sibi datum judicant, ut studiosa pubes ejusmodi opiniobus imbuatur, quæ maxime ad emolumentum sacræ istius monarchiæ faciunt, ac procul ab illis libris arceantur, qui ad intelligendas ejusdem fraudes lucem præferre possint. Cui & hoc accedit, quod ex universâ juventute disciplinæ suæ commissæ promptissimus quisque sacramento ipsorum adigatur, velut supplendis sedis Romanæ legionibus.

bus. Ergo Zelotypi sint circa suum imperium qui sapiunt principes, quo id illibatum retineant: non ferant in sua civitate æmulam, aut superiorem sibi potestatem; non foveant in sua civitate, qui ipsorum imperium nolint agnoscere; multo minus qui extraneo absolutum obsequium debeant: nec alieni Principis devotissima præsidia in suum territorium recipiant, & cum liberi sint, servituti sese subicere nolint. Nam valde simplex est, qui credere potest, extraneum principem, quam speciosam larvam pietatis & paternæ caritatis sibi induerit, magis utilitatem status alterius, quam proprias opes curare. Bene *Grotius tract. de dogmat. reip. noxiis*: Imperiis omnibus maximum periculum imminet, si eorum omne jus subicitur unius itidem per arma dominantis externæ, aliasq; res ad suum commodum trahentis potestati: quod malum maxime sensit Germania, Gallia & Venetia, non nisi eversa apud populum istius assèssationis & iussione.

§. 12. Est & inter decreta veræ politicæ, ut quilibet, qui defensionē civitatis utitur, pro virili quoque ad ejus conservationem aliquid rei aut operæ conferat. Id enim non solum æquitati naturali congruit; sed etiam, ni probe observetur, ad oppressionem cæterorum civium tendit. Quod enim onus, cui ferendo omnes pariter connituntur, leve est; illud, si multi humeros subtrahant, & id totum in reliquos devolvant, hosce demum plane affligit. Et quanquam in plerisque civitatibus certo generi civium a certis oneribus conceditur immuni-

munitas : id tamen ideo factum , quod ab istis insignis quæpiam opera , & quæ cæterorum oneribus proftabilior fit , in rempublicam proficiscatur, aut proficisci judicetur. De cætero autem homines reipublicæ inutiles immunitatibus donare, parem æquitatem habet, ac si quis ignavos & validos nebulones industriis civibus gratis alendos obtrudere velit. Hac in parte quantopere impingat religio Pontificia, manifestum est. Quæ sacerdotibus & monachis quidem immunitatem ab oneribus reip. tribuit, aut si omnino urgente necessitate & ipsi in partem onerum vocentur, id tamen precario à Rege sacrificulo obtineri vult. Et tamen sine fine & modo opes illis undequaque corradere permittit, & gravissime indignatur, si quis eorum avaritiæ limites ponere velit. Sicuti paulo post initium hujus seculi Respublica Veneta experta est. Atqui hac rrtione lenta velut tabe consumi reliquos cives, & plane pessundari in aperto est.

§. 13. Illud etiam veræ politicæ congruit, ut ex civitate otium & ignavia proscribatur; ut omnes cives assuefiant ita se præparare, quo reipublicæ utilem operam exhibere possint; ut non foveantur, qui velut ignavum fuci pecus alieni laboris fructus gratis devorent; ut qui laborare cum possint, non volunt, ne comedant. Hac in parte quantopere impeggerit religio Pontificia quis non videt? Quæ cum variis modis libertatem hominum in sui incrementū accendisset, quo non deessent, qui tantis opibus liguriendis sufficerent, præter complures inutilium sacerdotum classes, varios



quoque greges monachorum, est commenta genus otio devotum, & non nisi fruges consumere natum, præter paucos aliquos, qui in literis non nihil præstiterunt. Quorum otium tamen & voracitas uti civitatibus magno oneri fuit; ita dominationem pontificiam non parum istorum hominum opera sublevari indicio est, quod unice ab ipso Pontifice dependeant, Episcoporum jurisdictioni exempti, suosq; Generales perpetuo Romæ residentes habeant. Sic ut non solum plebs istorum fucata pietate devincta teneatur, sed & ipsi Episcopi, ne forte in senatum Romanam insurgere queant, per eosdem coërceantur: si nempe contendere velint, non minus sibi jure divino injunctum greges suos pascere, quam Episcopo Romano, eoque sese divinitus instructos omni ea potestate, quæ ad hunc finem acit, nec ut demum eandem Roma petant, necessum esse.

§. 14. Nec minus veræ politicæ scitis continetur, operam dare, ut opes civitatis conserventur, & licitis mediis augeantur. Cui repugnat eas vanis aut non necessariis causis ad externos transferri, illosque nostra pecunia adversus nos ipsos armari; aut saltem sudore nostro voluptatem & delicias suas instruere. Atque iam religio Pontificia sedem regni sibi rorum Romæ collocavit, constat, quam immensâ auri vis ex plerisque Europæ provinciis confluxerit, obtentu beneficiorum Ecclesiasticorum, à Pontifice conferendorum, aut confirmandorum, annatarum, dispensationum, indulgentiarum, & similium pecuniæ aucupiorum; quæ quo largius arri-

arriſerunt, eo majorem Italis præbuerunt occaſionem Transalpinorum ſimplicitatem irridendi. Neq; vero credendum eſt, alio fine matrimonium inter ſacramenta elatum, quam ut ſuo jure ad Eccleſiaſticum forum Pontifex poſſet trahere cauſas matrimoniales, lucroſiſſimas tãne ob tot prohibitos gradus jure canonico additos, & maximi alias momẽti, quippe abs quibus legitimi natales, hæreditates, ac jura ſucceſſionum tam in privatorum bonis, quam integris regnis & ſtatibus dependent.

§. 15. Iſthoc quoque dogma vera politica, tanquam ad finem civitatum cumprimis faciens, inſigniter commendat, ut civibus quam maxime cordi ſit, ob reverentiam divini Numinis recta & ad juſ naturale quadrantia opera facere, atq; eidẽ adverſantia facinora fugere. Eo meliores enim cives habendi, quo major iis ad legem naturalem ſeſe componendi ſollicitudo fuerit. Ubi itidem impingit religio Pontificia, dum bona opera, quibus vim merendi æternam ſalutem adſcribit, definit non tam obſervatione eorum, quæ lege naturali & decalogo præſcribuntur, quam præſtatione rerum inanum, aut lucro ſacerdotibus cedentium, puta abſtinentia certorum ciborum, jejuniiſ, crebro iteratis recitationibus ſalutationis angelicæ, peregrinationibus ad loca ſætra, largitionibus in monaſteria, & ſuperflua templorum donaria. Quæ omnia eo tendunt, ut cives velut leve quid habeant vitam ad leges componere, modo ſacerdotes ſibi habeant propitios. Ex altera parte quam faciles ea perſuaſio homines ad quævis ſcelera perpetranda facit, ſi

credant, quorumvis sese facinorum veniam in tribunali divino obtinere posse, si modo sacerdotibus, (qui ad ea tacenda rigidissime obligantur,) eadem ingenue confessi fuerint, & quam ipsi injungunt satisfactionem, expleverint. Quo ipso revera sacerdotibus nundinatio quædam scelerum indulgetur. Ex hisce satis puto adparere, quantopere sibi etiam propter rationes politicas gratulari debeant civitates, quæ jugum Pontificis Romani excusserunt, & quam diligenter ipsis prospiciendum sit, ne eidem denuo subjiciantur.

§. 16. Videamus paucis, quid dogmatum veræ politicæ repugnantium aliæ quoque inter Christianos errantium sectæ foveant. Sunt igitur inter instrumenta civitati servandæ utilissima leges, quibus hominum malitiâ utcunque frænatur, ut secure inter se habitare possint. Frustra autem leges istæ civiles feruntur, & inique pœna ob easdē violatas exigitur, nisi penes cives sit eas observare aut violare. Huic dogmati adversantur, qui actiones humanas, super quibus in foro civili ratio solet exigi, fatali cuiusdam necessitati, & quæ usum liberi arbitrii in hujusmodi rebus plane extinguit, subjiciunt. Quod dogma Calvinianis quibusdam tribuitur; ac Reip. sane est perniciosissimum. Nam eo non potest non omne studium præclaras actiones suscipiendi, & pravas fugiendi extinguui, quippe quod inutile esse creditur, si ad istas libertas hominis nihil confert. Ac inprimis homines desperati, melancholici, ac rationis parum sanæ, ubi semel facinoris quid animo conceperunt, pertinaciter id per-

persequuntur, quod fatali necessitate ad idem rapi sese arbitrentur, ac demum non citra horrendam blasphemiam causam peccati in Deum referunt, & se non nisi nuda instrumenta, quibus nihil impu-  
tari possit, jactant.

§.17. Cum etiam hæc boni civis virtus à vera politica commendetur, ut præsentem Reipublicæ statum amet, & à rebus novandis abhorreat: hac quoque in parte non parum labis adhærere multis Calvinianorum judicatur, dum in democratiam nimio amore propendent, & contra monarchias averfantur, ad easque convellendas sunt proclives. Ejus rei cauta quidem peritis rerum non obscura est. Qui enim per Galliam, Helvetiam atque Belgium simul cum Pontificia religione auctoritatem Pontificiorum Episcoporum ejuraverant, cum novam Ecclesiæ administrationem instituerent, in democraticam regiminis formam consenserunt, in qua & ministri omnes inter se essent æquales, & ad conventus Ecclesiasticos seniores quoque & diaconi è plebe adsciscerentur. Cum autem semel in rebus sacris plebs ad suffragium admitteretur; proximum fuit, ut crederent, iniquum esse totam civitatem unius hominis voluntate regi. Accedebat quod Helvetii quidem, democratiis innati, non possent non illum statum magni facere; Galli autem & Belgæ, qui à Principibus injustam sese persecutionem pati clamitabant, odium & in hos & in quosvis alios Monarchas conciperent. Uti solitum est hominibus, odisse, a quibus læsus fuisti, odiumque unius in totum genus diffundere. Ac  
judi-

judicant prudentes, ad turbas istas, quæ superioribus annis Angliam miserrime exercuerunt, non parum contulisse dogmata Genèveſia, quæ juvenus Anglicana ibidem studiis operata, aut eorum scriptis hauserat, & in patriam diſſeminaverat. Tanti refert, quibus principiis politicis adoleſcentes imbuantur. Tradit etiam nonnulla inſigniter huc facientia *Jacobus VI. Magnæ Britanniæ Rex in dono ſuo regio lib. 2.*

§. 18. Habet denique hoc in univerſum tota Fanaticorum natio, ut non minoribus in religione, quam vera in politica erroribus teneantur. Eorum aliqui omnem magiſtratum civilem abolendum jactarunt, & novum aliquod Chriſti regnum in hiſce terris, cujus ſcilicet ipſi columnina forent, erigendum ſomniarunt. Alii certas actiones ad civitatum conſervationem, poſita malitia hominum, neceſſarias improbarunt; puta, capitali ſupplicio in fontes animadvertere, aut militare. Imo ad ipſum vitæ genus damnandum proceſſerunt; ut qui negarunt, Chriſtianum bona cum conſcientia poſſe magiſtratum gerere. Alii divinos quosdam inſtinctus captarunt, ac quicquid vel morbo affecta mens, vel ſtupida ignorantia, vel compoſita in ecſtaſin nequitia ſuggeſſit, pro oraculis & vivendi regulis ſibi ſuique ſimilibus venditarunt. Omnes religionis pariter ac rei publicæ peſtes, procul à civitatibus arcendi, quæ tranquillitatem internam amant. Quos & iſti non levi cognatione contingunt, quibus imperantium præcepta & juſta, quæ circa res directioni ipſorum ſubjectas edunt,

edunt, familiare est conscientiae suae qualitercunque informatæ opponere; quique adeo omnes suas actiones, civili imperio obnoxias, non legibus, sed proprio iudicio, sæpe immane quantum distorto, metiri pertendunt. Quos in pari cum Regibus fastigio collocari, iisdemque non nisi precario parere velle manifestum est. Verum isthæc omnia prolixius deducere instituti nostri ratio non fert. Nos in hoc voto finimus, ut in regno hoc vera religio, veraque politica perpetuo concordēs florent, & SERENISSIMUS REX NOSTER CAROLUS XI. per omnia pietatis, civilisque virtutis specimina coruscans, Deo bonisque omnibus probatum regimen ad seros annos perducatur.

---

DE  
STATU HOMINUM  
NATURALI.

§. I.

**Q**ui circa corporum naturalium constitutionem investigandam solliciti fuerunt, non satis habuere, faciem eorum exteriorem, & quæ primo statim obtutu in oculos incurrunt, adspexisse; sed & eadem penitus rimari, & in partes, ex quibus componuntur, resolvere præcipuus labor fuit. Quin & demum quicquid est corporum ad primam quandam materiam reducere visum, quæ ab omnibus particularibus formis abstracta conciperetur; ad quam  
ubi

ubi perventum fuit, ulterius quo progredierentur non habuerunt. Eandem viam inslitere, quæ in-  
dolem nobilissimi corporis moralis, civitatis ni-  
mirum, curatius perscrutari cordi fuit; quibus  
non externam tantum ejusdem administrationem,  
ac magistratuum varietatem, ac vocabula classès-  
que populi evolvere suffecit; sed & intrinseca ve-  
lut ipsius dispositio, ex potestate ac jure imperan-  
tium, & obligatione civium resultans, perspecta;  
nec minus partes, ex quibus vastum illud corpus  
componitur, accuratè discretæ. Quin ad discipli-  
næ illius perfectionem insigniter facere judica-  
tum, omnes societates velut transcendere, &  
mente concipere conditionem atque statum ho-  
minum, qualis ille extra societatem, & ab omni-  
bus artibus & institutis humanis vacuus intelligi  
potest. Inde enim liquido demum cernere licet,  
quæ necessitas ac ratio fuerit societatum civilium  
combinandarum, quid potestatis aut obligationis  
ex earundem natura promanet, quid commodita-  
tis deniq; ac peculiaris habitudinis inter homines  
ex iisdem proveniat. Unde isthæc doctrina suo sibi  
jure principem in politica architectonica vindicat  
locum; sic ut gravi defectu laborare judicandi sint  
libelli politici, qui istam ne summis quidem digi-  
tis attigerunt. Quæ & ipsa ratio nos movet, ut  
materiam isthanc de statu hominum naturali in-  
cudi subicere jam aggrediamur, quo illa tracta-  
tione velut splendescat, simul simpliciorum quoq;  
palato fiat accommodatior, omnisq; cavillandi ansa  
imperitis aut malevolis præripiatur.

§. 2. Propositum est igitur nobis contemplari statum hominum, quo extra societatem civilem vivere, & in quo omnia inventa & instituta humana, quæ vitæ huic decor & commoditas fuit conciliata, abstracta intelliguntur. Eum *naturalis status* vocabulo adpellare placet, non solum quia istud à non paucis hoc sensu adhibetur; sed & quia cum usu communis sermonis congruit, naturalia contradistinguere iis, quæ mediante facto humano existere cœperunt. Quod si autem vocabulum *naturale* aut *status naturalis* ab aliis, aut in alia disciplina diverso modo accipiatur, id quidem pace nostra facere licet: dummodo eam, quæ istis placet, horum terminorum significationem cum illa, quam nos jam determinavimus, nolint confundere. Sed & hoc patet per naturalem statum nos heic non intelligere perfectissimam hominis conditionem, aut quam ultimo velut natura intendit, & in qua ut homo persistat, eadem utique velit; aut ad quam velut normā status civitatum, quantum corruptio humani generis admittit, sit exigendus. Nam sane civilis status naturali nostro statu, inprimis ubi singulis in hominibus consideratur, longe existit perfectior; neq; tamen naturæ repagnat, quod homines hoc velut proscripto illum subierunt. Sic neque nobis aliquid est negotiū cum *societatis civilis statu naturali & legali*, quem Vir Clar. *Jacobus Thomasius* Lipsiæ non ita pridem cōmentus est; cui naturalis stat⁹ societatis civilis est perfectissima humani generis societas, & qualis extitura fuerat, si istud intra primævā integri-



tegritatem, in quâ à Deo conditum fuit, perstitisset: legalis autem status, qualis jam intra tantam mortalium corruptelam haberi potest; ob quam in civilibus institutis non omnia ad unguem possunt exigi, sed multa imperfecta & vitiosa toleranda sunt. Enimvero si quis eam distinctionem accuratius examinare velit, inveniet quæ merito desiderari possunt. Nam primo non video, quam congrue status naturalis, i. e. ex mente ipsius perfectissimus, in quo utiq; perfectissimas leges esse, iisq; perfecte obtemperari intelligitur, statui legali opponatur. Deinde isthæc distinctio ex *Aristotele* petita, cui alius natura, alius lege servus esse traditur, ad statum societatis humanæ minus dextre videtur adplicari. Nam præterquam quod servitus naturalis apud *Aristotelem* nondum ad liquidum sit perducta; aut saltem statum perfectissimum non arguat; gratis quoq; aliquis civitatum status præsupponitur, in quo cives omnis vitii & malitiæ sint exsortes. Cum civitates revera sint medicina quædam humanæ imperfectionis. Id quod inter alia etiam S. Scriptura innuit, dum potestatem summorum imperantium vocabulo *gladii* notat; cui gladio in perfecto & primævo statu locus non est. Unde & absurdum arbitramur, quod §. 32. de requisitis belli justî ex statu naturali, i. e. ex ipsius mente, perfectissimo agit. Nam inter illos perfectissimus status non est, ubi tale quid committitur, quod bello sit vindicandum. Inde status quidem hominum seu humani generis diversus esse potest; sed status societatis civilis in genere confide-

fideratus uniformis est. Sicuti nec illa satis sibi constant, quod inscriptio quidem istius dissertationis *de societatis civilis statu naturali & legali* loquatur: in §.5. autem eadem distinctio *humana societatis* feratur; cum humana societas civili utique longe sit amplior. Sed nimirum uti nos quidem prohibere non possumus, quo minus quis ea distinctione, velut inventis novis insulis auriferis, sibi gratuletur: ita insignem aliquem ejusdem usum perspicere nos nondum potuisse ingenue profiteamur; cum aliunde eorum institutorum, quibus illustrandis eadem adhibetur, ratio longe solidior dari possit. Nec tamen si quis eandem mordicus tueri velit, nos eo nomine hæreseos ipsi crimen impingemus.

§.3. Illud præterea in limine hujus dissertationis monemus, nos hominem cum suis inclinationibus hæc considerare, prout nunc eum sese habere deprehendimus, abstrahendo, num ab initio diversus ille fuerit, vel non; adeoque nos semper hæc naturam hominis pravitate infectam præsupponere. Cum enim propositum nobis sit isthæc dogmata ex lumine rationis deducere, extra rhombum fuerit altius hæc velle adscendere, quam quousque nostra ratio sibi jam relicta pertingere valeat. Sane enim quæ de statu primi hominis, ex quo ipse peccato suo evolutus est, jam novimus, eam cognitionem divinis literis debemus. Et si quæ ejusdem vestigia apud scriptores Ethnicos occurrunt, ea videntur reliquæ traditionis alicujus inter antiquissimos mortalium aliquandiu conservata

vata, donec ea lapsu temporum alicubi plane exolevit, alicubi in fabulosa commenta degeneravit. Inde nec nostræ jam operæ est acquirere, unde illa malitia ac miseria, qua genus humanum nunc involutum cernitur, primitus promanarit; cum sola ratio heic debili progrediatur pede: quicquid sit ingeniose disputet *Mornaus de Verit. Relig. Christ. c. 16. & 17.* Neque verò adparet, quem magnopere usum in doctrina civili habeat, homines in primæva illa integritate constitutos contemplari, ac istorum conditionem statuere velut exemplar, ad quod leges & instituta civilia sint exigenda & adaptanda: Sive enim ponamus civitates inventas dispellendæ indigentia, sive ad pariendam securitatem adversus mala, quæ homini ab homine imminet; ad utrumque declarandū non opus videtur præsupponere, humanum genus initio in summa rerum affluentia egisse, ac nulla prava libidine ad mutuo nocendum sollicitatum. Nam ea felicitas cum istis finibus, ob quos nostræ civitates jam sunt constitutæ, stare nequit. Ac si quis penitus velit rimari illa instituta, quæ in nostris jam civitatibus malitiam hominum præsupponunt; is facile agnoscat, quam parum cognationis cum hisdem fuissent habituræ majores societates, si quas præter conjugalem & paternam in genere humano integro sibi quis velit deformare.

§. 4. Cæterum hoc loco bifariam potissimum statum hominis naturalem considerabimus. Primo quidem si concipiamus animo hominem sibi soli plane relictum citra omne subsidium humanum post nativitatem ipsi accedens, ac citra omnia inventa

venta humana, queis necessitates aut commoditates hominum sublevantur & promoventur; & ita quidem, ut ponamus hominem non amplioribus animi corporisq; dotibus instructum, quam nunc in eo nulla prævia cultura deprehenduntur, neque eundem peculiari Numinis cura foveri. Ad hanc rem penitus intelligendam age abstrahamus ab illa cognitione, quam super originibus humani generis ex divinis literis hausimus, ac intra limites rationis sibi jam soli relictæ maneamus. Hac igitur duce satis liquido colligere videmur posse, humanum genus non extitisse ab æterno, sed aliquando initium cepisse. Sive autem ponamus unum par hominum ab initio undecunque provenisse, sive plures simul exorti fingantur; miserrimum tamen eorundem statum concipiamus necesse est. Isti enim cum primum undecunque prodirent, vel infantes fuisse ponendi sunt, vel justam staturam jam habentes. Si prius ponamus, atque simul imbecillitatem infantum recens ex utero materno prodeuntium adspiciamus; utique illis misere pereundum fuisse videtur, nisi velut per miraculum brutum aliquod animal ubera miseris præbuerit; id quod de quibusdam expositis antiqui autores memorant. Quod ipsum tamen cum brutis contubernium bestiarum alumno non parum ferinæ indolis daturum erat. Si autem posterius ponamus, nempe primos istos homines justa statim fuisse staturâ; necessario tamen concipiendi erunt nudi, non nisi inarticulatum sonum emittere valentes, omni disciplina ac cultur

tura vacui; quibus fame vellicante obvium quidvis arreptum gustuque prætentatum fuerit, donec utcunque esui aptum inveniretur, (nam & infantes quicquid adprehenderint ori statim admoveere cernimus) sitim obviis liquor levaret, contra injurias aëris antra aut densæ arbores quaecunque suffugium darent. Tales si in terra adhuc plane inculta sibi solis relictos destituamus, quamdiu miserrimam ac fere belluinam vitam acturos fuisse arbitramur, donec propria experientia ac ingenio, aut occasione ex solertia quorundam animalium petita paulatim ad aliquem vitæ cultum proficerent, & varios usus meditandæ extunderet artes. Id quod facile agnosceret, si quis omnia illa velit circumspicere, quibus jam in vita nostra utimur, & quam difficile cuivis futurum fuerit omnia ista proprio Marte invenire, ni aliorum hominum manu ductio & opera præiret; imo quam de plerisque nunquam in mentem plurimis fuerit venturum. Atque hæc causa videtur, quare gemina hæc de conditione primorum hominum tradiderint scriptores ethnici, qui super veris originibus generis humani ex divinis literis nihil didicerant, sed suo tantum ratiocinio ducebantur. Vid. *Horat. serm. 1. sat. 3. Lucretius l. V. Diodorus Siculus l. 1. c. 8.* Item quod, cum statum Paradisi ignorarent, finxerint de singulari quadam aëris temperie, terræque ultronea fertilitate, quæ primis mundi temporibus extiterit; quasi alias genus humanum ita recens enatum servari non potuerit, si ea, quæ nunc est, aëris intemperies extitisset, tantoque labore

bore victus fuisset quærendus. Vid. Ovid. *Metamorph.* l. 1. 107. Virgil. *Georg.* 2. v. 336. Lucretius l. VI. *At noxitas mundi nec frigora primæ ciebat. Nec nimios æstus, nec magnis viribus auras. Veteres Philosophi apud Lactantium lib. 2. cap. 12. Non erat, inquiunt, in principio mundi hiems & æstas; sed perpetua temperies, & ær aquabile.*

§. 5. Quanquam autem in tali statu & quidem extremo ejus gradu universum genus humanum simul & semel nunquam extiterit; haut abs re tamen est eundem hoc modo velut delineari, non solum ut intelligamus, quam multa bona homines hominibus debeant, eoq; ad *Φιλανθρωπίαν* & socialitatem disponatur; sed etiam quia unus & alter peculiari casu revera in eum penitus, aut in aliquem ejusdem gradum devolvi potest. Ac revera in statum huncce conjicitur infans, qui per scelus parentum in locum vastum, & ab omni cultu humano vacuum, & quo nullus hominibus accessus solet esse, exponitur. Qui plenum specimen status istius repræsentare posset, si contingeret, eum in tali solitudine citra omne humanum auxilium adolescere. Qui autem naufragio aut per vim aliorum nudus, egenus, omnique instrumento destitutus in desertam, planeque incultam insulam ejicitur, ad aliquem duntaxat status naturalis gradum delapsus est, quatenus utique memoriâ cultæ vitæ, artiumq; notitiam retinuit, cujus subsidio facilius suis necessitatibus consulere potest. Sic apud Virgil. *Æn.* III. *Achæmenidi dura illucies,*

*immissaque barba, Confertum regmen spinis. Dum  
 Etiam in sylvis inter deserta ferarum Lustra de-  
 mosq; trahit. Victum infelicem baccas, lapidosaq;  
 corna Dant rami, & vulsis pascunt radicibus her-  
 ba.* Sic & protoplasti, postquam admissio peccato  
 felicissima Paradisi conditione exciderant, parum  
 ab extremo gradu status naturalis, de quo nobis  
 jam sermo est, abuisse videntur, nisi qua divina bo-  
 nitas miseris peculiariter succurrit. Cum enim in  
 Paradiso vestibus non indiguerint, & fructibus  
 horti ultro enatis victitaverint; non adparet, quo-  
 modo actualem cognitionem habuerint earum ar-  
 tium, quibus genus humanum jam nativam indi-  
 gentiam repellit; præsertim si tam exiguo tempo-  
 ris spacio commorationem eorundem in Paradiso  
 cum plerisque circumscribamus. Nisi dicere veli-  
 mus, Adami in Paradiso scientiam sese extendisse,  
 ipsoque actu jam tunc sese exseruisse circa futura  
 quoque contingentia, & talia quidem, quæ statum  
 peccati præsupponunt, eamque scientiam per la-  
 psam mansisse integram. Quod cum valde diffi-  
 cile probatu sit futurum, simplicius putaverim di-  
 cere, ex peculiari Dei gratia & informatione pro-  
 toplastos ejectos miseriam & egestatem ejus sta-  
 tus, in quem devoluti erant, sat mature dispulisse;  
 adeoque ab ipso Deo didicisse usum præcipuarum  
 rerum, quibus vitæ humanæ indigentia subleva-  
 tur. Cum enim post lapsum statim iidem præ-  
 cinetoria sibi è foliis ficulneis contexuissent, ma-  
 teria ad vestimenti usum inepta, & non tam re-  
 pellendis aëris injuriis, quam velando. utcunque  
 pudo-



pudori inserviente; Deus materiam utrique usui longe aptiorem subministravit, confectis è pelli-  
bus animalium tunicis. Quas quomodo alias tam-  
cito in vestes aptare sibi homines potuissent, fer-  
ramentorum adparatu destituti, & pecoribus ju-  
gularidis nondum adsueta, si divina informatio  
abfuisset, nos quidem non dispicimus. Unde à  
pari non obscure videmur colligere posse, divi-  
nam manuuctionem circa alias quoque res istis  
allubuisse, quæ non minus vitæ humanæ necessa-  
riæ quam vestimenta erant, nec minus difficilem  
primam inventionem habuisse videntur. Sic  
cum Deus hominem expresse ad agrum colendum  
ablegaret, & pane eundem deinceps vesci juberet,  
utique nobis persuasum est, Deum ipsi tradidisse  
naturam seminum, tempora sementis, modum  
terram subigendi, ac quomodo ex seminibus pa-  
nis cibo humano idoneus posset confici. Nam ad  
hæc omnia proprio Marte addiscenda longa ex-  
perientia & meditatione opus erat. Unde vetustis-  
simos Græciæ incolas, qui nescio quo casu usum  
frumenti amiserant, legimus diu glandibus & fru-  
ctibus sponte natis victitasse, antequam agricul-  
tura apud ipsos inveniretur. Cum tamen filius  
Adami primogenitus statim ad agriculturam tan-  
quam artem jam notā & excultam, sese adplicuisse  
in divinis literis memoretur. Sic Adamum jam  
habuisse usum ignis & ferri, vel ex sacrificiis sat fir-  
miter colligi videtur. Nam ut Thubalkaïn primus  
ferri inventor statuatur ex *Genes. IV. 22.* neces-  
sum non est; cum antea usus ferri potuerit esse



simplicior; iste autem insigni dexteritate in arte fabrili polluerit. Atqui utriusque usum tam cito potuisse istis innotescere citra informationem divinam, fidem sane videtur excedere. Sane ignis inventio tanti est res momenti visa veteribus Græcis, ut eum à Prometheo ex cœlo in terram delatum fabulati sint. Et de incolis insularum Canariarum & Philippinarum, ut & insulæ apud Sinas, quæ los Jardenas vocatur, memorant, illos ante adventum Hispanorum usum & notitiam ignis non habuisse. Vid. *Georg. Hornius de Origin. Gent. Americ. l. 1. c. 8. & l. 2. c. 9.* Adeoque cum semel eo excidissent, per complura forte secula neque meditatione, neque fortuito experimento eundem instaurare potuisse. Multæ quoque fuerunt nationes, quæ usum ferri diu ignorarunt, utut ejus materiam regio ipsarum possideret. Sic igitur prima hominum stirps sat maturè status naturalis incultum exiit, postquam DEO docente usum earum rerum, quas tetigimus, percepisset; quæ non solum vitæ humanæ cum primis sunt necessariae, sed & instrumenti vicem subeunt cætero vitæ cultui parando. Quod autem longo post tempore minus culturæ apud quosdam populos deprehensum est, quam apud primos istos homines, eorumque sobolem jam fuit, alicubi quidem causâ fuit regionis, quam fortiti sunt, infelicitas. Alios fortasse validiorum violentia in longinquas, incultasque regiones ejectos egestas oppressit, nullo instrumentorum adparatu ex pristinis sedibus deportato. In similem inopiam inciderunt, qui migratione in remotas

motas terras suscepta per incuriam ejusmodi instrumenta secum ferre neglexerunt, aut casu aliquo iisdem exuti sunt. Quæ reparare, cum commercia nondum frequentarentur, difficillimum fuit. Etsi alii defectum istum adhibita materia minus habili utcunque supplere conati sunt. Sicuti multi populi Americæ in ferri vicem usurparunt lapides, testas ostrearum, ossa ac dentes animantium, arundinem & similia. vid. *D. Dapper in descriptione America edit. Tenton. p. 11. 149. 157. 171. 301. 418. 632. 643. 650. 653. 654.*

§. 6. Caterum cupido à miseria status istius naturalis quam longissime discedendi societatem inter homines non parum promovit, instituta communicatione rerum ad vitæ culturam facientium; per quam omnibus inventa & elaborata velut in medium conferuntur, & cujuslibet industria universis emolumento cedit; cum alias exiguum valde sit, quod unius hominis ingenium invenire, aut industria elaborare citra aliorum auxilium queat. Cui fini in genere humano receptum per informationem piorum inventa in alios transfundere, operas sociare, commercia exercere, domicilia conjungere, congressus celebrare. Ut tamen societates civiles instituerentur, ad hunc quidem finem adeo necessarium non videtur, cum & discere quid ab aliis, & operas communicare, & res permutare liceat cum illis, qui commune nobiscum imperium non agnoscunt. Ex consequenti tamen per civitates cultus vitæ insigniter promovetur, dum per eas civibus præstatur securitas, ut & citra impedi-

mentum operi incumbere, & industriæ suæ fructum securius capere queant. Illud tamen observandum, mortalium multos, dum status naturalis misérias dispellere, vitamque copioso adparatu instruere laborant, modum heic excessisse, viamq; ad avaritiam & luxuriam patefecisse, magno malorum proventu genus humanum mundare solitas. Inde & divinæ literæ & sapientum præcepta modum studio acquirendi, ac vitam velut expoliendi ponere jubent; ne circa supervacua sudetur, & breve hoc quod degimus ævi inter inania curarum frustra effluat, nec vigor in debilem molliem frangatur. Cum longe melius vita exigatur modico sobrioq; adparatu, & virili patientia ad aspera obdurato corpore, quam per nimias copias, quæ onerant potius, quam instruunt, aut per teneram molliem, quæ etiam mediocrium molestiarum sensum exasperat.

§. 7. Altero modo statum hominum naturalem consideramus, prout ille statui civili opponitur, & prout quilibet sui esse arbitrii, nullique imperio humano subiectus intelligitur. Qui ipse status vel per fictionem concipitur, vel revera existit. Prius fit, si fingamus ab initio magnam aliquam hominum multitudinem undecunque extitisse sine ulla unius ab altero dependentia; & ut nihil inter ipsos vinculi præter communem naturam intercederet. Aut si fingamus jam totum genus humanum ita esse dissolutum, ut quilibet ab alterius imperio liber sui plane arbitrii intelligatur, nullo itidem vinculo inter homines superstito, quam quod

quod ejusdem speciei animalia sint. Hac posita fictione, quæ facies humani generis futura fuerit, non obscure ex sequentibus colligi potest. Nam eo minus de hoc laborandum videtur, quod ejusmodi status revera nunquam in genere humano extitit, nec ut adparet unquam exisset; adeoque quod nunquam universum genus humanum simul & semel in statu naturali, isthoo modo designato, fuit constitutum. Nam prout divinæ literæ super originibus generis humani tradunt, inter primum par hominum ætissima fuit matrimonii conjunctio, in qua Deus uxorem marito subjectam esse jussit. Ex his progenerati potestati patriæ erant obnoxii. Ac cum genus humanum semper fuerit per generationem propagatum, ac deinceps quoque sit propagandum, isthæc peculiaria vincula nunquam ex universo genere humano tolli possunt. Ast qui revera existit status naturalis, non quidem initio rerum fuit, sed tunc demum emergit, quando multiplicari homines in diversas familias, easq; segreges cœperunt separari. Tunc enim qui in eadem familia degebant, peculiari quidem inter se vinculo neſcebantur, paterno, maritali, aut herili; cum reliquis autem extra familiam constitutis in naturali statu versabantur. Post introductionem autem civitates illi, quos eadem civitas complectitur, civili invicem vinculo junguntur. Ipsæ autem civitates inter se, & qui in diversis civitatibus degunt, in naturali invicem statu vivere intelliguntur. Sic ut jam in statu naturali invicem vivant, qui neque communem habent dominum,

& quorum unus alteri non imperat, aut subicitur. Vincula autem consanguinitatis, cum primis propinquæ, ad benevolentiam quidem mutuam animos hominum fere solent disponere; per illa tamen sola statum naturalem tolli non arbitramur, nisi peculiare insuper vinculum, imperii quid produciens, accedat. Etsi benevolentia, quæ ex propinqua cognatione provenit, ut & peculiaris inter quosdam amicitia, suavi animos vinculo coniungens, non parca velut symptomata status naturalis soleat intercipere aut sedare; quæ frequentius, atque gravior sese siveverunt exserere inter eos, quæ nil nisi humana natura est communis. vid. *Gen. XIII. 8.*

§.8. Præcipuum porro jus, quod statum naturalem comitatur, est, quod qui in eo statu degunt, nemini in hisce terris sint subiecti, nulliusq; præterquam DEI O. M. imperium in se agnoscant. Quo intuitu etiam iste status libertatis naturalis nomine venire solet, per quam quilibet citra antegressum factum humanum sui juris, ac arbitrii, nulliusq; hominis imperio obnoxius esse intelligitur. Etsi alias, si subtiliter rem considerare velimus, utique inter statum ipsum & ex eodem profluens jus aliquid sit discriminis. Quia porro naturalis ista libertas subjectionem duntaxat alterius hominis excludit, nequaquam autem eam subjectionem, qua homo suo Creatori est obnoxius: igitur eadem libertas cum hoc semper temperamento est intelligenda, quo imperio divino in hominem sua constet autoritas. Cæterum quæ liber-

tas hominibus in statu civili degentibus attribuitur, reliquias tantum quasdam libertatis naturalis complectitur. Nam liber civis, quatenus mancipio opponitur, id habet, ut actiones suas, ex quibus potissimum lucrum aliquod aut emolumentum provenire aptum est, pro lubitu exercere & applicare possit, (cum servi contra ad dominorum nutum operas obeant, & quicquid inde provenit, iisdem adquirant;) de cætero tamen non ad legem tantum naturalem, sed & civilia scita, summorumque imperantium peculiaria jussa sese teneatur componere. Et si isthæc libertas alicubi laxior, alicubi malignior deprehendatur, prout per leges civiles pauca aut plura legi naturali superadduntur. Ac in prius illæ civitates servitutis nota infamantur, ubi omnia, quæ cives adquirunt, imperantes ad se rapiunt non tam in usus reipublicæ, quam ad libidinem istorum impendendum. De cætero autem isthæc civium libertas, quam personalem solent vocare, sub unæ reipublicæ forma regulari per se non amplior aut malignior est, quam sub altera: nec qui in aristocratiis aut democratiis degunt, habent, quod se præ regniculis magnifice efferant; cum illi æque atque hi legibus civilibus sint adstricti, & oneribus, quæ ad conservationem civitatis requiruntur, obnoxii: ab abusu autem imperii nulli reipublicæ plane sit cautum. Ast integræ civitates, quæ & ipsæ personarum moralium rationem habent, in naturali invicem libertate vivunt, quatenus abs nullius extranei imperio dependent, ac principium actionum suarum publicarum in seipsis habent.



bent. Quæ libertas itidem omnibus æque civitatibus competit, quamcunque reip. formam habeant, modo revera sint integræ civitates, ab aliis non dependentes. Adeoq; frustra sibi aristocratiae aut democratiae majorem heic libertatis gradum arrogant, utut ex usu politicae Græcanicæ hoc vocabuli peculiariter istæ præ regnis non citra supercilium jactare soleant. Principes autem hæcenus naturali frui libertate intelliguntur, quod in actionibus publicis non ex arbitrio alterius hominis, sed proprio ex judicio dependeant, formato tamen ad legem naturalem divinamq; , & si quæ sunt leges civitatis fundamentales. In privatis autem actionibus supra leges civiles ut tales sint, ut tamen ultro sese ad eas, quarum ratio in ipsos cadit, componere debeant.

§. 9. Ex eo autem, quod in naturali statu viventes nullius hominis imperio subjecti solum Deum agnoscant superiorem, consequitur, eosdem, (si seponantur ea, quæ ex peculiari Dei revelatione fluunt,) in directione actionum suarum nil aliud quod sequantur habere, præter proprium judicium ad legem naturalem rite exactum. Necessum est quippe, ut qui principium agendi in seipso habet, in quantum non est subjectus directioni alterius, actiones suas ex proprio judicio regat. Nam si vel maxime quis alium, quem prudentiorem se arbitratur, in consilium advocet, aut eidem alius ultro consilium suum offerat, utut fortasse eum audire teneatur, quatenus istius suggestionem, quid sana ratio dicat, liquidius perspicere potest:

ulti-

ultimatamen decisio sui negotii ad quemque reddit, cui utique consiliarii sui rationes discutenda, & num sibi convenient decernendum est. Inde & consiliis ipsis in se & directe vis obligandi non inest, sed indirecte tantum, quatenus quis sanæ rationis dictata sibi proposita sequi tenetur. De cætero uti hoc quidem summorum imperantium fastigio non repugnat, ad aliorum consilia audienda obstrictum esse; ita illud cum summo imperio stare non potest, si consiliarii imperantem invitum suo jure cogere queant, ut ipsorum consilium utique sequatur. Adeoque nihil aliud consiliariis relictum, quam rationes ingerere, hortari, obtestari, ad ultimum denique munere suo abire potius, quam in perniciosa reip. consilia consentire. Sicuti procures regni Chinæ fecisse memorantur *Martino hist. Sinic. l. VI. p. m. 206.* Ex quo & illud adparet, consiliarium, si bona fide sententiam suam exposuit, de eventu non teneri; & consequenter in summos principes omnium publicorum negotiorum, in quantum directionis humanæ capacia sunt, imputationem ultimò demum redundare.

§. 10. Quia porro homines magnam partem actionum suarum impendunt circa conservationem sui, quam & ratio commendat, & affectus ipsis tantum non inseparabilis, per quam sibi proficua acquirere, noxia repellere student: inde sequitur, quod cuique in naturali libertate constituto sui cura post DEUM O.M. primo ad seipsum redeat, adeoque cuilibet maxime sit vigilandum circa dispicienda



enda & applicanda media, quæ ad sui conservationem facere judicantur. Ne autem fortasse quis arbitretur, infinitam licentiam quidvis agendi hoc modo stabiliri ex eo obtentu, quod, cum cuique summum velut arbitrium circa salutem suam conservandam tribuatur, ad quem finem media investigare & eligere itidem ipsius sit judicii, ad hoc ut quidvis agendi sit licentia, sufficiat judicasse, hoc nostræ salutis expedire: probe observandum est, conservationem sui non ita debere pro adæquata omnium actionum regula venditari, ut per eandem quis plane absolutus intelligatur abs quavis obligatione, quam erga cæteros homines exercendam lex naturalis ipsi adjunxit. Quam ob causam e iam illis, qui in statu naturali degunt, utique illicitum habetur, talia media sub obtentu conservationis propriæ adhibere, quibus aliorum jus violatur. Quæcunque enim facultas agendi homini tribuatur, ea semper intelligenda est cum tali temperamento, quod sana ratio illis suggerit, qui meminerunt, alios quoque homines existere, pari cum ipsis agendi facultate & jure præditos, ad quos ipsos cuivis semper respectus habendus. Unde si unicus duntaxat homo in orbe terrarum existeret, de eo revera dici posset: naturam dedisse ipsi jus in omnia. Cum enim neque in brutis animalibus, neque in vegetabilibus aut aliis rebus inanimatis existat aliquod jus, quod facultati hominis opponi queat; adparet isto, quem supponimus, casu nullam fore creaturam, quæ hominem jure impedire posset quævis agere, & quibusvis uti, quæ ad  
sui

fui conservationem aut commoditatem ullo modo facere judicaret. Ast postquam plures homines orbis capit, non utique ulli homini jus erit talia sui conservandi media adhibere, quæ cum aliorum injuria ac pernicië sunt conjuncta, nullamque rationem aliorum hominum habeant. Adeoque absurde in statu naturali fingitur aliquod jus in omnia, etiam adversus ipsos homines exercendum. Quia enim in illo statu cuique jus competit omnibus modis repellendi ab sese, quæ ad ipsius pernicië ab aliis eidem intentantur; vanum est dixisse; cuilibet homini licere in alterum agere, quæ fini videantur. Nam inane & nullum censendum est jus agendi, cui alter suo jure resistere etiã per violentiam potest. Patet quoque ex hisce, absurde dici; in statu naturali non esse locum injustitiæ. Cum enim injustitia committatur per actum, quo aliorum jus violatur, & vero cuivis homini jus sit per ipsam naturam datum, & non ex pacto demum querendum, conservandi suam vitam, membra ac libertatē contra invasionem aliorum, nulla legitima causa subnixam: manifestum sane est injustitiã exerceri, intentato alterius vitæ, membris ac libertati, malo, cui ipse probabilem causam non præbuerat. Sed & ex iisdem patet, quatenus admittendum sit, quod aliqui jactant: in statu naturali mensurã juris esse utilitatem, seu in eo statu cuique jus esse agendi, quæ sibi expedire judicat. Quanquam enim ea locutio commodam possit admittere interpretationem, separando utilitatem momentaneam & spuriam ab ea, quæ ad diuturnitatem & in universum

valet: tamen ab ista locutione est abstinendum non solum, quia usu vulgi utilitas fere opponitur ei, quod decet; sed etiam quia vocabulum utilitatis propriæ excludere videtur respectum ad alios homines, qui tamen à singulis hominibus in directione actionum suarum etiam in statu naturali nunquam plane sequestrari potest aut debet.

§. 11. Ex supra dictis etiam fluit; in statu naturali cuique sui defensionem propriis præcipue viribus peragi, aut eorum, quos pactis ad auxilium sibi ferendum adstringere possit. Cum enim qui in eo statu invicem vivunt, neque alterius in se imperium agnoscant, neque alterum suo sub imperio complectantur; patet, neque alios ad ipsorum defensionem peculiariter obstringi, neque ipsos ad sui defensionem pro imperio eos posse adigere. Unde nihil aliud superest, quam ut, cui seipsum servare cordi est, proprias vires expediat repellendis quæ sibi intentantur malis; aut qua istas sufficere desperat, alios ad opem sibi ferendam fœderibus conciliet. Enimvero quia in statu naturali existentes præsupponuntur communi duntaxat cognitione, juncti, per quam regulariter cuilibet, ut sibi sit ipse proximus, permittitur; hinc inter istos nemo præsumitur de suo plus dare, quam quo ipse commodè carere potest, aut alterius rationibus sese magis adplicare, quam propria salus admittit. Adeoque quia omnia pacta de auxilio alteri ferendo in naturali statu hanc tacitam habent limitationem, quatenus alterius salus & utilitas citra destructionem nostræ salutis & utilitatis à nobis

nobis fulcīri promoverique potest : inde revera lubrico valde heic fundamento ejus salus nititur, qui unice in fide aliorum & pactis adquiescit. Nam si, qui auxilium mihi promiserat, post deprehendat, salutem suam periclitari, si a me suas rationes non separaverit, suo sese jure a pacto discedere arbitrabitur. Sin ex levitate animi, aut amplioris spe lucri fidem exuerit, nihil relictum, quam ut propriis viribus infidum socium ad pacta servanda compellam, adeoque pro uno hoste duos accipiam. Unde revera illud in naturali statu certissimum auxilium, quod quis sibi præstare ipse potest; & tanti quisque est, quantum sine aliorum auxilio ipse valet.

§.12. Quia etiam in statu naturali qui existit, nullius hominis imperio voluntatem suam submitit; inde si quis eo in statu injuriam ab altero acceperit, ab solo ipsius judicio, ad legem tamen naturalem attemperato, depēdet, exequi an dissimulare & digerere eam velit, quanti eam taxare, aut quam ejusdem reparationem, & in futurum cautionem exigere placeat. Sic & si quid eo in statu ab altero alicui debeatur, non necessum est, ut jus velut fundatum habere hic censeatur, sententiam alicujus judicis antecessisse; sed qui causæ suæ momenta ad propriæ rationis lancem rite exegerit, eandemque secum sanæ rationi liquido adprobare potuerit, satis fundatus in sua intentione esse judicabitur. Ac ubi ab altero, quod debetur, ultro non præstatur, quisque sibi executionem eo, qui commodissimus ipsi videtur, modo potest facere.

Ne

Ne tamen heic quis iudicio per vehementiam affectuum, aut proprium amorem corrupto in legem naturalem impingat; rationis utiq; est, ut ubi ad arma jam fuerit perventum, aut mox ad ea sit decurrendum, non repudientur, si qui alii extra studia partium positi intervenire velint, & circa honestam ac decentem litis compositionem operam suam offerant. Sed & ubi in ipsam causam ullum probabile dubium cadat, aut alter testetur, se paratum esse ad faciendum omne, quod justitiæ congruat, modo super causa prius liquido constiterit; recusare quis non poterit, quin arbitrorum cognitioni causam subiciat, eo quod isti incorrupte pronunciaverint sententias. Hac enim via causæ firmitas clarissimè perspicitur, simulque prohibetur, ne per impotentiam animi aut *πλεονεξίαν* in bella injusta & non necessaria ruatur.

§. 13. Addendum quoque aliquid de ea affectione naturalis status, qua in eo viventium quilibet alteri natura æqualis censetur. De qua æqualitate ut recte intelligatur, sciendum est, illam non capiendam esse de æquali gradu dotium animi, quibus unum hominem ab altero plurimum differre cernimus; neque etiam præcise de æqualitate virium, prout illa capi videtur ab *Hobbesio de Cive c. 1. §. 3.* eo argumento. quod utique adultus homo alteri cuicunque mortem possit inferre, maximum malorum, quo sese invicem homines mactare valent. Et si & hujus æqualitatis consideratio non sit inutilis eum ad finem, ut ne quis robore corporis stolide ferociat, aliisque ideo insultare præsumat.

Nam

Nam tantum non est discrimen virium inter diversos homines adultos, & integritate membrorum ac valetudinis gaudentes, ut qui uni præ altero ad est major gradus virium, supra omnem læsionis a leam eundem constituat. Præsertim cum quod viribus deest, solertia & dexteritas supplere queat; & quem aperto Marte aggredi quis non audet, insidias eidem struere possit; denique qui singulos non timet, à multis sibi cavere debeat. Enimvero æqualitas, quam hoc loco potissimum intendimus, in eo consistit, quod non solum ea obligatio, quæ homines ad observandam erga se invicem legem naturalem stringit, æqualiter sese habeat, ita ut nemo ab eadem vel plane sit exemptus, vel laxius quam alter teneatur; sed & quod quilibet in naturali statu positus par jus ac parem potestatem in se habeat ad se conservandum, suasque actiones ad proprium arbitrium, prælucente sana ratione, dirigendas. Ex quo consequitur, quantacunque homo quis bona præ altero homine forte possideat, æque tamen officia legis naturalis adversus alios eidem esse exercenda, ac ipse ab illis expectat; nec per ea cuiquam plus licentiæ dari aliis insultandi: adeoque quod quis sibi non vult fieri, nec alteri esse faciendum. Sicuti nec vice versa si parcius in aliquem natura videatur fuisse, non ideo per se condemnatus statim est, ut circa fruitionem juris communis sit deterioris conditionis, aut ut sua salus minus ipsi cordi esse debeat, quam aliis. Sed quæ unus ab altero expectat, eadem cæteris paribus ab eodem alter quoque expectare potest; & quod  
juris



juris quis in alium statuit, eo & ipsum uti convenit. Nec minus ex hoc adparet, neminem sibi peculiare jus fingere debere adversus alios valiturum, quod non aliis vicissim pari in casu exercendum competat; ac neminem indignari debere, si alius citra cujusquam injuriam suo agit arbitrio, suiq; conservandi omnia media licita adhibeat; aut sibi ejusmodi eminentiam arrogare, ut nullo antegresso idoneo facto alios sibi obnoxios postulare velit. Sic v. g. valde improbum foret, si quis religioni sibi non duceret aliis sua eripere, taliterque erepta juste sibi adquisita duceret; & tamen prætenderet, semel sibi utcunque adquisita nullo modo alienari posse. Hoc enim pacto tale jus in alios statuit, quo alius adversus ipsum uti recusat. Sic & intolerandæ damnandi sunt insolentiæ, si quid dogma illud Græcicum de servis natura ita explicarunt; quasi cæteris jus esset per modum venerationis istos subigere, aut eo solo nomine, quod barbarorum ignominioso vocabulo notarentur, invitos in servitium abstrahere. Contra, si verborum ferociam removeas, mascule naturalem æqualitatem æstimabat Ariovistus, dum Cæsari reponit: *si quid ipsi à Cæsare opus esset, sese ad eum venturum fuisse: si quid ille se velit, illum ad se venire oportere. Si ipse populo Romano non præscriberet, quemadmodum suo jure uteretur, non oportere se à populo Romano in suo jure impediri, apud Cæsarem de B. G. l. 1.*

§. 14. Probe tamen heic observandum, etsi jus, quod naturalem statum comitatur, æqualiter videatur

deatur competere quibusvis, qui in eo statu degere dicuntur: id tamen longe dispari sese velut facie exferere in singulis hominibus, aut segregibus patribusfamilias, & integris civitatibus, prout quisque a viribus naturalibus est instructus. Quæ enim libertas naturalis in civitatibus integris splendidissimum ac nobilissimum jus habetur: ea ipsa si in singulis, & qui sibi solis relictæ sunt hominibus concipiatur, usque adeo adpetenda non est, ut potius quantocyus cum subjectione civili sit permutanda, generis humani multiplicatione posita. Scilicet quia in plurimis mortalium proclivitas deprehenditur alios opprimendi, rebusque suis exspoliandi; inde parum alicui prodest sui esse arbitrii, nâ talibus sit succinctus viribus, ut se contra aliorum violentam invasionem tueri queat. Inde & rationis est, ut qui virium suarum imbecillitatem sentit, libertatem & æqualitatem suam adversus validiores intempestive ne jactitet, nec eam efflicti nimis depereat; sed potiorem salutis conservationem habeat, & quatenus sibi soli relictus aliis prædæ futurus erat, a subjectione potentioris præsidium sibi, quam mollissimis potest conditionibus, conciliet.

§. 15. Superest ut videamus, quam habitudinem status naturalis, in respectu ad alios homines consideratus, obtineat; seu quod eodem redit, an qui in statu naturali vivunt, se invicem amicos, an vero hostes habere debeant. Ubi quid pronuncian- dum sit, mea sententia optime inveniet, qui penitus expendiderit, tum quæ hominum sit eo in statu con-



tu conjunctio, tum quæ mutua sint ipsorum inclinationes. Conjunctio illa absolvitur partim naturæ similitudine, partim Creatoris O. M. per legem naturalem dictatâ. Similitudinem naturæ in universo genere humano etiam illi agnoscunt, qui ex uno pari conjugum quidquid est mortalium ortum traxisse ignorant. Etsi enim mira varietas & in externa corporum habitudine, ac in animis deprehendatur; ea tamen tanta non est, quominus dici queat, unum æque esse hominem quàm alterum. Eam autem naturæ similitudinem in quovis animantium genere ad conjunctionem non parum conferre, perque eandem ista inter se conciliari tralatitium est. Ipsa autem lex naturalis utique dicitur, nefas esse cuivis homini, etiam qui in naturali statu nobiscum vivit, nocere, aut per ludibrium insultare: sed contra officia humanitatis erga quosvis exercere & pacta conventa, cum quibuslibet inita servare præcipit. Quam legem si quis dolo malo violaverit, etiam sola ratio suggerit, id ipsum impune non laturum. Accedit, quod homini perpetua solitudine nihil tristius; conversatione autem nihil sit jucundius. Sic ut monstro similis sit futurus, si quis omnes in universum homines aversetur. Igitur id solum necessum est, ut quibusdam hominibus sit conciliatus homo, & amicum sese adversus eosdem gerat, nempe illos, quos sua conversatione complecti cupit. Denique cū manifestum sit, plurima commoda, nec pauciora mala ab aliis hominibus in hominem redundare posse,

posse, prout benevolo aut infenso in ipsum animo fuerint; necessum est ei, qui salutem suam amat, tum ne alios per injurias in se irridet, tū ut saltem adversus illos amicū se ferat, quorū ope ad necessitates aut incommoditates suas carere non potest.

§. 16. Ex adverso constat, homini amorem proprium suamque utilitatem & gloriam fere inter prima haberi. Eoq; istius, ex quo nihil aut parum in nos proficisci videtur posse, exigua fere habetur ratio. Nam quæ nuda, eaque undiquaque sterili benevolentia continentur amicitia, inter mortales oppido quam raræ sunt. Enimvero per istum amorem sui non rite temperatum, non tantum benevolentia adversus alios homines valde retunditur; sed & sæpe talis in homine paritur inclinatio, ut aliis ultro noxam inferre cupiat. Cui enim ignotum est, quam sæpe propriæ cura utilitatis, ad rectam rationem non probe exacta, homines subigat, non modo aliorum hominum commoda susq; deq; habere, sed & eadem directe impugnare, & ex aliorum incommodis suum emolumentum quærere, lege naturali nequidquam diverſum ingerente. Cum autem aliis sua utilitas æque cordi sit, non possunt non frequentissime hac ex causa homines inter se committi. Sic quid vulgatius est in genere humano, quam ut quis ad proprias opes cumulandas alterum fortunis evertere aggrediatur: ut ad potentiam & gloriam sibi parandam multa hominum millia perdere egregium facinus ducat: ut denique per ingenii malignitatem aliis insultare pro delectamento habeat, & ex aliorum dolore volupta-

luptatem sibi quærat? Quæ pravitas id quoque mali parit, quod per eandem etiam modestioribus ingeniis, & qui alias libenter suis rebus contenti aliena non adpeterent, & quieti suæ incumbentes aliis nihil negotii facerent, tantum non necessitas adferatur pacem abrumpendi, & quibuscunque mediis contra istam sese muniendi. Semel autem commisso bello non isti solum, quos inter rixa primum conflata fuit, ad mutuum exitium connituntur: sed & vicini non parum inquietantur, ac sæpe præter votum bello involvuntur. Sicut unius turbulentia multos etiam modestos perpetuis litibus exercitos tenere possit. Præterea & in plebisque mortalium ea est ingenii pervicacia, ut non solum quam ipsi undecunque hauserunt opinionem pro vera habeant; & ab omnibus pro tali agnosci cupiant; sed etiam diversa sentientes eo solo nomine oderint, & gravissimis malis mactare laborent, quod ab ipsis dissentiant. Denique & hoc frequenter contingit; ut plurium utilitates velut collidi videantur, & ad eandem rem plures animum adjiciant, quam neque communiter possidere velint aut possint, nec unus eandem alteri lubens concedere dignetur. Quæ pestilentissimum Eridos pomum representare suevit. Inde est, quod inter eos, qui in naturali statu invicem vivunt, præsertim si per opportunitatem situs nocendi sit invicem facultas, tantum non perpetue vigeant suspiciones, ac mutua diffidentia. In multis quoque deprehendatur cupiditas aliorum vires subruendi, & incrementa præpediendi, ex aliorum ruina vires suas

suas augendi, data denique occasione alios praeveniendi & opprimendi.

§. 17. Hæc oninia igitur qui curatius expendere, sane fatebitur, in unum quidem extremorum impingere, qui nimis crude ingerunt: nullum hominem esse animal mansuetius; eoque vel solam reverentiam legis naturalis, quæ nefas esse dicitur hominem homini nocere, vel etiam pacta, fidemque datam incolumitatem & securitatem hominum satis munire. Cum utique constet, longe maximam partem malorum & molestiarum, quæ hominem in isthac mortalitate premunt, ab aliis hominibus provenire. Ex adverso autem non paulo nocentius impingunt, qui statum naturalem bellum esse pronunciant, & quidem omnium in omnes, seu quorumlibet in quoslibet, qui in eo statu invicem vivunt. Sane enim bellum involvit professum animum alteri quocunque modo nocendi, simulque idoneum adparatum hostilitati exserendæ. Atqui multis nunquam fuit aut est animus aliis nocendi; puta, qui longissimis locorum intervallis disjunguntur, aut qui per modestiam, vel quia rebus suis id conducere non arbitrantur, aliorum rebus non imminet. Sunt etiam, qui pacatum in nos animum verbis fideque data contestantur, & adparatum, quo nobis nocere poterant, dissolvunt, ac bona fide ad quietem sese componunt. Tales quo colore inter hostes nostros numerabimus? Imo cum nullus homo aliorum hominum auxilio carere queat, quod nequidquam speraverit, si erga istos hostem se exhibuerit; ipsa propriæ conservatio-

vationis ratio prohibet, ne quis omnes homines pro hostibus tractare possit aut velit. Et quanquam insita mortalibus malitia, quæ sese quam maxime in noxam aliorum effundere gaudet, nunquam penitus heic exuatur & corrigatur; tamen quia illa non quavis occasione sese vult exprimere, sæpe etiam volentem facultas destituit; non adparet, quare propter eam solam, nondum in aliquos hostilitatis actus erumpentem, quis statim pro hoste haberi possit. Adeoq; cum causæ, quæ homines invicem collidere idoneæ sunt, vel universales non sint, vel non perpetuo in actus hostiles erumpere soleant: sane eædem non sufficere judicandæ sunt, ut ita simpliciter status naturalis pro statu hostili declarari queat. Ex quibus & hoc patet, falso à non nemine tradi; injustitiæ in statu naturali nullum esse locum, ubi nulla pacta intervenerunt. Equidem circa hostes, in quos nobis iusta bellandi causa est, obtinet illud Poëtæ: *Dolus, an Virtus, quis in hoste requirat?* Et, *Arma tenenti Omnia dat, qui iusta negat.* Sed cum ostensum sit, nequaquam hominem eo solo, quod in statu naturali vivit, alteri cuicunq; hostem esse; & ex adverso constet, hominibus illa, quæ ab aliis violari nefas sit, non ex solis pactis esse quæsitæ, sed non pauca ab ipsa natura esse data: quis negabit, injustitiæ locum esse, si in eo, quicum in naturali statu vivitur, id violetur, quod soli naturæ in acceptis refertur? Sic nec illi sunt ferendi, qui ita crude jactant; qui nobis nocere potest, eundem & velle nocere; adeoq; si occasio offeratur isti nocendi, eam nequidquam esse

esse prætermittendam ; quod certum sit, alterum , si ipsi detur occasio, non omissurum, quin nos perdat. Enimvero hætenus tantum, & sub hac correctione ista sententia admittenda est ; qui nocere potest, ille & nocere velle potest, seu eundem etiam facile libido nocendi subire potest. Igitur hoc sanæ rationis est, ut istum accurate incipiamus observare, & maturè innoxia munimenta nobis circumponamus, ac nostras quoque vires augere, aut amicos nobis adungere studeamus. Tum etiam si videamus eundem injustis mediis & per oppressionem aliorum potentiam suam auctum ire, ad ipsum in ordinem redigendum inita cum oppressis societate incumbamus. Ast ut incertus & in futurum prominens metus causam mihi det certū præsensq; malum alteri intentandi, id vero nulla ratio admiserit; quippe cum hoc modo conjunctio illa naturalis inter homines plane tolleretur, ac vita humana ad gladiatoriam conditionem redigeretur, ubi aut occumbendum aut occidendum; qua ad conservationem hominis nihil ineptius. *Cellus lib. VII. c. 3. Neq; humana vita negotia & actiones & officia vel occupandi vel differendi, vel etiam ulciscendi, vel cavendi similia sunt pugna gladiatoria. Nā gladiator composito ad pugnandum, pugna hac proposita sors est, aut occidere, si occupaverit, aut occumbere, si cessaverit. Hominum autem vita non tam iniquis neq; tam indomitis necessitatibus circumscripta est, ut idcirco prior injuriam facere debeas, quam nisi feceris, pati possis.*

§. 18. Quæ cum ita sint, manifestum est, mediā

Z

quan-

quandam viam heic esse tenendam. Nam uti status naturalis propter conjunctionem hominum, tum ex similitudine naturæ, tum ex mutua indigentia, tum ex dictato legis naturalis pacem ingerentis resultantem, pro bello proprie dicto haberi nequit: ita idem ob malitiam hominum, cupidinumque & affectuum rectæ rationi obluſtantium vehementiam indolem pacis satis lubricæ & infidæ habebit. Sic ut ideo quemlibet nobis amicum præsumere debeamus, animumque gerere promptum ad officia pacis & humanitatis adversus quemlibet exercenda, qui ista admittere velit: & nihilominus salutis nostræ sollicitam semper curam agere, eamque ita munire, quasi aliorum amicitia parum sit confidendum; nec unquam per fiduciam alienæ probitatis aut innocentia in supinam nos negligentiam relaxemus.

§. 19. Ex hætenus traditis facile adparet, accuratam status naturalis notitiam multa suggere civitatum rectoribus posse, quæ & circa extraneos, & in ipsa civitate observatu quam maxime necessaria sunt. Ac primo quidem, quia non omnium civitatum vires ad æquilibrium sunt redactæ, aut unam à pluribus simul invadi contingere potest; & verò communis hominum cognatio debilius vinculum est, quam ut propter illud solum operosa aliorum auxilia sibi quis spondere possit: igitur ad conservationem civitatum facit, mature sibi amicos & socios quærere; postquam non facile ad auxilium ferendum accurrit, quicum nihil unquam nobis fuit commercii, & cujus nullam  
antea



antea rationem videmur habuisse, nisi præfenti periculo admoniti; præsertim cum ejusmodi auxilium multo fere adparatu opus habeat. Ut autem quis in altero fiducia quid locare queat, etsi non parum faciat religio fidei, sanctum mortalibus nomen; tamen quia regulariter homini conservatio sui ante respectum aliorum habetur: inde isti potissimum quærendi sunt focii, quos communis nobiscum utilitas jungit, & quorum interest nos salvos esse. Equidem ut quis in aliorum sese accingat auxilium, fas humanitatis, misericordia, decus, gloria speciose ingeruntur. Enimvero sola hæc vocabula sæpe non nisi sterilem eliciunt affectum, aut languidius procurant auxilium, quam quod dispellendis nostris necessitatibus sufficit. Ast ubi præfens ex societate alterius emolumentum allubescit, aut quando ad nos trajecturum est incendium, ubi proximi domus in cineres consedit; tunc demum bona fide & enixe pro aliis depugnatur. Quin & cum rectoribus civitatum hæc prima incumbat obligatio, civitatis suæ conservationem quærere, sane per istam prohibentur statum suum pro altero periculo exponere, nisi quatenus concurrens utilitas admiserit. Sic ut quibusvis fœderibus hæc tacita inesse limitatio intelligatur; quatenus per ista salus nostræ civitatis non est periclitatura. Ac nihil frequentius historias evolventi occurrit, quam commutatis temporibus atque utilitatibus fœdera ultro expirasse. Unde & hoc patet, quam necessarium sit rectoribus civitatum, & qui istis consilia subministrant, non suæ solum sed & alia-



rum rerumpublicarum conditionem, & in quantum communi nobiscum utilitate jungantur, nosse, ut ad quorum amicitiam adplicare nos debeamus, liquido judicare liceat. In quo ipso non affectus consulendi, sed salus civitatis cynosura loco respicienda est.

§. 20. Deinde cum status naturalis habeat indolem pacis sat lubricæ & parum fidæ, rectorum civitatis est solícite circumspicere, & observare consilia & actiones eorum, ex quibus ullo modo suæ civitati damni quid inferri possit; ne fortassè ipsis dormitantibus aliquid in eosdem cudatur, quod postea elusisse serum sit, & ut ipsi in tempore opponere queant, quæ ad securitatem propriam faciunt. Prorsus uti Poëta Argum repræsentat: *Centum luminibus cinctum Argus habebat. Inde suis vicibus capiebant bina quietem; Cetera servabant, atque in statione manebant. Constiterat quocunq; loco spectabat ad Iō: Ante oculos Iō quamvis aversus habebat.* Cui finī recentioribus temporibus instituti sunt perpetui seu residentes legati, quæis præter negotia, quæ subinde inter duas civitates intervenire solent, & ad quæ expedienda peculiare legatos mittere onerosum foret, id quoque potissimum incumbit, observare quæ apud alios agitantur, quæ ullo respectu nostram civitatem possunt tangere. Atque hæc professæ velut curiositas aliorum destinata expiscandi nihil jam injuriæ aut offensæ judicatur habere, postquam cultiores populi mutuo istam consensu receperunt, eamq; adeò veniam dant petuntque vicissim.

Et

Et quatenus ea inter media nostræ conſervationis adhibetur, eo ipſo quoque naturaliter licita habetur. Neque vero alicui injuria fit, ſi quæ ipſe in alterius fraudem machinatur, ab hoc ſolenter eludantur. Quod ſi autem ea occaſione quid eliminetur, quod in damnum civitatis redundat, garrulitas aut proditionis miniſtrorum vindicanda fuerit, per quos iſta arcana emanarunt.

§. 21. Ex indole quoque ſtatus naturalis id conſequitur, ut, quibus conſervatio ſui curæ eſt, quantum in ſe, opera danda ſit, ne alius quiſpiam enormia nimis & ſuperflua virium incrementa capiat, & quæ ipſi opprimendo ſufficere poſſint; utque adeo vicinarum vires in æquilibrio teneantur. Id quod tamen haut quidquam eo extendimus, ut adprobare velimus ea bella, quæ nullam aliam habent cauſam juſtificam, quam ut gloriſcentes vicini vires coërceantur; præſertim ſi hic eas legitimis mediis quaſiverit, puta hæreditate, dote, ultroque ſubmiſſione aliorum, induſtria civium, aut alia quadam fati benignitate; ac ipſo vitæ ſuæ tenore teſtetur, cupidines ſuas circa propria duntaxat conſervanda occupari, ad aliena rapienda non extendi. Verum iſtam aliorum vires nimis exuberantes librandi licentiam per talia duntaxat media exerceri volumus, quæ cum aliorum injuria non ſint conjuncta. Puta, ne pecuniam noſtram temere in alterum transferamus, eoque dum nos exhaurimus, alterum locupletemus. v.g. Sit aliqua civitas, quæ mercium hinc inde transportationem ſibi ſoli vindicare voluerit, aut quæ

suas merces aliis obtrudendo eorum opes ad se derivare aggrediatur. Hæc sane recte faciunt cæteræ civitates, si ipsæ commercia sua per se exercere instituant, aut eas importari merces prohibeant, quibus per stultitiam aut luxuriam civium-pecunia ipsorum ad alios devolvitur. Sic si præpotentem civitatem vel externus hostis invadat, vel intestine agitent turbæ, non injuriam faciunt aliæ civitates, quarum interest ejus potentiam immi-  
nui, si ipsæ interea eandem cum hostibus colluctantem destituant, nec quo minus illa mala extrahantur prohibeant, quousque ista defatigata nimias vires decoxerit. Sic quia utique fas est auxilium illi ferre, qui ab altero injuste invaditur, aut cui jus suum denegatur: igitur si præpotens civitas alios injustis bellis lacessat, aut jus iisdem reddere detrectet, prudenter cæteri faciunt, si ubi implorantur, hac occasione usi cum illo, qui injuriam patitur, sese jungant, societatisq; viribus eundem in ordinem redigere laborent.

§. 22. Sed & consideratio naturalis status non pauca suggerere potest, quæ salutariter in ipsa civitate observantur. Ac illud quidem manifeste exinde colligitur, civitati operam esse dandam, ut post DEUM O. M. ei in seipsa præcipua sit fiducia reposita; utque adeo propriis præcipue viribus nitatur. Cum enim propter insitum quibusvis amorem propria salus cuique maxime sit cordi, quam plerique aliorum incolumitati longe præferunt; patet valde infelicem esse, & vix aliud quam precarium ducere spiritum rempublicam, quæ sum-  
mam

nam spem in alieno auxilio collocare semper cogitur, aut quæ aliorum invasiones pecunia data donisque redimit. Inde rectoribus civitatum quam maxime incumbit eniti, ut ipsarum vires propriæ sint quam validissimæ. Id quod obtinetur, si ea quæ ad rem militarem faciunt quam optime sese habeant; si viri, arma, equi, naves semper sint in promptu, finesque regionis, ac præcipua loca probe sint munita. Neque eadem cura relaxanda aut negligenda, licet per longum temporis spatium pax civitati arriserit; cum summo in periculo versentur civitates, quas diuturna pace languentes, & in otium resolutas repentinus hostis invadit; cui oppositæ tumultuariæ & inexercitæ copiæ nil nisi stragem augent. Sed & divitiæ civitatis per licita media quantum fieri potest, augendæ aut conservandæ, ac pacis cumprimis tempore, ut ærarium juxta & privatæ civium facultates gliscant providendum, quo ingruente bello sumtibus sufficere queant. Neque enim bellum semper seipsum potest alere; & lepide Flamininus quondam Philopœmenem, cui à pecunia destituto miles in promptu erat, dixit, pectus quidem & brachia habere, sed ventre defici.

§. 23. Præterea statum naturalem singulorum hominum ejusque miseriam considerasse, plurimum facit ad hoc, ut cives statum civilem ament, & ad eum conservandum omni studio incumbant; simulque libenter tolerant illa onera, quæ tuendis civitatibus sunt necessaria. Hæc enim opera minima pars sunt eorum malorum, quæ vitam

diffolutam comitatura erant; quibus immerſus longe miſeriore futurus erat conditione, quam qui in civitate duriffimum videtur vitæ genus agere. Ex adverſo qui de ſtatu iſtius naturalis miſeria nihil unquam cogitavit, is ægro animo fert onera, quæ per imperantes civibus imponuntur, tanquã ſupervacua, aut ad moleſtiam plebi faciendam, aut ambitioni tantum & luxuriæ imperantium alenda inventa. Cum tamen qui ritè rem expenderit, non magis ſuper iſtis querelam moveri par eſſe agnoſcat, quam ſuper pretio veſtium aut calceorum, quibus corpus contra injurias aëris, offeſasque munitur. Imo qui ſtatum huncce naturalem probe cogitaverit, æquiore animo feret incommoda, quæ aliquando ab ipſis imperantibus præter rationem experitur. Quippe cum in ſtatu civili iſta inter rariora habeantur, & quæ interven-  
ta meliorum penſantur: in naturali autem ſtatu paria iſtis aut graviora mala tantum non quotidiana erant, ac ſine fine & modo expectanda. Atque iſta incommoda cordatus civis haud quidquam indoli ſtatus civilis per ſe adſcribet, eoque nomine in iſtum iniquiore erit animo; ſed communem potius rerum humanarum imperfectionem agnoſcet. Cum enim civitates præcipue inventæ ſint adverſus mala, quæ homini ab homine imminent, cui fini utique alii homines fuerunt adhibendi; ita accurate provideri non potuit, quin interdum aliquid malorum promanaret ex illis ipſis hominibus, quibus ad averruncanda mala humana nos ſubjecimus. Et hæc qui probe  
per-

perpenderit, facile si quæ sunt incommoda status tolerat, nec ad res novandas est proclivis; præsertim cum post mutationem fere magis alii homines, quam alii mores succedant; & pleræq; in rep. mutationes per bella civilia fiant; quæ inter gravissima civitatum mala merito habentur.

§. 24. Denique & hoc ex supra dictis colligitur, rectoribus civitatum procurandum esse, ut ex ipso velut ambitu civitatum proscribantur ea, quæ status naturalis, quantum is civili opponitur, sunt propria; utque adeo cives neque inter se, neque in respectu ad imperantes ita sese habeant, prout illi, qui in naturali statu invicem vivunt. Tali enim modo vinculi civilis convulsionem oriri necessum est. Inde civibus non est permittendum jus in armis habere, aut injurias sibi illatas bello privato exsequi, jusque sibi ipsis velut dicere. Nam hac ratione vitæ civili inquietudo & lubrica securitas status naturalis conciliatur. Qua super re solícite quoque præcipit *Jacobus Rex Doni regi l. 2. p. m. 79.* Et concedendum non est, unius civis potentiam in tantum excrescere, ut ea contra opes totius civitatis aliquid valere queat. Huc enim qui excessit, non aliter considerari potest, quam talis, cui libertas naturalis competit, quique adeo civitati non necessario, sed tantum precario paret. Cumque tam amabiles res habeatur hominibus summo imperio potiri, facillime hunc, ut eidem manus injiciat, libido subire potest. Adeoque nihil propius est, quam ut præpotens ejusmodi civis in hostem præsentis status evadat eo periculosior-

Z 5

rem,

rem, quod jam intra ipsa velut mœnia sit receptus. Eandem ob rationem cavendum est, ne in civitate factiones oriantur, aut si ortæ sint, quantocyus dissolvantur. Illæ enim ubi vires sumserint, nova velut civitas in mediâ civitate extruitur. Cum autem factio nunquam se satis tutam arbitretur, quamdiu illa pars civitatis, cui jure summa rerum competit, est incolumis: manifestum est, factionem omni occasione imminere, ut oppressa altera parte summam civitatis ad se trahat. Atque ista in præsens pro ratione instituti nostri sufficiant.



*BULLA*  
**CLEMENTIS IX.**  
*P A P Æ*

*SUPER*  
**SUPPRESSIONE QUORUNDAM  
ORDINUM RELIGIOSORUM.**

*ACCESSIT*  
**BREVIS COMMENTATIO**  
*AD EANDEM.*



SANCTISSIMI

DN. D. CLEMENTIS  
DIVINA PROVIDENTIA  
PAPÆ IX.

Suppressio Congregationum Canonorum S. Georgii in Alga Venetiarum, ac Fratrum Jesuatorum, & S. Hieronymi de Fæsulis.

CLEMENS PAPA IX.  
AD PERPETUAM REI  
MEMORIAM.

**R**OMANUS | Pontifex agri domini curæ more seduli patrisfamilias jugiter invigilans, ad evellendas inde religiosorum Ordinum atque Congregationum plantas, quæ deficiente primævo religiositatis vigore, atq; spiritu, nullam seu valdè modicam in Ecclesia Dei utilitatem præstant, nonnunquam adducitur, sicut publico ejusdem Ecclesiæ bono conducibile in Domino arbitratur. Hac consideratione, aliisq; gravissimis, & rationabilibus causis Nobis notis adducti, Motu proprio, ac ex certa scientia, & matura deliberatione nostris, deq; Apostolicæ potestatis plenitudine congregationes Canonorum Sancti Georgii in Alga Venetiarum,

tum, ac fratrum Jesuatorum Sancti Hieronymi, & fratrum ejusdem Sancti Hieronymi de Fæsulis sub regula Sancti Augustini, unà cum omnibus earum respectivè dignitatibus, officiis, omnique conventualitate, collegialitate, titulo, essentia, ac denominatione, tenore præsentium perpetuò extinguimus, supprimimus & abolemus. Ac universa earundem Congregationum sic suppressarum respectivè bona mobilia, & immobilia, tam sacra, quam profana, Conventus, Collegia, Monasteria, domos, vineas, prædia, canones, responsiones, fructus, introitus, & jura quæcumque, ubicumque locorum existant, nostræ & Sedis Apostolicæ dispositioni in usus, & opera pia per eos, quibus id à Nobis & Sede præfata commissum fuerit, convertenda reservamus. Præterea Canonicis, & fratribus dictarum Congregationum suppressarum, qui nunc vivunt, & in eisdem Congregationibus respectivè professionem emisserunt, facultatem transeundi ad aliam quamcunque Religionem ab eadem Sede approbatam, in qua benevolos invenerint receptores, aut remanendi in sæculo in habitu Clerici secularis sub jurisdictione, & obedientia ordinariorum locorum, ubi eos morari contigerit, cum provisione ipsorum singulis pro alimentis, Clericis quidem in summa quadraginta scutorum monetae Romanæ, Laicis verò seu Conversis in summa viginti scutorum ipsarium annis singulis donec vixerint, seu aliunde sufficienter eis provisum fuerit, super certis bonis, aut redditibus Congregationum suppressarum hujusmodi

respectivè per eosdem Ordinarios assignanda, tribuimus & impartimur. Postremò ne Ecclesiæ earundem Congregationum suppressarum debito destituantur servitio, sed sarta tectæ custodiantur; prædictis Ordinariis locorum, in quibus Ecclesiæ ipsæ sunt sitæ, per præsentés committimus, & mandamus, ut Capellanos deputent cum compètenti mercede, etiam super re certa de bonis prædictis assignanda, per quos Missis, & aliis oneribus satisfiat, ac ipsis Ecclesiis debitus cultus, & veneratio conservetur: utque dicti Ordinarii inventarium tam sacræ quam profanæ suppellectilis ad Congregationes suppressas hujusmodi respectivè spectantis accuratè conficiant, ac provideant, ne à quoquam occultari, occupari, aut inde amoveri ullatenus possit, nisi, & donec à Nobis seu Sede prædicta aliter provideatur. Decernentes easdem præsentés literas, etiam ex eo quod Superiores, & alii Canonici, & Fratres, seu Religiosi Congregationum suppressarum præfatarum, & cæteri quicumq; in præmissis interesse habentes, seu habere quomodolibet prætendentes illis non consenserint, nec ad ea vocati, & auditi, neque causæ propter quas eadem præsentés emanarunt, adductæ, verificatæ, aut justificatæ ullatenus fuerint, nullo unquam tempore, de subreptionis, vel obreptionis, nullitatis, aut invaliditatis vitio, seu intentionis nostræ, aut alio quovis defectu, etiam quantumvis magno, inexcogitato, & substantiali, sive etiam ex eo, quod in iisdem præmissis solennitates, & quævis alia servanda, & adim-

plen-

plenda servata, & adimpleta non fuerint, vel ex quocunque alio capite à jure, vel facto, aut statuto, vel consuetudine aliqua resultante, etiam in Corpore Juris clauso, five etiam enormis, enormissimæ & totalis læsionis; & quovis alio prætextu, occasione, vel causa, etiam quantumvis justa, rationabili, & privilegiata, etiam tali quæ ad effectum validitatis præmissorum necessariò exprimenda foret, notari, & impugnari, invalidari, retractari, in jus, vel controversiam revocari, aut ad terminos juris reduci, vel adversus illas restitutionis in integrum, apertionis oris, reductionis ad viam & terminos juris, aut aliud quodcunque juris, facti, vel gratiæ remedium impetrari, seu quomodolibet concessio, aut impetrato quempiam uti, seu se juvari posse; sed ipsas præsentis literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab omnibus & singulis, ad quos spectat, & quomodolibet spectabit in futurum, inviolabiliter observari; Sicque & non aliter in præmissis omnibus & singulis per quoscunque Judices ordinarios & delegatos etiam causarum Palatii Apostolici Auditores, ac S. R. E. Cardinales etiam de latere Legatos, & dictæ Sedis Nuncios, aliosve quoslibet quacunque præeminentia, & potestate fungentes, & functuros, in quavis causa & instantia, sublata eis & eorum cuilibet quavis aliter judicandi, & interpretandi facultate, & auctoritate, judicari & definiri debere, ac irritum & inane, si quid secus super his à quoquam quavis  
au-

auctoritate scienter vel ignoranter contigerit attentari. Non obstantibus constitutionibus, & ordinationibus Apostolicis, etiam in Conciliis generalibus editis, & quatenus opus sit de jure quæsito non tollendo, ac de exprimendo vero valore in suppressionibus perpetuis, illisque committendis ad partes vocatis quorum interest, & aliis nostris & Cancellariæ Apostolicæ regulis, nec non Congregationum suppressarum prædictarum, earumque respectivè Conventuum, Collegiorum, Monasteriorum, & Ecclesiarum, etiam juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque indultis, & litteris Apostolicis eisdem Congregationibus, illarumque Superioribus, Canonicis, fratribus, religiosis, & personis quibuslibet, sub quibuscumque verborum tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, irritantibusque & aliis decretis in genere vel in specie, etiam motu simili, & consistorialiter, & alias quomodolibet concessis, confirmatis, & pluries innovatis. Quibus omnibus & singulis, etiam si pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes, mentio habenda, aut aliqua alia exquisita forma ad hoc servanda foret, illorum omnium & singulorum tenores, formas, & occasiones præsentibus pro plene & sufficienter expres-

expressis, insertis, & servatis respective habentes, illis alias in suo robore permansuris, ad præmissorum effectum specialiter & expresse derogamus, cæterisque contrariis quibuscunque. Volumus autem, ut earundem præsentium litterarum transumptis, seu exemplis etiam impressis, manu alicujus Notarii publici subscriptis, & sigillo alicujus personæ in Ecclesiastica dignitate constitutæ munitis, eadem prorsus fides adhibeatur in judicio, & extra, quæ præsentibus ipsis adhiberetur, si forent exhibitæ, vel ostensæ. Datum Romæ apud Sanctam Mariam Majorem sub Annulo Piscatoris die 6. Decembris M DC LXVIII. Pontificatus nostri anno secundo.

*I. G. Musini.*

Anno à Nativitate D. N. JESU Christi 1668. Indictione sexta, die vero 14. mensis Decembris, Pontificatus autem Sanctiss. in Christo Patris, & D. N. D. Clementis, divina Providentia Papæ IX. annó ejus secundo, præsentis literæ affixæ, & publicatæ fuerunt ad valvas Basilicæ Principis Apostolorum, Cancellariæ Apostolicæ, ac in acie Campi Floræ, ac in aliis locis alias solitis, & consuevis Urbis, per me Franciscum Perinum, Sanctiss. D. N. Papæ Cur.

*Gregorius Stagginus Mag. Cur.*

*BRE.*

## BREVIS COMMENTATIO

SUPER

## ORDINUM RELIGIOSORUM SUPPRESSIONE.

AD BULLAM

CLEMENTIS IX. P. M.

EMISSAM

ANNO 1668. D. 6.

DECEMBR.

**R**eligionem Christianam constat ab initio non consensu aut decreto summarum potestatum in civitates publice receptam, sed sensim ac tacitis velut gradibus irrepsisse, plebe cum primis eandem passim arripiente, eo avidius, quod illa adversa ferè fortuna pressa, aut cum tenui sorte colluctari solita, mirè caperetur dogmatibus, quæ & præsentem Numinis gratiam inter tristissima quæque, & non finiendam gaudiorum vim post mortem pollicebantur. Ipsi Principes, & quod in Civitate eminens dignitate sapientiamq; professi, quibus vetera aboleri instituta displicebat, & omnia nova, abs plebe præsertim profecta fastidiebantur, serius eidem sese religioni adplicuere, & postquam diu frustra eandem impugnando deprehenderant, inolitas animis persuasiones haut quidquam suppliciis extinguì, quin potius ex opposita

fit violentia altius radices figere; vel potius incassum cadere omnes mortalium conatus, qui Deo destinata convellere aggrediuntur. Per isthoc igitur tempus, quo religio Christiana summis potestatibus ignorabatur, aut oppugnabatur, ipsi Christiani inter se utcunq; Ecclesiam administrabant, Doctoresque omnium suffragio electi, aut consensu adprobati collatis ferè stipibus alebantur. Inter ipsos verò Doctores præcipui, quos Episcoporum vocabulo insigniri placuit, conventus agitabant, prout necessitas falsi dogmatis confutandi subigebat, aut decor Ecclesiæ novis statutis sanciendus videbatur. Sicuti fieri suevit circa omnia collegia, quæ ignaris aut invitis sumis potestatibus privato civium ausu enascuntur. Post ubi ipsi Principes Ecclesiæ nomina dare cœpissent, haut quidquā inolitas diu Christianorum consuetudines, & ad ultam per aliquot secula Episcoporum auctoritatem convellere ausi sunt, populo ferè abs horum nutu pendente. Quin aliqui ultro ipsorum potestatem ac opes auctum ire, opinione pietatis, aut ut ipsos cum addicta iisdem plebe ad destinata sua eo haberent promptiores. Ex quo factum, ut Episcopi suo velut jure dispositionem circa personas, doctrinas atq; res sacras sibi vindicarent, exclusis ab eadem cura Principibus, aut non nisi in secundas ferè partes admissis. Eoq; magis, postquam Episcopus Romanus, pristina ejus urbis dignitate potissimum subnixus, in alios per totam ferè Europam Episcopos potestatem sibi arrogavit, unitisq; adeo omnium Clericorum opibus, singulare idque  
vali-



validissimum genus reip. per tot alias resp. diffusum constituit. Sub cuius auspiciis immensa vis hominum sacris sese addicere cœpit, quæ non minus solers, quam felix fuit in pariendo sibi ex aliorum bonis opulentissimo patrimonio, ut valde modestos experta sit sacerdotes civitas, quæ tertia bonorum suorum parte cum ipsis decidere potuit. Isthæc igitur resp. sacra, quæ ita tacitis incrementis in ipso velut sinu civitatum Europæarum in immensum adolevit, uti peculiare sibi rationes, ab aliarum Civitatum indole separatas, commenta est: ita plerasque civitates, per quas dispersa sedes fixerat, tanta sui mole non parum cœpit premere, ac cœco quodam iugo obnoxias reddere. Abs quo ut sese liberarent per complura secula nulli Principum sat virium aut consilii fuit. Donec superiori seculo, Luthero, & quibusdam aliis in Pontificem Romanum cum maximo plurimorum adplausu insurgentibus, non pauca civitates ejusdem obsequio renunciârunt, inque sacerdotes ac bona sacra, ad mediocritatem redacta, potestatem sibi assertum ivere, explosis simul dogmatibus, quæ ad commoda sacra istius reipublicæ inventa fuerant, ac religione Christianâ ad primævam puritatem revocata. Ex illo tempore uti nihil non egit Pontifex Romanus apertè, aut per occultas artes, ut quæ suo imperio decesserant, recuperaret; ita cæteri non minus strenuè sunt connixi ad ea quæ semel invaserant tuenda. Sed &, ut fieri sivevit, non minori ingeniorum contentione inter eruditos super isthoc negotio disceptatum fuit, quibusdam Jus-

Pon-

Pontificis Romani in omnes personas ac res sacras mordicus asserentibus : aliis contra, quæ à summis potestatibus heic suscepta fuere, tanquam justè facta defendentibus, præsertim ubi ab ipso Pontifice nulla medicina contra abusus expectari posset. Quibus rationibus utraque pars pugnaverit, nostri jam temporis non est pressius recensere. Sed suffecerit præcipua istius disceptationis momenta attigisse ; simulque indigitasse, quid huic aut isti parti solidè demonstrandum, siquidem assertioni suæ apud cordatos fidem sit factura.

Ut igitur omnes pii credant, ejusmodi imperium sacrum, quale à Romano Pontifice exercetur, aut affectatur, jure ipsi competere, liquido ostendendum fuerit, Salvatorem nostrum, quando discipulos suos ad disseminanda per orbem dogmata sua autorabat, ea potestate ipsos instruxisse, ut non solum ubicunque locorum, & apud quaslibet gentes doctrinam ab ipso sibi traditam propagarent, sic ut nemo mortalium eos docentes prohibere, aut adigere posset ad quædam in dogmatibus suis addenda, detrahenda aut interpolanda ; sed etiam, ut quot & quos vellent, in docendi publice munus adfiscerent, hisce iterum potestate delegata ordinem suum in infinitum multiplicandi, sociosque quotcunque vel sollicitandi, vel ultro sese offerentes admittendi proprio ex lubitu & citra ullius contradictionem, etiam ejus, cujus hoc modo imperium ritè quæsitum inminuitur. Atque hos, cum vento utique vivere nequeant, licentiam habere opes non necessitatibus solum sufficientes, sed

ted & luxui splendorique exuberantes, undecunque lucrosis onerosive titulis colligendi. Quemlibet autem, statim atque ordini sacro successerit, ab omni potestate imperii civilis eximi; nec minus opes isti ordini undecunque partas, utut ex bonis civitatis profectas, intra ejusdem territorium sitas, & ipsius viribus defensas; sic ut imperio civili nefas sit de istis bonis particulam aliquam decernere, iisdem modum statuere, aut ad alios usus suo jure adplicare. Istis porro juribus sacri ordinis moderandis penes unum ex eodem ordine summum esse arbitrium, abs quo solo, quicquid est personarum atque opum sacrarum, in quibuscunque civitatibus dependeat, cujus potestas cuicunque prætensioni aut usurpationi imperii Civilis in eadem personas aut opes præpolleat; sic ut, licet sacrorum hominum multitudo aut licentia in perniciem civitatis vergat, vel sine sacris opibus civitas servari, aut ni aliter de ipsis disponatur, vigere nequeat; non tamen aut illos in ordinem redigere & circumscribere, aut hisce manus injicere civili imperio liceat, nisi ultroneo consensu ejus, qui Principem sese ordinis sacri fert. Ist hoc privilegium, si abs Deo Pontifici Romano tributum fuisse, liquido demonstratum sit; non habent summæ potestates civiles, quod isti opponant; cum præsertim tanti sit mortalibus religio Christiana, ut nemini quanto vis onere eam redimere durum videri debeat. Enimvero cum multi credant, nondum fât liquido fuisse probatum, ejusmodi privilegium ordini sacro divinitus indultum; iisdem quo-

quoque persuasum est, non injuria summas potestates civiles integrum & illibatum sibi jus, prout illud ex indole societatis civilis bene dispositæ naturaliter resultat, assertum ire, atque omni extrinsecæ ac irregulari prætensioni resistere, quæ unionem ac compagem civitatis convellere, statumque bicipitem introducere conatur. Neque vero ita absurda aut iniqua jactare summæ potestates civiles multis videntur, quando disserrunt: Sibi quidem hautquidquam in animo esse doctrinæ Salvatoris cursum inhibere, aut eandem interpolare, quippe quam sanctissimam, sapientissimam, vitæque civilis genio cumprimis accommodatam deprehendant, & quæ maxime laboret ex animis hominum evellere vitia, tranquillitati atque paci infesta. Eo minus tamen ullo modo sibi probabile videri eandem doctrinam tam solidis ubiq; rationibus subnixam, tam sanctis, & placidis moribus sibi addictos imbuere nitentem, in civitatem recipi non posse, ni simul ejusdem unio abrumpatur, ac uberrima materia perpetuis distractionibus introducatur. Equidem cum principes adhuc religionem istam ignorarent aut aspernarentur, necessum fuisse, ut ejusdem propagatores aut asseclæ suis rebus utcunque per se consulerent. Sed ut jam quoque, postquam iidem sacramento Christi sunt adacti, peculiarem sibi rempublicam in ipsorum civitatibus constitutere velint, id verò ferri non posse. Suâ autoritatem jacere, ac securitatem semper in ancipiti hærrere, si per omnes civitatis partes sparsi sint fovendi homines, qui efficacissimum

mum quoddam imperii genus in omnes cives exerceant, ipsi autem à nutu principis extranei dependeant, cujus rationes cum aliarum rerum rationibus sæpe discrepare possint. Quod ubi contigerit, eo ipso civitates suas formidando hostium exercitu insideri, per quem facili negotio civium suorum obsequio & omnibus fortunis exui queant. Ac si maximè nihil inimici in remp. moliantur isti mortales : grave tamen onus per eosdem civitatibus incumbere, si citra modum sese multiplicent, ac nova subinde instituta meditentur, adsciscendo ampliore hominum numero obtentui futura ; qui quo magis gliscant, eo gravius reliquos cives oneribus reip. premi. Non quoque posse non civitatis opes attenuari, si sacris istis hominibus sine fine modoque ex bonis civium liceat rem augere, ex qua ipsi nihil aut parum in usus Reip. iterum erogent. Isthæc ubi ad salutem Reip. temperare negligat aut detrectet sacri ordinis princeps, civitatibus Christianis cum perpetuo scilicet morbo luctandum, aut demum plane pereundum, si isto invito summis potestatibus medicinam adhibere non liceat. Eo minus autem persuaderi sibi, tam duram legē à Salvatore omnibus civitatibus, ipsius imperio succedentibus, dici, quod nondum perspiciant, quare non religio Christiana æque feliciter scopum suum assequi possit, si vel maximè imperio summo civili jus illibatum in omnes homines ac opes civitate contentas relinquatur : aut quare minus efficacix in animis hominum sit obtentura religio Christiana, si illa sub auspiciis Regum Chri-

stia-

stianorum, quam Pontificis Romani, in sua cujusque ditione doceatur. Has igitur, & similes rationes obtendunt rectores civitatum, qui superiori seculo pleraque dogmata in usum istius reipublicæ sacræ inventa proscripserunt, simulque numerum sacerdotum ad modicum numerum redegerunt, ejectis superfluis, imperiumque civile eosdem jusserunt agnoscere; exuberantibus quoque opibus publico vindicatis, aut in alios usus dominosque translatis. Quo tamen in negotio ego quidem præstare nolim, omnes & singulos genuinum præ oculis scopum habuisse, aut medicinam undiquaque innoxiam adhibuisse. Nam quæ alicubi per tumultum acta sunt, plebisque in sacerdotes ac sacra sævitiam nemo cordatus probaverit. Nec desunt, qui dubitent, an non à quibusdam, abs superioris imperio non immunibus, liberaliter nimis usurpatum fuerit jus sacra reformandi; quod supra mensuram potestatis alteri subjæctæ habetur. Nonnulli denique non satis considerasse videntur, longè securius in supervacua, aut per largitiones effundi bello parta; quam quæ obtentu boni publici ad castigandam inconsultæ pietatis luxuriam decerpuntur, non minore utique religione administranda, quam intentio fuit eorum, abs quibus ista bona ab initio fuere profecta.

Enimvero cum ista lis nondum satis ad liquidum deducta videatur, dum sacerdotum ordo ad quædam sacrarum literarum dicta, ac abs suo ordine condita decreta, diuturnamque possessionem provocat: alii contra jactant, dicta scripturæ eo,

A a

quo

quo non pertinent, detorqueri, neque legibus se sacerdotum in ipsorum fraudem latis teneri, neque diuturnam injuriam ipsis necessitatem posse imponere, tam perniciosam juris sui imminutionem perpetuo & citra spem remedii tolerandi: igitur satius puto fuerit tentasse, num ex illis, quæ sacerdotes ultro largiuntur, aut exercent, colligi possit, quod ad decisionem hujus controversiæ facit. Quam in rem commodum nobis visum paulo curatius excussisse Bullam à *Clemente IX. P. M.* emissam circa suppressionem *congregationum Canonicorum. S. Georgii in Alga Venetiæ, ac Fratrum Jesuitarum, & S. Hieronymi de Fasulis*, in qua non pauci nescio quid peculiaris genii, & à simulatione sacerdotibus alias solita alieni agnoverunt; Eoque placuit eandem denuo typis exscribendam curare, adjecta hacce commentatione, quæ fortasse aliis, ab ingenio magis, quam nos sumus, instructis ansam præbere potest, isthoc argumentum diligentius excutiendi.

Illud igitur initio consideratione nobis dignum videtur, quod *Romanus Pontifex* isthoc potestatis, quod circa suppressionem ordinum sacrorum exercet, non comparet cum potestate principis in ci-  
ves, aut patris dominive in liberos ac familiam, quin nec cum sollicitudine pastoris circa suum gregem; sed *more seduli patris familias*, dicit, *se cura agri dominici invigilare*. Hoc ipso arbitramur eum insinuare absolutum plane potestatis genus, & quod nullo jure subjectis quæsito circumscribi aptum sit, ac ex nudo ipsius judicio exerceatur.

Sane

Sane enim si eodem modo Princeps cives, quo paterfamilias agri sui plantas, tractare aggrediatur, si illos pro lubitu trajicere aut exuberantem multitudinem, & quæ civium pars minus ipsi arridet, exterminare aggrediatur; isti credo non parum querentur, jus civitatis sibi partum violari. Quin nec boni pastoris habetur, gregis sui numerum, si pabuli sit copia, diminuere. Ast hortulano liberrimū circa plantas arbitrium. Veteres evellere, alias inferere, ex uno loco in alium transferre, circumcidere, luxuriantem multitudinem coercere, prout usus aut decor horti postulare videatur. Ex quo  
 „ concludere licebit, ordinibus sacris, qui planta-  
 „ rum instar per agrum Dominicum sparsim dis-  
 „ positi sunt, nullum jus esse quæsitum, Pontificis  
 „ Romani potestati prævalens, quo minus hicce  
 „ istos, si placuerit, extirpare queat. Ne tamen vi-  
 „ deatur tanta potestate in perniciem Ecclesiæ un-  
 „ quam uti velle, aut promiscuè & citra judicium in-  
 „ utiles æquè ac noxias plantas grassari, illis potissi-  
 „ mum manus abs sese injici significat, *quæ defici-  
 „ ente primævo religiositatis vigore atque spiritu,  
 „ nullam seu valde modicam in Ecclesia Dei utilita-  
 „ tem præstant.* Heic illud quidem laude dignum  
 fuerit, herbas noxias, & quæ melioribus nutri-  
 mentum subtrahunt, exterminari. Ferri quoque  
 poterit, illas eradicari plantas, quæ *nullam plane  
 utilitatem* præstant, spaciumque agri nequidquam  
 occupant. Ast eas quoque excindi, quæ *valde mo-  
 dicam*, aliquam tamen utilitatem Ecclesiæ Dei præ-  
 stant, id vero est non timide aut superstitiose po-  
 testat-



testatem suam exercuisse; præsertim cum mentio non fiat, qua ratione modicum illud, quod Ecclesiæ decedit, pensandum sit. Equidem annosam arborem, exarescentibus passim ramalibus succidi, & in ejus locum novam vigentemq; substitui, hortorum usui cedit. At heic ordines antiqui, non planè Ecclesiæ inutiles, supprimuntur, nec in horum locum novi surrogantur, aut eorundem bona florentibus ordinibus adplicantur, quo ipsi inde incrementa queant capere. Igitur non nefas judicatur Pontifici, aliquam Ecclesiæ utilitatem, „ decerpere, sic ut simul non indicet, qua ratione „ quod decedit debeat sarciri; ac imminui ordi- „ nes religiosorum etiam non planè inutiles Ecclesiæ posse, non allegata peculiari causa, si quidem *publico Ecclesiæ bono conducibile* videatur. Quod si igitur Pontifex in supprimendis hisce ordinibus unicè publicum Ecclesiæ bonum ob oculos habuit, uti quidem præ se fert; necessum fuerit illud consequi, ut ex omnibus religiosorum ordinibus isti suppressi minimæ frugis fuerint. Nam si utique agri utilitas requirat plantarum numerum imminui, rationis sane fuerit, vilissimam quamq; primum evelli. Atqui non probabile videtur, saltem nondum demonstratum est, sæpe memoratos ordines usque adeo præ cæteris omnibus degenerasse, ut nullus utilitatis minus, quam ipsi, Ecclesiæ attulerit. Equidem verbis generalibus innuit Pontifex, ordines istos *abs primæ & religiositatis vigore atque spiritu* defecisse. Enimvero si per eum vigorem ac spiritum intelligatur inusitata ista pietatis

tatis ac devotionis ostentatio circa proculcationē voluptatum, ardorem precum, rigorem jejunii, ac castigationum ultronearum, omnemque adparatum sanctimonix opinionem vulgi animis incutiendi; quam sæpe peculiaris quædam illuminatio, & quasi cum Numine familiaritas, ac vis miracula edendi comitata jactatur: adparet, non istos solos à priscorum fervore aut sanctitatis fama descivisse. Sin autem ad religiositatem sufficit, observatis regulis cuique ordinum antiquitus præscriptis, quæ fere circa modum vestitus, tempora ac formulas precum, jejunia, castigationes corporis, & similia occupantur, defungi; non videtur istos potissimum ordines præ reliquis cæmnibus dissolutam vitam induisse. Quin si quis accuratius ista hominum genera velit excutere, nihil deprehendet hisce vere objici posse, quod non in compluribus aliis ordinibus pari aut majori gradu reperiatur. Crassa divinarum rerum ignorantia, imitamenta cultus divini citra devotos animi motus peracta, ignavum otium, intra ventus curam revocata totius vitæ negotia, magnæ partis religiosorum character est. Abs quo uti suppressos illos ordines haut quidquam immunes crediderim; ita quod eousq; præ reliquis omnibus corruptellæ prosefferint, ut velut purgamenta plane inutilia ex agro Domini cæteris incolumibus extirpari meruerint, nobis nondum perivadetur. Quin si sola isthæc causa Pontificem movebat ad decretoriam hancce sententiam ferendam, non sane sufficiebat per mollem adeo ac vulgarem accusationem

tionem istorum vitia aut fœcordiam perstringere; sed sigillatim erant exprimenda, quorum atrocitas aut fœditas perpetua vetustorum corporum abolitione plecti debebat. Sed & illud plane crudele est, & ab indole potestatis tam blandæ, qualem Pontifex paterno nomine præ se fert, abhorret, ad extrema statim decurrere, nec prius admonitiones, modicasq; castigationes tentare, tempus futuræ emendationi præscribere, disciplinam novis pœnis sancire. Saltem prius in iudicium erant vocandi, objecta diluendi potestas concedenda, deprecationes non plane adspernandæ. Denique & illud omnem plane fidem excedit, omnes & singulos conventus istorum ordinum, omnesque ac singulos religiosos ita plane degenerasse, ut non inutilibus ac perditis resectis, saltem modicus numerus, qui bonæ frugis esset, repertus fuerit, qui servari merebatur, & quibus pro rata  
,, vetus patrimonii portio erat relinquenda. Quæ  
,, omnia certissimo sunt indicio, isthanc, quæ in  
,, bulla insinuat, haudquidquam fuisse veram  
,, aut præcipuam causam, quare isti potissimum ordines, & hac quidem tempestate à Pontifice abolerentur. Cæterum hujus rei genuinam causam, & quare ea suppressio hoc tempore, & citra ullam antegressam cognitionem, formamque iudicii suscepta fuerit, divinando assequi non adeo in arduo est. Scilicet fervebat cum maxime isto anno obsidio urbis Candia, quam insano labore Turci eruerre, immensis sumptibus, paribus animis Veneti defendere moliebantur. Horum affecto ærario ut aliqua-

aliquatenus subveniret Pontifex Romanus, bona suppressorum ordinum, quæ quidem in ipsorum ditione sita erant, iisdem attribuit. Videbantur autem isti potissimum ordines opportuni, qui bonis suis exuerentur, quod & pleraque bona in ditione Venetorum possiderent, & vere intra Italiam coerciti, nullos aut paucos trans Alpes socios haberent, qui fortasse citra motum non possent in ordinem redigi. Ubi nemo quidem cordatus inficias iverit, plausibilem valde prætextum esse, avertendo abs parte Christiani orbis barbarorum jugo, supervacuatorum religiosorum bonis manus injicere; cum etiam devotissima antiquitas sacra vasa ad captivorum apud infideles redemptionem pie impediendi judicaverit. Negari tamen & illud non poterit, reip. Venetæ opes haut quidquam fuisse cousque attenuatas, ut nulla plane alia ratio superfuerit sumptibus belli tolerandis: aut non potuisse tantundem pecuniæ aut plus etiam colligi, quam quantum ex suppressorum Ordinum bonis fuit redactum, siquidem, quicquid est Clericorum per Orbem Christianum, ex superfluis suis opibus particulam aliquam voluisset conferre, saltem quamdiu bellum illud duraret. Quare igitur de viris opibusque Ecclesiæ aliquid decerpere maluerit Pontifex Romanus, quam modico tributo reliquis imposito necessitatem extinguendi illos ordines declinare, non ita liquido adparet. Nam quin Pontifici, isthoc vel imperanti vel roganti Clerici fuerint obtemperaturi, utut alias ad accipiendum longe proniores, quam ad dandum sint,

ego quidem nullus dubito. Igitur quare non ejusmodi tributo potius reip. Venetæ fuerit subven-  
tum, ego quidem aliam rationē dispicere nequeo,  
quam quia Pontifex judicavit, Principes non con-  
cessuros, ut insignis pecuniæ vis extra suam ditio-  
nem in usum alterius reip. exportetur, utque Cle-  
rici sua ditione comprehensi in alios usus quam ad  
conservationem ejus civitatis, in qua degunt, ali-  
„ quid conferant. Ex quibus omnibus id liquido  
„ videtur colligi, ex sententia Pontificis Romani  
„ plane posse aboleri ordines religiosorum, qui pe-  
„ culiaribus delictis ac vita flagitiosa id non sunt  
„ promeriti, eorundemque bona adplicari usibus  
„ reip. illius, in cujus ditione sita sunt, etiam ubi  
„ nondum extrema planè necessitas subegerit. Cæ-  
terum cum sæpe dicti ordines non in sola Veneto-  
rum ditione, sed & in aliis statibus bona possede-  
rint, iisdem verò hautquidquam tale periculum,  
quale tunc Venetis, incubuerit, sic ut hisce bonis  
ad sui conservationem non indiguerint; jam con-  
troversia oritur, quisnam in hisce statibus suppres-  
sorum Ordinum bona sibi vindicare queat? Sane  
Venetos nihil heic sibi juris arrogare posse, utut in  
ipsorum gratiam illa suppressio præcipue facta vi-  
deatur, manifestum est, nisi quant. in unius aut al-  
terius liberalitas, aut ratio Reip. forte tulit, iisdem  
contra immanem hostem suppetias ferri. Quin au-  
tem eadem Cameræ Apostolicæ non mediocri-  
ter salivam moveant, dubitare non licet. Sicuti  
& ipse Pontifex in bulla suppressionis *sibi ac sedi*  
*Apostolica expresse reseruat dispositionem omnium*  
*bono-*

*bonorum ac jurium istorum ordinum, ubicunque locorum existant, in usus & opera pia per eos, quibus id abs se, aut sede præfata commissum fuerit. Nec deest, unde prætensionis suæ colorem addat: Bona ea sacerdotum fuisse, in quos summum penes Pontificem imperium. In ipsius arbitrio situm fuisse, ista bona possessoribus antiquis relinquere vel adimere, aliisque denuo attribuere. Quæ igitur in præsens bello in Turcos non impendantur, ea ut patrimonio principis Ecclesiæ accrescant par utique esse. Sicuti si rex officia quædam in rep. aboleat, salaria istis quondam constituta fisco cedere. Adversus hæc ab aliis reponitur: Sine convulsione ac destructione omnium civitatum Christianarum concedi non posse, ut si quacunque de causa aliquid ex bonis sacris velut caducum fuerit factum, patrimonio Pontificis ad crescat; postquam iste non contentus spirituales pastorem agere, validas quoque ditiones summo imperio civili complexus est, quarum solarum intuitu inter status Italiæ non postremus ipsi locus debeatur. Maximam quippe bonorum vim in omnibus civitatibus Christianis penes ordines religiosos esse. Multis autem, etiam qui de cætero Pontificis auctoritatem sacrosanctam habent, esse persuasum, ordinibus saltem plerisque rem Christianam comode carere posse: cum vulgares sacerdotes ad sacra obeunda sufficiant; ac informationi juventutis, circa quam nonnulli satagunt, non minus diligenter invigilari ab iis possit, qui nullo voto tenentur. Si igitur Pontifici ad supprimendum aliquem*



ordinem sufficiat dixisse, *illum à pristino religiosi-  
tatis sermore* ac spiritu degenerasse, in proclivi ei-  
dem fore, omnibus per Europam statibus, qui se-  
dem Romanam adhuc venerantur, insignem par-  
tem decerpere, ac ditiones, cum potentissimo re-  
gno certantes, vili sibi membrana comparare. Si  
solum Benedictinorum ordinem abolere aggre-  
diatur, aliquot principatus non mediocres ipsum  
in Germania sibi comparare posse: citra quem ta-  
men non adparere, quare Christiana religio non  
æque feliciter florere queat; ac in eodem vix largi-  
oré religiositatis vigorem ac spiritum deprehendi,  
quam apud bonos fratres Jesuatos & S. Hieronymi  
de Fæsulis. Cum igitur ejusmodi statuum lacera-  
tiones Camera Apostolica salva fronte prætere-  
nequeat; reliquum esse, ut cuique statui adcre-  
scant bona sacerdotum, aut ordinum religioso-  
rum, qui à Pontifice inutiles aut supervacui fue-  
runt declarati. Præsertim cum Principes ac pri-  
vati, qui ab initio bona ista usibus sacris destina-  
runt; non hoc egerint, ut ditio Pontificis Romani  
augeretur; sed ut in sua cujusq; civitate sacra eo  
majore sacerdotum frequentia; ac splendidior  
adparatu obirentur, ac sacerdotibus eo lautius fo-  
ret prospectum. De hoc ubi aliquid imminui posse  
aut debere summo Antistiti visum fuerit, non pos-  
se præsumi, isthanc primorum fundatorum men-  
tem fuisse, ut sua donatione ex complexu civi-  
tatis bona à se consecrata avellerentur. Mosen,  
cum populus Israëliticus nimis liberaliter confer-  
ret materiam instruendo aut exornando taberna-  
culo,

culo, haut quidquam promptitudine populi in suum compendium fuisse usum, vindicatis sibi superfluis; sed ut quisque sua retineret, nec quid amplius conferret, edixisse. Sane hisce, & si quæ sunt aliæ, rationibus subnixi ministri Hispanici, bona suppressorum ordinum per Ducatum Mediolanensem fisco regio vindicatum ivere, ringentibus nequidquam Romanæ Cameraë ministris. Hæ igitur rationes quousque solide non fuerint, „ confutata, tuto licebit concludere; ubi quidam „ religiosorum ordines à Pontifice vitiosi, inuti- „ les aut supervacui judicantur, posse ipsorum bo- „ na rectè vindicari a statibus illis, in quorum ter- „ ritorio eadem sita sunt, etiam ubi eosdem nulla „ peculiaris necessitas premat, quæ citra illa bona „ dispelli nequeat.

Operæ pretiū quoque est expendisse, postquam Pontifici Romano federat, illos ordines abolendos, quo rigore heic usus fuerit, sic ut majorem vix adhibuerint illi, qui superiori seculo sedis Romanæ obsequium exuebant, eoq; principio sacerdotes eorumque opes in ordinem redactum ibant. Qui se ordini cuiuspiam sacro adplicant, totius vitæ rationes sese jam subduxisse arbitrantur, ac perennem invenisse stationem cum dignitate conjunctam, & ubi Numen demerendi facultas, simulque necessitatibus suis in perpetuum sit prospectum. Inde unica cura ac meditatio circa regulas ordinis observandas; paucis in literarum studiis aliqua opera ponitur, magis ut otium oblectent, quam alteri sese vitæ generi per ista præparent.



Tale genus hominum de improvise, indicta causa, plerosque ætate profecta, aut ad alias artes addiscendas inhabili assveto vitæ generi, & quod plerisque in naturam fere abierat exturbari, asperum sane est. Qui autem opinione sanctimoniz religiosissimo sese voto obstrinxerant, & cum seculo jam dudum transegerant, hoc ex tranquillo portu in medios denuo fluctus projici, duplici nomine miserandum videtur, quod & multis scrupulo anxius hæreat animus, abrupto voti sacramento, & plerique in repentina egestate sese destitutosprehendat, contra quam nihil sibi alias præsidii paratum. Atqui istud maxime videbatur decere illum, qui imperii sui mansuetudinem nomine paterno ostentare gestit, iis quidem, qui ordines istos ultro deferere vellent, libertatem facere ad aliud sese vitæ genus adplicandi: reliquos, qui utique institutis suis inhærere cuperent, vi non expellere, nec impedire, quo minus regulis & bonis suis immoriantur. Præsertim cum idem non pauci fecerint, quos iste hæreseos nomine, & usurpatæ alienæ potestatis infamat, qui inutilibus hominibus ad mortem usque assveta pabula reliquerunt, vetito ne in defunctorum locum alii surrogarentur. Ne tamen plane citra omnem summi Pontificis curam videantur projecti, ex singulari gratia. *Clericis quidem dictorum ordinum summam quadraginta. Laicis & viginti scutatorum in alimentum assignat ex redditibus suppressarum congregationum depromendam.* Quod quidem qualicumque solatio miseris esse posset, modo satis cautum ipsis foret, non fru-

frustra sese istud expectare juberi. Cum ita fere fieri soleat, ut solutis ejusmodi corporibus, eorūdemq; bonis alienatis, antiqui domini nequidquam veteris opulentiae reliquias famelici captent. Quod eo acerbiorē istos dolore afficit, si videant, sua bona non in gravissimas reip. necessitates impensa, sed per ambitiosas largitiones dissipari. Sane trans Alpes usque Roma resonant querelae exautoratorum fratrum, dum ex bonis suis opimos redditus Nepotibus Pontificiis parari cernunt, se interim non superfunctorie esurientibus.

Denique si alicui attentius allubuerit considerare clausulas, quibus bullae hujus vigor stabilitur,prehendet, nulla jura esse tam valida, quae personarum ecclesiasticarum statum atque bona contra auctoritatem Pontificis munire queant, quo minus illa, ubi isti placuerit, tolli possint. Quantumvis religiosissimo voto quis certo sese ordini sacraverit, id tamen statim atque Pontifici allubuerit, solvitur, & ut maxime quis eidem inhaerere velit, ordine sublato nusquam amplius id locum inveniet. Quocunq; titulo possideant, etiam juramentis, ac horridissimis execrationibus sancita, illa tamen, ubi sanctissimo Patri visum fuit, antiquis dominis eripientur, *non consentientibus, non vocatis, non auditis; non adductis* quoque suppressionis *causis*, nec *verificatis* aut *justificatis*: licet in instrumento suppressionis etiam *magnus & substantialis defectus* occurrat, aut *solemnitates jure requisitae* defuerint; ac licet obstant *constitutiones & ordinationes Apostolicae*, etiam in *generalibus*

*libus conciliis edita, alia ipsius Pontificis & Cancellaria Apostolica regula, suppressorum ordinum statuta, etiam juramento roborata privilegia, iisque concessæ literæ Apostolica, quantūlibet efficacissimis*  
,, modis conceptæ. Ex quibus omnibus colligi-  
,, tur, Pontifici Romano pro summa lege haberi  
,, bonum Ecclesiæ, quod frequenter in conserva-  
,, tione aut confirmatione civitatum Christianarū  
,, versatur, adversus quam nèque religiosorum vo-  
,, ta, neque juramenta, neque sanctiones concilio-  
,, rum, neque communia jura, legesque processus  
,, æquitati naturali maxime consentaneæ, neque  
,, religiosorum ordinum regulæ & consuetudines,  
,, neque aliorum Pontificum, aut ipsius quoq; an-  
,, tecessa decreta quidquam valeant.

Postquam igitur Pontifex Romanus ad suble-  
vandam Reip. Venetæ magnam quidem non ex-  
tremam tamen necessitatem tanto cum rigore  
quosdam ordines plane extinxit, adeoque hoc ipso  
ostendit, conservationem alicujus civitatis Chri-  
stianæ ante peculiaria Clericorum commoda esse  
debere: jure sane videntur cæteri status Christiani  
ab eodem postulare posse, ut molliore ratione nu-  
merum, opesque Clericorum ad eam mediocrita-  
tem reducat, quæ firmitati & commoditati civita-  
tum quadret. Si enim talis necessitas, qualis tum  
Reip. Venetæ incumbibat, valere potuit ad abo-  
lendos bonisque plane exuendos integros ordi-  
nes, quare non aliarum civitatum insigne emolu-  
mentum valere possit ad luxuriantem nimis Cle-  
rum in ordinem redigendum? utut istud non adeo

ex re Curiae Romanae esse videatur. Sane enim isthaec facile eam potest opinionem imbibisse, in eo utilitatem suam verti, si maxima per orbem Christianum sit diffusa Clericorum multitudo, qui non tam hoc agant, ut rerum divinarum scientia, & solida pietate homines polleant, quam ut omnium rerum, rationes ad emolumentum Romanae Curiae temperent, suoq; ordini quavis ratione quam lautilimas parent conditiones. Atqui ut in isthoc genuina Ecclesiae utilitas consistat, status Christiani credere non tenentur prius, quam à Curia Romana liquido demonstratum fuerit; Salvatorem nostrum, dum doctrinam suam per universum orbem propagari jubet, hunc sibi praecipue scopum praefixum habuisse, ut illa tanquam medium inferviret, ad conciliandas sedi Romanae imensas opes atque potentiam, omnesq; civitates Christianae per peculiariter addictos ei sedi Clericos velut validis praesidiis tenerentur. Contra plausibiliter valde à statibus Christianis obtendi potest; sibi persuasum esse, in eo sinceram Ecclesiae utilitatem verti, ut dogmatibus à Salvatore nostro promulgatis animi populorum rite imbuantur, ipsorumque mores per eadem ad solidam pietatem & sanctimoniam formantur. Ad hunc finem maxime accommodum videri, si peculiaris in civitate ordo constitutur, qui unice sacris vacet; cujusque adeo opus sit, & publici cultus ministeria obire, & populum dogmatibus, moribusque Christianis imbueri. Hujus ordinis homines si abs nullo extraneo principe dependeant, ac praeter Numinis gloriam nul-

lum

lum alium scopum habeant, quam ejus, in qua degunt, reipublicæ salutem, id plurimum ad unionem & firmitatem civitatum facere. Eorundem porro justam multitudinem hanc videri, si sufficient ad istum finem obtinendum, & si nemo inter eos sit, qui non revera aliquid proficue operæ huc contulerit. Et cum ipse Pontifex Romanus hanc solam rationem alleget reductorum ordinum, quod *nullam aut modicam utilitatem* Ecclesiæ afferant; utique omnes illos pro supervacuis haberi posse, qui excedunt numerum ad Ecclesiæ ministeria, jam designata, sufficientem. Sicuti à principibus exauctorari solent etiam egregii milites, quibus civitas ad sui defensionem jam non indiget. Præterea non adparere, quare non omnes partes cultus divini commode obiri queant citra instituta ascetica; adeoq; supervacuum videri, ut aliqui peculiaribus sese votis adstringant, ac regulas sibi forment, plura quam communes sacerdotum leges complexas. Aut si utiq; aliquid ambitioni quorundam mortalium, sub obtentu modestiæ ac pietatis sese expromere gestiendi, indulgendum sit, horum sane numerum eousq; coërceri par esse, ne inde munifici cives nimis onerentur. Cum enim isti non solum ab oneribus civilibus immunes sese ferant, sed & ex bonis civitatis alantur, par utique esse, ne cui immunis istius vitæ sumendæ facultas indulgeatur, quam qui summis potestatibus rationes sui consilii adprobaverit. Neque enim ullum in sacris literis vestigium adparere, quo Salvator noster voluerit, per sua dogmata civitates

vitates novo onere premi, aut earundem bonam  
habitudinem convelli: aut talem cultum sibi ar-  
ridere, ut quis communis vitæ laboribus seipsum  
subtrahens aliis sui alendi necessitatem obtrudat,  
ac quæ materia ultronæ libertatis esse debebat,  
eam in durissimi tributi indolem convertat. Post-  
quam super numero sacerdotum conventum sit,  
in proclivi deinceps esse judicare, quousque exu-  
berantem sacri ordinis opulentiam castigari par  
sit, & quidem non in extremæ necessitatis casu,  
quo depellendo nihil amplius sacrum est, sed quan-  
do de componenda rite rep. & corrigendis ejus-  
dem morbis agitur. Scilicet ordini sacro prospici  
par esse, non solum ut necessaria ipsi suppetant, sed  
& ad dignitatem eidem conciliandam facere, si  
paulo copiosius ac splendidius, intra luxuriam ta-  
men, habeantur. Prout enim parce aut splendide à  
civitate tractari vulgus cernit ministros publicos,  
ita de ipsorum munere judicat; ac nauci habetur  
ars, quæ cultorem suum esurire patitur. Eo mayo-  
rem autem curam sacerdotum a summis potesta-  
tibus agendam, quo magis genuina Christi religio  
animos civium ad facile tolerandum imperium in-  
doneos reddit. Hinc illis non solum deberi velut  
mercedem laboris, sed & cum altari inserviant, ex  
eodem ipsos alendos, quod non macilenta, sed le-  
ctissima sibi pecora vindicat. His conditionibus si  
contenti esse sacerdotes, opumq; cumularum  
finem aut modum facere nolint, ac supervacua sui  
multitudine civitates onerare pro lubitu institu-  
ant; vitio verti non posse principibus, juris divini  
huma-



humanique intelligentibus, si à sacerdotum natione postulaverint, ut ad leges tranquillitatis civilis sese lubenter attemperent, & si qua statui civitatum adversa aut onerosa irrepsert, ultro emendent. Pontifici quippe ac sacerdotibus Ecclesiæ salutem semper in ore esse, & omnium actionum scopum jactari. Neminem autem negare posse, eo stabiliorem esse in aliqua civitate religionem, quo arctius illa cum rationibus status publici conjuncta fuerit, ac quo minus oneris illa eidem conciliet. Inde officium ejus, qui sese totius Ecclesiæ Præsidentem fert, utiq; in eo versari, ut ita sacerdotum nationem eorumq; opes moderetur, quo ipsis optime cum salute & tranquillitate civitatum conveniat.

Isthæc igitur cum hætenus sat plane videantur deducta, ultima demum quæstio superest; Si Pontifex Romanus, ultro aut rogatu Principum degeneres ac fœdôs sacerdotes in ordinem redigere, aut in universum ipsorum numerum atq; opes usibus rerump. attemperare nolit; an non tunc rectores civitatum ultro queant circa reformandum Clerum suscipere, quod ex usu esse videbitur? Heic quidem Pontifex Rom. longe recusabit, jactitans diversis ordinibus diversa abs Deo munia injecta: principibus negotia secularia, sibi sacra curæ fore: in negotiis Ecclesiæ Reges subjectorum instar gerere, nec sibi quid aliud potestatis legitime posse arrogare, quam ut viribus suis jussa summi sacerdotis exsequantur. Sat illustribus exemplis constare, quam iratum illi Numen senserint, qui

qui in sacerdotum munus ipsi profani involare sustinuerint. Contra rectoribus civitatum in proclivi est reponere: se lubenter, si quæ sacerdotibus propria sint, relinquere. Enimvero heic agitari non de negotio aliquo sacro, aut interpolandis dogmatibus relig. Christianæ; sed num quispiam ipsis invitis obtrudere alendos possit homines reip. graves aut supervacuos; aut magnam bonorum partem, quæ in sinu reip. sita, & ex eadem profecta sunt, in ipsorum ac cæterorum civium fraudem immunitate donare. Pontificis bullam documento esse, statum ac bona Clericorum cedere salutis reip. Nec minus planum, ex commodo relig. Christ. esse, ut illa sese honestis reip. rationibus attemperet, & civitatibus, intra quas recipitur, non sit molesta hospita. Contra hoc si quid peccatum fuerit, ejus esse ultro remedium afferre, qui omnium sese Eccles. summum moderatorem ferat. Hic ubi officium facere neglexerit, num ideo salutem suarum civitatum sibi negligendam? Clarioribus documentis opus esse, ut credant; Salvatorem per dogmata sua ipsis detrachere voluisse aliquam particulam potestatis, ad bene gubernandam remp. necessariæ: sibiq; negatum adversus gravem civitatis morbum aut intemperiem remedia adhibere, quamdiu noluerit is, cui ista prava civitatis habitudo emolumento cedit. Contra sibi persuasum esse, magnifice se mereri de Ecclesia, si efficiant, ut omnes principes sui status amantes non possint non religionem Christianam fovere, tanquam optimis, ac tranquillitati publicæ maxime idoneis moribus animos civium imbuentem, nullis superfluis

sumti-

ntinu



unitibus onerosam, nec de summo imperio quidquam delibantem. Præsertim cum huic rei remedia suppetant plane mollia, & quæ sine molesto sui sensu adplicari possint. Puta, si libertas fiat relinquendi ordines iis, qui inviti, aut inconsulto impetu eos subierunt: qui velint, inñori suis institutis queant, ut tamen novi non adsciscantur socii, nisi quibus principes hoc indulserint: si iidem ordines inspectioni Episcoporum subsint; Episcoporum auctoritas aut obligatio extra suam cuiusque civitatem ne petatur: si superfluarum opes, & luxui aut superbiæ materiam præbituræ, aliis reip. usibus adhibeantur, modusque novis acquirendis statuatur, si denique pecuniarum aucupia & dogmata, quæ divinis literis ignorata à sacerdotibus in quæstum reperta sunt, proscribantur. Ist hæc si tolerare sacerdotes nolint, ipsos satis indicare, non pietatem sibi cordi esse, sed dominationem, & ut ipsis per pingue otium saginæ suæ vacare liceat. Ex his igitur & similibus in utramque partem jactatis, utraque veritati propius accedant, penes intelligentes judicium esto.

## ADDENDA

### DISSERTATIONI DE REPUBLICA IRREGULARI.

*ad pag. 381.*

**Q**uem quidem citra aliud responsum dimittere animus erat, ni amici monuissent, postquam cæteros notarum scriptores

res exercitii causa excutere instituisssem, huic quoque aliquid reponerem, ne forte solus rem acutegissè videatur. Igitur licet pleraque ex antedictis dissolvi queant; pressius tamen ejus vestigia legere placet, quà rationibus rem gerere aggreditur. Nam tanti nobis ejus viri supercilium non est, ut de eo quoque laborandum nobis sit, quid isti citra additam probationem contra Severinum affirmare aut negare in mentem venerit; cum liceat nobis tantundem autoritatis Severini dictis, quam Teutenburgii adhibere. Ad *Capitulum VI.* igitur §. I. iste carpit, quod *corporum naturalium sanitas & habilitas ex apta partium inter se harmonia & connexione resultare dicatur.* Regerit; *corpori, cujus membra bene inter se nexa sunt, deesse sanitatem posse.* Verum si *Physicos & Medicos*, ad quos provocat, audire velit, discere poterit, inter partes corporis v. g. humani, etiam numerari humores & spiritus; inter quos nisi proba sit harmonia, sanitate haut quidquam gaudebit homo, ut ut brachia ac femora, caputq; bene cum trunco sint connexa. Sicuti & hoc novæ cujusdam mechanicæ est, quod harmonia seu proportio partium in armis aliisque instrumentis ad eorundem habilitatem nihil faciat. Falso quoq; negatur, *corporum moralium firmitatē oriri ex decenti partium inter se connexionē*, modo observetur, à Severino præsupponi, materiam ejusmodi corporum in se quidem robur habere; quod ut egregiè sese valeat expromere, simulque diuturnum sit, apta partium connexio utique plurimum confert. Inepte porro colligit Teutenburgius;

gius ; quia partes diversarum societatum, v. g. foederatorum, familiae, & civitatis dispari velut arctitudine sibi innectuntur : igitur quæ laxè cohærent, non statim ægras esse pronunciandas. Nam uti prius admittimus, ita si in quovis corpore morali non ea sit partium connexio, quam indoles & scopus ejusdem requirit, quin ægrum id sit, nemo sanus dubitaverit. Sic si ponas, materiam societatis cujusdam velut nativum robur habere, quin eadem firma dicenda sit, si concinnitas formæ accesserit, mihi quidem firmiter persuadetur ; quicquid circa *concinni* vocabulum Teutenburgius cavilletur, velut inauditum foret concinnum, & irregulare aut monstrosum sibi opponi. Porro uti Severinus etiam ante Teutenburgii notulas intellexisse videtur, quid irregulare, & monstrosum differat ; ita illud facile obtinebimus, in civilibus, præter enormem totius civitatis, aut unius membri magnitudinem, monstrum dari posse ex forma valde irregulari & incommoda proveniens. Dari autem quædam corpora irregularia, firma, & monstrum robustissima facile concedo. Sed & vicissim dabit mihi Teutenburgius, si societas illa irregularis aut monstrosa in formam regularem & concinnam foret disposita, ejusdem firmitati non parum incrementi esse accessurum. Nihil porro stolidius, quam *ingentem simplicium* vocare, qui *simplicem* dicat rempublicam, quæ non trahit aliquid de essentia plurium civitatum. Cum enim heic per plures illas civitates non aliæ possint intelligi, quam quæ diversa forma sunt præditæ, (nam sine sensu

dice-

diceretur, v. g. unam monarchiam trahere aliquid de essentia aliarum monarchiarum :) juxta Teutenburgium, si Diis placet, simplex v. g. monarchia erit, etiam ubi summa potestas est penes plures uno; neq; ejus simplicitati aliquid decedet, licet de essentia aristocratiae aut democratiæ aliquid traxerit, i. e. licet summa potestas ex parte penes concilium Optimatum aut populi sit. Ergo jungantur jam gryphes equis. De cætero per *subtilitates Scholasticas* Severinus intelligere videtur, quicquid abs plano & populari dicendi genere abit. Quarum adhibitatum nomine veniam is petit non sane ob Teutenburgium, ejusq; commatis homines, quibus nequaquam *delicatas aures* arbitratur esse, sed ob istos, quibus statim ad ea, quæ vel paululum scholam redolent, frons contrahitur.

Ad §. 2. reprehendit Teutenburgius, quod à Severino inquiratur, quæ forma regiminis singulis Germanici Imperli partibus competat. Si enim singuli Ordines singulas constituunt Republicas, frustra quæri, quæ forma toti corpori sit assignanda. Sin de hujus forma recte quæritur, gratis super forma partium laborari. Inde hanc *questionem præjudicialem* prius definiendam; *utrum Germaniæ, an Ordines singuli sint vera civitas?* Enimvero cum Severini mens sit, Germaniã esse corpus irregulare, singulis autem Ordinibus ad perfectam quidem civitatis indolem aliquid deesse, ut tamen talia adsint, quæ subditorum conditionem excedant, & non longe à summa potestate abeant; adparet puto de forma & totius, & partium non absurde quæri.

quæri. De qua pronũciare multum an parum difficultatis habeat, quilibet ex suo ingenio ac notitia iudicat. Prælatorum, ut & Principum, qui suas ditiones indivisim possident, mentio facta est *cap. 2. §. 1. 2. cap. V. §. 25.* nec opusculi ratio ferebat omnes minutias confectari. Quare autem Severinus Principatibus monarchiarum *instar* attribuerit, in promptu causa est; quia aliquid ipsis deest, quo minus pro separatīs & planè independentibus haberi civitatibus queant, propter vinculum, quo toti corpori adhuc innectuntur. Quod non obstat, quo minus recte dici queat, aliquos principatus absolutæ, alios limitatæ monarchiæ instar gerere. Id tamen miramur, tanti supercilii hominem ignorare, *Veram monarchiam cum potestate limitata non pugnare*; aut dari in Germania Principē, cuius potestas nullo pacto cum Ordinibus provincialibus circumscribatur. Cujus rei exemplum statim suggererem, nī ambitiosum videretur, tanto censore plus sapere velle. Denique uti morosam plane superstitionem arguit quærere, *quid rei sint urbes libera* in Germania: ita sufficit scōpo Monzambani in genere notasse, quæ in istarum regimine sit differentia; ut alii circa singulas minutatim eviscerandas sudent, non invidet.

Ad §. 3. Teutenburgius pro dictatoria sua in dogmatibus politicis autoritate irregularem reipublicæ formam plane proseribit. Super qua alibi a nobis tradita supervacuum est repetere; præsertim cum mox ipse dicat; *alias quodammodo concedi posset, Imperium Romano-Germanicum non*  
*dispar*

*dispar modo ac dissimile civitatibus aliis, sed & irregularare esse. Quid ergo vitiliginat? De cætero voculas inorose cavillantem Teutenburgium presse consecrari operæ pretium non est.*

Ad §. 4. voculam *superbi* morficat censor, quasi illud semper notaret *aliquid nimium*, & non saepe etiam splendidum & magnificum. Quam subneffit declamationem de eminentia Cæsaris, ea supervacua est, cum Monzambano non sit propositum aliquid de ea detrahare. Nisi forte quovis modo in aprium proferendus fuit flosculus ille oppido quam insipidus: *nulla humana mentis acies illud culmen nubibus æquale potest assequi, & inter infimum ac summum distantia videtur infinita*. Sicuti & puerile est, quod ex potestate conferendi nobilitates, doctoratus, palatinatus creandis poëtis & notariis, & similibus concludi posse autumat, *Imperatoris potestatem esse de summa rerum ex arbitrio statuerendi*. Alias non arbitror ægre latuum Severinum, si quam objectionem ab aliis propositam ipse convellit, Teutenburgius diversa responsione destructum eat.

Ad §. 5. vellicat Teutenburgius, quod Severinus ad aristocratiam requisiverit *Senatum statum & perpetuum*, per quem hic nihil aliud quam Concilium Optimatum summa potestate præditum intelligit. Habebimus ergo deinceps regna sine rege, & democracias sine concilio populi. Quod ejusmodi Senatum conventus Ordinum constituat, nondum à Teutenburgio probatum vidi. Sicuti nec quid ipsi *Senatus stricte* dictus sit, divinando



assequi licet. Dein & hoc admittere detrectat, *Senatus istius esse de omnibus negotiis deliberare & statuere; nisi addatur, & vel per se vel per alios, & si non semper actu secundo, tamen actu primo.* Atqui non video, quid hæc clausula Teutenburgio profit, nisi hoc asserere velit; Principes Germaniæ esse Gubernatores duntaxat & Præsides suarum ditionum, in quas summa potestas sit penes universos ordines. Quod an isti admissuri sint, dubito. Equidem dantur Aristocratia, in quibus Senatus ille, penes quem summa rerum, angustiori alicui concilio selectorum optinatum certa negotia deliberanda, aut expedienda sub certa mandati formula delegat. Sed quid hoc contra Severinum, aut pro Teutenburgio? nisi forte hoc somnare velit, Ordines Imperii ab alio quodam ampliore concilio deputatos esse ad negotia publica expedienda. Sed nec opus erat distinctione, *inter actu primum & secundum.* Nam satis norat Severinus, non opus esse, ut Optimates ne ad cibum quidem capiendum, aut somni causa domum discedant. Sed & hoc nosse debebat Teutenburgius, aristocratia non congruere, ut penes unum aliquem sit, quando Senatum convocare velit, ejusque coitionem ad decem, duodecim, imo viginti octo annos rejicere. Dixerat porro Monzambanus, in aristocratia magistratus debere rationem reddere *Senatus.* Regerit Teutenburgius; Ordines singulos ac priuatos quoque rationem reddere teneri *univ. & eorumque capiti in Imperio.* Num igitur concludere inde vult, Teutenburgius, Ordines Imperii

esse magistratus, quales in aristocratiis dantur? De cætero planum est, rationem diverso modo, sine & effectu reddi pro jure ac conditione tam ejus, qui rationem reddit, quam cui illa redditur. Illud falso à Teutenburgio ponitur, *ubi jus judiciorum à pluribus pendet, partem esse aristocratiæ*. Nam potest idem contingere in systemate, & in republ. irregulari. Notat quoq; Noster, quod Severinus negat, *Comitia nullo modo statim ac perpetuis Senatui instar haberi*. Sed cum suæ negationis rationem nullam afferat, expectandum erit, quoad iste genus humanum doceat, *in quo consistat essentia aristocratiæ? quomodo differant Optimates & Senatus? quid vera sint, aut dici soleant Ordines imperii? quid Comititia?* Simulq; quam feliciter novas suas definitiones præsentii quæstioni adplicet. Mirum vero, quod Teutenburgio scribere in mentem venerit; omnia, quæ totum Imperium tangunt, (*imo etiam quæ partem*) toti Imperio curare in Comitibus fas esse. Ergo etiam in Comitibus curatur, quæ leges provinciales ab Ordinibus singulis ferendæ, qui magistratus ibi constituendi, quæ tributa exigenda, & quomodo impendenda, in quos jus vitæ & necis exercendū, & quæ alia Ordinum jura sunt. Ast quæ cura ac potestas à Concilio Optimatum exerceatur in singulas partes sui imperii, neminē latere potest, qui veram aliquā aristocratiā inspexerit. Quærit etiā Teutenburgius, *unde Ordinibus potestas sit, causas domi cæteras, de quibus sc. Comitibus curæ esse non solet, expediendi?* Licebit etiam quærere; unde si quod Principes Germaniæ Dei gratia sese ta-



les profiteantur. Præfracte porro contra Severinum contendit Teutenburgius; aristocratiam esse, ubi Comitia, aut conventus, quales in Germania celebrantur. Ergo ignorat, in regnis ac systematibus Comitia & conventus celebrari. Sicuti & *pudenda ignorantia*, quam aliis objicit Teutenburgius, immane quantum ex illis pellucet, quæ super systematibus civitatum ineptissime garrit. De cætero agnoscit Monzambanus, Imperio Germ. competere vocabulum *reipublica*, sed irregularis: eandem *contineri imperio*, sed quod vehementer laxatum indolem imperii regii exuit, sic ut non paucis in negotiis inter caput & membra invicem non multum dispari modo agatur, atque inter eos, qui solo fœdere systematico junguntur, aut naturali & gentium jure reguntur. Obscuritatis accusat Teutenburgius, quod Severinus scripserat; singulos Senatores *non minus addictæ* universo Senatui parere. Et clarius dicamus; singulos Senatores universo Senatui parere, ut veros & proprie dictos subditos. Nam contingit quidem & in aristocratias, & in aliis rebus publ. ut vis imperii in subditos diversa sese velut facie exferat, pro eorum dignitate, aut peculiariter quæsitis privilegiis. Quod tamen non obstat, quo minus *in singulos Senatores æque ac in alios cives jus sita & necis*; & tali quidem processus forma, quam Principes Germaniæ in se exerceri non patientur. Quod nemo abnuet, qui ullius veræ aristocratiz historiam eolverit. Igitur Senatores in vera aristocratia *puniri* proprie posse, & ex hoc sequi, ipsos ut singulos revera subditos

universi Senatus esse constat. Sed hoc ipsum à libertate Ordinum Germania longissime abesse rectè Severinus asserit. Etsi enim illi ad obsequium sui generis teneantur, & à coërcitione non plane sint immunes: facit tamen ipsorum eminentia, conditionem subditorum proprie dictorum longe supergressa, totiusque adeo reip. irregularitas, ut neque illud obsequium ejusdem sit generis cum eo, quod veri regni natura à civibus requirit; neque coërcitio cum illa pœna, cui veri subditi subjiciuntur. Quibus rebus irregularibus exprimendis cum nōdum peculiaria vocabula sint inventa, mutuo sumere tantisper licebit ea, quæ circa veri regni subditos adhibentur; modo quis meminerit, eorū vim, quando ad Ordines Germ. adplicantur, longe discreparem esse. Et quid aliud insinuat Teutenburgius, quando jus vitæ & necis exerceri posse in Germania ait, *pro ratione hujus reipublicæ*? Præterea ad id, quod dixerat Severinus; *in aristocratiis privati sibi patrimonium habent optimates*; reponit Teutenburgius; *restringi ad aristocratiam, quod ad omne reip. genus vult valere*. Frustra; cū nulla heic sit restrictio, neque de cæteris rebusp. regularibus idem negetur; sed ideo solius aristocratiae mentio fiat, quia de ea hoc loco disceptabatur. Gratis quoque genuinū frangit, quando non ferendum pronunciat, in aristocratia civium & Senatorum bona pertinere ad collegium Senatorum universum. Id enim esse oligarchicū. Nam ea sunt Severini verba: *Senatorum patrimonium universi Senatus summo imperio subjiciatur, ejusdemque legibus est ol-*

*noxium.* Neque adparet, quare & his verbis inequitet: *in Germania si remoueas quæ ad singulos Ordines pertinent, nihil remanet.* Nam planum illud erat, quò tempore libellus ille primum in lucem prodiret. Vid. quoque *Capitul. Leopold. art. 30.* An interea temporis recens patrimonium Imperii enatum sit, mihi non constat. Neque vero *ius collectandi* locum habet, nisi ubi prius Cæsar cum Ordinibus per modum pacti convenerit, quantum & ad quos usus sit conferendum. Porro propter nexum feudalem dici utique potest, singulorum Ordinum ditiones ad totum Imperium pertinere. Sed modum pertinendi negamus esse tam validum, qualis est, quo universo Senatui privata patrimonia singulorum Senatorum, aut summis imperantibus in quavis civitate regulari bona civium privata subsunt. Isti autem velut oraculo Teutenburgii; *pugnat cum maiestate, quicquid est fiduciarium, h. e. quomodocunque definitum, ut tempore, ut casu felonie, banni, & aliis;* opponimus *Grotium de J. B. & P. li. c. 3 §. 11. 23* & ea quæ supra circa hanc rem à nobis disputata sunt. Quæ cum ita sint, stolidè jam Teutenburgius postulat probari; *plane non esse Ordinibus potestatem, quæ aliquam aristocratiam veram efficiat.* Atqui ipsi probandum incumbit, potestatem, quæ universis Ordinibus in singulos competit, esse talem, quæ singuli ad conditionem subditorum proprie dictorum, & quales in civitatibus regularibus existunt, redigantur. In Albertum Moguntinum nihil injuriosi à Severino dictum, cujus hic videtur sen-

puti-

putidum esse a magno principe exigere, ut dicta sua ad subtilitatem eorum, qui doctrinam civilem in Scholis docent, adeo superstitiose aptet. Inde statim subjungitur: *eius sensum, utur in commodis vocabulis expressum, in se esse perspicuum*. Sicuti contra jejunæ illæ vocabulorum cavillationes, quibus tantopere se jactat Teutenburgius, non equestris ordinis virum, sed morosum pedantem decent.

Ad §. 6. Teutenburgius non pauca profert, quæ nihil magnifici de ipsius scientia politica testantur. Falsum enim est, *regnum ἡ πόλις, seu limitatum* Vel *ad remp. bl. mixtam*, Vel *ad aliam simplicem*, puta *aristocratiæ* aut *democratiam* referendum. Falsum est, *quicquid limitat potestatem siæ ejus mentis, siæ pactis injuratis, cum majestate & regno pugnare*. Sic & nescio, per inscientiam, an per cavillandi libidinem factum, quod *absolutam potestatem* nihil aliud dicat, quam *summum imperium*, cum facile esset ex eo, quem adducit, Severini loco illa quoque verba legere; potestas de negotiis summam rerum spectantibus *proprio ex judicio* statuendi. Falsum quoque est, regnum limitatum cum principatu coincidere. Falsum est, non aliam esse in regnis limitationem, quam qua Rex ipse voluntatem suam circa exercitium summæ potestatis determinavit. Falsum denique est, per limitationem summum imperium reddi truncum aut mutilum; aut absolutum statim esse regnum, ubi per leges ejusdem fundamentales summi potestati nihil detrahatur, & alio transfertur,

aut dividitur. Quæ omnia latius heic deducere non est opus. Id quoque contra Teutenburgium notare velim; cum is putet quemlibet regem habere potestatem absolutam; & vero ipse asserat, *Imperatoris potestatem hodie non esse absolutam*; hoc ipso eundem Imperatori regium & summum imperium in Ordines detrahere. Quæ de jure antiquorum Cæsarum, aut veteribus Romanis legibus ad præsentem Germaniæ statum applicandis nugatur Teutenburgius, indigna responsione sunt. Porro Imperatorem provinciæ Hollandiæ non comparat Severinus; sed negat duntaxat, ex eo, quod quis neminem præter Deum & ensẽ habeat superiorem, consequi, eundem in Ordines habere regium imperium; exemplo Hollandiæ, quæ & ipsa superiorem non habet, nec tamen in reliquis fœderatas provincias imperium obtinet. Planè autem ineptum est, præfectum Hollandiæ cum Imperatore, quod Teutenburgius fieri debere putat, conferre velle. Deniq; *inania titulorum* eo, ni fallor, sensu Severinus vocat, quod cum in vero regno cives Regem vocent dominum clementissimum, & idem in Germania Ordines Imperatori faciant, nec tamen ideo ejus in se imperium regium agnoscant; hoc utique respectu ex amplitudine vocabulorum de ipsa re judicari liquido non possit. Sicuti & in locis a Teutenburgio allegatis ipsi Ordines obsequium suum *ad leges imperii* restringunt.

Ad §. 7. frustra inquit Teutenburgius, quod *per potestatem regiam & summam*, non tamen



*absolutam* intelligatur; cum planum sit, Severino præsupponi distinctionem potestatis regię in absolutam & limitatam. Atque ejusmodi limitatum Cæsaris regnum in ordines utique oppugnat *Hippolitus*; de quo, unde judicium suum desumerit Severinus, mihi non constat, nisi quod liquido jurare ausim, à Teutenburgii ingenio in toto ipsius scripto nihil mutuo sumtum. Imperfecta est autem illatio Teutenburgii: *neceffe est, posita ciuitate & imperio ut oportet, & remota monarchia vera dari democratiam, (quæ aperte hinc aliena,) & aristocratiam, & rempublicam mixtam.* Ad dendum quippe, aut remp. irregularem. Sic & ex sola cavillandi libidine Teutenburgius vellicat, quæ Severinus Hippolithi argumento opposue: at, quo hic Ordines Cæsare superiores, & imperium in ipsum habere contendit, ideo, quod unus & alter fastigio sint dejecti. Regent enim Severinus, etiam inter eos, qui pacto duntaxat tenentur, quorumque adeo neuter in alterum imperium obtinet, cum, qui conventiona violarit, functione posse dinoveri. Dein dubitat, num ordine omnia & legitime circa depositos illos Cæsares acta sint. Circa hæc vocabula putide cavillatur Teutenburgius; quasi privatis duntaxat negotiis gerendis unus *proponi* possit; aut qui proponitur revera serviret; aut nihil intersit, utrum quis functione sua excidat ob conventiona non impleta, an pro imperio à superiore dejiçiat; aut privatus statim fiat & subditus alterius, qui delatum ab altero munus sub clausula commissoria accipit. Verba illa: *Imperator in-*

*Sitis Ordinibus nihil potest injungere, de negotiis, quæ in Comitibus proponuntur, capienda sunt; id quod verba immediate antecedentia ostendunt. Ergo frustra de privilegiis & justis mandatis garrit Teutenburgius. Sed & in hac quaestione, num ordines Cæsare sint superiores, nequaquam notabile momentum est, quod mediante capitulatione cum Cæsare convenitur, ut fiat Cæsar. Dum porro Severinus dicit, si contra consenta quid Ordinibus velit injungere Imperator, hos impune posse ipsi non parere, non prohibet quo minus molliora initio remedia experiri queant Ordines, si tale quid tentare aggrediatur Cæsar, Falsum quoque est, quod Teutenburgius videtur innuere, ex divisione imperii provenire, quod quis alteri, pacta conventa violanti, impune possit non parere. Quis porro metus ab Imperatore & Imperio immineat tribunalibus Principum quando super causis pecuniariis, aliisq; inter ipsum Principem, ejusq; subditos cognoscunt, ubi præsertim vel à tribunali, vel à summa adpellari ad tribunalia Imperii non potest, præter illam publicæ existimationis reverentiam, mihi nondum liquet. Falsum item est, quod Severinus non tales ponat Ordines, quibus sola placeant honesta. Arbitratur tamen inter honesta esse, libertatem, jura, ac privilegia sua legitime tueri & exercere. Neque vero Gigantomachia similis erit Germania status, si Ordinibus à Cæsare nihil possit imperari, quod displiceat. Nam quæ vi capitulationis, aliarumq; legum fundamentalium Cæsar jubet, illa Ordinibus placere censentur, quia*

in ea in antecessum consenserunt. Si quod præterea jubere velit Cæsar, & illud Ordinibus est placitum, si necessitas & insignis utilitas reip. idem commendet. Sed ut pro ratione sit nuda ipsius voluntas, id à genio ejus reip. abhorret.

Ad §. 8. super *limitato regno* argutari incipit Teutenburgius. Ad quæ nihil reponere opus est, tum quia Severinus negat Germaniam regnum esse limitatum, tum quia graviter errat Teutenburgius circa indolem limitationis, quando putat, per eam vel non circumscribi arbitriam potestatem, vel summam potestatem dividi. Deinde prolixam philosophiam idem orditur super mixtura rerum. quæ Severino tam in hypothese, quam thesi rejicitur. Prioris ratio hæc videtur, quia inter scriptores non convenit, utrum diversæ formæ in Germania æqualiter misceantur, an una earum, & quousq; prædominetur: & quia illa, ex quibus misceri aliquid dicitur, utique in mixto existerere debent. Atqui in Germania monarchiæ quid adparet, aristocratix nequaquam, per ea, quæ §. 5. tradita sunt. In thesi autem mixtura Severino displicet, quia hætenus ita superfunctorie & secure super ea fuit traditum, quasi paululum nescio quid per eam natura civitatum alteretur, ac non ex civitate proprie dicta per eandem proveniret resp. irregularis, aut plane quandoque monstruosa, dum per ipsam summum imperium seu majestas dividitur. Quam divisionem si leve quid arbitratur Teutenburgius, ne ille solidæ politices ignarum plane se fatetur. Quæ apud ipsum sequuntur, ni-



hil bonæ frugis habent; quæ tamen cûratiùs discutere non pigebit, quod per ea simplicioribus facile fucus fieri queat. *Sunt distincti ordines in civitate*, inquit: sed ita, inquam ego, ut, siquidem civitati suæ regularitas constare debeat, istorum ordinum constitutio, & distributio, & functio & jura originarie à summo imperio proveniant, cujus in civitate regulari est cives in certas classes decoris & boni ordinis causa digerere, & quamq; classem *in agendo dirigere* non præscribendo solum, sed & necessitatem adferendo. Nisi enim hoc modo explicentur ea verba; *majestas est jures summum directivum in agendo*, imperfecta ea pronunciamus. Sunt porro *actionum* in civitate *classes itidem variæ ac distinctæ*, sed ita, ut ubi regularis est civitas, ex uno fonte omnes promanent. *Hinc certa reip. munia, partes, jura*; sed à summo imperio in regulari civitate definita & assignata. Pergit Teutenburgius; *Nec vero ad rem facit, hic an ille ordo hac vel illa munia summo jure teneat separatim vel conjunctim, vel ut ἐξ ἀρχῆς τῶς, in modum præcipui*. Quid audio? Nihil jam ad rem facit, quis ordo, quæ munia *summo jure* teneat? Quid imperitius unquâ in doctrinâ civili dictum est? Ergo nihil amplius ad rem facit, civitatem constare ex pluribus corporibus independentibus; an unum sit principium actionum publicarum, an multiplex? Credo deinceps in familia quoque nihil ad rem faciet, num uxor, liberi, famuli omnia *summo jure* & citra dependentiam à patrefamilias agant? Pergit; *neq; certam & immutabilem habent*

bent legem, sed à voluntate hominum, ut hac à  
 traditione ceterum ex ratione temporum pendent.  
 Ego dixerim; quot in civitate sint ordines, &  
 æ eorundem peculiares functiones ac jura, cer-  
 ni & immutabilem ac in universum valituram non  
 bere legem; sed tamen ita, ut hoc pendeat à vo-  
 luntate summi imperii, quæ voluntas ex conditio-  
 hominum ac temporum temperatur. *Et hæc est*  
*regula harum actionum*; sed ita, ut si summum  
 imperium non penes se velut reservet fontem pu-  
 blicarum actionum, sed in ordines reip. certas fun-  
 ctiones summo jure contulerit, adeoque eodem sese  
 dicaverit, irregulare inde corpus sit emerfurum.  
 Nam habet quidem homines in ejusmodi institu-  
 & actionibus libertatem; ut tamen semper ad  
 rem, quem sibi proposuerunt, respicere debeant,  
 & ista instituta caute attemperare. Alias enim,  
 sine semel designato, nihil interesse putent quid  
 sint, non mediocria *monstra alunt*. Sic quæ for-  
 ma domui sit assignanda, in voluntate architecti  
 est. Sed si idem nihil interesse putet, ad columbarii  
 ut haræ formam partes ædificii disponat, quod  
 habitationi hominum destinabatur, næ ille ma-  
 num *monstrum aler*, ut ut ista structura *cum ejus*  
*voluntate conveniat*. Unde operum humanorum  
 structura nequaquam ex mera voluntate hominum,  
 sed etiam ex idonea dispositione ad suum finem &  
 finem est metienda. Sed non ut placidis coeant im-  
 mita, non ut Serpentes avibus gementur, tigri-  
 bus agni; adeoque ut voluntas sibi ipsa non contra-  
 dicatur. Sic est sane penes ducem, exercitum in quot

velit minores partes dividere, & cuiq; stationē assignare. Sed si idē cuiq; cohorti actiones suas *summo jure* exercendas relinquat, egregium scilicet exercitum habebit, & abs quo magnifica expectare facinora debeat. *Lampadii* aut alterius autoritas frustra hēc occinitur, ubi ratio aliud suggerit. Ridicule majestas illi tribuitur, *qui unam tantum partem summi imperii independenti potestate gubernat.* Majestas quoque non sola independentia, sed & facultate civitatem ut talem regendi est definienda. Unde licet circa idem objectum versari queat majestas, & magistratus; magnum tamen inter ea discrimen erit, quod illa independenter, hic potestate ab illa delegata id agat. Possunt porro actus ad civitatem regendam necessarij suo modo dividi in *homogeneos* & *heterogeneos*, v.g. ut homogenei sint colligere pecunias & erogare heterogenei, creare magistratus & judicia exercere; nempe ut à summo imperante non temere, uni magistratui aut ministro committantur heterogenea. Unde & hęc distinctio in respectu magistratuum valere poterit; non autem respectu summorum imperantium; quibus nihil heterogeneum est, quod ad regendam civitatem pertinet. Ergo cui omnino miscere remp. cordi est, magistratuum functiones perite misceat; majestatem miscendo ne dividat, ac dividendo destruat. Neque sane scholasticum dogma est de majestate non dividenda, sed quo nullum in rep. majoris est momenti. Illa potius Teutenburgii subtilitas plane abecedaria est, quod putet; *in mixtura non videri divisionem, sed*

*ensionem majestatis, ac potius unionem in plu-*  
*ris civitatis ordinibus.* Ponamus enim Teuten-  
 rgium plura habere prædia; ac ut potestas sua he-  
 s extendatur, singulis villicis suis singula prædia  
 nimo jure administranda concedere; sanè paulo  
 st eques iste cogetur pedes ire. Est quoque *mix-*  
*a aut divisio imperii litum quandoque reme-*  
*nt,* sed quale defecto crure fulcrum ligneum.  
 nique quin summum imperium dividi possit,  
 olute non negat Severinus; sed facta divisione  
 itatem regularem manere, hoc negat. Vanum  
 oque est Teutenburgii argumentum, quo Ger-  
 niam ex monarchia & aristocratia mixtam ad-  
 here laborat. Nam propositio ipsius major: (*Ubi*  
*a jura summi imperii, eorumq; partes sunt in*  
*idem penes unum, alia penes eundem & plures*  
*os simul ibi est resp. ex monarchia & aristocratia*  
*stituta,*) hac limitatione indiget; modo plures  
 optimatibus aut senatoribus in regulari aristo-  
 tia pares sint. Id quod de ordinibus Germaniæ  
 gamus, quorum conventus aut comitia disparis  
 oncilio & senatu optimatium naturæ esse nemo  
 uet, qui regularis aristocratiae geniū intelligit.  
 od Severinus asserit, *in Germania Ordines suam*  
*rtatem suaq; jura cum Caesaris potestate com-*  
*pare posse,* id intelligi ab ipso arbitror de illis ju-  
 us, quæ singuli Ordines in suas habent ditiones.  
 sane ego non comparare modo, sed & anteferre  
 deam illis juribus, quæ Cæsari in easdem Ordi-  
 m ditiones competunt. Nequaquam autem  
 mo ipsi est de illa eminentia, qua peculiari-  
 ter

ter Cæsar præfulget. Sed & probe observandum, in quaestione; *An Imperator sit Rex limitatus*, Imperium cum Imperatore non esse conjungendum. Nam quo vinculo Ordines toti Imperio teneantur, ad definiendam potestatem Imperatoris per se nihil attinet. Denique utut detur, unum vel alterum principem sua libertate latius usum, quam leges Imperii ferebant: sufficit tamen, quod illa libertas, ejusque legitimum exercitium ejusmodi sit, ut cum conditione regni limitati consistere nequeat. An autem & quousq; unus & alter limites juris excesserit, ac democratica politica usus sit, ex discussione singulorum exemplorum adparebit. Quam ubi Teutenburgio instituire placuerit, non deerunt, qui respondebunt.

Ad §. 9. evertendum Teutenburgius omnibus viribus connititur. Ubi id primo reponimus, nos hætenus nihil ab ipso adferri vidisse, quod prohibeat, quo minus Germania irregularis resp. dici queat. Nam Severino naturam civitatis & majestatis ignoratam fuisse, gratis vix crediderim. Dicere autem, scientiam civilem, etiam prout à viris summis hætenus fuit tradita, non omnia ita perfecte & accurate tradere, ut nihil possit addi, nescio an piaculum sit. Materiam de systematibus civitatum ad politicam non pertinere, æque imperite dicitur, quam eandem apud *Aristotelem Polit. III. 6. (9)* aut ejus commentatorem *Mich. Piccartum* plene tradi. Severini dogmata ad dissolutionem Imperii Germanici tendere, per impudentem calumniam dici fatebitur, quisquis *caput 8. perle-*  
ge-



t. Quid autem rei *notissimum Imperium uni-*  
*sale* sit, quod apertius non exposuerit Teuten-  
 gius, male de humano genere est meritus. Fal-  
 porro est, ibi statim regnum proprie dictum  
 ubi unus jura quadam regia possidet. Falsum  
 que, regnum limitatum esse, ubi jura regia ma-  
 i momenti pari vi ab uno & a pluribus ex-  
 itur; aut regnum limitatum & aristocratiam  
 im & idem esse. Cum etiam ex mente Severini  
 sensus Germaniæ status ex degeneratione regni  
 venerit, cujus tacita fere momenta non solent  
 sta publica referri, frustra quæritur; quando &  
 modo regnum limitatum expiraverit? Sufficit  
 n dudum expirasse. Incastrum quoque vocabu-  
*simulacri* impugnat Teutenburgius, per quod  
 quaquam Imperatori detrahatur illa potestas,  
 e ex legibus Imperii in Ordines eidem compe-  
 sed negatur duntaxat, ad perfectionem potestæ  
 regię proprie dictæ adsurgere, etsi exterior fa-  
 tale quid præ se ferre videatur. Quando dein-  
 s super systematibus civitatum disputat Teu-  
 burgius, nihil aliud quam inscitiam suam apri-  
 or, & dat sine mente sonos. Non autem sequi-  
*nihil est Imperio cum systemate civitatu, quia*  
*origine fuit una civitas, nec principum habet*  
*ntancum.* (debebat dicere, nec ex fœdere prin-  
 ium habet:) Nam Severinus Germaniam ne-  
 aquam perfectum & proprie dictū systema pro-  
 nciat, neque formæ, qua nunc gaudet, originem  
 ordine deducit; sed eandem ex degeneratione  
 a regno verius systema provenisse asserit.

Quod

Quod & ipsum Teutenburgio adstruitur p. 48. 49. si modo ipse dictorum suorum vim capit. Neq; ad rem faciunt, quæ super maiestate sophisticatur. Oportet, inquit, in Germania alicubi totam esse maiestatem, nimirum si regularis civitas Germania esse debet. Nam cum maiestas dividi nequeat, posita ejus parte tota erit ponenda. Atqui maiestas Severino hætenus dividi posse negatur, quod divisione facta civitas regularis esse desinat. Igitur posita civitate regulari, recte concluditur: qui homo vel quod conciliū partem habet maiestatis, etiam totam habet. Id quod in rebus, irregularibus secus est. Cum itaque in Germania neq; in uno homine sit tota maiestas, i. e. cum non unus homo de omnibus publicis negotiis, omnibusq; ejus reip. partibus summo jure disponat; neq; unum conciliū ut tale: regularis civitas Germania non erit. Et ne quis circa posterius membrum dubitet, observandum est, Imperatorem & omnes Ordines, disponere quidem de omnibus publicis Germaniæ negotiis: Non tamen de omnibus negotiis disponunt ut universi & in concilio; sed de plurimis ut singuli separatim disponunt jure suo, quod non procul à summo imperio abit. Quia tamen eidem juri aliquid ad plenam maiestatem deest, inde dici nequit, Germaniam ex pluribus distinctis ac proprie dictis civitatibus constare, seu singulos Ordines singulas civitates constituere. Atque inde est, quate Germania regulare & proprie sic dictum systema dici nequeat. Fallit ergo conclusio Teutenburgii: *Imperator & imperium una civitas*  
*justa*

*gesta erunt.* Simulque adparet, utique medium dari posse inter unam civitatem & unum corpus ex pluribus perfectis civitatibus constans; nempe remp. irregularem, quæ & ipsa imperfectione laborat, quatenus membra ejus laxius quam pro indole vinculi civilis cohærent. Nam ut in degenerationibus res aliqua necessario sit denominanda à termino, à qua degeneratio incipit, quousque penitus ad terminum, versus quem degeneratio tendit, pervenerit, non est necessarium. Sicuti nec illud, ut degeneratio ab uno extremo ad alterum perveniat; cum possit citra alterum extremum subsistere. Quod similitudinibus declarari posset, ni easdem ultra tertium comparisonis extendere Teutenburgius ingeniosum duceret. Non est autem exiguum quid aut modicum, in quo Germania à vero regno abit, ut considerari non mereatur. Cæterum ut nemo cordatus negaverit, irregularem formam morbis in Germania præbere fomitem; ita neq; Severinus neq; alius abnuerit, quin longe maior malorum tempestas Germaniæ sit incubitura, si illud, quo adhuc continetur, vinculum plane sit abruptum, ac singuli Ordines ad plenam Souverèitatem, plerisque exitio futuram, pervenerint. Quod autem Severinus dixerat; si mutua renitentia inter Imperatorem & Ordines tollatur, ac si utrique præsentijure contenti ulteriora non affectent, revera Germaniam fore corpus sociorum inæqualium, cujus caput sit Cæsar; id intelligendum *in effectu*, uti loquuntur; quia non solus talis potestas, qualis Cæsari in Ordines competit,

à ca-



à capite fœderis systemati inæqualis non abhorret; sed & quia modus agendi & tractandi inter Cæsarem & Ordines, non Regem & subditos, nec socios æquales, sed inæquales refert; nec vinculum, quo Ordines Cæsari subsunt, in effectu à vinculo sociorum inæqualium multum abit. Quia tamen ea reip. forma non ex fœdere provenit, non necessum est Germaniæ vocabulum systematis propriè dicti indere, sed pace Teutenburgii licebit medio quopiam nomine ipsam insignire. Ceterum cui *caput V. Monzambani* fuerit perlectum, ei non difficile erit judicare, ex civitate regulari, an ex systemate plus trahat Germania. Ut autem Idem de natura civitatum & systematum in genere traderet, modus opusculi non ferebat. Ac sine dubio sperabat, neminem existimationis suæ tam prodigum fore, ut ad censuram heic exercendam provolaret, nisi doctrinæ civilis solidè esset peritûs. Cujus non utique invidendum specimen edit Teutenburgius, quando sic colligit: *In quocunq; corpore omnia sunt essentialia civitatis requisita, illud est vera & consummata civitas.* Nam addidit, ea requisita quoque *rite unita* esse. Hanc unionem summæ potestatis in uno homine aut concilio, quanta quidem ad perfectâ & regularem civitatem desideratur, in Germania non adparere tradit Severinus. Sed & oppido quam ex paupertina taberna depromitur, quod de duplici fœderis acceptione Teutenburgius garrit. Ut enim demus fœdera vocari illa pacta, quibus civitas connectitur, num tamen *ad fœdera, quæ civium societatem*

*tem continent, notabiliter quoq; pertinent fœdera inæqualia. jus imperii imminuentia? an potius peculiari illa classe censenda. Denique cum Teutenburgius ultimo fateatur, remp. Germanicam proxime accedere ad ejusmodi systema quoddam, contentione aliarum rerum publicarum, seu si cum regularibus civitatibus comparetur, & per similitudinem, subiecta tamen ejus essentia & forma intrinseca: scire velim, quæ causa sit, quare Germania systemati similis, & civitatibus regularibus dispar adpareat, si illud ipsum Φαινόμενον non à formâ ejus intrinseca promanat? Quod non magis demonstrare poterit Teutenburgius, quam id ei quisquam credet, systemata vocari debere, quæ ex pluribus civitatibus in unam, ordine imperandi & parendi communiter gaudentem, coarverunt. Nisi forte ex musica novam nobis doctrinam de systematibus civitatum adornaturus est, quæ cantorum nationi egregiorum materiam hymnorum suppeditabit, dum se cervice supinant. Ad ultimum tandem frivole quærit; quinam sint morbi corporum fœderatorum, & exacte & vel prope modum talium? Quasi illa non possint quosdam morbos cum civitatibus habere communes, quosdam sibi peculiare. Et vero valde obesa est naris, cui lecto capite VII. Monzambani de morbis istis non aliquid subolere possit.*

Quæ cum ita sint, judicent nunc, quibus harum rerum intellectus, & quibus mens à præconceptionibus opinionibus vacua, Teutenburgius an Monzambanus

benus ad scita solidæ politicæ præsentem Germania-  
niæ statum curatius trutinaverit, aut utrius tradita  
*in actu rerum ac consiliis moderanda reipublica*  
sequi Germaniæ saluti magis expediat.

## ADDENDA.

*ad p. 381. in fine §. 24.*

**P**ost cæteros denique novus in *Scæverinum*  
surrexit hostis; qui velut ex insidiis libel-  
lum, *Monstruosa Republica* vocabulo inscri-  
ptum, prorepere iussit; ac me quoque potissimum  
inter ejusdem *assæclas* perstringere voluit. *Venit*  
*& upilio; tarde Senere bubulci*. Hic cum plane al-  
bæ sibi gallinæ filius videatur, ac quicquid ex scho-  
lis profectum est, alto supercilio despiciat, inusita-  
tam quandam & ex aularum secretis petitam sapi-  
entiam minatus; vitio mihi non vertetur, si quam  
inauspicato isic triarius arma moverit, ostendero.  
Neq; vero in eo notabimus dictionem ineptè con-  
cisam, & quæ tristem arrogantiam præ se ferat, quasi  
qui dedignetur cum aliis hominibus loqui, & ab-  
ruptas tantum voces quasdam jaciat, velut indignū  
foret, tantam sapientiæ vim mortalibus exponi ex  
facili deglutiendam. Rem ipsam extrussisse potius  
fuerit. Ac in *præloquio* quidem futuræ tractationis  
fundamenta substernit. *Possibilis, inquit, in mate-*  
*riam forma inductio, mensura perfectionis rerum*  
*consilium*. Isthoc oraculum si de singulari materia,  
puta de hoc vel illo populo intelligatur, hunc ha-  
bet sensum; si in hunc populum talis reip. forma  
indu-

inducatur, quæ ipsius conditioni quam maxime congruit, is populus statu fruitur sibi in præsens commodissimo. Eodem modo munitio certum locum quam maxime decet, quæ situi ejus dextre est attemperata. Sed num inde consequitur, unam formam non esse altera præstantiorem, aut inter regularem formam nihil interesse? Ast si effatum istud in genere capiatur de quavis materia hoc sensu; in civilibus institutis nihil datur absolute perfectum; à scopo disceptationis aberratur. Nam illa rerum civilium imperfectio non obstat, quominus inter regulare & irregulare sit discrimen. Addit; *nec abstracta scholarum regula morale suppositum semper capiunt.* Ut puto deinceps perfecti nota politici erit inquinata & solæce loqui. Sed demus, non semper civitates pro præsentis sue conditione regularem formam capere, qualis à scriptoribus scientiæ civilis traditur, nec ad eam posse perducere perfectionem, qualem aliqui in idea proposuerunt. Demus etiam quod *contumaces morales suppositi moralis doctorum hanc coerceatur subsellis*, i. e. quod singulæ civitates non possint concinnari ad regulas doctorum politicorum: non tamen ideo *formæ præstantia ex materiæ aptitudine æstimabitur* hætenus, ut regulare ab irregulari, sanum à morbido discerni nequeat. *Omnis reip. forma ex illius materia,* fringunt noster dictator. Atqui cæteri mortales credunt, ad formam reip. aliquid etiam facere voluntatem & sapientiam eorum, qui primitus istam constituerunt, aut post eidem leges fundamentales tulerunt. Neque

que vero semper & ubique tam contumax est materia civitatum, ut non aliam, quam quæ nunc est, formam capere, aut in aliam refingi queat. Et licet sapientis sit non niti contra id, quod præsens rerum conditio fert; non tamen ideo cujusvis rei præsens habilitas perfectionis mensura. Sicuti nec architectus irregulare opus agnoscere detrectabit, ubi istud pro necessitate loci *ecredirur li-  
neas, quibus istud adstringi* situs *vetabat.* Quin nec *formositatem* ejusmodi operi detrahimus, apud eos cumprimis, quorum oculis istud familiare est. Et structuræ incircinnitatem ipsa moles ac materiæ firmitas pensare potest. Sed his missis videamus, quid sapientiæ in ipso opusculo expromat *Carolus Scharf Schmid J.U. Doctorandus* in Acad. Jenensi. Par enim est, ut tam rari scripti autor delio suo, ex quo tam confusos dat sonitus, evolvatur.

Ac tria quidem priora capita nihil ad Severinum. Nam i lam sententiam: *Germania aquila non nisi in cudo sola; plures enim sunt, qui fasces imperii gerunt.* Athanasio Kirchero inter mysteria Ægyptiorum enodandam commendamus. Sed in capite IV. de *Democratia* jam signa infert, ac Severinum male ratiocinatum arguit, simulque circa definitionem civis Aristotelicam propugnandam extrema quæque tentat. Ubi patet, Severini mentem non esse, Germanicum imperium serio democraticum statuere; sed tantum insinuat, displicere sibi, status Imperii civium vocabulo à quibusdam ita pertinaciter designari. Atque arbitratur, datis his propositionibus; democratia est, ubi omnes ci-



ves suffragia de rep. ferunt: & solus ille, qui suffragium fert in aliqua republica, civis est vocandus, sequi hanc tertiam: Ergo ubi omnes cives suffragia ferunt, ibi est democratia. Quæ conclusio cum falsâ sit, putat alteram enunciationem fallere, quæ necessariam cujusvis civis affectionem ponit in facultate ferendi suffragiû. Equidem Aristoteles civem suum democraticum in excellentiori gradu definire voluit; verum ita ut eundem contradistinguat inquilinis, & servis, & fœminis, & pueris, & senibus de ponte dejectis. Imo ut expresse agnoscat, jus ferendi suffragia, & participandi de magistratibus non esse proprium ejus civis, qui in alia reip. specie vivit. Etsi nec suffragia ferre ita proprium sit civis, ut non etiam in socios cadat, uni systemati illigatos; cui cum integræ quodque urbes & resp. nomina sua dare soleant, dubito an quis istas civium vocabulo notare possit, nisi diversam ab illis hominibus linguam velit fingere, Sed nimirum nihil tam absurdum est, quod non admittatur ab illis, qui semel sensum communem ejurarunt. In gratiam definitionis Aristotelicæ Rex unicus in suo regno civis constituitur. Neque in mentem venit, jus suffragia ferendi supponere plures pari jure instructos; & magistratum esse ministrum summi imperantis. Sed & novum absurdum cumulat Scaren Schmid, dum velut expostulabundus dicit: *quid absurdi, si regem ita dixerim? Idem enim ac si dixeris subiectum, quod de regenda rep. participat. Quid audio? Rex participat de regenda rep.?* Quinam ergo sunt ceteri in

regno, qui de regenda rep. pari jure participant? Aut quota est ea pars, quæ regi competit? Postquã tam argute civis titulum Regibus adstruxit Noster, jam quoq; regnicolarum conditionem splendide designat, & proprio vocabulo *servos publicos* ipsos proclamat. Eat nunc aliquis regnicola, & opes atque nobilitatem suam jactet, si futor aliquis aut cerdo democraticus civis dignatione cum Regibus fulget, iste autem nil nisi servus publicus est. Ne tamen nobiles regnicolæ metuant, ex doctrina Scarenſchmidica sibi deinceps plateas esse verrendas, caute protestatur, se id vocabuli capere *in sensu morali, non juri Romani*, quo servi publici post lictores viatoresque stabant. Atqui servus publicus etiam morali sensu nihil aliud quam mancipium est, cui nihil proprii sit, & qui vendi alienarique pro lubitu queat. Neque enim crediderim, Scarenſchmidium argutias captare ex dictione quarundam linguarum, quæis servi vocabulum etiam vulgari offusio exprimendo adhibetur. Mox tamen se correcturus subjungit; *sunt subditi, quibus dicta definitio accurate non competit*. Enimvero non proletarius faber audiet Scarenſchmidius, si omnibui regnicolis persuadere queat, inter servos publicos & subditos nihil interesse. Nam subditos sese summi æque atque imi libenter agnoscent, suamq; operam imperio Regis bono publico adplicabunt: sed qui servos publicos eosdem dixerit, eum in malam rem abire jubebunt. Neque etiam videtur Scarenſchmidius cogitare, per solum jus suffragii non collocari aliquem supra conditionem subditi; cum  
alias

alias democratiae forent respp. sine subditis. Lau-  
datur tamen tam duræ philosophiæ autor *Casspar*  
*Contarenus de rep. Veneta l. I.* non sine encomio  
qui *forſan non ex cerebro ciuilem hauſit prudenti-*  
*am.* Aſt ſi vel maxime Contarenus, amore ſuæ  
nobilitatis fascinatus, de regnicolis ſecius quid  
ſcripſiſſet id non ſtatim in oraculi vicem nobis  
fuerit amplectendum. Deinde Iſti ſermo eſt de *opi-*  
*ficibus & mercenariis*, quos in urbe Veneta ſervo-  
rum publicorum loco haberi noſtra quidem parū  
inter eſt. Add. *Ariſtot. 3. Polit. 3.* unde ſua deſumſit  
Contarenus. Sed ſi Scarenſchmidius putet omnes  
regnicolas eadem cum mercenariis & opificibus  
Venetis claſſe cenſendos, aut populos qui regnan-  
tur non niſi ex opificib. & mercen. conſtare, quæ  
tocys Anticyram navigandum ipſi fuerit. Alteri,  
quem pro ſe adducit, Viro Celeb. nobisq; amico,  
autoritatem opponimus *Bæcleri Inſtit. polit. l. 1. c. 6.*  
*p. 69. 70.* viri dum viveret magni iudicii & raræ e-  
u-  
ditionis, qui ſalua amicitia ab iſto heic in alia o-  
mnia abire nefas ſibi non duxit. Præertim cum  
regula illa, quod *Veri ſocii ſit ſuffragium ferre &*  
*ſententiam de rebus ad ſocietatem pertinentibus,*  
proprie ad eos ſpectet, qui contractum ſocietatis  
inter ſe iniverunt. De cætero enim omnes haſte-  
nus tradiderunt, ſocietatem eſſe inter patrem & li-  
beros dominum & ſervos; ac nemo tamen credidit  
contradictionem implicari ſi liberis aut ſervis in  
rebus familiæ jus ſuffragii denegaretur. Quod ſi  
quis regerat, liberis ac ſervis lociorum vocabu-  
lum proprie non competere; is faciet nobis ſo-  
cieta-



cietatem uno socio constantem, & socium sine socio. Claudit demum huncce locum Noster hoc ratiocinio: *Qui non habet, quod de veri civis est conceptu sc. jus statuendi de rep. iste nec verus civis dicitur. Sed illi patres familias à resp. partibus exclusi in monarchiis & aristocratiis, hoc jus non habent. Quo pacto igitur Monzambano illos fecerit cives ad definitionem Aristotelicam, quam Monzambano tantum in cives democraticos quadrare contendit? Eat nunc aliquis, & Scaren Schmidii politicam ex cerebro haustam arguat. Caput V. in quo de rep. confederata agitur, est supervacuum, cum nemo sit, qui Imperium Germanicum regulare systema, & cui fœdus aliquod sociale originem aut formam dederit, asserat. Quod tamen idem ex indole systematum non parum trahat, & aliqua retineat, quæ regno propria sunt, nemo abnuet, nisi plane in doctrina civili, aut in ipsa Germania hospes sit. Causa in promptu est; quia præsens ejus Imperii forma provenit ex degeneratione & velut vergentia versus formam systematis, ita tamen ut ea vergentia citra terminum suum subsistat. Et sic neque plenum regnum sit, neq; regulare systema. Nam à regulari systemate id imperium discrepat, quod ejus membra nec plane absolutas nec superioris nescia, nec in totis aequalia. Sed in hoc idem à regno etiam limitato abit, quod membris ejusdem conditio subditorum non congruat, & quod, qui caput audit, in reliqua membra imperium regium & regio modo non habeat; & quod in Comitibus voluntas Cæsaris nihil valeat, ni Ordinum*

dinum voluntas accesserit. Qui etsi propter eminentiam *pro pari & socio æquali*, saltem à singulis, haberi nequeat; ni tamen Ordines ad subditorum classem redigantur, contra Severinum nihil efficitur. Sic inane est, quod noster addit; in rep. fœderata socios *fœderi pro lubitu renunciare*; quod in Germania secus sit. Nam de regulari systemate, & quod prinitus ex fœdere coaluit, sermo non est. Quin nil videtur ob stare, quo minus contrahatur fœdus systematicum æternum, cui singuli pro lubitu non possint renunciare, & si quis ausus id fuerit, à cæteris bello coërceatur. Præterea nemo est, qui Cæsari adimere velit jurisdictionem, quam vi electionis suæ habeat. Sed scopo Severini sufficit, quod illa talis non sit, qualem veri reges in suos subditos exercent, ubi nulla *causarum exceptio*, quam heic noster agnoscit. Qui ita *Judicii Aulici* meminisse debebat, ut Camera Spirensis non plane oblivisceretur. Nexum feudalem uti *quodammodo laxatum* recte agnoscit Noster: ita injuriam facit, si *plane istum sublatum* à Severino asseri arguit. Nam sufficit, quod per istum Ordines ad conditionem subditorum proprie dictorum non redigantur. Licebit quoque Scaren Schmidio per otium ruminari *Grotium de J.B. & P. l. 1. c. 3. §. 11. 16. & 23.* In titulorum formulis frustra arcani quid Noster captat. Quod autem addit *status non nomine solum, sed & re diversam à fœderata & volunt rempublicam, ne si vere in fœdus eat, à regibus minus monarchice tractetur*; id commentum est, in cerebro hominis non ita astuti natum.

In §.3. Scaren Schmidius, quæ de vi investituræ Statuum dicuntur, male porrigit ad Landsassios, in quibus utique nexus feudalis haudquidquam, uti in illis, est *laxatus*. Unde ut investitura parem utrinque vim habeat, non est necessum. Neque tamen ideo eadem *plane frustranea & inanis* à Severino asseritur. Nam ea mediante Status obstringuntur toti corpori, ejusq; capiti, quantum legibus usuiq; imperii congruit, sibiq; vicissim recepta jura atq; commoda stipulantur.

In §. 4. Vitiose inferitur; si per investituram Statibus ditiones suæ non vere conferuntur, sic ut per istam fiat, ut quod antea non habebant, post habere incipiant; ergo nil ex opposito iisdem auferitur, si ob fractam pacem publicam territoriis priventur. Istud tamen recte: *Cæsar minime sibi persuadeat, ex suo quasi peculio Statibus conferri territoria pro lubitu repetenda*. Sed quod additur; *hac non tam ab illo (Cæsare) quam ab Imperio cum amplissima facultate seniunt*; id ambigue dicitur. Si enim hic est sensus; feuda in singulos status conferuntur ab universis Statibus, ex illis bonis, quæ ad universitatem eorundem ut talem pertinent; aperte falsum asseritur, cum ditiones, quæ ad universos ut tales spectant, nullibi extent. Sin autem sensus sit: Imperii seu universorum Statuum voluntatem esse, ut singuli status petita investitura ditiones suas recognoscant tanquam partem Imperii: id dicitur, quod nemo in dubium revocavit. Nec insuper habendum, quod Noster paulo post dicit: eas ditiones *suo modo* ab Impe-

rio per investituram venire. Porro quantum ego video, Severinus coërcitionem Statuum, qui pacem publicam violant, non ex conventionē aut compromisso derivat; sed ita colligit: si in fœdere æquali potest ex conventionē existerē aliqua jurisdictio, quæ turbatores societatis compescat; quanto magis in rep. irregulari, quæ ex regno systema versus degeneravit, ut tamen Status ideo non redigantur ad subditorum conditionem. In sequentibus verbis nescio quid mysterii latitet: Licet ponatur, pœnam in Status pacem turbantes *oriri ex comitiali conventionē Caesaris & Statuum: fundamentum tamen & causa movens est extrinseca pacis publica, intrinsecus autem illius juramenti laeso, quæ si a debet auferri, quod quis sub iuramento investitura & vinculo acceperat, hoc tamen violaverat.* Saltem non adparet, quid contra Severinum inde possit colligi. Denique per investituram Statuum revera conferri ditiones, quas quis ante non habebat, non inde evincitur, quod extinctis familiis principalibus ditiones ad Imperium devolvantur. Nam & simplici pacto hoc caveri potest; tanto magis, idem ut in rep. irregulari sit receptum, fieri potest. Haftenus ergo nihil ex interiori adspectu Germaniæ protulit noster, quod plusquam scholasticas ipsum visiones habere demonstrat.

In §. 5. falso accusatur Severinus, quasi *juramentum a fœderis & fidelitatis confundat.* Id enim vult iste; summum imperium etiam posse competere illi, qui juramento alteri est obstrictus; imo & qui juramentum fidelitatis præstat, si nempe per il-

Iud salva relinquantur talia jura, quæ cum conditione subditi stare nequeunt. Hoc verò non est idem, ac si dicerem; *juramentum homagii sive subditorum intelligitur salvis eorum juribus*. Nam profecto jura illa, quæ subditis proprie dictis per homagium salva reservantur, nequaquam comparari possunt cum illa eminentia, quæ Statibus Imperii Germanici competit. Carpit quoque Severini verba ex c. VI. §. 9. *si tollatur mutua reverentia inter Imperatorem & Ordines Germaniam resera seu in effectu fore corpus aliquod inæquali sedere nexorum*; quia tunc sistetur degeneratio, nec amplius porro aut retro procedet. Quid contra adfert Scaren Schmidius? *Tollantur nunc hæc studia; Germania erit tranquilla*. Qasi verò ubi resp. quædam interna tranquillitate gaudeat, illa irregularis esse non possit, aut systema sociorum inæqualium referre.

In §. 6. inepte petit sibi *foedus ostendi*, cum ad eam difficultatem dudum sit responsum in *dissert. nostra de rep irregul. §. 14.* Jejuna quoque est explicatio formulæ, *foederibus inæqualibus propriæ, comiter alicujus majestatem colere*; quasi ea nihil aliud notaret, quam ut *unus alteri non obnoxius ob inæquales vires, alium potentiores suspiciat & veneretur vel cum vel sine foedere, nullo insuper ad illum habito respectu*. Ast si autores Romanos evolvisset Noster, facile potuisset perspicere, eos, qui comiter majestatem populi Romani colere tenebantur socii, ad plura præstanda obligatos fuisse, quam Status Germaniæ Cæsari, nisi quantum hi ultro consenserint.

In



In §.7. frustra contra *dissert. de Rep. irreg.* §.14. aliqua regerere nititur. Nam ipse fatetur, *Imperii Vinculum quondam fuisse vere monarchicum, sed ubi facta laxatio, Ordines retentos Imperio Vinculo Vasallorum, non subditorum: postmodum eò tunc paulatim se laxavisse nexum, in quibusdam tamen saltem effectibus &c. g. servitiis feudalibus.* Atqui hoc sufficit pro adstruenda irregularitate. Inprimis si id quoque cogitare velit Noster, quod quando *Ordines Imperii majestatis subjectum auxisse* dicit, diverso modo illis majestas communicata sit, & sese per eosdem exserat, quam in aristocratia fieri sivevit, ubi singuli quidem Optimates suffragium ferunt de republica, sed ut ideo à subditorum conditione non eximantur; quod circa Ordines Imperii secus est. Vinculum autem Vasallorum plane defuisse, & in fœdus proprie dictum fuisse mutatum, nemo asseret; cum in eo casu Germania regulare systema futurum esset. *Vasallus* autem, cujus vinculum est laxatum, quamdiu tamen aliquid ejus superest, *necessario* quidem *dispar fœderato*, ut tamen nihil repugnet, ipsum in effectu parum ab isto discrepare. Quin si quis allegatum *cap. 2. l. 2. operis Seckendorffiani* penitus expendere, patebit, id re ipsa nobiscum conspirare. Nam inter quatuor illa, quæ Principibus Imperii ad Soverænitatem, ut hoc vocabulo utar, deesse tradit, primum pertinet ad inæqualitatem; alterum cum fœderis systematici & perpetui natura optime convenit; tertium omnibus fociis commune est; quartum ex regno superest, sed satis temperatum, unde

de irregularitas reip promanat. Igitur impugnantur sola vocabula, quia ista in vulgatis libellis politicis non inveniuntur, ubi etiam de systematibus civitatum altum est silentium.

In §.8. denique fatetur Noster, *fæderis simulacrum adparere in externa Imperii facie*. Sed quam prope ad indolē fæderis, aut regni intrinsecus nexus accedat, ex collatione doctrinæ civilis cum legibus Imperii fundamentalibus, ac recepto agendi & tractandi more ostendit Severinus. In fine prioribus Severini oppugnatoribus argumentum subsidio Noster mittit, cujus fragilitas clarius adparebit, si observetur; fucum fieri ambigue adhibito vocabulo *majestatis* aliquando pro summo imperio in sibi subiectos, aliquando pro eximio quodam splendore. *In fædere*, inquit, *qua tali, non est accurate majestas, sed est in singulis fæderatis, non tamen ut talibus*. Id est, eo ipso, quod quis alteri fædere tantum jungitur, neque in eum accipit imperium, neque ejusdem imperium suum subit: sed quod antea habuerat in suos summum imperium, retinet. *Sed in Germania*, pergit, *qua tali sc. universim sumta, est majestas, qua non datur in singulis ut talibus, verum universis*. Hujus effati triplex esse sensus potest. Si enim hoc ita intelligatur; Cæsar & universi Ordines habent summum & regium imperium in singulos Ordines; tunc Ordines ad subditorum proprie dictorum conditionem rediguntur. Quod si hic sit sensus; Cæsar & Ordines conjunctim sumti habent splendorem & auctoritatem, quæ singulis non competit; tunc nemo

mo est, qui contradicat. Ast si hoc Nosser velit; singuli Ordines non habent sumum & independens imperium, sed conjunctim sumti remp. independentem constituunt: tunc ex mente Severini est observandum, Cæsari, etiam, ut est Rex Bohemiæ & Archidux Austriæ, summum imperium seu majestatem derogari non posse, juxta tradita a Severino c. 2. §. 4. Cæteris autem Ordinibus ut singulis non quidem perfecte summum imperium competere, ut tamen ad idem non adeo multum ipsis desit, juxta c. 5. §. 28. Et hæc causa est, quare ex ejusmodi partium conjunctione non regnum, non aristocratia, non perfectum systema sociorum, sed respublica irregularis resultare queat.

Enimvero in *cap. VI.* pressius nos aggreditur, & rempublicam irregularem plane negat dari. Ubi in antecessum monendum est rempubl. irregularem, & vitiosam aut morbidam nobis unum & idem non esse. vid. *dissert. nostra* §. 2. Quin & ipsam irregularem remp. in suo genere pulcram & firmam haberi posse, etsi illis, qui non nisi simplices aut regulares respp. norunt, saltem primo intuitu vix aliter quam monstrosa videri queat. Deinde observandum, regularitatem civitatis à nobis constitui in unitate velut voluntatis publicæ, ex qua publicæ actiones profluunt, ut ubi regularis monarchia est, omnes actiones publicæ ultimato à voluntate Regis proveniant; in aristocratia autem & democratia regulari eadem ab uno concilio proficiantur, in quo majoris partis consensus etiam pauciores dissentientes obligare possit, Regulare



autem systema est, ubi extra id, de quo in fœdere conventum fuit, per cæteros nemo obligatur, nisi quantum ipse consenserit; & ubi libertas singulorum per nullam speciem principatus, aut eminentiam unius præ ceteris delibatur. Unde quid irregulare sit, facile colligitur. Quibus præmissis patet, falli Nostrum dum remp. irregularem cum morbida confundit. Deinde quod addit, illas resp. à me regulares asseri, quæ *pure* monarchicæ, aristocraticæ, aut democraticæ sint: id hætenus tantum admittitur, si & pure opponatur mixturæ, quam vulgo comminiscuntur; non autem si opponatur limitationi, per quam nuspiam assero irregularitatem introduci. Denique miror, quid homini in mentem venerit, dum ait; *sine dubio meam me sententiam ex illo duxisse principio: omnes inter gentes aut unus, aut plures, aut omnes imperant.* Cum regularitatis fundamentum à me sat clare sit propositum d. l. §. 5.

His positis facile patet, quam monstruosum Nofter in §. 3. proponat ratiocinium. *Aut igitur illa regula est imperfecta, aut continet etiã resp. licet non plane simplices, quas vocant irregulares.* Nam ego fundamentum regularitatis non in enumeratione trium formarum simplicium, sed in unitate voluntatis publicæ constitui. Ergo si quid volebat agere Nofter, ostendendum erat; nullam dari rempublicam, in qua voluntas publica seu principium actionum publicarum non sit perfecte unitum; aut nihil interesse, utrum illud sit unitum, an minus. Unde & nihil ad rem facit, quod

Sca-

Scarenschmidius blaterat : *Sunt & fuerunt optima resp. nec confederata, nec pure monarchica, aristocratica aut democratica : quæ tamen non morbose, aut irregulares fuerunt, licet ab ista regula deflecterent.* Sed & in eo ratio Nostrum fugit, quod arbitratur, *si ponamus omnes simplices civitates esse regulares, inde consecuturū, regularem quoq; fore rempublicam, quæ ex duabus simplicibus temperatur.* Quod æque ineptum est, ac si dicerem ; omnis homo regularis est aut mas aut foemina: igitur & androgynus est homo regularis. Non enim si simplicia sunt regularia, etiam quæ ex illis quovis modo componuntur, aut aliquid trahunt, erunt regularia. Quid denique vitiligitat Noster, si tandem ultro fatetur, Germaniam esse *irregularem monarchiam* ? Si enim monarchia irregularis datur, etiam resp. irregularis dabitur. Si Scarenschmidius est importunus homo ; idem quoq; erit importunū animal. Nam illud somnium est : *remp. irregularem plane & in totum à regula deflectere, & contra præcepta politica & rerump. tendere.*

Ad §. 4. tædet toties repetere, irregularitatem & morbum mihi non esse unum & idem. Etsi ut eadem resp. irregularis simul & morbida sit, nihil repugnet. Nec inficior multorum populorum genio & conditioni irregularem magis, quam exacte regularem formam congruere. Sicuti & Solon apud Plutarchum rogatus, ecquid optimas leges populo Atheniensi scripssisset, *optima, inquit, quas accepturi illi erant.* Unde si quis dixerit à Solone rempublicam Atheniensem factam aut relictam ir-

regularem, neque hæreseos, neque læsæ majestatis, ideo reus erit. Quin nec eo ipso aliquid detrahitur, de opinione sapientiæ, qua vir iste apud veteres floruit. Nam sæpe turbis reip. internis medicina aliter fieri nequit, quam recepta aut confirmata irregularitate. Ut autem Noster temp. Athenien- sium in exemplum boni regiminis venditet, per me licet, si remtorem invenire queat. Idem respon- sum habeat ad exemplum de rep. Spartana, de qua §. 5. garrit. Nam potuit Sparta esse Græciæ oculus, & nihilominus potuit irregularis esse. Dantur oculi etiam distorti, & lippientes. Et hoc ipsum agnoscit *Contarenius* supra Nostro laudatus, mix- turam talem ibi fuisse dicens, *ut bene dignosci ne- queat, sub quam gubernationis specie fuerit ea resp. collocanda.* Id quod infallibile irregularitatis signum est. Quæ deinceps declamare instituit de rep. attemperanda magis ad genium & conditio- nem populi, quam regulas simplicium formarum regularium, aërem feriunt; cum nemo sit, qui con- trarium doceat. Et ipse Severinus fundamentum rationis status in Germania ponit; præsentem Im- perii formam esse conservandam, neque conan- dum, ut in regularem monarchiam reformetur. Sic & architectus suo officio bene fungitur, si mu- nitiones ad genium loci attemperet, operam lusu- ras, si invita velut natura regularem munitionem molitur. Neque ideo tamen regulare sese opus extruxisse gloriabitur.

In §. 6. non sine fastu crepat : *regulares respp. magnas communiter pati consulsiones, dum plu- rimum*

*rimum ab una in aliam tendunt simplicem formā.*  
 Sed num hoc à regularitate? Num & defunt exempla rerump. regularium, quæ continuas illas revolutiones non senserunt, sed per multa secula florentes perfliterunt? Concidunt aut capiuntur etiam regulares munitiones, Sed num facilius quam irregulares? Ac sane corripitur morbo resp. regularis, sed cui alio modo quam inducta irregularitate medicina fieri queat. Nec minora mala sunt, quibus irregulares urgeri possunt. Nec tamen ideo minus regulares dicendæ sunt resp. simplices, quia summa potestas nullis legibus limitata facile ob pravitatem ingenii humani in abusum, patet. Sed quod Noster exemplum potissimum reip. Rom. vult ostendere, resp. simplices & regulares perpetuis motibus esse obnoxias, id erubescendæ ruditatis argumentum est.

In §. 7. non sine arrogantia Scarenſchmidius querit; *Quis Soloni Lycurgo vè objic at, ex regulari formasse irregularem & morbosam rempublicam?* Scilicet nescit sciolus, corruptissimum fuisse; Athenis ante Solonem reip. statum; cui medicinam afferebat Solon, qualem præsentia tempora ferebant. Spærtæ autem status etiam ante Lycurgum irregularis erat ob binos reges. Ergo hic Spartam non irregularem fecit, sed reliquit. Cujus omnia instituta ne Aristoteli quidem probantur; velut quod Senatui, quem limitando regum imperio instituerat, nimiam potestatem concesserit. Ephori autem post Lycurgum introducti à rege Theopompo; qui male judicabat, istos ad diuturnita-

nitatem imperii regii facturos, cum revera iidem postea gravissimis motibus causam dederint. Igitur debebat Doctorandus Jenensis minus fastidiose adspernari pulverem illum, in quo diu adhuc ipsi hærendum erat, si vel vulgarem eruditionis cultum capeßere volebat. *Politici intentio est, pergit, ut per formam seruetur resp. non regula. Periclitetur hæc, dum illa salva sit, & ita sat regularis fuerit.* Quasi non satis notum fuerit, antequam Scarenschmidius fringultire inciperet, quod forma reip. ad conditionem populi sit adaptanda, & quod salus reip. longe ante regularitatem sit. Nec eo minus tamen firma persistit divisio inter resp. regulares & irregulares. *Divisio, inquam, quam imperite velut regulam quandam seu axioma traducit.* Noster, ac si per modum præcepti à nobis inculcaretur; omnes civitates regulares esse debere, aut ad regularitatem reformari. Quod asserere nemini in mentem venit. Addit: *ista enim regula à posteriori nata, natis jam rebus publicis.* Quid tum? quasi non & ædificia, & munitiones dudum extructæ fuerint, antequam architectura in formam artis redigeretur; aut quasi domos non inhabitarent homines, antequam Vitruvius scriberet. Num tamen ideo minus pronunciare licet, quæ structura regularis sit, quæ irregularis? Aut ideo minus potuit constitui discrimen inter ea, quorum omnes partes sibi accurate respondent, & ubi hoc non deprehenditur? Porro uti non quodvis temperamentum summi imperii divisionem producit, ac principium actionum publicarum multipli-



tiplicat : ita quæ intra divisionem temperantur ac limitantur respublicæ, à regularium classe non excluduntur. Sed ut per ejusmodi temperamentum, quod divisum reddit imperium, ac voluntatem publicam unam non relinquit, irregularitas in rep. produci dicatur, ratio gravissima urget. Quia ubi semel ab unione est discesum, non solum indefinitis modis potest fieri divisio, sic ut irregularitatum certæ constitui species nequeant, nec generales iis regendis regulæ præscribi, quod cuilibet illarum peculiaris sibi via & ratio sit sequenda : sed etiam publica voluntas ob divisionem sat inhabilis sit ad producenda uniformia & firma decreta ; dum singuli ex illis, qui de publica voluntate participant, nemini sese absolute submiserunt, sed non alia lege circa negotia publica consentire volunt, quam prout sibi in præsens expedire videtur, præsertim ubi singulorum status diversis commodis innititur. Cum ergo tam manifestum in ipsa re discrimen hanc distinctionem fundet, miranda est petulantia juvenuli, quod de pulvere, de visione scholastica, de linea pedantaria gannire non erubescat, cui fortasse ante triennium nates adhuc à virgis rubebant. Et qui supra in gratiam definitionis Aristotelicæ omnes regnicolas servorum publicorum nomine infamare non dubitaverat, jam cornua etiam Aristoteli obvertit, eundemque *nec formasse, nec gubernasse, & ere temp. crepat.* Nimirum quia Scaren Schmidius diu ad clavum magni alicujus imperii sedet.

In §. 8. consēctarium sapientiæ hætenus expositæ

positæ subjungitur: *nullam reip. formam in se esse proprie vitiosam, nisi plane sit contra finem existatis.* Quæ assertio distincte est consideranda. Si detur aliqua forma reipublicæ, qua stante finis civitatis in universum, (qui est securitas inter cives; & contra externos defensio,) plane obtineri nequeat; ea utique plane vitiosa erit habenda. Sic & ubi forma aliqua in se bona genio & conditioni populi non quadret, eam isto respectu vitiosam dici nihil prohibet. Quin & si alicubi sint ejusmodi limitationes summi imperii, per quas negotia publica difficulter & tarde expediantur, ac sæpe exitum invenire non possunt; quis negaverit, ipsam formam vitio aliquo laborare. Unde fallitur Noster si credit, *ex solo subjecto majestatis morbos in reip. oriri.* Nam præter vitia hominum etiam vitia status dari constat. An autem illimitatum magis quam limitatum imperium in abusum pateat, alia quæstio est, quæ ad nostram distinctionem nihil pertinet. Id tantum addiderim, etsi quantivis esse debeat, præcipiti imperio, ac temeritati in consultando & agendo obstaculum poni: hoc tamen faciliore ratione, quam introducta irregularitate obtineri posse.

Cæterum in eo Scaren Schmidius cum reliquis, qui mea scripta allatrant, amice conspirat, quod de suis somniis mihi affinxit, de quibus nunquam mihi dictum aut cogitatum est. Excipias Pufendorfius, inquit, eo sibi vocari resp. *irregulares aut morbidas, quod uni ejus regula membro non accedant.* Ubi hæc sententia in meis scriptis extat

Sicuti

Sicuti & nuspiam ego *irregularitatem aestimavi ex inconcinna resp. administratione & actione* Per isthæc porro, quibus irregularitatem in quibusdam reip. formis à me assertam destruxisse sibi videtur Scarenschmid, Severinum quoque jugulari arbitratur; qui *tantum non monstro similem* dixerat remp. quæ neque systema proprie dictum, neque monarchia aut aristocratia absoluta aut limitata est, & super cujus forma rite definienda tantæ hæcenus lites agitatæ sunt. Quod vocabulum citra omnem injuriam positum nihil aliud notat, quam insignem aliquam & inusitatam irregularitatem, præsertim cum morborum velut agnina, & partium in diversa commoda tendentium studia eandem comitentur.

In §. 10. demum novum dogma politicum promulgat Noster non pulverem, sed ambram & zibethum olens. Distinguit res in *separatas, & sociatas in systema*. *Separatas* iterum dividit in *puras & temperatas*. Has vocat, ubi monarchia per aristocratiam, vel hæc per democratiam, aut per hanc illa mitigatur, ita ut plura hic sint majestatis supposita, duabus ad minimum classibus in participatione, sibi quodammodo contradistincta, & injuriis reip. simul vel separatim exercentes una alteri robur aut impedimentum. Ad hos flosculos aulicos repono; temperamentum proprie pertinere ad limitationes illas quibus summum imperium in exercitio actuum publicorum dirigitur, certisque legibus adstringitur, sic ut v. g. temperata monarchia idem sit, quod limitata, absoluta



lutæ opposita. Quod si autem temperamentum ad divisionem summi imperii, publicæq; voluntatis extendatur, tunc istud magna intemperie laborare pronuncio. Si tamen & isthanc divisionem vocabulo temperamenti comprehendere Scaren-  
schmidio placeat, rogabimus scientiæ civilis Dictatorem, velit distinguere inter temperamētum, quod imperium relinquit indivisum; & illud, quo imperium in plura subiecta distribuitur; simulque benigne pati, ut nos posteriore modo temperatas resp. irregulares vocitemus. Sed nec illud ægre ferat, si negemus, in Germania temperamentum monarchiæ ex aristocratia esse; cum nec status Germaniæ Senatorum aristocraticorum, nec comitia senatus aristocratici instar habeant; quod dudum ex Monzambano didicisse poterat.

Circa ultimum caput, quod *de Rep. Temperata* inscripsit, non est, quod multum laboremus. Fate-  
mur nos in admirationem rapi istius declamationibus; quia nimirum enormes vanitates quandoque miraculo sunt. Nam uti multum ex somnio habent, quæ super origine istius temperamenti in Germania muginatur; ita longe efficacioribus argumentis idem comendandum erat, ut aliæ quoq; resp. id ultro imitari vellent. De cætero graviter videtur peccare Germania, quod Scaren-  
schmidio summam consiliorum directionem, aut saltem eorum executionem non committat. Nisi forte ferocia hominis est suspecta, utpote qui dolio Cynico abditus magnorum Regum fata arbitratur. Ubi ipsum delirio suo immersum relinquimus, Bene-  
volum

volum interim Lectorem rogantes, ne otio nos abufos judicet, quod hoc operæ fumerimus circa vani hominis nugas convellendas, quæ alias nihil refponfi merebantur. Nam faltem humanitatis officium videbatur, juvenculo præcocem nimis fapientię perfuafionem excutere, poftquam medicis ipfum uti valde inclementibus adparet, qui tam diu præturgido ejus lieni remedia adhibere neglexerunt.

## APPENDIX.

**Q**Uoniam animadverto nonnullis circa doctrinam noſtram *de Origine moralitatis in actionibus humanis*, de quibus ſolis diſquirere nobis propoſitum fuit, ſerupulum hærere, nonneminem quoque inficetis clamoribus eandem impugnatum ire; viſum eſt hoc loco mentem noſtram denuo, quanta fieri poteſt perſpicuitate, exponere, ſi forte quibusdam hominibus pudor incuti poſſit. Primo omnium igitur diſtinguimus inter id, quod in actione humana eſt phyſicum, & quod in eadem eſt morale. Phyſicum iſtud, ſeu actionem hominis, quatenus præciſe conſideratur ut motus alicujus facultatis naturalis, abſtrahendo à rectitudine & pravitate, dicimus eſſe moraliter indifferentem, id eſt, neque bonam neque malam. Id quod omnes Theologi agnoſcunt, quando circa peccatum diſtingvunt inter motum phyſicum, & *αὐτὴν ἡ ἐκείνη*, & hanc ſoli homini tribuunt, ad illum autem Deum, tanquam conſervatorem naturæ

naturæ influere docent; quod citra blasphemiam asseri non posset, ni motus iste physicus moraliter foret indifferens. Et res ita manifesta est, ut nemini sano dubium heic oriri queat. Cum enim dentur actiones, in quibus motus physicus plane unus est & idem, quæ tamen moraliter sunt diversissimæ, & una in bonarum aut licitarum, altera in malarum classe locum sortiatur; necessum sane est, ut motus ille physicus sese ad bonitatem & malitiam indifferenter habeat. Sic occidit hominem latro, carnifex, miles, occidit alius defendendæ adversus vim suæ vitæ causa. Latronis actio scelus est; cæterorum factum bonum, aut saltem licitum. Igitur actus physicus in cæde est utique aliquid indifferens. Et sic in cæteris.

Deinde distinguimus inter vocabula & phrasas, quæ nutum motum physicum notant, & quæ integram actionem moralem, seu motum physicum cum moralitate junctum exprimunt. Ad priorem classem pertinet v. g. colere, honorare, opus facere seu laborare, homini vitam eripere, concumbere, rem loco movere, loqui, cupere, edere, bibere, & similia. Eorum autem, quæ ad alteram classem pertinent, plenum indicem texera operosum juxta foret, atque supervacuum, cum nemo sit tam stupidus, quin intelligat, actiones morales, bonas aut licitas esse v. g. Deum colere, honorare parentes, Reges, opus facere suæ vocationis & recto tempore, fontes punire, fortiter se gerere in bello justo, uxori suæ cohabitare, rem suam alienare, loqui veritatem, cupere virtutem, edere & bibere

moderate, &c. contra morales actiones malas esse, colere diabolum, aut idola, satagere circa aliena, opus facere die sabbati, homicidium, latrocinium committere, scortari, adulterium, incestum patrare, furari, mentiri, calumniari, cupere uxorem alterius, edere, bibere immoderate &c. Quæ cum ita plana & perspicua sint, mirum est, tantam vel stupiditatem vel calumniandi rabiem in ullum mortalium posse cadere, ut clamare non erubescat; *adulterium, homicidium, furtum à me pro actionibus indifferentibus haberi.*

Quod si autem ulterius investigemus, in quanam consistat actionis humanæ moralitas, seu quidnam sit illud, per quod motus physicus indolem actionis moralis induat; deprehendimus id nihil aliud esse, quam quod ista à principio libero ut tali procedat, cui tamen insit necessitas quadam intrinseca seu obligatio, actionem certo modo & ad certam normam dirigendi. Ea directio ubi ab agente debito modo facta fuerit, sic ut actio examissim ad normam congruat, ea bona & honesta vocatur; ubi à norma aberratum fuerit, mala & turpis audit. Si enim peccatum seu mala actio est *avopía*; etiam bona actio erit aliquid legi seu normæ congruens.

Cum porrò in hominè præter obligationes, quæ ex imperio aliorum hominum proveniunt, citra factum quoq; humanum obligatio ad certas actiones suscipiendas aut omittendas deprehendatur; circa investigandam hujus originem ultimo demum ad DEUM O. M. tanquam conditorem generis hu-

humani recurrendum nobis videtur. Huic enim cum pro immensa sua bonitate & sapientia placuisset hunc orbem terrarum nō à solis brutis incolis, sed etiam abs tali creatura, quæ ipsum agnosceret coleretq; ac certo inter se more viveret; inde istam creaturam idoneis ad hunc finem dotibus instruxit, regendisq; actionibus obligationem legemq; præscripsit. Neq; enim ullo modo nobis videtur congruere, ut hæc obligatio ex alio fonte, quam ipse homo, derivetur. Sed qui conditor est humani generis, autor quoq; obligationis in homine, legisque naturalis habetur; & qui hominem erectos ad sidera vultus gerere iussit, idem quoque data ipsi lege efficit, ut non omnes actiones huic forent indifferentes. Ubi tamen non est cogitandum, distincta per decreta Deum constituisse primo creare hominem, ac velut ex intervallo, & præmissa nova deliberatione, idem rationalis ac socialis, an vero animal irrationale ac insociabile sit futurus, socialem esse demum iussisse, ut tamen eundem insociabilem quoq; potuerit creare & ex legem. Nam hoc modo per summam absurditatem Deus sibi ipsi repugnare fingeretur. Cæterum uti omnes fatentur, Deum ex liberrimo beneplacito universum hoc condidisse; ita & eidem acceptum refert homo, quod à Deo conditus sit. Et quia nullum principium extra Deum statui potest, quod ipsi formas rerum suggererit; inde uti quælibet creatura à Deo habet quod sit, ita & ab eodem habet, quod talis condita sit. Adeoq; in homine obligatio ad observandam legem, & ipsa lex, & quæ d

istius



actiones certas inde affectiones possunt sortiri, non ex diverso principio debent derivari, quam ex beneplacito Dei, cum sapientia & bonitate summa conjuncto. Sic ut quicquid est necessitatis in homine ad moderandas certo modo suas actiones, & quicquid in ipsis actionibus est habitudinis, juxta quam ad legem componi queat, ultra creationem non sit retrahendum, abs qua divina voluntas nequaquam excludi potest. Neque tamen eo minus & obligationi hominis & legi inconcussa stat firmitas. Non enim Dei voluntas ita vaga & desultoria cogitanda est, sicut hominum in diversa & sæpe sibi repugnantia volubilis animas; sed ad quem finem semel eadem sese determinavit, ad eum assequendum pro ipsius sapientia & bonitate constituta media non minore, quam ipse finis, firmitate gaudent. Istam ergo sententiam, scriptis nostris sat perspicue propositam, oppugnare apertâ via instituit *Valentinus Velthemius*, Professor Jenensis. Cui quidem si ad hanc disceptationem vel ingenii quid & eruditionis, vel saltem candorem attulisset viro honesto dignum, ultro gratias agerem, quod occasionem præberet tam nobili quæstioni illustrandæ. Sed cum eundem audiam diris clamoribus & calumniis in tam celebri loco meæ famæ insultare, non mirabitur, si talis à me habeatur, qualem sese exhibet; qui scilicet in stola stentorea voce, & impudentia omne suum præsidium collocat, securus existimationis, quam nullam habet. Iste igitur voluntatem Dei ab origine obligationis in homine, legisque natu-

Dd

ralis

ralis humanæ, nec non moralitatis in actionibus humanis exturbare omnibus viribus conicitur; & contra tanquam lapidem angularem omnis juris naturalis ponit hanc sententiam; *dantur actus PER SE honesti ac turpes.*

Ut igitur hæc lis super vocula *per se* ordine disceptetur, primo omnium videndum est, cuinam rei ista opponatur. Si enim hæc propositio accipitur ex mente Aristotelis, qui τὸ δίκαιον φυσικὸν opponit legibus civilibus & positivis, quæ non ubique valent, quæque ex impositione humana, conventionem aut opinione oriuntur, mihi non contradicitur. Sed si τὸ *per se* nostræ sententiæ opponitur, eo termino excludetur voluntas Dei cum sapientia & bonitate conjuncta, ejusque beneplacitum, definitio, atque impositio tunc facta, cum Eidem libere genus humanum condere placeret. Ergo ex mente Velthemii Deus quidem dedit homini ut sit; sed ut talis sit, nempe legi obnoxius, non dedit. Num igitur homo citra Dei voluntatem semetipsum in animal sociabile finxit? Aut num aliud extra Deum fuit principium, quod formas rerum ipsi invito obtruderet, ei que nil nisi materiæ adaptationem relinqueret? Aut actus illi citra ullam operam legislatoris seipsum determinant? Aut ut quis sit subditus legique obnoxius, non amplius legislatore opus est?

Deinde revera inepte propositio hæc concipitur sine mentione subjecti, cui actus illi honesti aut turpes esse dicantur. Nam sane nulli dantur actus, qui pecori per se, aut alio modo sunt honesti vel

turpes. Sed addito subjecto habili omnis controversia tollitur. Nam ambabus manibus largimur hanc propositionem; dantur actus, qui per Deo non conveniunt, seu qui salva ipsius perfectione, & citra contradictionem in eum cadere non possunt. Amplectimur etiam hanc; dantur actus per se honesti & turpes homini, i.e. qui posita hac conditione & natura hominis non possint non eidem congruere vel non congruere. Et revera qui istam propositionem ita nude enunciant, non animadvertunt, sese tacite istorum actuum honestatem & turpitudinem ad naturam hominis referre, ac eandem judicio humano, utique sensu legis naturalis imbuto, metiri. Imo id ipsum aperte profitentur, dum huic propositioni probandæ ad rectæ rationis iudicium provocant; quod sane non aliunde, quam ex collatione certi actus cum conditione humana promanat. Quoniam autem conditio hominis primæva beneplacito Creatoris ipsi assignata est, qui cum comparati actus humani honesti aut turpes dicuntur, frustra principium moralitatis in actibus humanis fingitur, quod voluntatem Dei antevertat. Imo cum ipse Velthemius *dissert. sue* §. 28. & 29. jus naturale dividat in *creatum* & *in creatum*, quomodo ab isto voluntas Creatoris excludi possit, nisi Stoica necessitate ipsum ad creandum coactum dicas?

Ratio autem, quare tanto ardore isti homines ab origine moralitatis voluntatem Dei exclusum eant, non alia est, quam quia isthanc ad humanæ voluntatis modulum exigunt, quæ rectæ rationi



crebro lolet obluſtari. Inde metus eſt, ne forte abſurda aliqua mutatio in lege naturali exiſtat, Deo voluntatem ſuam mutante: eoſque aliqui conſequentias, juris naturalis firmitatem deſtruentes, ſtolide amiſerunt; quidam ab aliis ſibi tales per calumniam obtrudi ſunt queſti. Enimvero mihi non eſt dubium, quin ſapientia, bonitas & perfectio divina divinis placitis ſat firmitatis addat. Ac ſi à libertate voluntatis divinæ mali quid mortalibus immineret, non juſſiſſet nos Salvator orare; *ſiat voluntas tua*. Niſi forte Velthemio pro illa clauſula ſubſtituere placet; ſiant quæ per ſe & ſua natura ſunt neceſſaria. Sicuti quondam in Anglia Cromwellii tempore nonnullos tantum odium gubernationis regiæ ceperat, ut nollent amplius dicere, *adveniat regnum tuum*; ſed potius videbatur: *adveniat respublica tua*. Et ſane quantam hoc veſaniam arguit, quod Velthemius diſſertatione quadam *de juſto dolore* non exhorruit dicere; *ſcite diſſeri* à Grotio in *prolegomenis*, fore ut jus naturale ſtringat gentes, etiamſi daremus, Deum non eſſe, aut non curari ab eo negotia humana. Ergo & hoc ſcitum dogma Velthemio videbitur; huic univerſo integritatem & ordinem conſtare poſſe, ſi vel maxime Deus hoc univerſum non creaffet, aut ſi idem plane extra mundum relegetur. Eo abſurditatis demum devolvuntur, qui circa calumniis aliis intentandas tantopere laborant!

Videamus nunc, quid Velthemius in *priori diſſertatione ſuper hac quaſtione* nobis opponat. In cujus præœnio monet, maxime appoſitam ſibi  
viam

viam videri ad investigandum jus naturale, *contemplari naturas actuum*, qui objectum ejus juris constituunt, in iisq; fundatam obligationem. Ast ni actus illos compares cum conditione humanæ naturæ, nihil ages. Nec obligatio in actibus, sed in jussu legislatoris fundatur. In §. 2. explicat terminos quæstionis. Ac circa vocabulum *actus* in fausto omine eadem se fraude illigat, ob quam alius jam non mediocriter vapularat, dum exempli loco subjicit, *tolere Deum, honorare parentes, omittere furtum, homicidium*. Si enim hanc thesin oppugnat Velthemius, quod motus physicus sit indifferens; per summam ruditatem aut malitiam adducuntur exempla actionum quam maxime moralium. Sin vero id displicet, quod ab origine moralitatis in actionibus humanis voluntatem Dei non excluderimus, tunc ex Velthemio scire velim, an non lumen intellectus requiratur in eo, qui cultum & honorem alteri exhibiturus est. Sane enim inter bruta neq; cultus divinus, neq; honor parentum reperitur. Num ergo citra voluntatem Dei homo lumen intellectus nactus est, cultui divino subservituum? Aut num usus istius luminis citra beneplacitum divinum per se provenit? Sed & propriam causam destruit Noster, dum §. 3. *honestum* dicit id, quod *recte rationi ut tali convenit*. Nam quando ad rectam rationem provocatur, præsupponitur, eam cognitione legis naturalis imbutam. Neq; ejus rectitudo aliunde potest æstimari, quam quod ex contemplatione conditionis humanæ legis naturalis dictata, adeoque jussum

& beneplacitum Creatoris, bene ratiocinando colliget. Unde etiam si indifferentia motus Physici oppugnatur, contradictorie status quæstionis formatur. Sin beneplacitum divinum ab origine moralitatis removetur, nimirum invito Numine rationem suam possidet Velthemius. Vocabulum *debiti & moraliter necessariis*, ubi de homine sermo est, principium utique velut debitionis & necessitatis involvit; quod sane non est vocula *per se*, sed decretum & voluntas legislatoris, per legem dec'arata.

Porro circa statum controversiæ, qui proponitur in §. 4. & 5. notandum, quæstionem restringendam esse ab hominum actiones, de quibus solis mihi sermo est. Unde male Velthemius ita indefinite loquitur; *num ab agentis libero arbitrio qua tali procedentes actiones dentur, qua ratione sui citra impositionem conveniant recta rationi?* Nam si actiones Dei & hominum eadem classe vult censere, & in majestatem divinam injurius est, & improbe dicta nostra cavillatur. Deinde & hoc probe notandum, vocabulum *impositionis* non ita strictè, ut à plerisq; nobis accipi pro ejusmodi determinatione, quæ citra fundamentum in re ex solo lubitu imponentis provenit. Sed ea quoq; ex impositione nobis esse dicuntur, quæ ex posita voluntate ac dispositione auctoris non possunt non consequi, siquidem ille sibi ipsi constare debet v.g. Ponamus architectum constituisse domum extruere in habitationi hominum servituram. Heic necessum utiq; est, ut ejus ædificii partes aliter dispon-

nan-

nantur quam haræ aut ovilis. Quis negaverit tamē istam constructionem esse ex impositione architecti; Qui si haræm aut ovile ex mera sua impositione prætorium esse velit, delirare censebitur. Unde alia nobis impositio est, quæ nil nisi merum placitum imponentis præsupponit; alia est, quæ provenit ex necessitate hypothetica, sive per consecutionem necessariam eorum, quæ prius ab eodem determinata sunt. Quarum hæc in actibus humanis ad legem naturalem spectantibus, illa in legibus & institutis positivis cernitur. Sic ut Velthemium ratio vehementer fugiat, dum putat, si nulli actus sunt per se honesti aut turpes citra impositionem divinam, æque facile Deum quævis peccata posse licita declarare, utq; Princeps gladii usum, aut bombardæ dislosionem in urbe vetare aut permittere potest. Unde satias erat quæstionem ita formari: Num natura hominis ita si a Deo formata, ut posita ea conditione non potuerit non necessitas moralis ipsi injungi certos actus suscipiendi aut omitterendi? Sic enim nulla futura erat controversia cum hoc ipsum non passim inculcemus.

Cæterum jam copijs suas contra nos in aciem producit Velthemius, & in §. recoquit objectionem in meo opere propositam l. 2. c. 3. §. 4. p. 162. ad quam dum ego d. l. respondeo, putat me contradictione involvi hisce verbis; *Postquam Deus destinaisset hominem creare animal rationale ac sociale, non poterat non lex naturalis ipsi congruere, non ex necessitate absoluta, sed hypothetica. Si enim IS* (in hac vocula Nostro omnis spes victo-

riæ reposita est.) *ad contraria officia fuisset adstrictus, non sociale animal, sed alia feri & horridi species animantis fuisset producta.* Inde Velthemius §. 12. exclamat *me respondisse, hominē dupliciter spectari posse, 1. ut Deus eum destinaret creare animal rationale ac sociale. 2. ut Deus eum potuisset ferum & horridū animal producere.* Ast mi Velthemii, injuriam tibi non facio, si dubitem, num non modo rationis vox & sensus sed & probitatis quid ac frōtis tibi adsit, quousque liquido ostenderis, ubinam locorū in meis scriptis ista duplex hominis consideratio occurrat. Ib. ponitur & hæc assertio: *Postquam Deus decreverat creare hominem, in liberrimo Dei beneplacito fuisse, qualem naturam homini voluerit assignare num animalis rationalis ac socialis, an naturā animalis horridi & feri.* Item: *Deus potuit creare hominē, & potuit velle creare, ut tamen in beneplacito ipsius adhuc fuerit, qualem naturā homini vellet assignare, num animalis rationalis ac socialis, an feri & horridi.* Quæ asserta quod Velthemius *vanissima ac falsissima* pronunciet, magnopere probo; cum ea non mea sint, sed ab ipso conficta. Ac mirum est, quam universa syophantarum natio in hoc amice conspirat, quod ex aliorū verbis mire contortis falsam thesin concinnent, quam dein magnis clamoribus impetant, revera propriis cum larvis luctati. Et quantum vel stuporis vel malitiæ in talem cadit, qui tam planam sententiā vel capere non potuit, vel ita fœde detorquere non erubuit. Sane postquam Deo placuit post cœtera animantia eminentius hisce creare,

uno

uno eodemque decreto, & ut esset, & ut talis esset, constituit. Nequaquam autem decrevit prius creare hominem, & ex intervallo, postquam de conditione ipsi assignanda in ambiguo hæssisset, demum decrevit eundem facere rationalem ac socialem. Est enim hoc ex imperfectione intellectus humani, ut priori loco genericam alicujus rei naturam, & inde specificam concipiamus. Quale quid de Deo circa creationem hominis fingere divinæ essentia perfectioni repugnat; & in se absurdum est duo heic decreta comminisci, cum *Tò* rationale ac sociale esse, in definitione hominis contineatur. Quod si *Parans* aut alius absurdi quid heic admittit, eoque nomine convitiis fuit proscissus, id me quidem profecto non tangit aut angit; quin jure optimo maximo ista elogia Velthemius sibi vindicare potest. Cæterum si quis nolit adquiescere, quod sciat; ideo legem naturalem, regulam honesti & turpis, necessario in hominem cadere, quia Deus ipsum creaverit rationalem & sociabilem: sed ex supervacua curiositate quærat; quid si Deus creasset hominem adstrictum ad ejusmodi legem naturalem, quæ ei, quam nunc habemus, contraria præcepta contineret? ei respondemus, hanc questionem absurdam & contradictoriam esse. Si enim ponere velis, eum ad contraria officia fuisse adstrictum, non is homo, qui ex destinatione Creatoris animal sociale est, sed aliud horridum ac ferum animal esset. In qua responsione vocula *IS* neque notat, neq; notare potest verum hominem, qui utiq; rationalis ac socialis est, sed fictum aliquid, quod



absurdæ quæstionis ergo tantisper supponitur, hoc sensu: si vel maxime ponas animal membris & forma homini, qualis nunc est, simile; is non verus homo erit, sed aliud ferum & horridum animal. Exemplo rem illustrabimus, si forte quis ingenio sit ita stupido, ut hæc capere nequeat. Ponamus figulum constituisse amphoram effingere. Si quæras, utrum is amphoræ possit formam urcei tribuere; negamus id fieri posse; quia si ista urcei formam haberet, amphora non esset. Quis heic dixerit, amphoram duplici modo considerari; vel ut habet figuram amphoræ, vel ut potuerit habere figuram urcei; Afferamus aliud exemplum, quod fortasse magis sit ad captum Velthemii. Ut Velthemius Jenæ Prof. Moral. esset, necessarium non erat. Postquam tamen ex isto ligno Professorē sculperet Col-  
latoribus placuit, danda ipsi utique fuit instructio, impacto muneri conveniens. Ponamus jam superfluum quæstionem moveri; num Velthemio inter partes officii professorii potuerit injungi, ut cum histrionibus per Germaniam circumvagaretur, & in comædiis morionis personam ageret? Respon-  
deo minime. Quia si ad hoc exercitii adstringeretur, IS non amplius Professor esset, qui impudenti clamore Jenæ doct. virorum famam laceraret; sed non minus histrio esset, quam frater ipsius, qui lauream Magistrālē Lipsiæ obrentam per publica theatra non sine vocis stentoreæ gloria circumfert, ac versatili jam pileo non minus quam olim I. ripipio sibi placet. Quis jam dixerit, Velthemium hæc du-  
pliciter considerari, 1) prout factus est Professor Jen.

2) prout

2) prout idem simul cum professione potuit histrionia facere? Aut postquam Collatores professorium munus in ipsum conferre decreverant, adhuc in liberrimo horum beneplacito fuisse, utrum auditorium Jenense, an theatra vociferationibus ab ipso oppleri vellent?

Quemadmodum autem error a histrionibus in primo actu commissus totam fabulam refrigerat; ita destructo primo Velthemii commento, tota ejus dissertatio ultro corruiat. Atque secundum argumentum itidem ex nostro opere l.c. desumit: *si non dantur actus per se honesti aut turpes, sequitur Deum, si voluisset, potuisse ita constituere, ut inter officia hominis esset Deum colere.* Ego reposueram, hoc ratiocinium contradictionem implicare. Heic nihil habet quod regerat Velthemius, nisi ut cantilenam jam explosam instauret, ac suas sycophantias mihi obtrudere impudenter laboret. Nusquam enim mea hæc est assertio, sed Velthemianum somnium; *Deum ita potuisse creare hominem, ut idem non esset animal rationale ac sociale.* E. quo magis de absurditate hujus dogmatis declamat, eo magis propriam stultitiam flagellat. Neque opus est repetere, *colere Deum* non esse motum mere physicum & indifferentem, sed actionem quam maxime moralem; quippe quæ supponat subjectum rationale creatum, & involvat respectum ad dependentiam creaturæ à Creatore. Nam data creatura rationali, necessarium ipsi est Deum colere. Sicut posito, Deum post cætera animalia voluisse creare hominem, necessum erat ipsi legem naturalem con-



gruere. Quod genus necessitatis ut mihi quidem tantisper hypotheticum vocare liceat, si qui sunt terminorum scholast. dictatores *ἀνυπεύθυνος*, supplex veniam rogo. Si enim Deus hominem non creasset, non erat necessarium Eundem ab homine coli. Ergo necessitas cultus Divini ab homine præstandi actum creationis præsupponit.

Circa tertium argumentum strategema jocosi histrionis Velthemius expressit, qui repente in aliam se personam transire arbitratur, si pileum versatilem & palliolum inverterit. Sic primum argumentum levi sua mutatione iterum in orchestram prodit. *Si non dantur actus per se honesti aut turpes, sequitur, quod inter hominis debita possit esse seipsum perdere, seipsum odisse, gustus elementa per omnia quarere &c.* Sed velut de sibilo præfigitet, ita repente post siparum sese hoc ratiocinium recondit.

Quarto loco metuit Velthemius, ne posita nostra sententia nullum amplius sit discrimen inter legem naturalem & positivam. Istum metum demere poterant, quæ à nobis traduntur *L. 1. c. 6. §. 18. & L. 2. c. 3. §. 23.* Sed quia hic actus valde jejunos erat futurus, ideo interscenii loco duas sententias promulgat valde inficetas. Prior occurrit §. 20. *Ut libera voluntas hominis, penes quem majestas est, legem voluntariam ferre & mutare potest: Quidni divina majestas, cum voluntas Dei sit summe libera, aq; imo multo magis, ac in legibus positivis fieri solet, legem natura mutare, imo contrarium ejus præcipere posset?* Adparet Velthemium de voluntate

tate Dei non optime sibi polliceri. Inde tam anxie vincula eidem injicere, aut moderamine rerum dimovere ipsam laborat, ne forte in licentiam degeneret, & absurdas leges hominibus promulget. Quales opiniones istud animal de Deo habere credamus? Quod ne tertiam quidem petitionem orationis Dominicæ novit. Per posteriorem autem sententiã nihil sibi rationis & frontis esse Velthemius testatur. Nam in §. 22. scribit; *me non erubuisse statuere, ac si Deus ad contraria officia hominem potuisset adstringere. Ita enim aperte loco supra cit. p. 162. tradit: Si ad contraria officia (puta ad furandum, mœchandum, calumniandum) homo fuisset adstrictus, non sociale animal, sed alia feri & horridi species animantis fuisset producta.* Quid ais Velthemi? Ego qui statuo, si creatura sub figura humana fuisset producta, ad contraria legi naturali officia adstricta, non ea sociale animal & homo, sed bellua futura erat; ideo statuo, quod homo potuerit fieri bellua, id est, quod animal, de cujus essentia est rationalitas, potuerit esse irrationale? Optionem tibi relinquo, Velthemi, stuporem tuum, an rabiem calumniandi accusari malis.

Quinto argumento ita *insurgit* Velthemius, ut & quinquies cadat. *Si Deus sua natura justus est, sequitur, quod actus dentur per se honesti, suãque natura debiti, itemque actus per se turpes ac ex sua natura illiciti.* Atqui ego non puto hæc consequi: Si summus legislator natura justus est, igitur actus creaturæ rationalis, ut motus physicus spectati, sunt honesti aut turpes ante omnem respectum ad

legem à Creatore profectam. Nobis quippe propositum fuit inquirere in originem justitiæ humanæ, à qua divinā multi modis differre alibi ostensum. *Jus natura in Deo* illis sapientiæ Atlantibus definiendum relinquo, qui caput inter nubila condunt. Quæ Velthemius ex mysteriis prædicamentorum *de relatione ejusq; fundamento ac ratione fundandi* ganit, nil nisi obstrepera vocabula, & in ambitiosum gyrum disposita sunt, rerum inania. Neq; etiam illa, qua se non parum jactat, *obligatio ex ipsa rei natura*, contradistincta obligationi ex lege proveniente, satis adhuc ad liquidum deducta est. Sed & dubito, an ferri possit, à Velthemio *santitatem & justitiam in Deo* vocari *morales perfectiones*. Nam hætenus credidimus moralem perfectionem esse, quæ disciplina usu, adsvetudine comparatur, ad modum habitus acquisiti animo inhaerentem. Porro quando de imagine Dei mentionem injeci, unice præ oculis habui propriam ejus & specialem significationem, qua notat eam hominis perfectionem, quæ per lapsum amissa est, & in cujus loca corruptio illa, qua jam sentitur, successit. Quibus præterea respectibus homo imaginem Dei referre dicatur, mihi inquisitū non fuit. Denique quantum velit Velthemius distinguat inter *conceptum formalem & materialem*; ac sapientiam, justitiam, virtutes, & jus Dei atq; hominum quoad illum communia, quoad hunc diversâ asserat. Nam licet ista vera esse ponas; ratio tamen mihi constat, quare jus naturale isthac viâ investigare non placuerit.

Illud

Illud autem minus ex legibus artis comicæ, quod fabulam nobis det Velthemius quinto actu productionem. Nam sexto loco quæstionem movet: *Num Deus ullo modo possit velle, ut inobedientia erga Deum formaliter & in se spectata non sit peccatum?* Ego respondeo, stolide quæstionem hanc institui, ni simul ponatur subiectum, cui inobedientia sit tribuenda. Nam posita creatura rationali, negamus Deum hoc velle posse, ni eum sibi ipsi repugnare absurdeingas. Nulla autem posita creatura rationali, Deus super obedientia in neutram partem decernere intelligitur. Quomodo enim Deus possit velle, ut sibi obediatur, si nullos condiderit, qui obedire possunt? Sint, quibus imperet.

Denique ut sacro numero paralogismos suos terminet Velthemius, septimo loco argumentatur: *si nullus actus per se honestus ac suapte natura debitus, nullus actus per se turpis ac sua natura illicitus, sequitur Deum posse facere omne possibile realiter à se distinctum, nullumq; in genere natura in Deo importans imperfectionem.* Hujus ratiocinii vanitas planior fiet, si fidem pressius ad præsentem quæstionem formaveris, hoc modo: si motus physicus in actionibus humanis citra respectum ad legem est indifferens, aut si voluntas divina concurrat ad hoc, ut homo legi sit obnoxius; sequitur, quod Deus possit mentiri. Id enim exemplum rei, quæ in genere naturæ nullam imperfectionem importat, à Velthemio adfertur. Quis ita ratiocinantem ferat? Ne dicam, quod *mentiri posse* in ge-

in genere naturæ maximam importet imperfectionem. Qui enim mentitur, vel alteri furtim nocere vult, quod malitiæ est cum degeneri quadam ignavia conjunctæ; vel non audet sensa animi sui palam aperire, quod robustiorem metuensis est; vel plura promisit, quam præstare possit, quod vires suas ignorantis est. Inde patet ratio, quare divinæ scripturæ negent, Deum posse fallere, aut mentiri, quia id repugnat perfectissimæ ipsius essentia. Ex quo tamen nihil, nostræ sententiæ repugnans, concludi potest. De cætero uti fœdum est mendacium, quod Velthemius eruflare non erubuit, *me dicta Scriptura S. in alienum prorsus sensum detorquere*; ita nihil impudentius, quam dicere; propositionem, *Impossibile est Deum mentiri*, hunc habere sensum, *Deus non vult mentiri*. Cur enim tantopere arrident Velthemio sycophantarum artes, ut verba mea mutilate adduceret? quæ integra hæc sunt: *Quod Deus mentiri non posse dicatur, est ex beneplacito istius, quod mortales ad magnitudinem & præstantiam ipsius attemperatum concipimus*. Id perinde est, ac si dicerem: Mentiri adversatur perfectioni divinæ, à qua nunquam divina voluntas discedit, sed cum ea semper amice conspirat. Sic igitur mimum huncce calumniarum egit Velthemius, ut vel iudice Gesenio pro plausu sibilum sit meritis. Altera dissertatione minatur se innumeras legiones *Gentium, Legumlatorum, Fætorum, Theologorum, Philosophorum, cum Veterum, tum recentiorum* in aciem educturum, quæ solo adspectu me exanimem darent. Nondum ta-

men

men adeo fortuna mihi fuit propitia, ut istud illustre ingenii Velthemiani monumentum conspiciere liceret. Interim circa autoritates, quæ jactantur, observandum, earum multitudinem nihil efficere, nisi rationibus suam sententiam adstruxerint, meam refutarint; & quatenus nemini eorum, ut ab omni errore sit immunis, caveatur, piaculū non esse rationem potius, quam numerum errantium sequi. Sic quā multæ in rebus philosophicis erroneæ opiniones per complura secula & scholas & populum occupaverunt, quas tamen posteriorū temporum accuratior inquisitio explofit? Heic si testium numerus momenti quid habuisset, in hunc usq; diem antipodes in cœlum delaberentur, harmonia orbium cœlestium aures nostras obtunderet, intelligentiæ istis orbibus rotandis insudarent, ignis sphaera proximam Lunam ambureret, denique barbaries integro adhuc regno suo gauderet. Sic sane non difficile erit multas myriades invenire eorum, qui pro sanctitate numeri denarii in prædicamentis mortem æquo animo subire velint; quæ tamen cæteris puerilis superstitio videtur. Deinde ex testibus illis integræ legiones deficient, si consideretur, plerisq; nunquam in mentem venisse, vocabulo *per se* Deum ab origine juris naturalis excludere. Deniq; omnia ista testimonia demum in autoritatem unius ex antesignanis barbariei, puta Thomæ, aut Scoti resolvuntur, quorum commenta demum in popularia dogmata evaluerunt, postquam cœteri ista sine debita inquisitione in sua scripta transtulerunt; & uno anserē bibente reliquos



quos omnes satis corrigit. Præsertim cum notitia juris naturalis valde confusa & jejuna fuerit, antequam hoc demum seculo de isto in formam artis redigendo à quibusdam eruditis labor susciperetur. Id tamen retulit unus & alter, qui recens ex istis oris advenientes heic me salutarunt, in publico cōflicto ejus disputationis Velthemii clamore Martē Homericū superasse, & ignea facie, horridis capillis, oculisq; ardentibus furiam aliquam egregie expressisse. Quin non erubuisse in tam frequenti cōtum deinceps exclamare; *me nulla agnoscere officia hominis erga Deum & se ipsum*. Ergo vel scripta mea non legit Velthemius, vel impudentissim⁹ est mortaliū, qui sunt & fuerunt. Pari rabie multoties fuisse ingeminatum; *adulterium penes me hætenus saltem turpe haberi, quia supponeret creationem animalis rationalis & socialis; adeoq; secundū mea principia adulterium non turpe dari inter vaccas & boves, vel inter caseum & butyrum*; Qui sunt flosculi Velthemiani. Quid est furere, si hoc non est? Ergo cum neget Velthemius, adulterium supponere creaturam rationalem & socialem, ex ipsius mente adulterium dabitur inter creaturas, in quibus nulla est diversitas sexus & ad se multiplicandum potentia nec minus inter creaturas, quæ fidem conjugalem neq; intelligunt, neq; dant. Quin & deinceps homicidium non turpe erit, si felis murem occiderit. Quid porro erat opus, ut Velthemius tanta contentione asseveraret, adulterium in se & sua natura turpe esse; cum idem à me adstruatur l. 1. s. 2. §. 6. p. 26. & in Apologiæ p. 38. Quo tamen

tamen non obstante certissimum manet; non dato homine, adulterium non dari; sicut non dato homine, Velthemius Jenense auditorium ruditu suo non erat impleturus. Sed nec omitti debet, quod cum unus opponentium urgeret, *cum actiones hominum per circumstantias, i.e. res extra ipsam actionem, fiant morales, non videri, quomodo actio in se & sua natura moralis esse possit*; Velthemius respondebat: *Præcellens Dn. Magister, adjuro conscientiam tuam, eloquere, an firmiter credas cum Venerandis nostris Theologis, dari actus per se honestos*. Quod ille Magister præmissa contestatione observantiæ suæ erga *Maxime spectabilem* (magis adhuc audibilem) Dn. Decanum affirmabat. Et sic argumento erat plenissime satisfactum. Quid hac disputandi via compendiosius? Quæ tamen alteram istam dissertationem invidit fortuna, alio me ingenii Velthemiani specimine beavit, dum donante amico dilectissimo obtinere licuit *Synopsin Institutionum Juris naturalis* manuscriptam, quâ is auditoribus suis ad calamus dictavit. Cui ipse autor non vile pretium ponit, quando eam *Nucleum Juris naturalis* indigitat. Quo scripto etsi nihil indoctius aut inficetius vidisse memini; veritatem tamen adhuc constare deprehendi *Pliniano* illi: *nulum librū tam malum esse, qui non aliqua ex parte prodesset*. Ingens quippe operæ pretiū fuit didicisse flosculum illum Latinitatis Velthemianæ; in *Analytices* studio non magis *scrutati* sunt, quam *rana viridis in nucis arbore*. Nec minoris fuit definitionem legis cognovisse, quæ immane quantum

cum



eum sibi placere audio. *Lex est*, inquit, *dictamen practicum in materia universalis, quo necessitas actionis exprimitur in genere morum*. In qua quid mysterii latitet, patebit, si aliis eam vocabulis extulerimus. Sit igitur *dictamen practicum* enunciatio, quæ non cognosci solum, sed & in actum deduci debeat, *in materia universalis* i.e. quæ omnes illos tangat, ad quos enunciatio dirigitur; *quo necessitas actionis exprimitur in genere morum*, i.e. quo significatur, quid agendum, quid omittendū, ut actiones bonæ vel malæ, laude vel vituperio dignæ haberi queant. Hæc primo necessum erat exprimi subjectum, abs quo dictamen illud promanaret; num id intellectus sit divinus, an humanus, an uterque. Dein ad cujusnam actiones dirigendas id dictamen spectaret, ad proprias, an ad alienas. Denique unde ea necessitas promanet. Quam ex ipsa actione resultare absurdum dictu videtur; cum eadem aliter concipi nequeat, quam prius aliquid, & diversum ab actione, quodque adeo in ipsam actionem operetur. An & quatenus illud, quod mortales dictamen intellectus divini concipimus, Deo dici possit, alibi à nobis expositum fuit. Deum omnia quæ agit optime agere, & per essentia suæ perfectionem non posse non optime agere, & quæ cum ista non congruunt non posse non omittere constat. Sed quia legem aliter concipere non valemus, quam aliquid extrinsecus necessitatem adferens certo modo actiones dirigendis; inde si quis velit Deum legi subicere, faciat id suo periculo. Quod si igitur ad legem, quæ in homines cadit, ea

desi-

definitio restringatur, vitiosum est, quod ea legibus positivis adplicari nequit. Quando autem lex naturæ dictamen rectæ rationis aut intellectus dicitur, nihil aliud innuitur quam medium, quo ista lex investigatur. Atque ea ratio ut recta sit, & talem sese intelligat, oportet, ut firmo fundamento rationis sua superstruat. Quod nullum aliud inveniri potest, quam conditio humani generis; nisi quis cujuslibet persuasiones, sæpe oppido quam irrationabiles, pro lege naturali velit venditare: sic ut solidum sit, ultimum hoc habere argumentum demonstrandi, aliquid juris naturalis esse; quod recta ratio aliter de hoc vel illo actu judicare nequeat. Sed & illud constat, si definitio illa adplicetur juri humano, inepte à Velthemio §. II. tradi, *dictamen intellectus* esse aliquid prius, quam *normam seu regulam justitiae*; nisi dicere velis, hominem sibi ipsi legem naturalem ferre, aut intellectum humanum dictare quid posse, antequam objectum adsit. Sane ponenda est lex naturalis tanquam norma justitiae, antequam intellectus humani dictamina practica possint existere. Id autem nimis quam ingeniosum, quod Velthemius, tantopere alias à novitatibus abhorrens, juris naturalis novam denominationem comminiscatur, quasi quod primo ac per se fundatur in natura actus, quem precipit aut prohibet, ita ut propterea jus sit, quia hunc actum precipit aut prohibet, quia è sua natura debitus aut illicitus est. Quo commento uti nihil vanius, & per quod juri naturali circa actiones morales non amplior tribuitur operatio,

ratio, quam ephemeridibus circa motum planetarum : ita obiter scire velim, quomodo à contradictione sese liberare Velthemius possit, dum *præcipi* aut *vetari* à lege naturali dicit, quæ jam *in sua natura* erant *debita* aut *illicita* ? Quid enim præcepto opus est, si ista alias fieri utique debebant ? Aut ergo lex naturæ supervacua est ; aut si cum effectu præcipit ac vetat, utique actus debitos aut illicitos facit.

Sed tædet quisquiliis Velthemianis diutius immorari, nisi quod obiter spectandum, quid in demonstrationibus valeat, qui tanto fastu peritiam Analytices crepat ; ut tandem discamus nostra ratiocinia in circulum, (quæ figura perfectissima utiq; est,) disponere, & præfultore Velthemio in perpetuam vertiginem circumvolvi. Si enim quæras ex isto, quare v. g. adulterium juri naturali repugnet, respondebit ; quia in se & sua natura est turpe. Si quæras quid sit in se turpe, respondebit ; quod rectæ rationi ut tali non convenit. Atqui rectæ rationi qua tali non convenire est juri naturali repugnare. Igitur juxta Velthemium adulterium juri naturali repugnat, quia juri naturali repugnat. Ac proinde falsum est quod clamat, *turpe in puncto rationis prius esse, quam juri naturali repugnare*. Sed & par erat, eum qui viam præcepta juris naturalis deducendi nobis placitam ita importune impugnat, ingeniosius quid aut planius asferre. Quid autem tanto hiatu dignum trifaux iste profert ? *Principium primo primum*, inquit, est ; *honestia per se sunt expetenda ; turpia per se sunt fugienda*. At-

qui

qui sane, ne nunc dicam, quod stolidè sit omiſſa mentio ſubjecti, cui aliqua honeſta aut turpia ſint; circa hoc principium quærere licet non ſolum quid honeſtum aut turpe per ſe ſit, quod non niſi congruentiâ aut diſconvenientiâ cum recta ratione definiri à Velthemio ſolet: ſed etiam eoſq; non poſteſt adquiſcere intellectus noſter, ut rationem omnino noſſe velit, quare & unde vel in perfeitate, vel in dictamine rationis neceſſitas inſit. Eoq; Velthemio vel iterum circulus ſuus erit perſultandus, vel ſi vertigine liberari cupit, demum noſtræ methodo inſiſtendum; ex qua iſta propoſitio à priori demonſtrari poteſt. Sicuti & illud nemo ſanus abnuet, imperium Dei eſſe, quod hominem ad adpetendum honeſtum & turpe fugiendum primo movet aut movere debet, nō autem perfeitatem Velthemianam. Deinde ne hoc quidem tantum demonſtrandi artificem decebat, pro *principiis ſecundo primis* venditare ſententiolas, v.g. *neminem lade- re, ſuum cuiq; tribuere*, veras quidem, ſed multis determinationibus adaptandas, priuſquam ex iis diſtincta & liquida ſcientia haberi poſſit. Sed & nimis quam iracundum, fuſtes ſtatim intentare, ſi quis dictata Velthemiana in oraculorum vicem arripere detrectet. Quid enim ſi Reges, ac integri populi iſtorum veritatem in dubium vocent? Quid fuſtibus ſuis heic efficiet Velthemius? An clamoribus ſuis eoſdem protelabit, qui norunt, animal Cumanum eſſe quam maxime vocale? Quibus porro argumentis hoſce convincet Velthemius, ſi nihil præter dictamen ſuæ rationis crepare poſſit.

apud

apud tales, qui suam rationem diversa dictantem non minoris æstimant, & legiones Scholasticorum à Velthemio in subsidium evocatas adunco naso suspendunt? Plura occurrunt in eo scripto emblemata, veluti quod §. 57. *juris naturalis causam efficientem dicit hominem.* Aut quod §. 55. *hominem tradit tamdiu vivere in statu animalis, non item in statu hominis, quamdiu usus rationis se nondum exserat, aut ad annos discretionis homo pervenisse dicatur.* Cui adjungi debet inauditum hæcenus dogma à Velthemii discipulo publica disputatione Jenæ promulgatum: quod *majestas sit non-Ens.* Nimirum quia ad majestatem sufficit superiorem non habere, nec requiritur potestas gubernandi civitatem; & quia statim majestate Velthemiana præfulget, qui in regionem desertam ejectus nec dominum habet, nec subditum. Quæ monstra errorum aliis exagitanda commendamus.

**R**estat adhuc *Gesenius* Garlæ Præsul; de quo tamen eloquar, an fileam dubito. Nam ea est hominis ruditas, impudentia, & vesania, ut merito quivis cordatus tam tetrici monstri contactum refugere debeat. Qui cum nil nisi obscenam virulenti pectoris saniem eructet, passim impio abusu dictis sacris interpolatam, *benedictionē tamen Christianam* emittere videri vult. Prorsus uti reliqua fanaticorum natio tunc, cum maxime delirat, sacro instinctu agitari sese clamat. Verum, uti peculiare scriptum isti opponere supervacuum erat: ita poterit heic obiter cæteris, qui ex me oppugnato gloriolam inauspicato captarunt, subjungi *Gesenius,*

*senius*, tanquam vilis appendix, & in quem jactari queat illud tritum; *occupet extremum scabies*. Saltem ne in posterum arguat, me criminationes, ad quas plane tacui, agnovisse. Ex decoro igitur *Gesenius* à mendacio scriptionis suæ exordium capit, quasi ego in *suprema Regni curia enixe contra ipsum & famam ejusdem egerim*; qua super re monitum se dicit *ab eo, qui procul habitabat, & bene cupiebat*. Dignus hoc *Oreste Pylades*; qui circa veritatem non nimis curiosum se ostendit. Equidem si ejusdem reip. cives essemus, comes ivisset *Gesenius*, editori Indicis. Nunc quid contra exterum in curia hujus Regni agerem? Præsertim cum ejus scripta tantum ruditatis ac vesaniæ præ se ferant, ut famæ suæ neminem infestiores, quam seipsum, hostem experiatur. In eo autem nihil à me peccatum est in reverentiam, quam *Serenissimo Electori Saxoniae* debeo, quod modeste, & *Gesenii* demum, aliorumq; malevolorum importunitate coactus, super nimis præcipiti Ministrorum Ipsius judicio questus sum. Nnm de isthoc negotio nihil ad ipsum relatū constat; & si *Optimus Princeps* consultus fuisset, haut quidquam decorum judicasset, inaudita partis alterius defensione sententiam superstruere libello famoso per carnificem flammis dando. Quod si autem iniqui aliquid mea querela habet, sane is, quem publice provocavi, suam existimationem non destituet, nec *Censura* istius *sanctimoniam* *Velthemio* alicui aut *Gesenio* asserendam committet. Ac vel ideo istum omnib9 ingenii sui copiis explicatis in acie prodire cupiebam, ut cum adversario non erube-

scendo congredi liceret, ac tandem Gesenio simili-  
um hominum ruditas obticesceret. Quid porro  
ad rem præsentem, quod Gesenius de Monzambano  
gannit? Sane publicam famā extinguere penes me  
non est; & cui non sufficit, quod publice ejusdem  
me autorē abnuerim, qua ratione isti os obturem?  
*Ejusdem caput VI.* exercitii gratia à me defensum  
adversus eos, qui id impugnarunt. Quid præstite-  
rim, judicent harum rerū intelligentes, & affecti-  
bus ac præjudiciis vacui. Cætera quæ carpuntur,  
defensorem accipiant an minus, mea parū interest.  
Præsertim cum quæ liberius ibi quibusdam scripta  
videntur, auctoris, quisquis demum is sit, religioni  
aut pietati nihil præjudicare queant, si cogitemus,  
quam ille sibi personā imponat, aut quales loquen-  
tes introducat. Et qui nescit, quam multū intersit  
Davusnè loquatur an herus; is quæso abstineat de  
ejusmodi scriptis judicium ferre, nī inter Midæ so-  
cios censerī velit. Ergo fama illa de Monzambano,  
cui à me contradictum fuit, non obstat, quo minus  
adhuc Pufendorfius, quam Gesenius esse malim.

Sed ne solis convitiis fœdas chartas maculasse  
videatur, circa rem ipsam quoq; aliquid nugari co-  
natur Gesenius. Ac primo queritur, me ipsius de-  
monstrationibus non respondisse modo tam scho-  
lastico, quam ipse proposuerat. Cujus quidem rei  
nulla alia fuit ratio, quam quia inficeti hominis ve-  
stigia legere nolui. *Iniquū me in jus naturæ argu-  
ebat, quod atrocem ipsi injuriam intulissem, men-  
dacium & calumniam exprobrando.* Ego reponē-  
bam, me legitima *retorsione* usum fuisse. Adparet,  
puto, me ad minorem respondisse. Tantum enim  
abest,

abest, mihi unquam in animo fuisse Gesenium lædere, ut quid hominis ille esset, & quænam inter fumos Garlææ deliria eū agitarent, perpetuo ignoraturus fuerim, nisi me epistola illa insipida ultro laceffivisset. Puto autem satis gravem injuriam esse, alicui falso tribuere scriptum venenatum, uti ipse vocat, & *atheum*. Eam injuriam ut in me hære-re paterer, nullum jus obligabat. Repellendi non expeditior via, quam ut mentitum esse dicerem, qui hæc de me assereret. Præsertim cum nondum auditum foret de aliquo privilegio, per quod Gesenio impune sit honestorum virorum famæ insultare. Atqui in ea accusatione ipse mihi non consto. Modo enim a Gesenio scriptū Warenbergii *aperte* mihi, modo Fratri meo tribui queror. Nimirum quia Gesenius sibi non constabat, & aliquando Warenbergium ita delineabat, ut facile adpareret, me peti; aliquando talia ipsi tribuebat, quæ non in me, sed in Fratrem meum cadere poterant; ea causa fuit, cur retorsio alternative conciperetur. Sat *aperte* autem aliquem arguit, qui scripto publico id facit. Et licet hæc verba non expresse sint posita; tu Pufendorfi ejus scripti es autor; extreme tamen stupidum fuisse oportet, qui non viderit, nostrum nomen abs Gesenio vellicari, quod & ipse menti suæ *obverfasse*, dum ista scribebat, fatetur. Et statim illa epistola prodibat, passim amic de injuria nobis illata monebant. Id autem frequens est, ut & qui obliquis verbis alium pupugerit, directe & citra ambages vapulet. Neque vero mirum est Gesenium titubanter scribere de viris, quos





ris, Geseni, nisi ut complusculas paginas nugis & calumniis implere possis? Aut cur adeo tumultuaris, quod tua æque ac famæ mendacia proprio vocabulo à me fuerint designata?

Secundo loco negat Gesenius, Asinium Tenebriones abs se defensum. Quid ergo aliud non modica parte sui scripti agit? Magnam vero vim *Christiani amoris*; per quæ *contemnim sentire* non potest Gesenius de Nicolao Beckmanno, *quem Regia Majestas tanto munere dignata est*, utut Eadem Regia Majestas istum munere dimotum *propter Indicem editum cum infamia relegaverit*. Nisi forte arcana quædā genii conspiratio ista illustria ingenia Tenebrionem & Vigilem jungit; quorum scripta quoq; pares Gratias redolent. Cur porro Gesenius tam odiose altera jam vive cuculat iudicium Sarcasmi de meis Elementis Jurisprudentiæ, eo tempore latum, quo iste in Parnassio somniabat? Cum alii jamdudum injuriam mihi factam publicis scriptis ostenderint, & ipse autor, uti amici retulerunt, aliam plane mentem postea induerit. Unde mihi nunquam curæ fuit injuriam istam persequi; & non degenerem animi duxi, qui errorem suum emendare potuit. Ergo quod nunc Gesenius ista dudum sepulta iterum in lucem protrahit, merito vapulare deberet, si nova plaga in homine, qui pudorem plane decoxit, locū haberet. Qui autem *Pacificum à Lapide* & ejus scripta novit, non multum referre agnoscet, quid ipse de aliis scribat aut iudicet. Qui Bavium non odit, amet tua carmina Mævi. Quanquam & deformes buccæ suos basiatores

quandoq; inveniant, & similes labra lactucas adpetant. Præterea ex alio me capite iniquitatis in legem naturæ reum arguit Gesenius, quod *contemnim ac duriter habuerim legatos Dei, qui ex officio debite super periculosis nostritatibus monuerint.* Ubi primo quidem miramur, quare ardelio Garlebiensis tam importune sollicitus sit, quid in aliena republica geratur. Si quis enim apud nos alterum injuria afficiat, sunt judices, sunt tribunalia; nec unquam ea cognitio Gardelebiam remittetur; ut plane cuculus iste nō opus habeat tam tædiose ingeminare, quid ab hoc vel illo recte, quid secus gestum fuerit. De cætero nunquā ego debitum honorem sacerdotibus detraxi intra muneris sui limites versantibus, iisq; ut in conversatione civili amicis uterer, operam dedi, ac si unū vel alterū excipiam, neminem eorū novi, quem non amici loco habere possim. Id tamen firmiter mihi persvadeo, Deo propitio posse gaudere illum, quem unus aut alter sacerdotū iniquis odiis persequitur. Nec minus fas esse, salutem famamq; suā contra sacerdotem, quam aliū quemvis, defendere. Sed & hoc statuo, censurā librorum ad eos pertinere, qui summum in civitate imperium habent, & quibus eandem hi delegaverint. Eā si quis alius proprio ausu involaverit, non magis ipsius ratio habenda est, quā prætoris, si extra limites jurisdictionis suæ jus dicere aggrediatur. Quin & ubi in ea re malitiosè, aut inperite versatus sit, injuriā non accipit, si digna factio suo vocabula audiat; præsertim cum ipse Gesenius, velut qui post longū delirium repente ad se redit,

non

non absurde addat; *quamvis humana illorum actiones humanorum errorum rubigine tangi, & tentari facile poterint; nec enim humani quidquā à se alienū putabunt.* Deniq; nec id saltem in dilucido isto intervallo negabis, Ges. si quis vel ex officio vel ex amorē veritatis, aut caritate Christ. alterum super errore omnino monendum sibi duxerit, illi esse observandum, ut revera in altero hæreat, de quo ipsum moniturus est; ut alterius errorem idoneis argumentis convincat; ut deniq; amice eundem hortetur errorem suum exuere. Ubi nihil horum præcesserit, quid faciendum mihi svaseris tu, qui ob impactam retorsionem in furias abiisti. An censes, cum silentio gladium jugulo fuisse excipiendum? Puto igitur ad demonstrationes Gesenii sic esse responsum, ut etiā acutissimis disputatorib9, qui *Cardelia habitant*, satis fieri queat; quorum peritiam expressit supremus eorum choragus Gesenius, dū dicit; *quod Professor in publicis disputationib9 illos, qui Theſibus tuis opponunt, jubere soles; responde ad Syllogismū &c.* Nam quantū ego memini, hoc quandoq; respondentī ingeritur; opponenti nunquam.

Enimvero uti in convitiis spargendis nemo Gesenium facundia superaverit; ita ubi ad seria tandē deveniendum erat, nihil ipso est aridius, sic ut non amplius latret, sed mussitet. Eo breviori responsione amoliermur hominem rudissimum. Quam late ego socialitatem extendam, tradidi *l. i. c. 3. §. 13. de Officiis* Eam in constituendo juris naturalis fundamento rationalitati opponere, stolidū est. Mox ne ob calumniam suam erubesceret, simulat se meū re-

sponsum non capere. Dixi, *religio quatenus ad disciplinā juris naturalis pertinet, intra spherā hujus & ita terminatur*; i. e. ex sola religione naturali jam nemo salvatur. Rationē attuli in libello *de Officiis l. 1. c. 4. §. 8.* Hoc si quis negare velit, admittere cogetur, dari viā salutis æternæ extra Christū. Moveares, Geseni, ut sciam, an hæc jam intelligas; simulq; fatere, nequissimū te calumniatorem esse, qui illud, quod ego de *religione, quatenus ad jus naturale spectat*, enūciavi, malitiose detorques ad religionem salvificam, quæ ad juris naturalis disciplinam nequaquā pertinet; quasi nempe etiam salvifica religio à me pro nudo vinculo reipublicæ haberetur. Denique antequā *cum ratione mecum agere* desinat Gesenius, hoc ratiocinium, ingenii & cantoris sui monumentum, nobis relinquit. *Quia expedit ut publice civitas personet doctrinis eū finis civitatū congruentibus*, i. e. quia, uti ego explicavi, solida & bona ethica & politica in civitate doceri debet; igitur ex mente Gesenii *parū interest, turpis sit sive honesta, sive vera sive falsa religio, modo huic civitatū fini apta sit & congruens*. Quid hoc argumento stolidius? Ne nunc multis ostendā, quod neq; vera religio fini civitatū, quem ego designavi, quidquam obsit, neq; falsa profit. Cæterum ut bona fide rationi renunciasse Gesenium credamus, ecce obsoletum suum carmen de polygamia recinit, quasi ego istam *velut remedium promovendæ pietatis* commendaverim. Sane nunquam credidi aliquem fore tam stupidū, quin intelligeret, id me dixisse: non esse, quare circa impugnandam poly-

gami-

gamiam tantopere trepident certi homines, cum abs nullo vitio orbi Christ. inprimis in Europa minus periculi, quam ab hoc immineat. Unde frustra tanta cum consternatione ad arma conclamari, ubi hostis non adparet. Præsertim cum nulla major calamitas maritis obvenire possit, quam si plures simul habere uxores cogantur, in cujus mali remedium mortem sint optaturi.

Sed nimirum pauca hæc à Gesenio obiter tantum adducta fuerunt. Summa autem laboris ipsi fuit specimen ostendere, in quantas furias homines fanatici possint ire. Cujus non minima pars est, illis, quos sibi insectandos sumere, gratia divina vel interdiceret. Verum mi Geseni, postquam semel terrorem digessimus, quem quondam fulmina Vaticano emissâ vertice solebant generare, non facile adducimur ut credamus, Præsuli Garlææ claves cœli erebique commissas. Sed nec ea, quæ inter nos comitatur ille, Ministerium Ecclesiæ, ejusque sanctimoniam ullo modo spectat. Tu venenatum scriptum mihi falso tribuis: ego injuriâ mihi fieri, addita retorsione, testor. Tu excandescis, & maledicorum atque calumniarum plaustra evomis: ego quantum ad meam defensionem, ac retundendæ tuæ impudentiæ sufficere judicatur, repono. An & in hoc casu qui sacerdotis furorem abs se repulerit, unctos domini violasse judicabitur? Quin potius si cui ex tuo ordine omnino placeat virus suum in alterum evomere, tutius, cathedra sacra abutetur, ubi intemperies animi & affectuum malignitas speciosiore sub prætextu desævire potest. Ast ubi

ad scriptiōem publicam idem provolaverit, non est quod eximiae quid sortis prae reliquis sibi polliceatur. Si enim falsi quid asserit, erroris arguetur. Si fictis criminationibus de aliorum existimatione detrahere instituat, mendax & calumniator audiet. Si inepta scripta edat, eruditis ludibrium debebit. Si rationem ejeraverit, stolidus judicabitur. Si, quae convitia eructet, nihil pensi habuerit, furere videbitur. Si imperite de rebus, quas non didicit, judicium ferre instituat, Midæ fraterculus nuncupabitur. Porro uti cum Praesulatu Garlæano nihil mihi negotii est; ita quae pro salute mea cura vigilias tibi, mi Geseni, imperat, plane supervacua est. Neq; enim tali nobis sacerdotum genere heic opus est, qui sub imagine precum foedam animi inflammati rabiem exhalant. Dirā quoq; ista carmina tuo potius capiti cane. Et si quid precando vales, ora, ut tuam tibi ruditatem & vesaniam agnoscere detur. De cætero uti hautquaquam timidum aut imparatum me offendent, si quibus forte deinceps calamum in me stringere placeat; modo inscitiam, iracundiam, & fædas calumnian- di artes procul habeant: ita Gesenio id honoris sufficere debet, quod meâ operâ ad qualemcunque nominis celebritatem protractus fuerit, qui antehac in alta velut caligine Garlæam bibebat. Si in posterum furere pergat, optimum responsi genus fuerit, contemnere & si-  
silere.

CAROLI SCHARSCHMIDI  
J. U. L.

DISQVISATIONIS  
DE REPUBLICA MON-  
STROSA

*DEFENSIO*

Contra  
Monzambano & Samuel Pufen-  
dorfium.





## §. I.



Est nasutum quoddam hominum genus, quod dum vix satis inferiores hausit disciplinas, se altioribus pertaxandis leviter immiscet. Est vero ex illis, qui postquam regulas Philosophiæ moralis & politices vel historiam paulò plenius aliis, suâ quidem opinione, didicerunt, imperfecta ista studia in universalem rerum scientiam diffundere gestiunt, magni, si Diis placet, Polyhistoros & gigantei Orbis literati Atlantes evasuri. Relictis hinc subselliis altiores Facultates, ut vocant, seu disciplinas hinc inde velut mures arrodunt, & simulac summos tantum apices degustarunt, aut rectius collutinarunt, quasi omnium Facultatum Doctores & Decani perpetui, adeò turgido ventre & vertice sunt, ut alteri metus sit, ne incoctam istam omniscientiam cructet stomachus.

§. 2. Imprimis verò inepte persuasi isti Polyhistoros per Corpus Juris cursitant, unaque vel altera evolutâ lege, id tanquam rem levidensis brachii censent, cum miselli ne mentem legis vel terminum satis intelligant; quod *Angelo Politiano* contigit, qui Jurisprudentiam levitatis arguens ne quidem respondere poterat; quid esset *suus heres*. Egregius Polystistor! Quid quæso de aliis expectandum? Inepta tamen ista persuasio

sio imbecilli animo nata plures hætenus tenuit, ut vel de summis rebus sibi sumpserint iudicium, ac si criticæ ipsorum sapientiæ hoc tantum esset relictum arbitrium, quod pro imperio aliis obtrudere possint, cum corniculæ istæ ne principia, quæ hic præsupponuntur, habeant cognita, ut infra dicetur; Ast mentis suæ & dolii tenax Cynicus.

§. 3. Et maximè Augustissimum Imperium hætenus pluribus pro censuræ fuit argumento, modò tres regulas philosophicas didicerint, ac si Imperium esset campus, cui quisque scholasticus papiliones cerebri sui debeat immittere, aut ex imperfectis istis & generalibus regulis plenè judicare possit de individuo Reipubl. Ut enim barba & pallium non faciunt Magistrum, ita nec regulæ generales perfectum Imperii Germanici censorem. Et tamen istud hominum genus iniquè secum agi blaterat, quod ipsorum iudicia velut ex tripode haut excipiantur, cum tamen ea polleant sapientiâ, ut vel penetrare possint, ubi Patres Romani quondam habuerint urinarium.

§. 4. At verò quando cum istis penitior nostræ Reipubl. instituitur disquisitio, non in toto tantum sed & partibus, circumtorquent capillos & oculos, quasi ex Ægypto in desertam venissent Arabiani, ubi ut soli, sic ingenii ipsorum hic cessat ubertas. Nam si quæris, quo pacto se habent Austregæ in Imperio, an per has juri Cæsaris, præsertim quâ Judicium Aulicum, derogetur? Ad quam quæstionem barbam & nasum instar galli gallinacei demittunt, modò in terra vel inter si-

dera istam quærentes chimæram, aut animum plane in patinis habent, tanquam de austreis, von Mustern/quæstio fuerit.

§. 5. Si ulterius instes, quem Judicem Cæsar agat per Imperium in Status singulos? Tunc recurrit ad Aristotel. vel Keckermanni Politic. ubi agitur de Magistrat. ex tali oraculo certam rei mox allaturus rationem, quasi qui sciat, quid sit Magistratus, statim etiam cognitum habeat, qualis Cæsar in Imperio judex. Unde saltem hoc apparet, quam imperfecta sit illa doctrina ad hoc judicium. Quamvis nonnulli tam imperiti rerum Germaniæ videri nolint, quòd aliquando de *Aurata Bulla* quid audiverint, aut ipsam plane capsulam in Vaticano inspexerint.

§. 6. Si amplius quæris, an Cæsar sit pactitius an necessarius Judex? Perinde putant utrumque; cum tamen ex hoc discrimine maximum argumentum petatur discernendi Imperii à sociali systemate. Istis verò confusis frigida oriuntur judicia. Porro si quæseris, quam jurisdictionem Camera habet, an Cæsar avocandis causis possit suspendere, an & quomodo illa distinguatur à Judio Aulico; item quas partes Cæsar in Comitibus faciat, quodnam sit vinculum, quò Status Cæsari astringuntur, & alia plura? Tunc vel muti ut pisces sunt, vel ficulnea & impertinentia produnt judicia, de uno in alterum statum controversiæ refugientes, allatis per capillos contortis argumentis, quibus Soli noctem prius inferas, quam evincatur id, quod est in controversia; helleboro

igi.

igitur aut explosione dimittendi. Et tamen scholastica ipsis adeò insedit tenacitas, ut potius contra Augustanam Confessionem quid statuerent, quàm regulas istas, ex quibus tamen, sine Jure Civili, Feudali & legibus Imperii nullum est de nostra Republ. judicium, aut certè jejunum, imperfectum. Quod isti censores eorumque sycomphantæ ac mustacei adhærentes sibi persuadere aut assequi non possunt.

§. 7. Opinio verò ista maximè illos occupat, qui in novellis fortè Academiis cathedræ adhibentur, qui per superciliorum postea circumferunt frontem, quasi ad subsellia Jovis essent admoti, cum vix Officia Ciceronis similemve Tractatum profiteantur, *Hug. Grotii* famam vel antevolasse putantes, cum tamen umbram tanti viri nondum assecuti sint, nisi quòd integras paginas ex ejus opere transcripserint. Isti hominum generi maximè annumerandus *Magister Samuel Pufendorf*, qui hætenus singulares in moralibus & doctrinâ civili opiniones, ex obscuro terrarum angulo aliis pro imperio imponere voluit, velut Catholicorum sacramenta, adeò ut qui in ejus haut iverit partes, illum tam inciviliter & frivole insectatus fuerit, tanquam Baccalarius in scholâ triviali pusillos, qui fortè Orbem Pictum aliter exponunt, quàm Dn. Præceptor. Hinc non adversariis tantum sed aliis gravibus viris pridem dignus visus, cujus virulenta in censendo petulantia fuste aut ferula castigaretur, quòd nares & nates ejus pualò obtusiores dedicerent pruritum frivole cavillandi.

§.8. In lucem, pressio prius nomine, ne quid capias se putarer, dederam *Disquisitionem de Republ. Monstruosa* contra *Monzambano* Satyricum Imperii censorem, in quo scripto respondi simul argumentis *Pufendorffii*, quibus Severinum suum defendit; nullibi tamen ullius mihi persona traducta, ut legenti patebit, nisi quod regularum mysteria haut palpaverim. Sed tamen importunus iste censor, relictis nonnunquam causæ argumentis, aculeatas in me vibravit fugillationes, ac si undecimus Decemvir mihi corrigendo esset positus. Ridebam primò hominis insolentiam, eamque contemptu potius transmittere, quam agnoscere induxeram. Sed tamen ne sinistrè forsàn acciperetur silentium, in hoc sedit animus, ut ne gratis isthæc mihi fecisse sentiat. Tali enim didactico nasturtium pro didactro solvendum. Porro igitur retorquenda erant tela, quæ vel barba vel pallio excipere poterit. Id tamen ipsum benignè monitum velim, ut nasum Ariovisti scutò præmuniat, ne sentiat ictus & hebescat; illò enim obtuso certè Imperii forma maximè periclitabitur.

§. 9. Primò quidem hoc urgeo, quòd dicax iste censor nomen meum corruptè detorqueat, falsarii notam incurrens, quod viri boni non est. Nec ista corruptio toties repetita mihi pro errore typographi. Nec credat in suo nomine haut reperiri posse scommata. Si quis enim pro *Pufendorff*, dixerit *Pubendorff* vel *Pusillendorff*, per me equidem poterit, nec absurdè forsàn nec inique. Alibi me juveniculum vocat &c. Sed sit licet  
Anta-

Antagonista barbatus vel planè corniger, mihi perinde fuerit. Vulgare hoc est ex annis tantùm metiri virtutem; non rarò enim in vastâ barba rara sapientia, ut Legati Veneti Græculo isti Cæsari annos ipsorum taxanti regerebant; sc. Rempubl. Venetam facilè hircum barbatum mittere potuisse, si Cæsari equidem tanti barba æstimetur. Imò ineptit Dominus Magister arguendo istum juveniculum, qui per duodecim continuos annos in florentissimis Germaniæ Academiis hucusque versatur, ante sex ferè annos habitâ, pro summis in Jure honoribus, Inaugurali Disputatione, non sine testimoniis publicis, pluraque in superioribus præstitit, quàm talis nunquam Philosophus, cujus tota, quâ crepat & orbem literatum in ordinem redigere satagit, scientia regulis morali-  
*bus (in singularibus enim, quæ ex jure deducuntur, Philosophus certè jejunus erit Apollo)* & politicis absolvitur, quæ secundarium hominis studium duco. Hæc quidem pro jactantiâ acceperit; at sciat, contra obtrectantes loquenti dari veniam; nam nec Cato nec Cicero aliique de se dicere erubuerunt. Intentato ictui, quæ scribo, imputentur.

§. 10. Taxat hinc dictionem velut ineptè concisam. Sed debebat nosse, quòd in multis verbis fucus vel muliebris dicacitas; contrà verò in paucis veritas & virtus, quod *Lipsius* pridem ex *Tacito* & *Plinio* docuit. Imò insolentibus censoribus admodum conduceret; petulcorum concidere calamum, ne tam frivole traducerent  
alios.

alios. Postmodum examinat, quod præmissi, *pr. d. Disquis.* principium: *Possibilis in materiam forma inductio, mensura perfectionis rerum civilium.* Quò primò innuitur id, quod in formandis Rebuspubl. hoc pro mensura seu regula potius esse debeat, quod materiæ aptitudo & populi genius admittit, non quod idea & regula literalis fingit, adeò ut irregularis inde hant vocanda sit respubl. licet non satis ad imperfectas istas regulas composita, modò pro fine & materia se rectè habeat, quod in civilibus sit pro regula.

§. II. Secundò forma Rerumpubl. nec probanda nec improbanda ad istas regulas, quæ nunquam satis applicari possunt in Reipubl. individuo, maxime quòd rigorosa regulæ applicatio plus mali habeat propter vitiositatem materiæ. In civilibus autem vices regulæ amittit, quod nunquam aut difficulter usum admittit. Quod enim in paucis vel nullis objecti partibus applicare licet, quo jure regula vocabitur? Regulam ingeniosè concipere non sufficit, quam materia ut plurimum respuit. Nam in antro Platonis non formantur Respubl. Tertiò, siquidem regulæ fuerint, particulares tamen & imperfectæ sunt, nec totum objectum ejusque partes exhauriunt, hinc de universis, quæ existunt & unquam futuræ sunt, Rebuspubl. non potest inde peti adæquatum formæ judicium: Nam à præsupposito sc. Rebuspubl. in individuo tum existentibus earumque formâ regulæ istæ desumptæ, quo pacto  
igi-

igitur futuris Rebuspubl. propter objecti varietatem formam proponere queunt, utpote à particulari supposito conceptæ? Si enim aliæ Rerumpubl. formæ tum extitissent, plures aliæque regulæ conscriptæ fuissent. Quò animadversò recentiores doctrinæ civilis scriptores plures regulas sc. reipubl. mixtæ formasque communiter statuunt, quas tamen dictator iste irregulares dicit, quasi ipse solus sciat taxare formas Rerumpubl. ut quæ simplices aut limitatæ non fuerint, irregulares sint.

§. 12. Ista igitur hucusque deducta fundamenta non subvertenda dederim, quicquid censor contrà ganniat. Nec fecerit huc, quod infra opponit, *Vitruvium* præcepta architectonica pariter in posteriori conscripisse, ædibus jam antè structis. Sed hoc non est in disputatione; illud tamen, an ædes hodiè ad regulas Vitruvii non formatæ, sint irregulares? Id quod ridiculum esset dicere, & tamen ita sentit censor circa regulas & resp. Judicent ergò cordati rerumque civilium periti inter me & Antagonistam. Palpatores inter corniculas refero, qui cum Magistro crocitant plerumque nescii, in quo statu & principiis lateat disceptatio. Ulterius *ad pr. d. Disquisit.* reprehendit, quòd omnis Reipubl. formam ex materia esse dixerim. Ast hunc Philosophum fortè fugiebat, quòd omnis forma, quæ cum materia interit, rectè dicatur educi & esse ex materia, quamvis à causâ producente quid habeat. Cætera paulò mitigat infestum nomen irregularis Reipubl.



§.13. In *Cap.1. Disq.1.* hæsitat, quid ista sibi velit sententia: *Germania Aquila non nisi in nido sola; plures enim sunt, qui fasces Imperii gerunt.* Quæ si non assequitur, haut ingeniosum se ostendit in rebus Imperii Oedipum. Circa *Cap. IV.* contra me defendit *Monzambanum*, ac si non seriò ita colligeret: Si definitio Civis Aristotelic. de Statibus prædicetur, Imperium esse Democraticum. Ast verba *Monzamban.* vix aliud volunt. *conf. c. 6. §. 3. De Stat. German. Verb. Hoc si assumamus, sanè Democratia erit Imperium Germanicum &c.* Et posito, quod seriò id non velit, tamen invalida ista illatione non evincit, quod intendit. Concessio enim, status definiri cives sensu Aristotelico; concessio, omnes & singulos status esse cives; neutiquam tamen sequitur, E. Imperium est Democraticum. Nam perinde est, ac si dicerem, omnes in Republ. Optimates definiri cives. E. est Democratia; Illatio enim est ad universum à particulari: Ac si ita infer rem: *Dn. Magister Samuel & Dn. Severinus* sunt cives Upsalienses. E. est Democratia. Sic patet scit ficulnea malè inferentis Severini defensio, ejusque coacta interpretatio. Anne Magister Severinum informare poterat; quod ut crudus Philosophus ex *Tu' omnis* collectivè de statibus sumpto malè fecerit enunciationem universalem.

§.14. Porro in terminis ejusdem controversiæ conchas pro spoliis colligit: Confundit enim jus suffragii cum notione suffragantis subjecti; ac si unquam mihi in mente fuerit, quod ubi jus suffragii esset, ibi semper civis esse deberet, quasi non

in aliis societatibus darentur suffragia ubi tamen suffragantes non sunt cives. Deinde stringit illud Regem unicum regni vocari civem; ubi vocē *participat* urget, cum tamen nō pressè accipiatur; sed ita, quod solus Rex jus statuendi de Regno habeat, cæteri verò sint subditi. Pergit autem regnicolas indigno designari nomine, quod servi publici vocentur, Rex verò tantum civis. Sed heus inepte censor, si data illic non sufficit distinctio, anne distinguere poteras inter libertatem personalem & civilem, ejusque opposita, inter subiectum, de quo imperium, & illud, de quò subiectio & obsequium prædicatur. Ad quodnam igitur horum referentur regnicolæ, nisi ad alterum, quod personalem licet, tamen libertatem civilem non habet, cujus oppositum minùs absurdè suo sensu dicitur servitus. Nemo enim negaverit, illos cum aliis subditis ad classem subjectionis pertinere, quamvis in aliis v. c. familia, dignitate, opibus &c. differant.

§. 15. Circa *cap. V.* Severinum ferè deserit in mea transiens, quòd Imperium à regulari systemate discrepet, *quia ejus membra nec planè absoluta, nec superioris nescia, nec in votis aqualia*; cum tamen Monzambano proximè systemati inæqualiter fœderatorum accedere dicat. Multa enim præter jam dicta obstant, quò minùs ita sentire liceat. &c. *s. d. Disquis.* Quæ porrò profert, quòd membris Imperii subditorum conditio non congruat, hæc Jur. Publ. Interpretes in utramque partem disputant, alii verò distinguunt. Simpliciter certè classi subditorum status jungi, civilis eorum vetat qualitas,

litas, quamvis in nonnullis vix secus censeantur. v. c. in Judicio Aulico, in juramento, quod Cæsari præstant, ne de curialibus dixerim.

§. 16. Præterea dum inane putat id, quod dixerim, *fœderatos pro lubitu renunciare posse fœderis status* Verò hoc non posse. Inanem potius prodit censuram. Est enim & in hoc non leve discrimen Imperii à fœdere. Quod verò subjungit; *nihil ob- stare, quò minùs contrahatur fœdus æternum, cui singuli non possint renunciare*, illud primò non est in quæstione, sed ad alium statum controversiæ pertinet; imò si fit, ex pacto est, secùs verò in Imperio; secundò, si tale pactum fœderi adjicitur, naturam fœderis egreditur. Omne enim fœdus & societas speciem amicitiae habet, & de ratione ejus intrinseca est, quod sit arbitrarium, præsertim in duratione.

§. 17. *Nemo est. Pufendorffius ait, qui Cæsari adimere velit jurisdictionem, quam ei electionis sua habet. Sed scopo Severini sat est, quod illa talis non sit, qualem veri reges in subditos suos exercent.* Verùm eò ipso, quò Severinus Cæsarem inæqualiter fœderatum statibus facit, Cæsari necessum est intervertatur jurisdictio in statu necessaria, quæ non potest stare cum fœderato. Nec scopo Severini sufficit, quòd illa non exerceatur ut à vero rege in subditos sine causarum exceptione. Nam rem penitiùs inspicienti omnino patebit, quò Cæsar in isto judicio solus agat judicem necessarium in status, qui subditorum vice hic censi possunt, & *supra n. XV.* quod certè ratione juris Cæsarisq; respectu sat  
regium

regium licet in parte objectivâ sit quædâ exceptio. Ea denique censor fugitivo pede & silentio transmittit, quæ contra ipsum proposui c. 5. §. 2. d. *Disq.* quod nec ipse nec Severinus discernere potuit iudicem compromissorium à Cæsare; adeoque silentium est argumentum ignorantiae in his principiis, sine quibus nemo de Imperio rectè judicabit. *Vid. supra.* Prius igitur præcox iste penitiùs inspexisse vel penes studiosum juris (hic enim pro doctore tam rudilegum tyroni suffecerit) Collegium ad ff. visitare debuerat, antequam se in ista diffunderet, aut intra subsellia maneat.

§. 18. Circa nexum feudalem Statuum ignorantiam suam iterum prodiit in principiis feudalibus; dicit enim; nam sufficit, *quod per istum scil. laxatum nexum feudalem, Ordines ad conditionem subditorum propriè dictorum non redigantur*; quasi ex opposito, ubi nexus feudalis non esset laxatus, statim poneretur subditus. Sed falleris Dne. Magister, & miseram in hisce prodis nuditatem, adeoque consultius erat nasum suspendere. Interim quòd sciolus iste Polyhistor hîc erraverit, nec ipse nec mustacei ejus palpatores crediderint. Sed ita miserè cum rebus humanis comparatum, quòd maxima pars ducatur affectibus. Severino injuriam fieri asserit, si de isto quis sentiat, quod nexum feudalem sublatum statuerit. Ast & hæc contorta est & erubescenda defensio. Qui enim investituram Statuum inanem ceremoniam, unde nihil juris fluat, dicit, in effectu nexum Vassallagii tollit. Unde vel ex ignorantia  
vel

vel impudentiâ Severinum censor defendit. Eat igitur in dolium suum Philosophus, ne tam frigide alienis iudicium inferat.

§. 19. Quod dixi, Rempubl. nostram, si verè in fœdus eat, à regibus minùs monarchicè tractari, pro commento iste habet. Sed obesus aut fallax, sit, qui secùs sentiat. Serenissimi Imperii proce-  
 „res dudum subolfaciunt, quid lateat inonstri  
 „sub commento Germanici fœderis, quò æmula  
 „teguntur consilia, hinc ab extero sycophantâ  
 „vix aliud sibi persuadendum dederint.

§. 20. Circa §. 3. c. V. me redarguit, ac si ad Landsassios extenderem, quæ de Statuum investitura dicuntur. Sed si rectè d. §. perlegisset aut fuisset affecutus mentem, & quæ hîc iterum præsupponuntur principia, haut dubiè silentio ignorantiam horum involvisset. Nam rudem istam Severini illationem per instantiam à Landsassius retundere volui. Sic enim iste infert: Statuum investitura est ceremonia & ritus, quia sua territoria jure hereditario ad posteros transmittunt. Hæc est inferendi ratio. Sed dedi instantiam. Atqui Landsassii sua quoque feuda transmittunt ad posteros vel jure hereditario, vel jure feudi pro diversa hujus natura. E. ipsorum investitura est ceremonia. Quare absurdè dicitur.

§. 21. In §. 4. d. C. contra Severini de investitura opinionem hoc insuper est argumentum: Si vi investituræ nihil Statibus daretur, nihil ex opposito auferretur. Absurdum est posterius. E. Ast hoc Noster improbat, more tamen suo. i. e. sine rerum

rerum intellectu. Nam omninò sub certo modo & parte & juramento per investituram Statibus conferuntur territoria, ut partes universi, pacto autem isto & modo non servato, revocari poterit id, quod sub modo fuerat datum. Modus verò consistit in hoc, ut Status juramentum investituræ observent, Cæsari & Imperio sint fideles, ipsi assistant, nihil contra salutem & dignitatem utriusque molituri &c. uti sunt juramenti formulae: Nun hinfür von dieser Stunde an sich Euer Kaiserl. Majestät allen derselben Nachkommen am Reich/Römischen Kaisern und Königen/ und dem Heil. Reich treu/ hold / gehorsam und gewärtig seyn/ auch nimmermehr wißentlich in den Rath seyn sollen noch wollen/da ichtwas wider ihre Kaiserliche Maj. Person/Ehre/Würde oder Stand gehandelt oder sürgenommen wird/ noch darein willigen oder gehalten in einige weg/ &c.

§. 22. Ex his fluit felonia indeque territorii privatio, quæ collatione illius præsupponit; idque patescit insuper ex eo, quod Statuum territoria, casu contingente, revertantur ad Imperium, unde per investituram venerant. Nec Philosophus iste hæc fundamenta subvertit his verbis: *Nam & simplici pacto hoc caseri potest.* Unde potius apparet, quod argumentum illud non perceperit, adeoque dum ad pactum provocat, statum quæstionis immutat: Statuum quippe territoria mediante vasallagii & investituræ vinculo, adeoque intrinsicâ sui naturâ, retrahuntur ad Imperium. Et pacta ista, quibus unius foederati in familia fortè ex-

tincti regnum alteri accedat, plus ex somnio habent, quàm fœderum usu. In reliquis verbis d. §. *nescio quid mysteriū latitet*, ait. Verum illa pro mysteriis habet, quæ non intelligit.

§. 23. Circa §. 5. Severinum falsò à me accusatum dicit, quasi juramenta fœderis & fidelitatis confundat: hinc defendit ipsum sequentibus verbis. *Id enim vult iste; Summum Imperium etiam posse competere illi, qui juramento alteri est obstrictus, imò & qui juramentum fidelitatis præstat, si nempe per illud falsa relinquantur talia jura, quæ cum conditione subditi stare nequeunt.* Triobolaris igitur Severini Patronus existimat, quòd summum imperium dari possit in eo, qui juramentum fidelitatis alteri præstat, modò jura habeat, quæ cum conditione subditorum stare nequeant. Sed hoc est quod controvertitur. Vassallo enim, quàm tali, licèt majora subditis habeat jura, summum imperium propriè competere non potest, quamvis materialiter quàm partes objectivas id exercere videatur, non tamen formaliter; utpote non absolutè, non independenter, non sine reddenda actuum ratione, quæ omnia destruunt summi Imperii formam & veram notionem. Nam Vassallus totum id, quò est Vassallus & in quo vel circa quod summum imperium habere dicitur, ab altero habet subordinatè, per modum dependentiæ, beneficæ concessionis, sub obligatione recognoscendi superioris, sub metu privationis feudi, reddendæ rationis, imò ne quidem directum habet dominium, quò pacto igitur summum im-

ipe-

perium? Hinc nec Grotii simpliciter admittenda sententia *de J. B. P. L. l. c. 3. n. 23.* licet distinguat inter rem & habendi modum; modus enim sub quo feudum tenet Vasallus, tantus est, ut ne possit stare cum summo Imperio.

§. 24. Et licet non omnia isthæc circa Statuum territoria obtineant, illorum tamen pluriuna, cum quibus summum imperium consistere nequit: nam illa ipsa dependentem habent, cum recognitione superioris, non absolute, sub metu privationis &c. Eat nunc ficulneus *Severini* Procurator & defendat ejus argumentum: sc. Salvis his Statuum juribus præstatur juramentum fidelitatis, E. ipsis potest summum competere imperium; seu, E. juramentum fœderis & fidelitatis parum differunt in quæstione sc. summi imperii. Unde prudenti facile patebit, an rectè se habeat, quam opposui Severino, instantia: Atqui homagium subditorum salvis intelligitur juribus eorum & privilegiis. E. Id enim volo, quod ratio inferendi se malè habeat. Jura enim Statuum quamvis majora sint juribus subditorum, (de hoc enim non est controversia) tamen non sunt talia, quæ coincident cum jure summi Imperii vel fœderati, de quo est disceptatio. Sed ineptus censor de uno in alium controversiæ statum desultoriè vagatur, dum cruda Severini argumenta elucidat.

§. 25. Circa §. 6. jejunam dicit explicationem formulæ in fœdere inæquali consuetæ, sc. *alicujus majestatem comiter colere*; putat autem dicax, *Socios, qui comiter populum Romanum co-*

*Es a*

*lere*



lere tenebantur, ad plura præstanda obligatos fuisse, quàm Status Germania Cæsari, nisi quantum hi ultro consenserint, id quod facile potuissem perspicere, si Romanos autores evolvissem. Verùm, quod citra jactantiam sit, arrogans censor sciat, me plures forsàn rei Romanæ scriptores à capite ad calcem perlegisse, quàm ille hinc inde evolverit; insuper sciat, frigide & absurdè dici, inæqualiter fœderatos, qui alterius majestatem comiter colere teneantur, ad plura obligatos, quàm Cæsari Status: Hi enim quòd nec inæqualiter fœderati nec absoluti sint, ad plura omninò tenentur, dum Cæsarem non solum comiter colere, sed & necessariò recognoscere ut superiorem & judicem debent, nihil contra ipsum moliri sub pœna privationis territorii; cùm contrà ista commis observantia quandam prælationem alteri tribuat, & ut quis alterius majestatem conservare teneatur, ut ejus imperium in tuto sit ei que sua dignitas constet. uti *Grot. J. B. & P. L. l. c. 3. n. 21. exponit.*

§. 26. Circa §. 7. me dicit frustraneum esse contra *Dissertat. de Republ. irregular. §. 24.* ubi hæc leguntur: *Frustra esse, qua contra Severinum circa fœdus disputantur. Ipsius enim mens non est, Rempubl. Germanicam fœdere expressè contineri; sed id duntaxat vult, Vinculum civile eoque degenerasse, ut Six Virium plus habeat, quàm fœdus aliquod systematicum sociorum inæqualium.* Ita temperat mentem Severini ita sentientis; hinc opposui. §. 7. d. *Disquisition. Verb.*  
ubi

ubi facta primum scil. Vinculi civilis taxatio, Vinculo Vasallorum non subditorum ordines strictè retenti Imperio. Postmodum & hic paulatim se laxavit nexus, in quibusdam tamen saltem effectibus &c. servitiis feudalibus, non autem planè desistit aut ad fœdus usque degeneravit, quippe restat ejus intrinseca ratio, qua reverà contrahitur & distinguitur Vinculo fœderis. Vasallus enim qualiscunque demum, propter investituram aliaque inde sententia necessario dispar fœderato. Hæc verò frustrà opponi putat, cum pro astringenda irregularitate sufficiant. Verùm primò de irregularitate ex his principiis hætenus non controversitur, sed de fœdere, an Status hoc teneantur Cæsari.

§. 27. Secundò, si prædicta penitus intelligat, & quidnam sit vasallagium, plus satis deprehendet, vinculum statuum non tantum forma sed & effectu differre à fœderatorum quamvis inæqualium nexu. Qui enim vinculo vasallagii ab altero sua recognoscit ei que tanquam superiori obnoxius est, imò coram ipso tanquam iudice necessario stare tenetur, is omninò tali astringitur vinculo, quod reipsa longe discrepat à sociali. Tertiò non simpliciter absurdum fuerit & contra statu jura, ipsos, sicut singuli spectentur, in respectu ad Cæsarem & universum Imperium; subditorum vices in nonnullis sustinere, v. c. in decretis Comitibus, Judicio Aulico, juramento vasallagii &c. Id enim in materiâ civili haut insolitum, diversâ conditione censi, &. *supr.*

§. 28. Examinat postea hujus argumenti verba in §. 8. c. 5. d. *Disquisit.* sc. in *foedere qua tali non est accurate majestas, sed est in singulis non tamen ut talibus. Sed in Germaniâ quâ tali scil. universim sumpta est majestas, quæ non datur in singulis ut talibus Verum universis.* Horum ambiguum partim & varium dicit esse sensum; Sed hic genuinus est, sc. inter foederatos quâ tales non est majestas, qua alter alterius imperio subsit: In Germania verò, quatenus universim consideratur, est majestas, quæ supponit aliquam in singulis subjectionem, non tamen simpliciter perfectam & *supr.* Subjectio enim gradus admittit & species, & tam in partibus objectivis quàm subjecti variare potest, uti est civilis materia, in qua non ut in Mathesi philosophamur. Idque nec Status diffinitur, tam ipsâ re quam curialibus, respectu ad Imperium habito, non territorium.

§. 29. Progreditur hinc ad *Cap. VI. Disquis.* ubi in antecessum monet, sibi rempubl. irregularem & morbidam unum & idem non esse. Sed hoc perinde fuerit; nam in his terminis nec Status controversiæ consistit, sed longè gravioribus, de quibus hactenus: nec absolum fuerit, moraliter nominare morbum, quod irregulare aliis dicitur, quibus aliàs hoc nomen vitiosum & morbidum audit. Nec Pufendorfius existimet, contra se ipsum tantum rem geri, *conf. Tractat. ejusd. de Republ. irregular. §. 3. Verb.* Porro morborum, quibus civitates infestantur, alios videmus oriri ex malitiâ hominum, alios ex præca dispositione ipsius civitatis.

§. 30.

§. 30. Deinde miratur, quid in mentem mihi venerit, quod ejus sententiam ex illa putaverim deductam regula: *omnes inter gentes aut unus aut plures aut omnes imperant*; quasi hæc regula, si in principia resolvatur, non coincidat cum Pufend. fundamento, quod in unitate voluntatis publ. constituit, ita quidem ut in regulari monarchia omnes actiones publicæ à voluntate unius sc. regis, in Aristocratia & Democratia regulari ab uno concilio proficiantur, in quo majoris partis consensus etiam pauciores dissentientes obliget. Hæc ferè redolent pileum scholasticum, sub quem omnes respubl. & rerumpubl. formas & actiones censor redigere satagit, adeò ut quibus iste pileus aptari nequeat, irregulares aut fœderatæ aut monstrosæ dicantur. Sed hætenus inventor horum principiorum talem non meretur autoritatem, ut isthæc velut præcepta artis omnibus probentur, sintque irregulares statim, quæ illis haut respondeant respubl. Sufficit enim quod unitas voluntatis & actionis publ. talis sit, qualem scopus & genius reipubl. desiderat, id quod pro regula esse debet, ut *pluribus supra*.

§. 31. Ad §. 3. monstrosum putat hoc ratiocinium: *Aut igitur illa regula (de qua §. præced. XXX.) est imperfecta, aut continet etiam respubl. licet non plane simplices, quas vocant irregulares*. Sed monstrosis forte id inspexit oculis. Supra enim prius probatum, illas regulas à supposito particulari conceptas, non sufficere, igitur pro regulis circa universas, quæ futuræ erant respubl. Nec fecerit con-

tra quod offert fundamentum in unitate voluntatis publicæ positum; cum & in rebuspubl. non simplicibus illa unitas sit, licet non eodem modo & iisdem subjectis, quibus in forma simplici inesse solet. & §. XXX. *prac.* Quod posterius attinet, adhuc dixerim, corpus morale ex duobus simplicibus regulæ membris compositum irregulare penitus non esse; nec exemplum à corpore physico sexuque diverso sumtum huc fecerit; utpote hæc naturâ ipsâ differunt, nec unus in alium formari potest sexus; cum tamen simplex reipubl. forma in aliam mutari vel cum aliâ conjungi possit, subiecto eodem manente.

§. 32. Inter monarchiam porro irregularem & irregularem rempubl. nihil interesse opinatur, adeoque ubi monarchia irregularis detur, irregulari quoque dari rempublicam. Sed quàm ineptum sit hæc confundere, patet inde, quod monarchia & respubl. differant ut genus & species, quam differentiam non tollit contingens irregularitas; quod extrinsecè vel intrinsecus naturam rei specificam afficit, non statim quoque genericam impetit vel ex ratione rei specificâ veniens discrimen tollit. Adeoque prout monarchia & respubl. invicem differunt, sic & irregularis monarchia & irregularis respublica; alias unum idemque essent, possentque reciprocè dici, iisdemque constarent regulis, quod rude fuerit dicere præsertim Philosopho.

§. 33. Quis enim ita colligeret: Irregularis respubl. est. E. irregularis monarchia est. Vel viceversa

versâ: Irregularis monarchia est. E. irregularis res-  
publ. nisi addas sub concepta specie & c. monar-  
chiâ, sed ita statim irregularitas, quæ prædicatur de  
genere, restringitur ad certam speciem, quæ gene-  
re continetur. Recte igitur loquendo, irregula-  
ris respublica est, ubi respubl. in essentialibus &  
forma generica non ad præcepta regulasque rei-  
publ. in genere recte se habet, tam in toto quam  
partibus ejus & c. ordine imperandi & parendi, in  
senatu, magistratibus & judiciis; nec ad genium  
populi & scopum satis disposita attemperata. Mo-  
narchia vero irregularis est, ubi in formâ specifica  
& partibus accidentalibus respubl. monarchica se  
non satis recte habet: ad præcepta & regulas mo-  
narchicas & c. Si unus non habeat jus statuendi de  
republ. sed ejus potestati circumpositum sit opti-  
mum concilium, sine quô summa rei publ. nego-  
tia tractari non possint; licet unus iste in proporti-  
one tantum possit, quantum reliqui in decretis &  
consiliis publicis, sic nascitur monarchia irregula-  
ris, superinductâ: simul formâ aristocraticâ, quæ  
tamen illud ipsum reipublicæ suppositum in essen-  
tialibus non mutant; hinc minus accurate mo-  
narchia irregularis & irregularis respubl. pro uno  
sumuntur; & qui secus senserit, pro philosopho  
bubulcus fuerit.

§. 34. Quæ ad §. 4. & 5. habet de Republ.  
Spartana & Atheniensi, in ea circa §. 7. seq. in-  
quiretur. Cætera concedit, scil. formas rerum publ.  
magis ad genium & conditionem populi attem-  
perandas, quam ad regulas formarum simplicium.

Idem repetit circa §. 7. *Serb. notum fuerit, quod forma reipubl. ad conditionem populi sit adaptanda &c.* Unde hoc colligitur primo, quod primariò & potius in rebuspubl. formandis, attentenda sit materiæ capacitas populiq; ratio & genius, quarû regula, ut non tam ad hanc, quam ad istam velut mensuram disponatur forma reipubl. *conf. supr. n. XI.* Hinc secundò illud sequitur, si artis regula in opere ad artem formando non tam attenditur, quam conditio objecti & materiæ, ex cujus capacitate semper æstimatur & deducitur perfectio formæ, certè regula ista aut non erit regula, aut plane imperfecta.

§. 35. Circa §. 6. reprehendit id, quod dixi, regulares respubl. magnas communiter pati convulsiones easque plures, quam respublicæ formæ non simplicis. Sed scire debuerat, respublicas simplicis formæ occulto velut ductu & impetu de una in aliam tendere volviq;ue formam, dum nullum expositâ formâ retinaculum, more humani ingenii, quod novitatis ut plurimum appetens. Ubi vero respubl. duplici forma gaudet & ætemperatur, ibi tam pronus & præceps non est ad revolutiones lapsus, una enim forma alteri mutationem parturiendi velut obex est & obstaculum, nec occultus iste impetus tantus, ubi reipubl. jam inest, ad quod alias simplicis formæ moles tendere solet sc. ad aliam formam; quod pridem rerum civilium peritis observatum.

§. 36. Quod autem in hoc Romanæ reipubl. exemplum inepte à me allegatum putat, historiæ illius

lius reipubl. nimirum discrepat. Percurrenti enim insigniores illius Reipubl. periodos facile apparebit, utrum in statu regio, hinc consulari, & interjecto spatio, Monarchico, res Romana melius se habuerit uniusque obnoxia convulsionibus, an potius in eo statu, ubi consulare & optimatum imperium multis hactenus seditionibus agitatum admissa ad partes reipubl. plebe minuebatur, mutata sic forma reipubl. simplici, id quod ex Floro, si Livium exhaurire nimium fuerat, didicisse poterat, juncto Tacito & Vellejo. An fortè respicit ultima illa tempora, antequam in unius servitium per omnes hactenus formas circumacta ruebat respubl. Tum enim degeneraverat forma reipubl. paulò in Olicharchiam, cum militares istæ & potentes familiæ certabant de summo unius imperio.

§. 37. Quæ ad §. 7. affert de exemplis Reipubl. Atheniens. & Spartana, haut certè nodum solvunt. Nam respubl. Atheniensis erat regularis ad simplicem formam Aristocraticam attemperata. Ista verò regularitas, si tenaciter durasset, reipubl. convulsionem & ruinam maturare poterat, perpetuis in Optimates odiis flagrante populo à reipubl. partibus excluso. Hoc verò malum animadvertens Solon populum ad jura reipubl. admisit, sublato sic vitio per formam duplicem, quod ex simplici venerat. Idque Solonis remedium laudat *Plutarchus & Aristotel. 2. Polit. X.* Quod igitur facit ad tollendos reipublicæ motus & mala, ad tranquillitatem & conservationem civitatis, id in civili ma-



teria potius pro regula erit, quam quod ingeniosè concipitur, rarò aut nunquam verò in usum deducitur, aut ut plurimum pericula habet & mala. & *supr. n. 34. seq.* Idem fere dicendum de republ. Spartanâ, ubi hoc jejunum est, quod censor irregularitatem deprehendit in binis regibus qui tamen, si ratione juris & potentia æstimentur, nihil nisi duces bellici erant. *add. Grot. J. B. & P. L. 1. cap. 3. n. X.*

§. 38. Quæ porro addit, quod licet regulæ istæ à posteriori natæ sint, nihilominus ex illis dijudicari respubl. utrum irregulares haberi debeant, an regulares; de quo jam supra dictum, quam ridiculum sit, ædes dicere irregulares, quæ ad Vitruvii regulas non sint exstructæ; par ratio est de rebus publ. & *supr. n. XII.* Cætera quæ circa d. §. habet, ad cavillationes & canum latratus remitto.

§. 39. Ad §. 8. examinat ea, quod dixi, nullam reipubl. formam in esse proprie vitiosam, nisi plane sit contra finem civitatis. Contra quod parum faciunt, quæ jafferuntur n. 1. Primum enim non est contra sententiam istam; nam & formam illam, sub quâ finis civitatis obtineri nequit, vitiosam dico: cætera quæ objicit, præsupponuntur, quod scil. forma genio reipubl. debeat esse accommodata. Vitia status vero magis ex subjecto urgestatis oriuntur. Nec tantum in his est controversiæ pondus.

§. 40. Circa §. 10. in vocem *temperamentum* inquit, quem extendi non solum ad modum & limi-

limitationes, sed & ad ipsam rerum publ. formam, nihil impedit. Subjungit tamen censor, primò, res publ. in formam temperatas esse irregulares; quam cramben h. l. non recoquam, supra enim plus satis dictum. & n. X. seq. secundò negat in Germaniam temperamentum monarchiæ ex aristocratia; rationem addit, *quòd nec status Germania Senatorum aristocraticorum, nec Comitia Senatus aristocratici instar habeant, quod dudum ex Monzambano didicisse potuerim.* Sed ex tam rudi rerum Germaniæ magistro nunquam absurda discere mihi sedit, licet sordidas istas merces denuò obtrudat ineptus ejus palpator, qui eadem absurditate laborat, dum status classi optimatum subducit, cum tamen alteram partem Majestatis subjectivam eamque aristocraticam faciant, in quam Imperium divisionem agnoscit, non tamen in partibus objectivis & quidem maximis, quas Cæsar sine statibus, & vice versa, expedire nequit, nisi conjunctim in Comitibus, quæ omninò senatus aristocratici instar habent saltem ratione statuum, in quibus species aristocratiae ponitur, & inter quos juxta majora concluditur, paucissimis causis nec sine controversiam exceptis; hæc qui negaverit, ineptus aut imperitus sit.

§. Cætera, quibus finem imponit, cavillationes partim sunt & jactantia, dum velut medicis sapientiæ turgescerentiam compescere nititur. Ast medicus iste mihi videtur agyrta & circumforaneus, qui dum evellendis dentibus dolores retundere

<i>citur dulcedine loci fortunarum.</i>	<i>8.</i>	<i>qui-</i>
<i>bus casibus amoris parentum modum po-</i>		
<i>nat.</i>		<i>68</i>
<i>Amphiſtyonicum fœdus.</i>	<i>-128.</i>	<i>156</i>
<i>Angelus Politianus notatur.</i>		<i>660</i>
<i>Antimacchiavellus notatur.</i>		<i>482</i>
<i>Antiquitas an imperio eminentiam præ a-</i>		
<i>lio afferat.</i>	<i>193.</i>	<i>194</i>
<i>Apostata cur accerrimi religionis deserta</i>		
<i>hostes.</i>		<i>158</i>
<i>Athenarum status.</i>	<i>130.</i>	<i>collapse res. ibid.</i>
<i>Avocatoria mandata.</i>		<i>78</i>
<i>Austrega.</i>		<i>661</i>
<i>Autoritates sine rationibus nil probant.</i>		
		<i>641</i>

## B.

**B**ellum injustum gerenti patriæ an & quatenus auxilium ferendum, *36. pro sociis & fœderatis. 152. vicini magnitudo & potentia num justifica belli sit causa. 151. 533. seq. religionis dissidium acerrimi belli causa. 156. Bellicæ virtuti cur tantum deferatur. 221. hac fermè quisque cujuslibet regni primus fundator*

# INDEX.

dator claruit. 222. ei non adversatur religio Christiana.	480. <u>seq.</u>
Bodinus notatur,	324
Bonus quilibet praesumitur.	170
Britanniae M. imperium.	249

## C.

<b>C</b> Calviniana dogmata Reip. damnosa.	494
Catonis factum excutitur.	34. <u>seq.</u>
Civis an dedendus sit <u>hosti.</u> 47. an à civitate pro arbitrio possit <u>expelli.</u> 84. civium inter se naturalis quaedam cognatio. 230	
- 231. 233. civium ordo ab Imperante definitur. 204. juxta munerum rationem instituitur. 205. quae ejus ratio circa diversarum <u>Rerump.</u> cives.	206
Civitatis origo & erga eam obligatio. 16. utilitas 16. 465. 466. <u>natura.</u> 370. vincula 288. aberrationes. 327. Systemata, vid. Rerump. Systemata. An & quatenus civitate discedere liceat. 73. 74. 76. <u>quatenus</u> alterius imperio tradi possit. 90. confederatarum civitatum ratio. 263.	<u>seq.</u>
Clementis IX. Bulla, quâ tres Religiosos Ordines	

- dines extirpat. 540. excutitur. 554. ve-  
 ra ejus causa indicatur. 552
- Colonia remedium amputandae multitudi-  
 nis civium. 127. 411. earum conjunctio  
 seu cognatio cum matrice. 86. 234. Ro-  
 manarum coloniarum ratio. 234. in pro-  
 vincias redactae quam formam Reip. ha-  
 beant. 245
- Concilium Ordinum vel populi an Equate-  
 nus Regis potestatem limitet. 113. 114. 116  
117. 394. 402. 429.
- Connubia promiscua plebis cum nobilibus.  
420. 421
- Conscientia an patriae commodis posthaben-  
 da. 24
- Consiliis vis obligandi directe non inest. 515
- Consules Romani post Reges exactos. 399.  
 non nisi magistratus fuere, nequaquam  
 eandem quam Reges habuere potestatem.  
401. 402. utrum à Patribus, an populo  
 originarie potestatem acceperint. 404.  
 eorum potestas imminuta à Valerio Po-  
 plicolâ. 406. alias etiam ob causas conci-  
 dit. 410
- Cornelius Nepos explicatur. 72. notatur. 92  
 Cri-

# INDEX.

*Criminum ministri*, vide Ministerium.

D.

**D**efensio sui p̄r religionem Christianam non prohibetur. 484. in statu naturali permittitur. 518

Delatores. 32

Delicti derivatio. 184

Democratia antiquissima Reip. forma. 231.

232. in eâ pactum singulorum cum popu-

lo. 291. contra Hobbesium. 297. huic. Reip.

formæ favent Angli & Calviniani. 495

Demosthenes melior Orator quàm Dux. 129

Deportatio differt ab exilio. 88. interdum confunditur. ibid. seq.

Dictator Romanus non regiâ, sed saltem delegatâ magistratûs autoritate gaudebat. 403

Dionysius Halicarnassensis notatur. 393. 395

Disciplina militaris civili exquisitior. 39

Dissimulatio omnis cum religione Christianâ nequaquam pugnat. 486. quandoque in Republicâ necessaria. 485. seq.

Dona corrumpunt animos. 152

Druidæ apud Gallos. 236. 237. 485

Ducum interitus sæpenumero Reipublicæ exi-

exitiosus.

286

Duelli detrectatio an infamis.

182

E.

**E**cclésiasticus ordo cur seculari praemi-  
nere velit. 202

Episcoporum origo. § 48. autoritas, ibid. hu-  
jus abusus. ibid.

Executio mera actus injusti an crimen ha-  
beat. 29.30

Exilium solvit obligationem erga civita-  
tem. 86. sponte à Romanis susceptum ad  
declinandam poenam. 87. differt à depor-  
tatione. 88

Existimatio quid sit. 168. quotuplex. § 4.  
168. simplex. 169. integra. ibid. seq. de-  
minuta. 171. consumpta. 172. intensiva. 185  
ejus fundamenta. 186. ejus externa signa  
valorem habent ab impositione ejus civi-  
tatis, in qua quis vivit. 55. 207.

Exteriorum saepe majora in Rempub. merita  
quàm indigenarum. 22

F.

**F**anatici Reip. exitiosi. 496  
Ferri inventio. 507

Fendorum natura & origo. 349. 350  
Fides

*Fides hosti de armis adversus ipsum pro patriâ non capiendis data, servanda.* [40.](#)  
*nisi imperium eminens diversum quid jusserit. ibid. an servanda sit perfido.* [171](#)  
*an latroni.* [176](#)

*Fœdera civitatum seu Rerump.* [263.](#) *simpli-*  
*cia & systematica. ibid. fœdus Trajecti-*  
*num.* [265.](#) *non expresso sed tacito coit*  
*Respublica Germanica.* [354.](#) *seq.*

*Fœnebre in urbe malum seditionis causa.* [415](#)

*Fraternus amor pietati erga patriam post-*  
*habendus.* [71](#)

*Furum apud Ægyptios societas.* [172.](#) [173.](#)

G.

**G** *Emmarum luxus quo remedio cohiberi*  
*possit.* [464.](#) *seq.*

*Gentiles, des gentilhommes, Geschlech-*  
*ter.* [218](#)

*Germanici imperii forma ex sententia*  
*Monzambano irregularis & monstro si-*  
*milis* [339.](#) [374.](#) *vid. Monzambano.*  
*paulatim ex degeneratione à statu mo-*  
*narchico & invalescentibus morbis pro-*  
*venit* [345.](#) [356.](#) [359.](#) *specimen habet sy-*  
*stematis sociorum inequaliter fœderato-*  
*rum.*



rum. 346.348.352.354.361.371.375.  
381.604. seq.

Germanici Imperii hodierni censores. 661.  
seq.

Gesenii calumniis respondetur. 648

Gothofredus, Jacobus notatur. 200

Gracie potentia cur collapsa sit. 128.129. à  
Philippo opprimitur. 153. seq. qualis-  
cunq; systematis faciem habet. 237

Grotius explicatur. 302.310.ab eo dissen-  
sum. 79.98.122.123.176.266.311.376.  
403.424. commendatur 663.

H.

**H** Abitationis locus aequè ac patria ca-  
rus 8. patriæ etiam appellatione va-  
nit. 19

Historicus an patriæ laudibus velificari  
ejusdemq; vitiis colorem conciliare pos-  
sit. 66

Hobbesius notatur. 25.26.119.160.170.174.  
176.230.245.304.305.306.307.317.  
520. excutitur 292.

Hominum ortus.230.504. quatenus à re-  
cta ratione intelligi possit. 503. homi-  
num inter se cognatio. 230

Ho-

Hono  
Hotto

I Gna  
Ima

Imper

per

mi

lim

non

lim

uni

seq.

Impera

Infama

infa

Eti.

irro

an a

Ingeni

Injuria

rias

ini

infa

Innoce

# INDEX.

*Honor in honorante, non honorato.* 185

*Hottomanni sententia rejicitur.* 251

## L

**I***gnis inventio.* 507

*Imagines nobilium.* 219

*Imperii divisio per partes subjectivas.* 100.  
per potentiales 103. *absolutum.* 107. *limitatum* sive *restrictum.* 109. *quot modis*  
*limitetur.* 112. *ex successione vel electione*  
*non judicari potest, utrum absolutum an*  
*limitatum sit imperium.* 142. *imperio*  
*unius an totus mundus subjici possit.* 228.  
seq.

*Imperator à milite lectus.* 319

*Infamia ex* *mero statu.* 177. *ex delicto* 179.  
*infamia notati.* *ibid.* & seq. *infamia fa-*  
*cti.* 180. *infamia citra delictum nemini*  
*irrogari potest.* 183. *infamiam alterius*  
*an aliquis in se suscipere possit.* 184.

*Ingenia locorum situs format.* 3. seq.

*Injurie à patriâ illatæ tolerandæ.* 95. *inju-*  
*rias qui non ipse vindicat, sed magistra-*  
*tui vindicandas relinquit, nequaquam*  
*infamia notandus.* 182

*Innocens an hosti exitium civitati, nisi ex-*  
*hibe-*

- hibeatur, minanti, sit dedendus. 48. seqq.  
*Insignia & cognomina nobilium.* 216. 221.  
*Interregna propriis in monarchiis.* 285. per  
 analogiam quoq; in aristocratiis & de-  
 mocratiis. ibid. quid sint in genere. 301.  
 in regnis similia sunt quodammodo de-  
 mocratiis. 302. contingunt vel populo  
 volente. 308. vel invito. ibid. & seq. co-  
 rum commoda pauca. 320. incommoda  
 plura, ibid. cautela ne contingant. 323.  
 Remedia, si contigerint. 324.  
*Invasori quatenus imperii cives ad obse-  
 quium teneantur.* 315. 316.  
*Iustinus notatur.* 160. 165.  
*Iustum & injustum societatibus & imperiis  
 civilibus antiquius est.* 26.  
*Ius regum, quod Samuel dicitur, quo sensu  
 capiendum.* 60.

## L.

- L** *Aconum status.* 131. seqq.  
*Latrocinium gentium inexcusabile secus  
 ac Hobbes putat.* 174. communes homi-  
 num hostes ab omnibus persequendi. 175.  
 231.

Le-

*Legatus libera Reip. cur loco cedere teneatur regio.* 198. *Residentes, legati perpetui.* 532.

*Leges sumtuariae.* 454. *seq. earum ratio.* ibid. *in continuo vigore retinenda, nec per intervalla instar laquei incautioribus irretiendis adhibenda.* 453. *leges civiles multa non vetant quae tamen iniusta sunt.* 474. *ratio.* 475. *fundamentales summum imperium nequaquam minuant.* 114. *earum ratio.* ibid. 115. *legibus quatenus parendum.* 29.

*Libertas naturalis.* 512

*Locum unum altero esse honoratiorem, ex nuda hominum impositione dependet.* 201

*Ludi & spectacula cur apud Gentiles pars cultus divini* 237. *seq.*

*Luxus hominum ejus origo.* 455. *genera.* 440. *seq. damna.* 443. *speciosa nomina.* 450. *an cohiberi debeat.* 451. *an per leges sisti possit.* 452. *remedia per leges sumtuarias.* 454. *ut & alia* 455. *singulis luxus generibus propria.* 459

M.

**M** *Acchiavellus notatur.* 434. 435. 436.  
Gg ex-

- explicatur & adversus Gentileium de-*  
*fenditur.* 482  
*Macedones ante Philippum Regem obscura*  
*& contempta gens.* 95  
*Macedonia situs & status. 96. vicini, ingeni-*  
*um, vires ibid. seq. forma regiminis. 97.*  
*non mixta. 122. 125. hostes.* 126  
*Matrimonium extraneo Principi barbaro*  
*& ob mores infami, sub denunciatione*  
*belli petenti, num denegare liceat.* 50  
*Metus non satis idonea damni inferendi*  
*causa.* 152. 529  
*Militiam pro patriâ decretautes ignomi-*  
*niosi. 41. puniti.* 42  
*Ministerium crimen esse Plinii dictum ex-*  
*plicatur. 30. seq. in ministros culpam de-*  
*rivare principibus non insolitum.* 184  
*Monachorum otium & ab oneribus publicis*  
*immunitas Reip. exitiosa. 491. 492. 552*  
*568. Ordines à Papâ pro lubitu suppressi,*  
*iniquum.* 556. seqq.  
*Monzambano sententia de Imperio Germa-*  
*nico, irregulare istud esse corpus, tantum*  
*non monstro simile. 339. defenditur ad-*  
*versus Martinum Schockium. 340. Phi-*  
*lip-*

lippum Andream Oldenburgerum.  
 343. Bruggemannum. 360. Tubingen-  
 sem quendam Studiosum. 362. Anony-  
 mum sub Severino à Monzambano no-  
 mine literarum, quas secretiores vocat,  
ad Lulum Fratrem, Autorem. 366. Chri-  
 stianum à Teuteburg. 381. 573. seqq.  
 Eleutheropolitanum, 381. Carolum  
 Scharfchmidiū. 598. seqq. notatur. 664

N.

**N** Avem an incendere liceat & cum eâ se  
 comburere, ne in hostiū perveniat  
 manus. 45

Neutralitas infamiâ notata Solonis lege.

326

Nobilitas sanguinis quantum estimanda.  
 212. prerogativa ejus non à naturâ, sed  
 impositione hominum. 214. 226. super ea  
 Romanorum instituta. 215. paci, non bel-  
 lo apud Romanos originem debet. 220. se-  
 cus ac apud Germanos. ibid. Romana di-  
 versa ab hodiernâ Germanâ. 220. 221.  
 nobiles cur mercaturam non exerceant.  
 223. nobilis quisq; censendus propriâ non  
 avorum virtute. 223. 224.

G g 2

Obe-

## O.

**O**bedientia Principi injusta iubenti an  
 & quatenus præstanda. 25.32.

Obligatio erga patriam. 3. ejus origo. ibid.  
 vera causa. 11. quousq; se extendat. 24.  
 circa conscientiam. 29. circa corpus &  
 vitam. 40. libertatem. 51. famam & exi-  
 stimationem. 53. 54. facultates & opes.  
 56. ejus gradus in ordine ad ceteras obli-  
 gationes. 65. erga Deum. ibid. erga com-  
 munem hominum societatem. 66. erga  
 parentes. 68. liberos. 70. uxorem, fratres.  
 71. 72. quomodo tollatur. 73. per sponta-  
 neam demigrationem. 73. 74. per exili-  
 um. 75. utrum obligatio patriæ præpon-  
 deret obligationi adversus præsentem, in  
 quâ quis degit, civitatem. 91. obligatio ex  
 singulari pacto. 57. seq.

Obligatio erga parentes utrum magis ex a-  
 ctu generationis, an educationis oriatur.

13

Obses. 51. obsidis an vita oppignoretur, an u-  
 sus libertatis. 52. posterius affirmatur. 53.  
 quando liberetur. 138. seq.

Olynthus à Philippo capta.

158

Ordi-



*Ordines monasticos an à Papa supprimi æ-*  
*quum sit.* 556. seqq. *Et eorum bona sua*  
*Camera inferri.* 561. seqq.

P.

**P** *Actis constituuntur civitates.* 26. 288.  
*inter regem Et cives pactum interce-*  
*dit in Monarchia.* 292. seqq. *inter cives*  
*singulos Et Populum in Democratiâ.* 291.  
*contra Hobbesium.* 292. seqq. *pactum à*  
*latrone vi extortum, nullum.* 176

*Panætolium.* 273

*Parentum amor quibus casibus ab obligati-*  
*one erga patriam vincatur.* 68

*Patriæ nomen.* 11. 12. 89. *cur à patre potiùs*  
*quàm matre deductum.* 11. 12. *hoc nomi-*  
*ne locus fortunarum Et domicilii cense-*  
*tur.* 17. 18. 19. *patria loci, patria juris a-*  
*pud Ciceronem.* 20. *adversus utramq; æ-*  
*qualis fermè obligatio.* 21. *patriæ amor*  
*vid. Amor, patriæ causâ an injustè agere*  
*liceat.* 24. *an injusta bella sequenda.* 36.  
*vid. Obligatio. Patriæ an beneficium Et*  
*plus quam debetur, dari possit.* 61. *quale*  
*beneficium dari possit.* 63. 64. *patriæ ma-*  
*culas quatenus Historico obtegere liceat.*



# INDEX.

66. patriam amare & colere, si maxime  
ab eâ discessum fuerit, par est. 78. 91.  
quomodo discedere liceat. 77. quis patri-  
am mutasse censendus sit. 90. ejus injurias  
tolerare par est. 94
- Patris Patriæ nomen excussum. 53
- Patris an matris in prolem majus jus sit. 12
- Patriciorum apud Romanos origo. 216. con-  
vocationis mos. 217. dicti gentiles. ibid.
- Pausanias Philippi R. interfector. 225
- Paupertatem civium præcavere imperan-  
tes decet. 413. ad eam enim redacti tur-  
bant Rempublicam. 412. 447
- Pecuniam in exoticas nihili merces profun-  
dere ineptum & Reip. exitiosum. 448
- Pellium pretiosarum luxus quâ ratione co-  
hiberi possit. 463. seq.
- Peregrini reverenter habendi non secus ac  
indigenæ. 22. 23
- Periculo objicere in bello invisos, Ducum  
ars. 44. 45
- Phalanx, acies Macedonica. 147. seq.
- Philautia prava. 525. seq.
- Philippus Amyntæ filius Macedonum Rex.  
94. ejus character. 134. obses datus. 136.  
an

an recte aufugerit. 137 seq. ejus institutio, praeceptor. 136. seq. ad regnum mortuo fratre Perdicca pervenit. 137. seq. nolenti similis. 145. an legitimo modo. 132 an vero cum patris injuria. 145. Initia imperii. 146. ejus disciplina militaris. 147. bella domi forisq; gesta. 149. 150. bellum sacrum. 153. 154. Phocense, ibid. Olynthum capit, 158. obsidione Perinthis & Byzantii eluditur. 161. Athenienses invadit. 162. Thebas occupat. 163. Gracia potitur. ibid. Asia inhiat. 164. nuptias filiae magnificas parat 165. à Pausania confoditur. ibid. cadem ulciscitur Alexander filius. 166. & jactis à patre fundamentis summum Monarchiae fastigium superstruit. 167.

Pœna ad cognatos ejus, qui deliquit, non extendenda. 126. non irroganda delinquenti adversus legem, cujus usus obsoletus & vitium in publicos mores ivit. 453

Politica non adversatur Religioni Christianae. 467. utraq; eundem agnoscit autorem Deum, ibid. dogmata etiam communia habet. 469. seq.

*Pollices truncabant sibi militiam detrectantes.* 41

*Poltrones.* 43

*Polyhistores novelli.* 660. *eorum hesitatio.* 661. 662

*Pontificis Romani absolutum imperium.* 489

547. 550. *politicis rationibus adversatur.* 489. *impugnatur.* *ibid.* *reliqua etiam*

*Pontificiae religionis capita parum cum politicis rationibus congruunt.* 490. seq.

*Potestas circa sacra.* 210. 241. 487. 548

*Potentia vicini an ad bellum ei inferendum sufficiens causa sit.* 151. seq. 534. *quomodo ei caveri possit.* 534

*Præcedentiæ certamen inter privatos futile.*

191. *inter Principes non de nihilo.* *ibid.* *ejus fundamenta: antiquitas, opes, potentia.* 192. seq. *controverſiæ de præcedentiâ quomodo evitentur.* 198. seq.

*Pretium in rebus idem, quod existimatio in personis.* 168. *pretium & dignationem Princeps adimet rebus, quæ luxui inſerviunt.* 457. seqq.

*Primogenitura ejus.* 142. seq.

*Princeps absolutus.* 110. *reſtrictus.* *ibid.*

*Pro-*

*Prodigi ad paupertatem redacti turbant  
Rempublicam.* 411. 447

*Proditores ipsis, quibus serviere, exosi.* 158

*Protoplasti cognitionem artium non à natu-  
râ, sed divinâ institutione habuere.* 506

*Pufendorfius notatur & impugnatur.* 663.  
*seqq. ejus nomen detorquetur.* 664.

## R.

**R** *Eformatio religionis Pontificiæ superio-  
ri seculo instituta.* 548. *de eâ judicium.*

*Regnorum conjunctio seu unio.* 247. cause. 553

249. *commoda.* 251. *incommoda.* 253.  
*cantela.* 255. exempla. 257. *seq. dissolutio*  
260. *seq.*

*Relegatio, deportatio, exilium differunt, sed  
interdum promiscuè sumuntur.* 88

*Religio num ob insigne patriæ commodum  
mutari aut dissimulari possit.* 24. *religio-  
nis causa plausibilis ad bellum.* 155. *religi-  
onis dissidium* acerrimi belli causa. 156  
cur. 157. *religionis vinculu civitates con-  
nectit.* 235. *seq. Christiana religio firmis-  
simum vinculum.* 240. *non adversatur*  
*politica.* 467. *exactiora officia, quam ci-  
viles*

viles leges, ab homine exigit. 477. non minuit fortitudinem bellicam. 480. nec alia politica officia impugnat. 484. sensim in orbem irrepsit, non vi intrusa est. 546. Lutherana utilior civitati quam reliquæ Christianæ religionis sectæ. 487. qualis Pontificia. 488. Calviniana. 494. Fanatica. 496

Respublica vel simplex vel composita. 337.

Simplex vel regularis vel irregularis. 227. 337. Regularis tres sunt species, Monarchia, Aristocratia, Democratia. 328.

337. singulis sui morbi. 329. Irregulari-

um nec iniri numerus nec constitui certe possunt species. 337. ejus illustre exemplū

in Rep. Germ. 339. vid. Germanici Imp.

forma. differentia inter Remp. irregula-

rem & Reip. περὲς βασιλεως. 334. 337. un-

de irregularitas Reip. oriatur. 382, quomo-

do caveri possit. 384. quæ incommoda in-

de oriuntur. 386. quomodo tollantur. 387

Composita Systēma Rerump. refert. 337.

quæ sint systemata. 228. eorum vincula.

ibid. laxiora, quibus universum genus

humanum continetur. 228. seq. ab eadem

stirpe descendentes linguâ & moribus si-

miles



miles gentes. 231. ea item, quae unam originem agnoscunt. 233. sicut diversa colonia eandem matricem. 234. item quae sacris iisdem utuntur. 235. cum primis Christiana religione imbuta. 240. Re-  
rump. Christianarum an per Europam aliquod Systema formari possit. 241. ar-  
 etioris systematis duae species. 247. una plurium corporum sub eodem capite. ib.  
 vid. Regniorum unio. altera plurium civitatum foedere in unum corpus nexa-  
 rum, sive confederatarum. 263. differunt harum foedera ab aliis foederibus. ibid.  
 confederationis ratio & modus. 267. seqq. ad confederationem aptissima sunt  
 Aristocratia & Democratia. 274. cautele 279. quomodo talia systemata dissolvantur. 281. antiquissima Reip. forma, democ-  
 ratia. 232. Resp. mixta. 97. 334. an de-  
 tur. 97. seqq. quid Veteres hic statuerint. 335. seq. eius duae species. 100. 334. remp.  
 non variant quaevis accidentia. 98. 121. eius temperamentum a mixtura distin-  
 guendum. 107. unde temperamenta ista oriuntur. ib. Reipublica monstru. 97. 102.  
 Reip.

reip. regula quid sit.

666. seqq.

Resp. sacra à Pontifice constituta. 547. ut  
admittatur, civili contradistincta, neces-  
se non est.

241. 550. seqq.

Rex regi cedit loco & ordine non ex obliga-  
tione perfecta, sed imperfecta. 194. 197

Rex unicus an civis.

669

Romani imperii majestas. 389. initia tenuia

321. forma sub Regibus monarchica, a-  
liquâ licet popularitatis specie tempera-  
ta. ibid seq. nequaquam tamen per Sena-  
tus aut Populi qualemcunq; libertatem  
imminuta. 323. secus ac Dionysius Hali-  
carnassensis existimat. 323. iudices enim

à Rege constituti juxta leges præscriptas  
j9 dicentes, potestati regie nihil adimunt

395. post exactos Reges forma imperii a-  
ristocratica. 399. non amplius monar-  
chica, ceu Livius & Dionysius Halicar-

nassensis putarunt. 400. neq; democrati-  
ca, quod Grotio & Arniseo fuit visum.

424. sed irregularis, bicorpor, biceps 430.

de eâ quid sentiendum. 433. Polybii de ea  
sententia excutitur. 422. cur stare non

potuerit.

406. 411. 437

Sacer-

## S.

- S**acerdotes ad statum & salutem civitatis multum conferre possunt. 235. civitatis circa eos cura. 570
- Sacra gentilitia, privata. 218
- Sapientia in vasta barba. 665
- Scharfschmidii de Monstrosa Republ. tractatus excutitur. 598. seqq.
- Seditionum sub CoSS. causa. 412. his quâ ratione caveatur. 413. seqq.
- Seneca notatur. 14 93
- Senii prerogativa. 188
- Sepeliri in patriâ quorundam votum. 5
- Servorum apud Romanos & Judæos status. 177
- Sexûs unius præ altero dignitas. 188
- Simlerus notatur. 269
- Societatis civilis autor Deus. 467. duobus vinculis connectuntur, pacto & imperio. 29. earum causa, indigentia. 508 seqq.
- Solon populum Athen. ad jura Reip. admittit. 683
- Sparte status. 131. interitus. 132
- Speâcula & ludi apud Gentiles cur partem divini cultûs constituerint. 237
- Sta-



*Status cum Cesare quomodo federati. 670*  
*eidem obligati. 676*

*Status hominum naturalis quid sit. 498. ratio*  
*appellationis. 499. varie ejus significat-*  
*iones. ib. distinctio societatis civilis sta-*  
*tus naturalis & legalis impugnatur. 499*  
*500. natura intelligitur, ut nunc est cor-*  
*rupta. 501. integre enim consideratio ad*  
*doctrinam civilem parum facit. 502. sta-*  
*tus naturalis bifariam considerari potest,*  
*vel quatenus denotat primævam homi-*  
*num conditionem. 502. seq. qualem qui-*  
*dem ratio citra Scripturæ adminicu-*  
*lum cognoscit. 503. quæ miserrima, &*  
*in qua infans aliquis expositus, aut e-*  
*jecti è Paradiso Protoplasti concipi pos-*  
*sunt. 505. seq. vel quatenus opponitur*  
*statui civili. 510. sive per fictionem talis*  
*concipiatur. ibid. sive revera existat. 511*  
*Hic status confert libertatem naturalem.*  
*cujus etiam nomine venire solet. 512. a-*  
*ctionum libertatem cuiq; relinquit. 514.*  
*sui conservationem cuius commendat.*  
*515. suiq; defensionem. 518. & injuria-*  
*rum vindicationem permittit. 519. equa-*  
*litatem*

# INDEX.

- litatem omnium inducit. 520. seq. amicitiam  
 mutuam conciliat. 523. non odium infern. 524. Ubi  
 reprehenditur eorum sententia, qui statum na-  
 turalem bellum esse pronunciarunt. 527. pace  
 potius sed infida similis est. 530. ejus cognitio ad  
 quid conducatur. 531. tam extra ciuitatem. ibid.  
quam in ciuitate. 534. seq.  
 Subditis non competit circa leges iudicium. 27.  
 quatenus legibus obtemperare debeant. 29.  
 Subiectio gradus admittit & species. 678.  
 Successiones ab intestato. 141  
 Successio in imperio. 141. 142. linealis. 144. successio-  
 nem & 60 Principe designandi occulta Lusitano-  
 rum ratio. 287. successionis series expedita nec  
 controuersus obnoxia regno utilis. 313. controuer-  
 siarum de successione in regnis non patrimonialibus  
 quis iudex. 310  
 T.  
 T Arquinius superbus. 397.  
 Terra communi matri cur simus de & incti. 9  
 Testamentorum origo. 139. 140  
 Thebanorum status. 133. a Philippo expugnantur. 163  
 Timoleontis factum fratrem tyrannum occidentis  
 excutitur. 71. 72  
 Tituli & valent ut nummi. 56. 197  
 Transfugia in utilitatem patria simulata. 81  
 Tribuni plebis. 417. 418. 419  
 Tyranni nomen exosum. 333. tyrannicidia quomodo  
 legibus sancita. 71. 72  
Valer.

# INDEX.

## V.

- V**alerii Poplicola popularitas improbata. 406.  
defensa. 407. seq.
- Vasallagium 671
- Vasallus. 677. unde & quomodo habeat summum  
imperium. 674
- Velthemii ineptiis respondetur. 628. seqq.
- Veritas in paucis. 665
- Ver sacrum. 85
- Vestium luxus. 432. quâ ratione coerceri possit. 461.  
& constantia introduci. 462. hujus commoda.  
463
- Vicaria Reip. administratio. 303. seqq. circa eam  
cautela. 324. seq. Vicaria tades humanarum ho-  
stiarum. 46. seq.
- Vindicta priuata detrectatio non semper infamis.  
182
- Vitam an & quatenus pro patriâ periculo expone-  
re liceat. 37. seq. & presentissima morti. 44. citra  
pugnam an pro patriâ mortem subire tenea-  
mur. 46. proverbium. vitæ suæ nemo dominus,  
explicatur. 37. 38
- Vitia quandoq; in laude. 186
- Ulyssis erga patriam amoris causa. 6
- Unio Regnorum vide Regn.
- Usufructuarius Reges. 307
- Utilitatis ratio vincit amorem patriæ. 8

FINIS.

AΦ1 1455136



